


বিবিধপ্রবন্ধ।



বঙ্কিম চন্দ্র চট্টোপাধ্যায়

প্রণীত।

— 00 —


দ্বিতীয় সংস্করণ।

HARE PRESS;—CALCUTTA.

1896.

মূল্য ১।।৫ দেড়-টাকা।

PRINTED BY R. DUTT,



46, BECHU CHATTARJEE'S STREET,
PUBLISHED BY UMACHARAN BANERJEE,
5, PRATAP CHANDRA CHATTERJEE'S LANE.



বিজ্ঞাপন।

ইতিপূর্বে কতকগুলি প্রবন্ধ “বিবিধ সমালোচনা” নামে
নার কতকগুলি “প্রবন্ধ পুস্তক” নামে প্রকাশিত করা গিয়া-
ছিল। এক্ষণে উভয় গ্রন্থই অপ্রাপ্য।

ছই খানি পৃথক সংগ্রহ নিম্নয়োজন বিবেচনায়, এক্ষণে ঐ
প্রবন্ধগুলি এক পুস্তকে সঙ্কলন করিয়া “বিবিধ প্রবন্ধ” নাম
দওয়া গেল। যে সকল প্রবন্ধ পূর্বে “বিবিধ সমালোচনা”
এবং “প্রবন্ধ পুস্তকে” প্রকাশিত করা গিয়াছিল, তাহার
মধ্যে কোন কোন প্রবন্ধ এবার পরিত্যাগ করা গিয়াছে।

এই সকল প্রবন্ধ অনেক বৎসর পূর্বে বঙ্গদর্শনে প্রকাশিত
ইয়াছিল। কোন কোন বিষয়ে এক্ষণে আমার মত পরিবর্তিত
ইয়াছে; কোন কোর্স স্থানে ভ্রম সংশোধন করা গিয়াছে।
কিন্তু অনেক স্থানে বিশেষ কারণ বশতঃ প্রবন্ধ যেমন ছিল,
সেইরূপে রাখিতে হইয়াছে।



সূচীপত্র

বিষয় ।	পৃষ্ঠা ।
উত্তরচবিত	১
গীতি-কাব্য	৬২
প্রকৃত এবং অতি প্রকৃত	৭৬
বিদ্যাপতি ও জয়দেব	৮১
আর্য্যজাতির সূক্ষ্ম শিল্প	৮২
দ্রোপদী	৯৫
অনুকরণ	১১৪
শকুন্তলা, মিরন্দা এবং দেস্দিমোনা	১২৬
বাহালির বাহুবল	১৪১
ভালবাসার অত্যাচার	১৫৩
জ্ঞান	১৬৬
সাংখ্যদর্শন	১৭৮
ভারতকলঙ্ক	২১৫
ভারতবর্ষের স্বাধীনতা এবং পরাধীনতা	২৩৫
প্রাচীন ভারতবর্ষের রাজনীতি	২৪৮
প্রাচীনা এবং নবীনা	২৬০
তিন বঙ্গ	৩১২



বিবিধ প্রশংসা

উত্তরচরিত ।

উত্তরচরিতের উপাখ্যানভাগ রামায়ণ হইতে গৃহীত ।
ইচ্ছাতে রাম কর্তৃক সীতার প্রত্যাখ্যান ও তৎসঙ্গে পুনর্মিলন
বর্ণিত হইয়াছে । পূর্বে বৃত্তান্ত রামায়ণ হইতে গৃহীত বটে, কিন্তু
অনেক বিষয় ভবভূতির স্বকপোলকল্পিত । রামায়ণে যেকপ
বাল্মীকির আশ্রমে সীতার দাস, এবং যেকপ বটনায় পুনর্মিলন,
এবং মিলনান্তেই সীতার ভূতলপ্রবেশ ইত্যাদি বর্ণিত হই-
য়াছে, উত্তরচরিতে সে সকল সেরূপ বর্ণিত হয় নাই । উত্তর-
চরিতে সীতার রনাতলবাস, লবের যুদ্ধ এবং তদন্তে সীতার
সহিত রানের পুনর্মিলন ইত্যাদি বর্ণিত হইয়াছে । এইরূপ
ভিন্ন পদার্থ গমন করিয়া, ভবভূতি রসজ্ঞতার এবং আত্মশক্তি-
জ্ঞানের পরিচয় দিয়াছেন । কেন না যাহা একবার বাল্মীকি-
কর্তৃক বর্ণিত হইয়াছে, পৃথিবীর কোন্ কবি তাহা পুনর্কর্ষণ
করিয়া প্রশংসাভাজন হইতে পারেন ? যেমন ভবভূতি এই
উত্তরচরিতের উপাখ্যান অণু কবির গ্রন্থ হইতে গ্রহণ করিয়া-

ছেন, তেমনি সেক্ষপীয়র তাঁহার রচিত প্রায় সকল নাটকেরই উপাখ্যানভাগ অন্য গ্রন্থকারের গ্রন্থ হইতে সংগ্রহ করিয়াছেন, কিন্তু তিনি ভবভূতির ছায় পূর্ব কবিগণ হইতে ভিন্ন পথে গমন করেন নাই। ইহারও বিশেষ কারণ আছে। সেক্ষপীয়র অদ্বিতীয় কবি। তিনি স্বীয় শক্তির পরিমাণ বিলক্ষণ বুঝিতেন—কোন মহাত্মা না বুঝেন? তিনি জানিতেন যে, যে সকল গ্রন্থকারদিগের গ্রন্থ হইতে তিনি আপন নাটকের উপাখ্যানভাগ গ্রহণ করিয়াছিলেন, তাঁহারা কেহই তাঁহার সঙ্গে কবিত্ব-শক্তিতে সমকক্ষ নহেন। তিনি যে আকাশে আপন কবিত্বের প্রোজ্জন কিরণমালা বিস্তার করিবে, সেখানে পূর্বগামী নক্ষত্রগণের কিরণ লোপ পাইবে। এজন্য ইচ্ছাপূর্বকই পূর্ব-লেখকদিগের অনুবর্তী হইয়াছিলেন। তথাপি ইহাও বক্তব্য, যে কেবল একখানি নাটকের উপাখ্যানভাগ তিনি হোমর হইতে গ্রহণ করিয়াছিলেন, এবং সেই ত্রৈলস্ ও ক্রেসিদা নাটক প্রণয়ন কালে, ভবভূতি বেক্রম রামায়ণ হইতে ভিন্ন পথে গমন করিয়াছেন, তিনিও তেমনি ইলিয়দ্ হইতে ভিন্ন পথে গিয়াছেন।

ভবভূতিও সেক্ষপীয়রের ন্যায় আপন ক্ষমতার পরিমাণ জানিতেন। তিনি আপনাকে, নীতানির্দানবৃত্তান্ত অবলম্বন পূর্বক একখানি অত্যাংকুষ্ঠ নাটক প্রণয়নে সমর্থ বলিয়া, বিলক্ষণ জানিতেন। তিনি ইহাও বুঝিতেন যে, কবিগুরু বান্দীকির সহিত কদাচ তিনি তুলনাকাঙ্ক্ষী হইতে পারেন না। অতএব তিনি কবিগুরু বান্দীকিকে প্রণাম করিয়া তাঁহা হইতে দূরে

* “ইদং গুরুভ্যঃ পূর্বেভ্যাঃ নমোবাকঃ প্রণাম্যহে।”

অবস্থিতি করিয়াছেন । ইহাও স্বরণ রাখা উচিত যে, অশ্বদেশীয় নাটকে মৃত্যুর প্রয়োগ নিষিদ্ধ * বলিয়া, ভবভূতি স্বীয় নাটকে সীতার পৃথিবীপ্রবেশ বা তদ্বৎ শোকাবহ ব্যাপার বিন্যস্ত করিতে পারেন নাই ।

উত্তরচরিতের “চিত্রদর্শন” নামে প্রথমাক্ষ বঙ্গীয় পাঠক সমীপে বিলক্ষণ পরিচিত ; কেন না শ্রীযুক্ত ঈশ্বরচন্দ্র বিন্যাসাগর মহাশয় এই অঙ্ক অবলম্বন করিয়া, স্বপ্রণীত সীতার বনবাসের প্রথম অধ্যায় লিখিয়াছেন । এই “চিত্রদর্শন” কবিসুলভকৌশলময় । ইহাতে চিত্রদর্শনোপলক্ষে রামসীতার পূর্ববৃত্তান্ত বর্ণিত আছে । ইহার উদ্দেশ্য এমত নহে যে কবি সংক্ষেপে পূর্বঘটনার সকল বর্ণন করেন । রামসীতার অলৌকিক, অসীম, প্রগাঢ় প্রণয় বর্ণন করাই ইহার উদ্দেশ্য । এই প্রণয়ের স্বরূপ অনুভব করিতে না পারিলে, সীতা নির্বাসন যে কি ভয়ানক ব্যাপার তাহা হৃদয়ঙ্গম হয় না । সীতার নির্বাসন সামান্য স্ত্রীবিয়োগ নহে । স্ত্রীবিসর্জন মাত্রই ক্লেশকর—মর্শ্ভেদী । যে কেহ আপন স্ত্রীকে বিসর্জন করে, তাহারই হৃদয়োদ্বেদ হয় । যে শাল্যকালের ক্রীড়ার সঙ্গিনী, কৈশোরে জীবনসুখের প্রথম শিক্ষাদাত্রী, যৌবনে যে সংসারসৌন্দর্যের প্রতিমা, বার্লিক্যে যে জীবনাবলম্বন—ভাল বাসুক বা না বাসুক, কে সে স্ত্রীকে ত্যাগ করিতে পারে ? গৃহে যে দাসী, শয়নে যে অপ্সরা, বিপদে কে বন্ধু, রোগে যে বৈদ্য, কার্যে যে মন্ত্রী, ক্রীড়ায় যে সখী,

* “দুরাহ্বানং বধো যুদ্ধং রাজ্যদেশাদিবিপ্লবঃ ।

বিবাহো ভোজনং শাপোৎসর্গো মৃত্যুরতন্তথা ॥”

সাহিত্যদর্পণে ।

বিদ্যায় যে শিষ্য, ধর্ম্মে যে গুরু ;—ভাল বাসুক বা না বাসুক,
কে সে স্ত্রীকে সহজে বিসর্জন করিতে পারে ? আশ্রমে যে
আরাম, প্রবাসে যে চিন্তা,—স্বাস্থ্যে যে সুখ, রোগে যে ঔষধ,—
অর্জনে যে লক্ষ্মী, ব্যয়ে যে যশঃ,—বিপদে যে বুদ্ধি, সম্পদে যে
শোভা—ভাল বাসুক বা না বাসুক, কে সে স্ত্রীকে সহজে বিস-
র্জন করিতে পারে ? আর বে ভাল বাসে, পত্নীবিসর্জন তাহান
পক্ষে কি ভয়ানক দুর্ঘটনা ! আবার যে রামের ন্যায় ভাল
বাসে ! যে পত্নীর স্পর্শমাত্রে অগ্নিরচিত্ত,—জানে না যে,

—————“সুখমিতি বা দুঃখমিতি বা,
প্রবোধো নিদ্রা বা কিম্ব বিবিধবিপঃ কিম্ব মদঃ ।
তব স্পর্শে স্পর্শে মন তি পবিমূঢ়েন্নিরগণো,
বিকারশ্চৈতন্যাং ভ্রময়তি সনুস্মীলয়তি চ ॥”*

যাহার পক্ষে—

“জ্ঞানস্যা জীবকুশুমস্যা বিকাশনানি,
সন্তুর্পণানি সকলেন্নিরমোহনানি ।
এতানি তানি বচনানি সবোকৃতাঙ্গাঃ,
কর্ণানুতানি মনসশ্চ বসারনানি ॥” †

* “একণে আমি সুখভোগ করিতেছি, কি দুঃখভোগ করিতেছি ;
নিদ্রিত আছি, কি জাগরিত আছি, কিম্বা কোন বিসপ্রবাহ দেহে রক্ত
প্রবাহের সহিত মিশ্রিত হইয়া আমার একরূপ অবস্থা ঘটাইয়া দিয়াছে,
অথবা মদ (মাদক প্ৰবা সেবন) জনিত মত্ততাবশতঃ একরূপ হইতেছে, ইহাব
কিছুই স্থির করিতে পারিতেছি না ।”—নৃসিংহ বাবুর অনুবাদ, ৩০ পৃষ্ঠা ।

† এই প্রবন্ধ নৃসিংহ বাবুর অনুবাদের সমালোচনা উপলক্ষে লিপিত হইয়া-
ছিল। অতএব সে অনুবাদ সর্ব্বাঙ্গে সম্পূর্ণ না হইলেও গ্রাহ্যই উদ্ধৃত হইবে ।

‡ “কমলনয়নে । তোমার এই বাক্যগুলি, শোকাদিসমস্ত জীবনরূপ
কুম্বের বিকাশক, ইন্দ্রিয়গণের মোহন ও সন্তুর্পণ স্বরূপ, কর্ণের অনৃত

যাহার বাহু সীতার চিরকালের উপাধান,—

“আবিবাহসময়াদ্গৃহে বনে,

শৈশবে তদনু যৌবনে পুনঃ ।

স্বাপহেতুরনুপাশ্রিতোহুয়া,

রামবাহুরূপধানমেষ তে ॥” *

যার পত্নী —

—“গেহে লক্ষ্মীরিয়মমৃতবর্জিনয়নয়ো-

রসাবস্থাঃ স্পর্শো বপুষি বহুলচন্দনরসঃ ।

অযং কণ্ঠে বাহুঃ শিশিরমসৃণো মৌক্তিকসরঃ ।” †

তাহার কি কষ্ট, কি সর্বনাশ, কি জীবনসর্বস্বধ্বংসাদিক যন্ত্রণা! তৃতীয়ক্ষে সেই যন্ত্রণার উপযুক্ত চিত্র প্রণয়নের উদ্যোগেই প্রথমক্ষে কবি এই প্রণয় চিত্রিত করিয়াছেন। এই প্রণয় সর্বপ্রকল্পকর মধ্যাহ্নহৃদ্যা—সেই বিরহযন্ত্রণা ইহার ভাবী করাল কাদম্বিনী,—যদি সে মেঘেব কালিমা অনুভব করিবে, তবে আগে এই সূর্যোর প্রখরতা দেখ। যদি সেই অনন্ত বিস্তৃত অন্ধকারমর দুঃখসাগরের ভীষণ স্বরূপ অনুভব করিবে, তবে এই সুন্দর উপকূল,—প্রাসাদশ্রেণীসমুজ্জল, ফলপুষ্প-

স্বরূপ, এবং মনের গ্লানিপরিহারক (রসায়ন) ঔষধ স্বরূপ ।”—নৃসিংহ বাবুর অনুবাদ, ৩১ পৃষ্ঠা ।

* “রামবাহু বিবাহের সময় হইতে, কি গৃহে, কি বনে, সর্বত্রই শৈশবাবস্থায় এবং পরে যৌবনাবস্থাতেও তোমার উপাধানের (মাথাধ দিবার বালিসের) কাঁচা করিয়াছে ।” ঐ-৩১ পৃষ্ঠা ।

† “ইনিই আমার গৃহের লক্ষ্মী স্বরূপ, ইনিই আমার নয়নের অমৃত-শলাকাস্বরূপ, ইহারই এই স্পর্শ গাত্রলগ্ন চন্দনস্বরূপ সুখপ্রদ, এবং ইহারই এই বাহু আমার কণ্ঠস্থ শীতল এবং কোমল মুক্তাহার স্বরূপ ।” ঐ-৩১ পৃষ্ঠা ।

বিবিধপ্রবন্ধ।

পরিশোভিত বৃক্ষবাটিকাपरिमণ্ডিত, এই সৰ্ব্বমুখময় উপকূল
দেখ। এই উপকূলেখরী সীতাকে রামচন্দ্র নিদ্রিতাবস্থায় ঐ
অতলস্পর্শী অঙ্ককারসাগরে ডুবাইলেন।

আমরা সেই মনোমোহিনী কথার ক্রমশঃ সমালোচনা
করিব।

অঙ্কমুখে, লক্ষণ রামনীতাকে একখানি চিত্র দেখাইতেছেন।
জনকাদির বিচ্ছেদে দুর্মনায়মানা গর্ভিণী সীতার বিনোদনার্থ
এই চিত্র প্রস্তুত হইয়াছিল। তাহাতে সীতার অগ্নিশুক্লি পরমাশ্রু
রামসীতার পূর্ববৃত্তান্ত চিত্রিত হইয়াছিল। এই “চিত্রদর্শন”
কেবল প্রেমপরিপূর্ণ—স্নেহ বেন আর ধরে না। কথায় কথায়
এই প্রেম। যখন অগ্নিশুক্লির কথার প্রসঙ্গমাত্রে রাম, সীতাব-
মাননা ও সীতার পীড়ন জন্য আশ্রুতিরস্কার করিতেছিলেন,
তখন সীতার কেবল—

“হোত অঙ্কউত্ত হোত—এহি প্রেক্ষক দাব দে চরিতঃ”—

এই কথাতেই কত প্রেম! যখন মিথিলা-বৃত্তান্তে সীতা
রামের চিত্র দেখিলেন, তখন কত প্রেম উছলিয়া উঠিল!
সীতা দেখিলেন,

“অশ্মহে দলম্বগবণীলুপ্পলসামলসিগিক্লমসিগসোভমাগমং-
সলেগ দেহসোহগ্গেগেণ বিক্লঅখিনিদতাদদীসমাগসোঅসুন্দরসিবী
অনাদরক্খুড়িদসক্করসরাসগো সিহ ওমুক্কমুহন ওলো অঙ্কউত্তো
আলিহিদো।”*

* আহা! আর্ষাপুত্রের কি সুন্দর চিত্র। প্রকুলপ্রায় নবনীলেপলবৎ
শ্যামলব্রিক কোমল শোভাবিশিষ্ট কি দেহসৌন্দর্য। কেমন অবলীলক্রমে
হরধনু স্তম্বিতহেছেন, মুখমণ্ডল কেমন শিখণ্ডে শোভিত! পিত্রা বিস্মিত
হইয়া এই সুন্দর শোভা দেখিতেছেন! আহা কি সুন্দর।

যখন রাম সীতার বধুবেশ মনে করিয়া বলিলেন—

“প্রতনুবিরট্টৈঃ প্রান্তোমীলনমনোহরকুন্তলৈ-
দর্শন মুকুলৈমুঙ্কালোকং শিশুর্দধতী মুখম্ ।
ললিতললিতৈজেগাংপ্রাটেররকৃত্রিমবিন্দ্ৰৈম-
রকৃতমধুরৈরঘানাং মে কুতূহলমঙ্গকৈঃ ।”*

যখন গোদাবরীতীর স্মরণ করিয়া কহিলেন—

“কিমপি কিমপি মন্দং মন্দমাসত্তিযোগা-
দবিরলিতকপোলং জল্লতোরক্রমেণ ।

• অশিথিলপরিরন্তব্যাপৃঠৈতকৈকদোক্ষো-

রবিদিতগতযামা রাত্রিরেব ব্যরংসীং ॥”†

যখন যমুনাভটস্থ শ্যামবট স্মরণ করিয়া কহিলেন—

“অলসলুলিতমুঙ্কানাধবসজ্জাতখেদা-

দশিথিলপরিরন্তৈশ্চুর্দত্তসংবাহনানি ।

পরিমৃদিতমৃগালীছর্ষলান্যঙ্গকানি

ত্বমুবসি মম কৃত্বা যত্র নিদ্রামবাপ্তা ॥”‡

* “মাতৃগণ তৎকালে বাল্য জানকীর অঙ্গনোচ্ছ্বাদি দেখিয়া কি স্তম্ভিত হইয়াছিলেন, এবং উনিও অতি সূক্ষ্ম সূক্ষ্ম ও অনতিনিবিড় দস্ত-
গুলি, তাহাব উভয় পার্শ্বস্থ মনোহর কুন্তলমনোহর মুখশ্রী, আর সূন্দর চন্দ্র-
কিরণ-সদৃশ নির্গল এবং কৃত্রিমবিলাসরহিত সূদ্র সূদ্র হস্ত পদাদি অঙ্গ
দ্বারা তাঁহাদের আনন্দেব একশেষ করিয়াছিলেন ।”—নৃসিংহ বায়ুর অনুবাদ ।

এই কবিতাটি বালিকা বধুব বর্ণনার চূড়ান্ত ।

† “একত্র শয়ন করিয়া পরস্পরের কপোলদেশ পরস্পরের কপোলেব
সহিত সংলগ্ন করিয়া এবং উভয়ে এক এক হস্ত দ্বারা গাঢ় আলিঙ্গন করিয়া
অনুরূপত মৃদুস্বরে ও যদৃচ্ছাক্রমে বহুবিধ গল্প করিতে করিতে অজ্ঞাতনাবে
বাত্রি অতিবাহিত করিতাম ।”

‡ “যেখানে তুমি পথজনিত পরিশ্রমে ক্লান্ত হইয়া ঈষৎ কম্পবান্
তথাপি মনোহর এবং গাঢ় আলিঙ্গন কালে অত্যন্ত মর্দনদায়ক আর.

যখন নিদ্রাভঙ্গান্তে রামকে দেখিতে না পাইয়া কৃত্রিম কোণে সীতা বলিলেন,—

“ভোহু সে কুবিশ্বং জই তং পেক্খমাণা, অস্তোগো পহ-
বিশ্বং ।”*

তখন কত প্রেম উছলিয়া উঠিতেছে ! কিন্তু এই অতি
বিচিত্র কবিত্বকোশলময় চিত্রদর্শনে আরও কতই সুন্দর কথা
আছে ! লক্ষ্মণের সঙ্গে সীতার কোতুক, “বচ্ছ’ ইঅং বি
অবরা কা ?”—মিথিলা হইতে বিবাহ করিয়া আসিবার কথার
দশরথকে রামের স্মরণ—“স্মরামি ! হন্ত স্মরামি !” মন্তরার
কথার রামের কথা অন্তবিত্ত করণ ইত্যাদি । সূৰ্পণখার চিত্র
দেখিয়া সীতার ভয় আনাদের অতি মিষ্ট লাগে,—

“সীতা । হা অজ্জউত্ত এত্তিঅং দে দংসণং ।

রামঃ । অয়ি বিপ্রয়োগত্তন্তে ! চিত্রমেতং ।

সীতা । যহা তহা হোহু ত্ভজ্জণো অসুহং উপ্পাদেই ।”†

স্বীচরিত্র সম্বন্ধে এটি অতি সুমিষ্ট বাঙ্গ ; অথচ কেবল বাঙ্গ
নহে ।

কালিদাসের বর্ণনাশক্তি অতি প্রসিদ্ধ, কিন্তু ভবভূতির
বর্ণনাশক্তিও উত্তম । কালিদাসের বর্ণনা তাঁহার অতুল উপমা-
প্রয়োগের দ্বারা অত্যন্ত মনোহারিণী হয় । ভবভূতির উপমা-

দলিত দুগালিনীর স্মায় স্নান ও দুৰ্জল হস্তাদি অঙ্গ আমার বক্ষঃস্থলে
রাপিড়া নিদ্রা গমন করিয়াছিলে ।”—নৃসিংহ বাবুর অনুবাদ ।

* হোক—আমি রাগ করিব—যদি তাঁহাকে দেখিয়া না ভুলিয়া যাই।

† সীতা । হা আৰ্য্যপুত্র, তোমার সঙ্গে এই দেখা ।

রাম । বিরহের এত স্মরণ—এ যে চিত্র ।

সীতা । যাহাই হউক না—দুৰ্জন হলেই মন্দ ঘটায় ।

প্রয়োগ অতি বিরল; কিন্তু বর্ণনীয় বস্তু তাঁহার লেখনীমুখে স্বাভাবিক শোভার অধিক শোভা ধারণ করিয়া বসে। কালিদাস, একটি একটি করিয়া বাছিয়া বাছিয়া সুন্দর সামগ্রাগুলি একত্র করেন; সুন্দর সামগ্রাগুলির সঙ্গে তদায় মধুর ক্রিয়া সকল সূচিত করেন, তাহার উপর আবার উপনাচ্ছলে আরও কতকগুলি সুন্দর সামগ্রা আনিয়া চাপাইয়া দেন। এজ্ঞ। তাঁহার রূত বর্ণনা, যেমন স্বভাবের অবিকল অনুরূপ, তেমনি মাধুর্য্যাপরিপূর্ণ হয়; বীভৎসাদি রসে কালিদাস সেই জ্ঞ সফল হয়েন না। ভবভূতি বাছিয়া বাছিয়া মধুর সামগ্রী সকল একত্র করেন না; যাহা বর্ণনীয় বস্তুর প্রধানাংশ বলিয়া বোধ করেন, তাহাই অঙ্কিত করেন। দুই চারিটা স্থল কথায় একটা চিত্র সমাপ্ত করেন—কালিদাসের স্থায় কেবল বসিয়া বসিয়া তুলি বসেন না। কিন্তু সেই দুই চারিটা কথায় এমন একটু রস ঢালিয়া দেন, যে তাহাতে চিত্র অত্যন্ত সমুদ্ভল, কখন মধুর, কখন ভয়ঙ্কর, কখন বীভৎস হইয়া পড়ে। মধুনে, কালিদাস অদ্বিতীয়—উৎকটে ভবভূতি।

উপরে উত্তরচরিতের প্রথমাক্ষ হইতে উদাহরণস্বরূপ কতকগুলি বর্ণনা উদ্ধৃত হইয়াছে,—যথা রামচন্দ্র ও জানকীর পরস্পরের বর্ণিত বরকণ্ঠাক্রম। ভবভূতির বর্ণনাশক্তির বিশেষ পরিচয় দ্বিতীয় ও তৃতীয়াক্ষে জনস্থান এবং পঞ্চবটী, এবং ষষ্ঠাক্ষে কুমারদিগের যুদ্ধ। প্রথমাক্ষ হইতে আমরা আর একটি সংক্ষিপ্ত উদাহরণ উদ্ধৃত করি।

“বচ্ছ এসো কুসমিদকঅম্বতরুত গুবিদবরহিণো কিধামহেও
গিরী, জখ, অনুভাবসোহগ্গমেত্তপরিসেসধুসরসিরী মুহত্তং .

মুচ্ছস্তো তু এ পরশ্লেণ অবলম্বিতো তৎকালে অজ্ঞউত্তো
আলিহিতো ।” *

দুইটি মাত্র পদে কবি কত কথাই ব্যক্ত করিলেন ! কি
করুণরসচরমস্বরূপ চিত্র সৃজিত করিলেন !

চিত্রদর্শনান্তে সীতা নিদ্রা গেলেন । ইত্যবসরে দুম্বুথ
আদিয়া সীতাপদান-সংবাদ রামকে শুনাইল । রাম সীতাকে
বিসর্জন করিবার অভিপ্রায় করিলেন ।

রামচন্দ্রের চরিত্র নির্দোষ, অকলঙ্ক, দেবোপম বলিয়া
ভারতে খ্যাত, কিন্তু বস্তুতঃ বাল্মীকি কখন রামচন্দ্রকে নির্দোষ
বা সর্ব গুণবিভূষিত বলিয়া প্রতিপন্ন করিতে ইচ্ছা করেন নাই ।
রানায়ণগীত শ্রীরামচন্দ্রের চরিত্রেব অনেক দোষ, কিন্তু সে
সকল দোষ গুণাতিবেকমাত্র । এই জন্ত তাঁহার দোষগুলিও
মনোহর । কিন্তু গুণাতিরেকে যে সকল দোষ, তাহা মনো-
হর হইলেও দোষ বটে । পরশুরাম অতিরিক্ত পিতৃভক্ত
বলিয়া মাতৃহত্যা, তাহা বলিয়া কি মাতৃবধ দোষ নহে ? পাণ্ডু-
বেরা মাতৃকথার অতিরিক্ত বশ বলিয়া এক পত্নীর পঞ্চ স্বামী,
তাই বলিয়া কি অনেকের একপত্নীত্ব দোষ নয় ?

রামচন্দ্রও অনেক নিন্দনীয় কৰ্ম্ম করিয়াছেন ।—যথা বালি-
বধ ইত্যাদি । কিন্তু তিনি যে সকল অপরাধে অপরাধী, তন্মধ্যে
এই সীতাবিসর্জনাপরাধ সর্বাপেক্ষা গুরুতর । শ্রীরামের চরিত্র

* বৎস, এই যে পরিত, যদুপরি কুম্বিত কদম্বে ময়ুরেরা পুচ্ছ ধরি-
তেছে—উহার নাম কি ? দেখিতেছি, তরুতলে আর্ধ্যপুত্র লিখিত—তাঁহার
পূর্বনোন্দণ্যের পরিণেবমাত্র ধূসরশ্রীতে তাঁহাকে চেনা যাইতেছে । তিনি
মুহমুহঃ মুচ্ছা বাইতেছেন—তানিতে কানিতে তুমি তাঁহাকে ধরিয়া আছ ।

কোন দোষে কলুষিত করিয়া কবি তাঁহাকে এই অপরাধে অপরাধী করিয়াছেন, তাহার আলোচনা করা যাউক ।

যাঁহার সাম্রাজ্যশাসনে ব্রতী হয়েন, প্রজারঞ্জন তাঁহাদিগের একটি মহৎকর্ম । গ্রীক ও রোমক ইতিবৃত্তে ইহার অনেক উদাহরণ প্রকাশিত আছে । কিন্তু ইহার সীমাও আছে । সেই সীমা অতিক্রম করিলে, ইহা দোষরূপে পরিণত হয় । যে রাজা প্রজার হিতার্থ আপনার অহিত করেন, সে রাজার প্রজারঞ্জন-প্রবৃত্তি গুণ । ক্রটস্ কৃত আয়পুলের বধদণ্ডাজ্ঞা এই গুণের উদাহরণ । যে রাজা প্রজার প্রিয় হইবার জন্ত হিতাহিত সকল কার্য্যেই প্রবৃত্ত, সেই রাজার প্রজারঞ্জনপ্রবৃত্তি দোষ । নাপোলেয়নদিগের যুদ্ধে প্রবৃত্তি ইহার উদাহরণ । রোবস্পীর ও দাতোকৃত বহু প্রজাবধ ইহার নিকৃষ্টতর উদাহরণ ।

ভবভূতির রামচন্দ্র এই প্রজারঞ্জনপ্রবৃত্তির বশীভূত হইয়া সীতাকে বিসর্জন করেন । অনেকে স্বার্থসিদ্ধির জন্ত প্রজারঞ্জনক ছিলেন । কিন্তু রামচন্দ্রের চরিত্রে স্বার্থপরতানাত্র ছিল না । সুতরাং তিনি স্বার্থ জন্ত প্রজারঞ্জনে ব্রতী ছিলেন না । প্রজারঞ্জন রাজাদিগের কর্তব্য বলিয়াই, এবং ইক্ষ্বাকুবংশীয়দিগের কুলধর্ম বলিয়াই তাহাতে তাঁহার এতদূর দাঢ্য । তিনি অষ্টাবক্রের সমক্ষে পূর্বেই বলিয়াছিলেন,

“স্নেহঃ দয়াঃ তথা সৌখ্যং যদি বা জানকীমপি,
আরাধনায় লোকশ্চ মুঞ্চতো নাস্তি মে ব্যথা ।”*

* “প্রজারঞ্জনের অনুরোধে স্নেহ, দয়া, আয়ুস্বথ, কিম্বা জানকীকে বিসর্জন করিতে হইলেও আমি কোনরূপ ক্লেশ বোধ করিব না ।”—নৃসিংহ রাবুর অনুবাদ ।

এবং হুম্বুখের মুখে সীতার অপবাদ শুনিয়াও বলিলেন,

“নতাং কেনাপি কার্যেণ লোকস্তারাধনং ব্রতম্ ।

যং পূজিতং হি তাতেন নাক্ষ প্রাণাংশ্চ মুঞ্চতা ॥”*

ভবভূতির রামচন্দ্র এই বিষয় ভ্রমে ভ্রান্ত হইয়া কুলধর্ম এবং রাজধর্ম পালনার্থ, ভার্যাকে পবিত্রা জানিয়াও ত্যাগ করিলেন । রামায়ণের রামচন্দ্র সেরূপ নহেন । তিনিও জানিতেন যে সীতা পবিত্রা,—

“অন্তরায়া চ মে বেত্তি সীতাং শুক্রাং বশস্বিনীম্ ।”

তিনি কেবল রাজকুলমূলভ অকীর্তিগণনা বশতঃ পবিত্রা পতি-মাত্রসীবিভা পত্নীকে ত্যাগ করিলেন । “আনি রাজা শ্রীরামচন্দ্র ইক্ষ্বাকুবংশীয়, লোকে আমার মহিষীর অপবাদ করে ! আমি এ অকীর্তি সহিব না—যে দ্বীর লোকাপবাদ, আমি তাহাকে ত্যাগ করিব ।” এইরূপ রামায়ণের রামচন্দ্রের গর্কিত চিত্তভাব ।

বাস্তবিক সর্কভ্রষ্ট, রামায়ণের রামচন্দ্র হইতে ভবভূতির রামচন্দ্র অধিকতর কোমলপ্রকৃতি । ইহার এক কারণ এই, উভয় চরিত্র, গ্রন্থ রচনার সময়োপযোগী । রামায়ণ প্রাচীন গ্রন্থ । কেহ কেহ বলেন, যে উভয়কাণ্ড বাঙ্গালীকিপ্রণীত নহে । তাহা হউক বা না হউক, ইহা যে প্রাচীন রচনা তদ্বিমরে সংশয় নাই । তখন আর্য্যজাতি বীরজাতি ছিলেন । আর্য্য রাজগণ বীরস্বভাবসম্পন্ন ছিলেন । রামায়ণের রাম মহাবীর, তাঁহার চরিত্র গাম্ভীর্য্য এবং দৈর্ঘ্য্য পরিপূর্ণ । ভবভূতি যৎকালে কবি—

* “লোকের আরাধনা করা নান্য ব্যক্তিদিগের পক্ষে সকলোভাবেই বিধেয়, এবং এটিই তাঁহাদের পক্ষে মহৎব্রতস্বরূপ । কারণ পিতা আমাকে এবং প্রাণ পরিত্যাগ করিয়াও তাহা প্রতিপালন করিয়াছিলেন ।”—নৃসিংহ”
স্বাবর অনুবাদ ।

তখন ভারতবর্ষায়েরা আর সে চরিত্রের নহেন । ভোগাকাঙ্ক্ষা অলসাদির দ্বারা, তাঁহাদের চরিত্র কোমলপ্রকৃতি হইয়াছিল । ভবভূতির রামচন্দ্রও সেইরূপ । তাঁহার চরিত্রে বীরলক্ষণ কিছুই নাই । গাম্ভীর্য্য এবং ধৈর্য্যের বিশেষ অভাব । তাঁহার অদীকতা দেখিয়া কখন কখন কাপুরুষ বলিয়া ঘৃণা হয় । সীতার অপবাদ শুনিয়া ভবভূতিব রামচন্দ্র যে প্রকার বালিকাসুলভ বিলাপ করিলেন, তাহাই ইহার উদাহরণস্থল । তিনি শুনিয়াই মূর্ছিত হইলেন । তাহার পর ডুমুখের কাছে অনেক কাঁদাকাটা করিলেন । অনেক সুদীর্ঘ বক্তৃতা করিলেন । তন্মধ্যে অনেক সকলকণ কথা আছে বটে, কিন্তু এত বাগাড়ম্ববে করুণরসেব একটু বিন্ন হয় । এত বালিকার মত কাঁদিলে রামচন্দ্রের প্রতি কাপুরুষ বলিয়া ঘৃণা হয় । উদাহরণ ;—

“হা দেবি দেবযজনসম্ভবে ! হা স্বজন্মানুগ্রহপবিত্রিত-
বসুন্ধবে ! হা নিমিজনকবংশনন্दिनि ! হা পাবকবশিষ্ঠারুন্ধতী-
প্রশস্তনীলশালিনি ! হা রামময়জীবিতে ! হা মহারণাবাসপ্রিয়-
সখি ! হা প্রিয়স্তোকবাদিনি ! কথমেবং বিধায়ান্তবায়মীদৃশঃ
পরিণামঃ !”*

এইরূপ স্থলে রামায়ণের রামচন্দ্র কি করিয়াছেন ? কত কাঁদিয়াছেন ? কিছুই না । মহাবীরপ্রকৃতি শ্রীরাম সভামধ্যে সীতাপবাদের কথা শুনিলেন । শুনিয়া সভাসদগণকে কেবল

* হা দেবি যজ্ঞভূমিসম্ভবে ! হা জন্মগ্রহণপাবিত্রিতবসুন্ধবে ! হা নিমি
এবং জনকবংশের আনন্দদাত্রি ! হা অগ্নি, বশিষ্ঠদেব এবং অকঙ্কতী সদৃশ
প্রশংসনীয়চরিতে । হা রামময়জীবিতে ! হা মহাবনবাসপ্রিয়সহচরি ।
হা মধুরভাষিনি ! হা মিতবাদিনি । এইরূপ হইয়াও শেষে তোমার অদৃষ্টে
এই ঘটিল ।—নৃসিংহ বাবুর অনুবাদ ।

এই কথা জিজ্ঞাসা করিলেন, “কেনন, সকলে কি এইরূপ বলে?” সকলে তাহাই বলিল। তখন ধীর প্রকৃতি রাজা আর কাহাকেও কিছু না বলিয়া সভা হইতে উঠিয়া গেলেন। মূর্ছাও গেলেন না,—মাতাও কুটিলেন না—ভূমেও গড়াগড়ি দিলেন না। পরে নিভৃত হইয়া, কাতরতাশূন্য ভাবায় ভ্রাতৃবর্গকে ডাকাইলেন। ভ্রাতৃগণ আসিলে, পক্ষতবৎ অবিচলিত থাকিয়া, তাহাদিগকে আপন অভিপ্রায় জানাইলেন। বলিলেন, “আমি সীতাকে পবিত্রা জানি—সেই জনাই গ্রহণ করিয়াছিলাম—কিন্তু এক্ষণে এই লোকাপবাদ! অতএব আমি সীতাকে ত্যাগ করিব।” শ্রিত প্রতিজ্ঞ হইয়া, লক্ষ্মণের প্রতি বাজাজ্ঞা প্রচার করিলেন, “তুমি সীতাকে বনে দিয়া আইস।” যেমন অন্যান্য নিত্য নৈমিত্তিক রাজকার্যে বাজানুচরকে রাজা নিযুক্ত করেন, সেইরূপ লক্ষ্মণকে সীতাবিসর্জনে নিযুক্ত করিলেন। চক্ষু জল, কিন্তু একটিও শোক-স্ফূটক কথা ব্যবহৃত করিলেন না। “ময়ানি ক্রমুতি” ইত্যাদি বাক্য সীতাবিনোদশঙ্কায় নহে—অপবাদ সম্বন্ধে। তথাপি তাহার এই কয়টি কথায় কত দুঃখই আমরা অনুভূত করিতে পারি! এই স্থল উত্তরকাণ্ড হইতে উদ্ধৃত এবং অনুবাদিত করিলাম।

“তদৈশ্রবঃ ভাবিতঃ শ্রদ্ধা রাঘবঃ পরমার্জিবৎ ।

উবাচ সুহৃদঃ সর্কান্ কথমেতদ্বদন্তু মাম্ ॥

সর্কে তু শিসসা ভূনাবভিবাত্ত প্রণম্য চ ।

প্রভ্রাচু রাঘবং দীনমেবমেতন্ন সংশয়ঃ ॥

শ্রদ্ধা তু বাক্যঃ কাকুৎস্থঃ সর্কেনাং সমুদীরিতম ।

বিসর্জয়ামাসু তদা বয়শ্চান্ শক্রুসুহৃদনঃ ॥

বিস্ময়া তু স্মৃৎস্বর্গং বুদ্ধ্যা নিশ্চিতা রাঘবঃ ।
 সমীপে হ্যস্মিমাঙ্গীনমিদং বচনমব্রবীৎ ॥
 শীঘ্রমানস সৌমিত্রিং লক্ষণং শুভলক্ষণং ।
 ভরতং চ মহাভাগং শক্রয়ং চাপরাজিতং ॥

* * *

তে তু দৃষ্ট্বা মুখং তস্মৈ সগ্রহং শশিনং যথা ।
 সন্ধ্যাগতমিবাদিত্যং প্রভয়া পরিবর্জিতং ॥
 বাস্পপূর্ণে চ নয়নে দৃষ্ট্বা রামস্মৈ ধীমতঃ ।
 হতশোভং যুথা পদ্মং মুখং বীক্ষ্য চ তস্মৈ তে ॥
 ততোহভিবাদ্য ত্বরিতাঃ পাদৌ রামস্মৈ মূর্কতিঃ ।
 তস্মৈ সমাহিতাঃ সর্কে রামস্বর্গ্যাবর্তয়ৎ ॥
 তান্ পরিষজ্য বাহুভ্যাংমুখাপ্য চ মহাবলঃ ।
 আসনেষাসতেতাক্কা ততো বাক্যং জগাদ হ ॥
 ভবন্তো মম সর্কস্বং ভবন্তো জীবিতং মম ।
 ভবন্তিচ ক্লতং রাজ্যং পালয়ামি নরেশ্বরাঃ ॥
 ভবন্তুঃ ক্লতশাস্তার্থা বুদ্ধ্যা চ পবিনিষ্টিতাঃ ।
 সংভূয় চ মদর্থোহস্মমবেষ্টবো নরেশ্বরাঃ ॥
 তথা বদতি কাকুৎস্থে অবধানপরায়ণাঃ ।
 উদ্বিগ্নমনসঃ সর্কে কিম্ রাজাভিধাশ্রুতি ॥
 তেষাং সমুপবিষ্টানাং সর্কেষাং দীনচেতসাম্ ।
 ঐবাচ বাক্যং কাকুৎস্থো মুখেণ পরিগুহ্যতা ॥
 সর্কে শৃণুত ভদ্রং বো মা কুরুধ্বং মনোত্তমা ।
 পৌরাণাঃ সম সীতায়্যা ষাদৃশী বর্ততে কথা ॥

পৌরাণবাদঃ স্মহান্ তথা জনপদস্ত চ ।
 বর্ততে মরি বীভৎসা মম মর্শ্যানি ক্লম্বতি ॥
 অহং কিং কুলে জাত ইক্ষাকুনাং মহায়নাম্ ।
 সীতাপি সংকুলে জাতা জনকানাং মহায়নাম্ ॥

* * *

অস্তুরায়া চ মে বেত্তি সীতাং শুক্লাং যশস্বিনীম্ ।
 ততো গৃহীত্বা বৈনেহীমযোধ্যামহমাগতঃ ॥
 অয়ং তু মে মহান্ বাদঃ শোকশ্চ হৃদি বর্ততে ।
 পৌরাণবাদঃ স্মহাংস্তথা জনপদস্ত চ ।
 অকীর্তির্গম্য গীয়েত লোকে ভূতস্ত কস্তুচিৎ ॥
 পত্ন্যেভাবাধমাল্লোকান্ যাবচ্ছকঃ প্রকীর্ত্বাত ।
 অক্ষান্তি, নিন্দাতে দেবৈঃ কীর্তির্নৌকেনু পূজাতে ॥
 কীর্ত্বার্যং তু সনারম্ভঃ সর্কেষাং স্মহায়নাম্ ।
 অথাহং জীবিতং জহাং যুয়ান্ বা পুরুষর্ষভাঃ ॥
 তস্মাদ্ভবন্তুঃ পশুন্তু পতিতং শোকসাগরে ॥
 নহি পশ্যামাহং ভূতে কিঞ্চিদ্ভঃখনতোদিকং ।
 স্বপ্নঃ প্রভাতে সৌমিত্রে স্মগস্তাধিষ্টিতং রথম্ ॥
 অক্লম্ব সীতানারোপ্য বিষয়াস্তে সমুৎসৃজ ।
 গঙ্গারাস্তু পরে পারে বান্দীকেন্তু মহায়নঃ ॥
 অপ্রমে, দিবাসকালস্তনসাতীরমাশ্রিতঃ ।
 তত্রৈনাং বিজনে দেশে বিসৃজ্য রঘুনন্দন ॥
 শ্লোত্রমাগচ্ছ সৌমিত্রে কুং স্ব বচনং মম ।
 ন চাখিন্ প্রতিবক্তব্যঃ সীতাং প্রতি কথঞ্চন ॥
 তস্মাকুং গচ্ছ সৌমিত্রে নাত্র কার্যাবিচারণা ।

অপ্ৰীতির্হি পরা মহং ভযোতং প্রতিবারিতে ॥
 শাপিতা হি ময়া যুগং পাদাভ্যাং জীবনেন চ ।
 যে মাং বাঁক্যাস্তরে ক্রুরনুনেতুং কথঞ্চন ।
 অহিতা নাম তে নিত্যাং মদভিষ্টবিঘাতনাং ॥
 মানস্তু ভবন্তো মাং যদি মচ্ছাসনে স্থিতাঃ ।
 ইতোহু নীয়তাং সীতা কুরুষ বচনং মম ॥” •

• অনুবাদ । তাহার এই মত কথা শুনিয়া রাম, পরম দুঃখিত্বে
 স্থায় সূহৃৎ সকলকে জিজ্ঞাসা করিলেন, “কেমন, এইকপ কি আমাকে
 বলে ?” সকলে ভূমিতে মস্তক নত করিয়া অভিবাদন ও প্রণাম করিয়া,
 স্থিত রাঘবকে প্রত্যুত্তরে কহিল, “এইকপই বটে—সংশয় নাই।”
 তখন শক্রদমন রামচন্দ্র সকলেব এই কথা শুনিয়া বয়শ্রমর্গকে বিদায়
 দিলেন । বক্রমর্গকে বিদায় দিয়া, বুদ্ধির দ্বারা অবধারিত করিয়া সমীপে
 আসীন দৌবারিককে এই কথা বলিলেন যে শুভলক্ষণ স্মিত্রা-নন্দন
 লক্ষ্মণকে ও মহাভাগ ভরতকে ও অপরাজিত শক্রবকে শীঘ্র জান ।
 * * * তাঁহারা রামের মুখ, বাহুগুণ চন্দ্রের স্থায় এবং সঙ্কটকালীন
 আলিত্যেব স্থায় প্রভাহীন দেখিলেন । ধীমান্ রামচন্দ্রের নয়নযুগল
 বাষ্পপূর্ণ এবং মুখ হতশোভ পদ্মের স্থায় দেখিলেন । তাঁহারা ভরিত
 তাঁহার অভিবাদন করিয়া এবং তাঁহার পদযুগল মস্তকে ধারণ করিয়া
 সকলে সমাহিত হইয়া রহিলেন । রাম অশ্রুপাত করিতে লাগিলেন ।
 পরে বাহুযুগলের দ্বারা তাঁহাদিগকে আলিঙ্গন ও উত্থাপন পূর্বক মহা-
 বল রামচন্দ্র তাঁহাদিগকে “আসনে উপবেশন কর” এই বলিয়া কহিতে
 লাগিলেন, “হে নরেশ্বরগণ, আমার সর্ব্ব্বতোমরা ; তোমরা আমার জীবন ;
 তোমাদিগের কৃত রাজ্য আমি পালন করি । তোমরা শাস্ত্রার্থ অবগত ;
 এবং তোমাদের বুদ্ধি পরিমার্জিত করিয়াছ । হে নরেশ্বরগণ, তোমরা

এই রচনা অতি মনোমোহিনী। রামায়ণের রাম, ক্ষত্রিয় মহোজ্জ্বলকুলসম্ভূত, মহাতেজস্বী। তিনি পৌরাণবাদ শ্রবণে, হৃদয়িক সিংহের নদীর ঘোষে হুঃখে গর্জন করিয়া উঠিলেন।

মিলিত হইয়া, যাহা বলি তাহার অর্থানুসন্ধান কর।” রামচন্দ্র এই কথা বলিলে অবধানপরায়ণ ভ্রাতৃগণ, “রাজা কি বলেন” ইহা ভাবিয়া উদ্বিগ্নচিত্ত হইয়া রহিলেন।

তখন সেই দীনচেতা উপবিষ্ট ভ্রাতৃগণকে পরিশুদ্ধমুখে রামচন্দ্র বলিতে লাগিলেন, “তোমাদিগেব মঙ্গল হউক। আমার সীতার সম্বন্ধে পৌরজনমধ্যে যে রূপ কথা বর্ত্তিয়াছে, তাহা শুন—মন অশ্রুধা করিও না। জনপদে এবং পৌরজনমধ্যে আমার মহান্ অপবাদরূপ কীভংস কথা রটিয়াছে, আমার তাহাতে মন্দাচ্ছদ করিতেছে। আমি মহারা ইক্ষ্বাকুদিগের কুলে জন্মিয়াছি, সীতাও মহারা জনকরাজের সৎকুলে জন্মিয়াছেন। আমার অশ্রুবাশাও জানে যে, যশস্বিনী সীতা শুক্লচন্দ্রিকা।

* * * *

তখন আমি বৈদেহীকে গ্রহণ করিয়া অযোধ্যায় আনিতাম। এক্ষণে এই মহান্ অপবাদে আমার জনয়ে শোক বর্ত্তিতেছে। পৌরজন মধ্যে এবং জনপদে মহান্ অপবাদ হইয়াছে। লোকে যাহার অকীৰ্ত্তিগান করে, যাবৎ সেই অকীৰ্ত্তি লোকে প্রকীৰ্ত্তিত হইবে তাবৎ সে অধমলোকে পতিত থাকিবে। দেবতারা অকীৰ্ত্তিব নিন্দা করেন, এবং কীৰ্ত্তিই সকল লোকে পূজনীয়। সকল মহারা ব্যক্তিদেব মত কীৰ্ত্তিরই জন্ম। হে পুরুষর্ষভগণ, আমি অপবাদভয়ে ভীত হইয়া জীবন ত্যাগ করিতে পারি, সীতার ত কথাই নাই।

অতএব তোমরা দেখ আমি কি শোকসাগরে পতিত হইয়াছি। আমি ইহার অধিক হুঃখ জগতে আর দেখি না। অতএব হে সৌমিত্রে!

ভবভূতির রামচন্দ্র তৎপরিবর্তে স্ত্রীলোকের মত পা ছড়াইয়া কাঁদিতে বসিলেন । তাঁহার ক্রন্দনের কিয়দংশ পূর্বেই উদ্ধৃত করিয়াছি । রামায়ণের সঙ্গে তুলনা করিবার জন্ত অবশিষ্টাংশও উদ্ধৃত করিলাম ।

“রাম । হা কষ্টমতিবীভৎসকর্ম্মা নৃশংসোহস্মি সংবৃত্তঃ

• শৈশবাৎ প্রভৃতি পোষিতাং প্রিয়াং

সৌহৃদাদপৃথগাশয়ামিমাম্ ।

ছদ্মনা পরিদদামি মৃত্যবে

সৌনিকো গৃহশকুন্তিকামিব ॥

তৎ কিমস্পর্শনীয়ঃ দেবীং দূষয়ামি ।”

তুমি কলা প্রভাতে স্তমস্বাধিষ্ঠিত রথে সীতাকে আবোপণ করিয়া স্বয়ং আবোহণ করিয়া, তাঁহাকে দেশান্তরে ত্যাগ করিয়া আইস । গঙ্গার অপব পারে তমসানদীর তীবে মহাত্মা বাণ্মীকি মুনির স্বর্গতুল্য আশ্রম । হে রবুন্দন ! সেই বিজনদেশে তুমি ইহাকে ত্যাগ করিয়া শীঘ্র আইস,—আমার বচন রক্ষা কর—সীতাপবিত্যাগ বিষয়ে তুমি ইহার প্রতিবাদ কিছুই করিও না । অতএব হে সৌমিত্রে । যাও—এ বিষয়ে আর কিছু বিচার করিবার প্রয়োজন নাই । তুমি যদি ইহার বারণ কর, তবে আমার পরম অপ্রীতিকর হইবে । আমি চরণের স্পর্শে এবং জীবনের দ্বারা তোমাঙ্গিকে শপথ করাইতেছি যে, যে ইহাতে আমাকে অনুন্নয় করিবার জন্ত কোনরূপ কোন কথা বলিবে, আমার অভীষ্টহানি হেতুক তাহার শক্র-খ্যাতি নিত্য বর্ধিবে । যদি আমার আক্কাবহ থাকিয়া, তোমরা আমাকে সম্মান করিতে চাও, তোমরা তবে আমার বচন রক্ষা কর, অদ্য সীতাকে লইয়া যাও ।

[সীতার্নাঃ শিরঃ শৈবমুগ্ধমঘা বাহ্যাকর্ষন]
 অপূর্বকর্মচাণ্ডালময়ি মুখে বিমুঞ্চ মাম্ ।
 ত্রিতাসিচন্দনভ্রাস্ত্যা হর্ষিপাকং বিষক্রমম্ ।

[উথায়] । হস্ত বিপর্যাস্তঃ সম্প্রতি জীবলোকঃ পর্যাবসিতঃ
 জীবিতপ্রয়োজনং রামস্ত শূন্তমধুনা জীর্ণারণ্যং জগৎ অসারঃ
 সংসারঃ কষ্টপ্রায়ঃ শরীরম্ অশরণোহস্মি কিং করোমি কা
 গতিঃ । অথবা

হৃৎসংবেদনারৈব রামে চৈতন্তমাহিতম্ ।
 মর্শোপঘাতিভিঃ প্রাণৈর্ষজ্জকীলাস্নিতং স্থিরৈঃ ॥

হা অথ অক্কতি, হা ভগবন্তৌ বশিষ্ঠবিখ্যামিত্রৌ, হা ভগবন্
 পাবক, হা দেবি ভূতধাত্রি, হা তাত জনক, হা তাত, হা মাতরঃ,
 হা পরমোপকারিন্ লঙ্কাধিপতে বিভীষণ, হা প্রিয়সখ স্নগীষ,
 হা সৌম্য হনুমন্, হা সখি ত্রিজ্ঞটে মুষিতাঃ হ পরিভূতাঃ হ
 রামহতকেন । অথবা কচ্চ তেষামহমিদানীমাস্থানে ।

তে হি মন্তে মহাস্থানঃ কৃতয়েন হুরাশ্বনা ।

ময়া গৃহীতনামানঃ স্পৃশস্ত ইব পাপুনা ॥

যোহহম্ ।

বিশস্তাহরসি নিপত্য লক্শনিন্দ্রা-

মুখ্য প্রিয়গৃহিণীঃ গৃহস্ত শোভাম্ ।

আতঙ্কুরিতকঠোরগর্ভ গুর্সীং

ক্রব্যাত্ত্যো বলিমিব নিব্বর্ণঃ ক্রিপামি ॥

[সীতায়্যাঃ পাদৌ শিরসি কৃষা ।] দেবি দেবি অন্নং
পশ্চিমন্তে রামশ্চ শিরসা পাদপঙ্কজস্পর্শঃ

[ইতি রোদিত্তি ।] *

ইহার অনেকগুলিন কথা সঙ্করণ বটে, কিন্তু ইহা আৰ্য্য-
বীৰ্য্যপ্রতিম মহারাজ রামচন্দ্রের মুখ হইতে নির্গত না হইয়া,

* হায় কি কষ্ট ! নিষ্ঠুরের মত, কি ঘণাজনক কর্মই করিতে প্রবৃত্ত
হইয়াছি ! বাল্যাবস্থা হইতে যাহাকে প্রিয়তমা বলিয়া প্রতিপালিত
করিয়াছি ; যিনি গাঢ় প্রণয় বশতঃ কোন রূপেই আপনাকে আশ্রয় হইতে
ভিন্ন বোধ করেন না, আজি আমি সেই প্রিয়াকে, মাংসবিক্রমী যেমন
গৃহপালিতা পক্ষিনীকে অনায়াসে বধ করে, সেই রূপ ছলক্রমে, করাল কাল-
গ্রামে নিপাতিত করিতে প্রবৃত্ত হইয়াছি। অতএব পাতকী সূতরাং
অস্পৃশ্য আমি দেবীকে আর কেন কলঙ্কিত করি ? (ক্রমে ক্রমে সীতার
মস্তক আপনার বক্ষঃস্থল হইতে নামাইয়া বাহ আকর্ষণ পূর্বক) অন্ন
মুখে ! এ অভাগাকে পরিত্যাগ কর। আমি অদৃষ্টচর এবং অশ্রুতপূর্ব
পাপ কর্ম করিয়া চণ্ডালই প্রাপ্ত হইয়াছি ! হায় ! তুমি চন্দনবৃক্ষক্রমে এই
ভয়ানক বিষবৃক্ষকে (কি কৃষ্ণগেই) আশ্রয় করিয়াছিলে ? (উঠিয়া)
হায়, এক্ষণে জীবলোক উচ্ছিন্ন হইল। রামেরও আর জীবিত থাকিবার
প্রয়োজন নাই। এক্ষণে পৃথিবী শূন্য এবং জীর্ণ অরণ্য সদৃশ নীরস বোধ
হইতেছে। সংসার অনার হইয়াছে। জীবন কেবলমাত্র ক্লেশের নিদান-
স্বরূপ বোধ হইতেছে। হায় ! এতদিনে আশ্রয়বিহীন হইলাম। এখন
কি করি, (কোথায় যাই) কিছুই স্থির করিতে পারিতেছি না। (চিন্তা
করিয়া) উঃ ! আমার এখন কি গতি হইবে ? অথবা (সে চিন্তায় অধুনা কি
হইতে ?) ম্রাবজীবন দুঃখভোগ করিবার নিমিত্তই (হতভাগ্য) রামের
দেহে প্রাণবায়ুর সঞ্চার হইয়াছিল, নতুবা নিজ জীবন পর্যায়েও কেন
বজ্রের স্তায় মর্মান্তিক করিতে থাকিবে ? হা মাতঃ অরুণতি ! হা ভগবান্
বশিষ্ঠদেব ! হা মহাম্মন বিধামিত্র ! হা ভগবান্ অগ্নে ! হা নিখিলভূতধাত্রি

আধুনিক কোন বাঙ্গালি বাবুর মুখ হইতে নির্গত হইলে উপ-
যুক্ত হইত। কিন্তু ইহাতেও কোন মাত্র আধুনিক লেখকের
মন উঠে নাই। • তিনি স্ব প্রণীত বাঙ্গালা গ্রন্থে আরও কিছু
বাড়াবাড়ি করিয়াছেন, তাহা পাঠকালে রামের কান্না পড়িয়া
আমানিগের মনে হইয়াছিল যে, বাঙ্গালির মেয়েরা স্বামী বা
পুত্রকে বিদেশে চাকরি করিতে পাঠাইয়া এইরূপ করিয়া কাদে
বটে।

ভবভূতির পক্ষে ইহা বক্তব্য, যে উত্তরচরিত নাটক ;
নাটকের উদ্দেশ্য স্ফুটিত ; রামায়ণ প্রভৃতি উপাখ্যানে কাব্যের
উদ্দেশ্য ভিন্নপ্রকার। সে উদ্দেশ্য কার্য্যপূর্ণতার সমস্ত বিবৃতি।
কে কি করিল, তাহাই উপাখ্যান কাব্যে লেখকেরা প্রতীক্ষমান
করিতে চাহেন ; সে সকল কার্য্য করিবার সময়ে কে কি

ভাবিত বহুকালে। হা ত'ত জনক। হ পিতঃ (মশবধ) হা কৌশল্যা
প্রভৃতি মাতৃগণ। হ পরনোপকারিন্ লক্ষ্যপতি বিভীষণ। হা প্রিয়বন্ধো
সুগ্রীব। হা সোমো হনুমন্। হ সখি ত্রিভুতে। আজি হতভাগ্য পাপিষ্ঠ
রাম তোমানিগের সন্মানাশ (সন্মানাপহরণ) এবং অবমাননা করিতে প্রবৃত্ত
হইয়াছে। (চিন্তা করিয়া) অথবা এই হতভাগ্য এখন তাহাদিগের নামোচ্চ
করিবারও উপযুক্ত নহে। কারণ, এই পাপাত্ম কৃতর পামর কেবলমাত্র
সেই সকল মহাত্মাদিগের নাম গ্রহণ করিলেও তাহারা পাপমুঠ
হইবার সম্ভাবনা। যে হেতুক আমি দৃঢ়বিশ্বাস বশতঃ বন্ধুহলে নিমিত্ত
শ্রেয়সীকে স্বপ্নাবস্থায় উদ্দেশ্য বশতঃ স্রবৎ কল্পিত গর্ভভরে স্বপ্নে যেখিনিও
অনায়াসেই উন্মোচন পূর্বক নির্দয় রূপে মাংসাদি রাক্ষসদিগকে উপহারের
ব্যাপ্য নিবেদন করিতে সমর্থ হইয়াছি। (সীতার চরণের মণ্ডকঘারা
প্রথমপূর্বক) দেবি ! দেবি ! রামের দ্বারা তোমার পদপঙ্কজের এই শেখ
শর্প হইল। (এই বলিয়া রোদন করিতে লাগিলেন।)

ভাবিল, তাহা স্পষ্টীকৃত করিবার প্রয়োজন তাদৃশ বলবৎ নহে । কিন্তু নাটকে সেই প্রয়োজনই বলবৎ । নাটককারের নিকট আমরা নাটকের স্বদয়ের প্রকৃত চিত্র চাহি । সুতরাং তাঁহাকে চিত্তভাব অধিকতর স্পষ্টীকৃত করিতে হয় । অনেক বাগাড়ম্বর আবশ্যক হয় । কিন্তু তথাপি উত্তরচরিতের প্রথমার্ধের রামবিলাপ মনোহর নহে । সে কথাগুলিন বীরবাক্য নহে— নবপ্রেমমুগ্ধ অসারবান্ যুবকের কথা ।

প্রথমার্ধ ও দ্বিতীয়ার্ধের মধ্যে দ্বাদশবৎসর কাল ব্যবধান । উত্তরচরিতের একটা দোষ এই যে, নাটকবর্ণিত ক্রিয়া সকলের পরস্পর কালগত নৈকট্য নাই । এ সম্বন্ধে উইটস্ টেল নামক সেকুপীয়রকৃত বিখ্যাত নাটকের সঙ্গে ইহার বিশেষ সাদৃশ্য আছে ।

এই দ্বাদশবৎসর মধ্যে সীতা যমল সম্ভান প্রসব করিয়া স্বয়ং পাতালে অবস্থান করিলেন, তাঁহার পুত্রেরা বান্দীকির আশ্রমে প্রতিপালিত এবং সুশিক্ষিত হইতে লাগিল । রামচন্দ্র পূর্কপ্রদত্ত বরে দিব্যান্ন তাহাদের স্বতঃসিদ্ধ হইল । এদিকে রামচন্দ্র অধমেণ যজ্ঞানুষ্ঠান করিতে লাগিলেন । লক্ষ্মণের পুত্র চন্দ্রকেতু সৈন্য লইয়া যজ্ঞের অধরক্ষণে প্রেরিত হইলেন । কোন দিন রামচন্দ্র দৈবদেশে জানিলেন যে শঙ্ক নামক কোন নীচজাতীয় ব্যক্তি তাঁহার রাজ্য মধ্যে তপশ্চরণ করিতেছে । ইহাতে তাঁহার রাজ্য মধ্যে অকালমৃত্যু উপস্থিত হইতেছে । রামচন্দ্র ঐ শূদ্র তপস্বীর শিরশ্ছেদ মানসে লক্ষ্যে । তাঁহার অনুসন্ধানে নানা দেশ ভ্রমণ করিতে লাগিলেন । শঙ্ক পঞ্চবটীর বনে তপঃ করিতেছিল ।

দ্বিতীয়াক্ষের বিষ্ণুশ্লোকে মুনিপত্নী আত্রেয়ী এবং বনদেবতা বাসন্তী প্রমুখাং এই সকল বৃত্তান্ত প্রকাশ হইরাছে। যেমন প্রথমাক্ষের পূর্বে প্রস্তাবনা, সেইরূপ অষ্টাশ্র অঙ্কের পূর্বে একটী একটী বিষ্ণুশ্লোক আছে। এগুলি অতি মনোহর। কখন বিহুসী ঋষিপত্নী, কখনও প্রেমময়ী বনদেবী, কখন তমসী মুরলা নদী, কখন বিষ্ণাধর বিষ্ণাধরী, এইরূপে সৌন্দর্যময়ী সৃষ্টির দ্বারা ভবভূতি বিষ্ণুশ্লোক সকল অতি রমণীয় করিয়াছেন। দ্বিতীয়াক্ষের আদ্যশ্লোক সুন্দর। যথা ;—

“অধ্বগবেশা তাপসী । অয়ে বনদেবভেয়ং ফলকুসুমপল্ল-
বার্ষ্যেণ মানুপতিষ্ঠতে ।” *

শিক্ষা সম্বন্ধে আত্রেয়ীর কথা বড় সুন্দর—

“বিতর্কতি গুরুঃ প্রাজ্ঞে দিগ্ভ্যাং যথৈথব তথা চুড়ে
ন চ খলু তয়োজ্জানৈ শক্তিং কনোতাপতর্কিত্ব বা ।
ভবতি চ তয়োভূয়ান্ ভেদঃ ফলং প্রতি তদদয়া
প্রভবতি শুচিবিশ্বোদ্গ্রাহে মণিনা মূদাং চয়ঃ ॥” †

হবেল যেমান উইল্‌সন্ বলেন যে, উদ্ভবচরিত্তে কতকগুলি
এমত সুন্দর ভাব আছে যে তদপেক্ষা সুন্দর ভাব কোন

* অর্থাৎ :— এষ্ট বনদেবতা ফলপুষ্প পরবাদের দ্বারা আমার অভির্থন
করিয়াছেন ।

† গুরু বুদ্ধিমানকে যেমন শিক্ষা দেন, চুড়কেও, তদ্রূপে দিয়া
ধায়েন । কাহারও জ্ঞানের বিশেষ সাহায্য বা কতি করেন না । কিন্তু
তথাপি তাহাদের মধ্যে ফলের তারতম্য ঘটে । কেবল নিম্নল মণিই
প্রতিবিম্ব গ্রহণ করিতে পারে ; মৃগিকা তাহা পারে না ।

ভাষাতেই নাই। উপরে উক্ত কৃষ্ণতা এই কথার উদাহরণ-
স্বরূপ তিনি উল্লেখ করিয়াছেন।

রামচন্দ্র শম্বুকের সন্ধান করিতে করিতে পঞ্চবটীব বনে
শম্বুককে পাহলেন, এবং খড়্গদ্বারা তাহাকে প্রহার করিলেন।
শম্বুক দিবা পুরুষ; রামের প্রহারে শাপমুক্ত হইয়া রামকে
প্রণিপাত করিল। এবং জনস্থানাদি রামচন্দ্রের পৃথকপরিচিত
স্থান সকল দেখাইতে লাগিল। উভয়ের কথোপকথনে বন-
বর্ণনা আত মনোহর।

“মি কৃষ্ণাঃ কচিদপবতো ভীষণাভোগকৃষ্ণাঃ
স্থানে স্থানে মৃগককুভে কাঙ্কষ্টৈতনিকরাণাম্।
এতে তার্থাশ্রমগিরসাবল্যতুকাপ্তারামিপ্রাঃ
সন্দৃশ্যন্তে পারাচ ও ভূবো ন গুকারণ্যভাগাঃ।”

“এতানি খলু সর্বভূঃলোমহর্ষণানি উন্নতচ ওষা পদকুল-
সদৃশগিরিগহ্বরানি জনস্থানপযাশুনাঘাবণানি দক্ষিণা° দিশ-
মা ভবন্তে।

তথাহি

নিক্ জস্তুমিতাঃ কচিৎ কচিদপি প্রোচ্চ ওস বৃক্ষাঃ
শ্বেচ্ছাস্তৃপুগভারঃঘাবভূজগধান প্রদাপ্তাশ্রয়ঃ।
সৌমানঃ প্রদরোদরেষু বিলসৎ স্বল্পাস্তসো যাস্তয়ং
তৃষাঙ্কিঃ প্রতিহৃৎকৈরজ্জগরশ্বেদদ্রবঃ পীয়তে ॥

• • • • •

অথৈতানি মদকুলময়ুরকণ্টকোমলচ্ছবিভিরবকৌর্ণানি পর্ব-
তৈরবিরলনিবিষ্টনীলবহুলচ্ছায়তরুণওমণ্ডিতানি অসম্ভাস্তবিনিধ-
মৃগযুধানি পশুতু মহানুভাবঃ প্রশান্তগুহ্মীরানি মধীমারণ্যকানি।

ইহ সমদশকুস্তাক্রান্তুবানীররবীক্ষৎ-
 প্রসবমুরভিশৌতম্বচ্ছতোধা বহন্তি ।
 ফলভরপরিণামশ্চানজম্বুনিকুঞ্জ-
 স্বাননমুখরভূরিশ্রোতসো নিবারণ্যঃ ॥

অপিচ

দধতি কুহরভাজামত্র ভল্লকযনা
 মনুরনিত গুরুনি স্থানমম্বু কৃতানি ।
 শিশিরকটুকন্যায়ঃ স্থায়তে শল্লকীনা-
 মিভদনিত্তবিকারগ্রস্থিনিবান্দগন্ধঃ ॥” •

প্রবন্ধের অন্তর্ভুক্ত দৈব্যাশঙ্কার আর অধিক উদ্ধৃত করিতে পারিলান না ।

* এই যে পরিচিত কৃষি দণ্ডকাবণা ভাগ দেখা যাউতেছে । কোথাও
 স্নিগ্ধশান, কোথাও ভয়তব কক্করুণ, কোথাও বা নিম্নবগণের স্বস্বর্ণশঙ্কে
 নিক সকল শক্তি হইতেছে ; কোথাও পূর্ণাভীর্ষ, কোথাও মুনিগণের
 আশ্রয়শর, কোথাও পল্লভ, কোথাও নদী এবং মধো মধো অরণ্য ।

এ যে ভনস্থান পশ্চিম দীর্ঘ অরণ্য সকল দক্ষিণদিকে চলিতেছে । এ সকল
 সমালোক-নোমহন—অত্র গিরিগঙ্গার উদ্ভূত প্রচণ্ড হিংস্র পশুগণে সমাকুল ।
 কোথাও বা একবাবে নিঃশব্দ ; কোথাও পশুদিগের প্রচণ্ড গর্জন পরিপূর্ণ ;
 কোথাও বা স্বেচ্ছাপ্রাপ্ত খড়ীদগর্জনকারী ভূভ্রমের নিশাসে অগ্নি প্রফলিত ।
 কোথাও গর্ভে অল্প জল দেখা যাউতেছে । ভূষিত কুকলাসেরা অঙ্গগরের
 স্বর্গবিন্দু পান করিতেছে ।

* * * দেখুন, এই দখামারণ্য সকল কেমন প্রশান্ত গম্ভীর ।
 মনকল ময়ূরের কণ্ঠের স্থায় কোনলচ্ছবি পর্কতে অবকীর্ণ ; ঘননিবিষ্ট

শব্দ কবিদায়ের পর পুনরাগমন পূর্বক রামকে জানাইলেন যে, অগস্ত্য রামাগমন শুনিয়া তাঁহাকে আশ্রমে আমন্ত্রিত করিতেছেন । শুনিয়া রাম তথায় চলিলেন । গমনকালীন ক্রৌঞ্চাবত পর্বতানির বর্ণনা অতি মনোহর । আমরা সচরাচর অনুপ্রাসালকারের প্রশংসা করি না, কিন্তু এরূপ অনুপ্রাসের উপর বিরক্ত হওয়াও যায় না ।

“শুভ্রংকুঞ্জকুটীরকৌশিকঘটায়ুংকারবৎকীচক-

স্তম্বাডম্বরমুকমৌকুলিকুলঃ ক্রৌঞ্চাবতোঃয়ং গিরিঃ ।

এতম্বিন্ প্রচলাকিনাং প্রচলতাম্বেজিতাঃ কুঞ্জিতৈ-

কবেল্লম্বি পুরাণরোহিণতরুঙ্কেষু কুস্তীনসাঃ ॥

এতে তে কুহবেষু গঙ্গননদদেগাদাবনীবাররো

মেঘালঙ্কতমোলিনাঃশিখরাঃ ক্ষৌণীভূতো দক্ষিণাঃ ।

অন্যোন্ত প্রতিবাতসঙ্কুলচলংকল্লোগকোলাহলৈ-

কস্তালাস্ত ইমে গভীরপয়সঃ পুণ্যাঃ সরিৎসঙ্গমাঃ ॥” •

নীলপ্রধানকাশি, অনতিপ্রোঢ় বৃক্ষ সমূহে শোভিত ; এবং ভয়শূন্য বিবিধ মৃগগুণেপরিপূর্ণ । স্বচ্ছতোষা নিম্বরিণী সকল বহুম্রোতে বহিতেছে, আনন্দিত পক্ষী সকল তত্রস্থ বেতনলতার উপর বসিতেছে, তাহাতে বেতনের কুশুম বৃহচ্ছাত হইয়া সেই জলে পড়িয়া জলকে সুগন্ধি এবং সুশীতল করিতেছে ; স্রোতঃ পরিপকফলময় আম্রমুগ্ধবনাস্তে ঝলিত হওয়াতে শব্দিত হইতেছে । গিরিধিবরবাসী যুগা তন্মুকদিগের খুংকার শব্দ প্রতিধ্বনিতে গভীর হইতেছে । এবং গঙ্গাধরের দ্বারা ভগ্ন শলকী বৃক্ষের বিক্লিপ্ত গ্রন্থি হইতে শীতল কটু কষায় সুগন্ধ বাহির হইতেছে ।

• এই পর্বত ক্রৌঞ্চাবত । এখানে অবাক্তনাদী কুঞ্জকুটীরবাসী পেচক-কুলের ঘুংকারশব্দিত বায়ুযোগধ্বনিত বংশধ্বিণেধের শুষ্ক ভীত হইয়া

তৃতীয়াক্ষ অতি মনোহর । সত্য বটে যে, এই উৎকৃষ্ট নাটকে ক্রিয়াপারম্পর্যা বড় মনোহর নহে, এবং তৃতীয়াঙ্ক সেই দোষে বিশেষ দুষ্টি । প্রথম, দ্বিতীয়, তৃতীয়, চতুর্থ, পঞ্চম অঙ্ক যেরূপ বিস্তৃত, তদনুরূপ বহুল ক্রিয়াপারম্পর্যা নাটক নাটিকা-গণ কর্তৃক সম্পন্ন হয় নাই । যিনি মাক্বেথ পাঠ করিয়াছেন, তিনি জানেন যে নাটকে বর্ণিত ক্রিয়া সকলের বাহ্যিক, পারম্পর্যা, এবং শীঘ্র সম্পাদন, কি প্রকার চিত্তকে মগ্নমুগ্ধ করে । কার্যগত এই গুণ নাটকের একটি প্রধান গুণ । উদ্ভরচরিতে তাহার বিংশপ্রচার ; বিশেষতঃ প্রথম ও তৃতীয়াঙ্কে । তথাপি ইহাতে কবি যে অপূর্ণ কবিত্বপ্রকাশ করিয়াছেন, সেই গুণে আমরা সে সকল দোষ বিস্তৃত হই ।

দ্বিতীয়াঙ্কের বিকল্পক বেমন মধুর, তৃতীয়াঙ্কের বিকল্পক ততোধিক । গোদাবরীসংগীতিকা, তমসা ও মুরলা নামা দুইটি নদী রূপ ধারণ কবিত্বা বানসীতা-বিস্ময়িকা কথা কহিতেছে ।

অন্য দ্বাদশ বংশব হইল, রামচন্দ্র সীতাকে বিসর্জন করিয়াছেন । প্রথম দিক্‌ই তাঁহার যে গুরুতর শোক উপাস্ত হইয়াছিল, তাহা পূর্বে বর্ণিত হইয়াছে । কালসহকারে সে

কাকেরা নিঃশব্দে আছে । এবং উহাতে মপেরা, চকল ময়ুরগণের কেকারবে ভীত হইয়া পুরাতন বটবৃক্ষের স্নকে লুকাইয়া আছে । আর এই সকল দক্ষিণ পর্বত । পর্বতকূলের গোদাবরী বারিরাশি গঙ্গাদিনীদ করিতেছে ; শিরোদেশ মেঘমালায় অলঙ্কৃত হইয়া নীল শোভা ধারণ করিয়াছে ; আর এই গভীরজলশালিনী পবিত্রা নদীগণের সঙ্গম পরস্পরের প্রতিঘাতসকল চকল তরঙ্গকোলাহলে দুর্ধ্ব হইয়া রহিয়াছে ।

শোকের লাঘব জন্মবার সম্ভাবনা ছিল । কিন্তু তাহা ঘটে নাই । সৰ্বসম্ভাপহর্তা কাল সম্ভাপের শমতা সাধিতে পারে নাই ।

“অনির্ভিন্নগভীরহাদপুর্গ চঘনবাথঃ ।

পুটপাকপ্রতীকাশো রামশ্র ককুণো রসঃ ।” *

এইরূপ মর্শ্ব মধ্যে ককু সম্ভাপে দগ্ধ হইয়া রাম, পরিষ্কীণ শরীরে রাজকর্মানুষ্ঠান করিতেন । রাজকর্মে বাপুত থাকিলে, সেই কষ্টের তাদৃশ বাহু প্রকাশ পায় না ; কিন্তু আজ পঞ্চবটীতে আসিয়া রামের দৈর্ঘ্যাবলম্বনের উপায়ও নাই । এ আদাব সেই জনস্থান ; পুদে পদে সীতাসহবাসের চিরুপবিপূর্ণ । এই জনস্থানে কতকাল, কত সুখে, সীতার সহিত বাস করিয়া ছিলেন, তাহা পদে পদে মনে পড়িতেছে । রামের সেই দ্বাদশ-বৎসরের ককু শোকপ্রবাহ ছুটিয়াছে—সে প্রবাহবলে, এই গোদাবরী স্রোতঃস্থলিত শিলাচয়ের স্থায় রামের হৃদয়পাষণ আজি কোথায় যাইবে, কে বলিতে পারে ?

জনস্থানবাহিনী ককুগাত্রাবিতা নদীগুলি দেখিল যে আজি বড় বিপদ । তখন মূলনা কলকল করিয়া গোবরীকে বলিতে চলিল, ‘ভগবতি ! সাবধান থাকও—আজ রামের বড় বিপদ । দেখিও রাম যদি মুচ্ছা যান, তবে তোমার জলকণাপূর্ণ শীতল তরঙ্গের বাতাসে মৃদু মৃদু তাঁহার মুচ্ছাভঙ্গ করিও ।’ রঘুকুল-দেবতা-ভাগীরথী এই শোকতপনাতপসম্ভাপ হইতে রামকে

* অবিচলিত গভীর হেতুক সদয় মধ্যে ককু, এ ককু পাচবার রামের সম্ভাপ মুখবন্ধ পাত্র মধ্যে পাকের সম্ভাপেব স্থায় বাহিরে প্রকাশ পায় না ।

রক্ষা করিবার জন্য এক সর্বসম্ভাপসংহাষিণী ছায়াকে জনস্থানে পাঠাইলেন । সেই ছায়ার নিধনতায় অত্যাধি ভারতবর্ষ মুগ্ধ রহিয়াছে । সেই ছায়া হইতে কবি এই তৃতীয়াক্ষরের নাম রাখিয়াছিলেন “ছায়া ।”—এই ছায়া, সেই বহুকালবিস্মৃতা, পাতালপ্রবিষ্টা, শীর্ণদেহমাত্রাবশিষ্টা হতভাগিনী রামমোহিনী সীতার ছায়া ।

সীতা লবকুশকে প্রসব করিলেন পর, ভাগীরথী এবং পৃথিবী বালক দুটিকে বান্দীকির আশ্রমে রাখিয়া সীতাকে পাতালে লইয়া গিয়া রাখিয়াছিলেন । অশ্ব কুশলবের জন্মতিথি—সীতাকে স্বহস্তাবচিত কুম্ভাঙ্কনি দিয়া পতিকুলাদিপুরুষ সূর্য্যদেবের পূজা করিতে ভাগীরথী এই জনস্থানে পাঠাইলেন । এবং আপন নৈদর্শকিপ্রভাবে সবুকুলবদকে অনর্শনীয় করিলেন । ছায়া-রূপিণী সীতা সকলকে দেখিতে পাইতেছিলেন । সীতাকে কেহ দেখিতে পাইতেছিল না ।

সীতা তখন জানেন না যে, রাম জনস্থানে আসিয়াছেন । সীতাও আসিয়া জনস্থানে প্রবেশ করিলেন । তখন তাঁহার আকৃতি কিরূপ ? তাঁহার মুখ “পরিপাঙ্কুর্কল কপোলসুন্দর”—কবরী বিলেপ—শাবনাতপসম্ভৃপু কেতকীকুম্ভাস্তর্গত পত্রের স্তায়, বন্ধনবিচূত কিনলয়ের মত, সীতা সেই অরণ্যে প্রবেশ করিলেন । জনস্থানে তাঁহার গভীর প্রেম ! পূর্বস্বপ্নের স্থান দেখিয়া বিস্মৃতি জন্মিল—আবার সেই দিন মনে পড়িল । যখন সীতা রামসহবাসে এই বনে থাকিতেন, তখন জনস্থান বন-দেবতা বাসিনীর সহিত তাঁহার সখীত্ব হইয়াছিল । তখন সীতা একটি করিশাবকে স্বহস্তে শল্কীর পল্লবাগ্রভাগভোজন করা-

ইয়া পুত্রের ঞ্চার প্রতিপালন করিয়াছিলেন । এখন সেই করি-
 শাবকও ছিল । এইমাত্র সে বধুসঙ্গে জলপানে গিয়াছে । এক
 মন্ত যুথপতি আসিয়া অকস্মাৎ তৎপ্রতি আক্রমণ করিল । সীতা
 ভাঙা দেখেন নাই । কিন্তু অগ্ন্যবস্থিতা বাসন্তী দেখিতে পাইয়া-
 ছিলেন । বাসন্তী তখন উঃঃঃঃঃ ডাকিতে লাগিলেন, “সর্ব-
 নাশ হইল, সীতার পালিত করিকরভকে মারিয়া ফেলিল !”
 রব সীতার কর্ণে গেল । সেই জনস্থান, সেই পঞ্চবটী ! সেই
 বাসন্তী ! সেই ক রকরভ ! সীতার ভ্রান্তি জন্মিল পুল্লীকৃত হস্তি-
 শাবকের বিপনে বিহ্বলচিত্ত হইয়া তিনি ডাকিলেন, “আর্যা-
 পুত্র ! আমার পুত্রকে বাঁচাও !” কি ভ্রম ! আর্যাপুত্র ? কোথায়
 আর্যাপুত্র ? আজি বার বৎসর সে নাম নাই ! অমনি সীতা
 মূচ্ছিতা হইয়া পড়িলেন । তমসা তাঁহাকে আশ্বস্তা করিতে
 লাগিলেন । এদিকে রামচন্দ্র লোপামুদ্রার আশ্রয়ানুসারে অগ-
 স্ত্যাশ্রমে যাইতেছিলেন । পঞ্চবটী বিচরণ করিবার মানসে সেই
 খানে বিনান রাখিতে বলিলেন । রামের কণ্ঠস্বর মূচ্ছিতা
 সীতার কাণে গেল । অমনি সীতার মূচ্ছাত্ত্ব হইল—সীতা
 ভয়ে, আশ্লাদে, উঠিয়া বসিলেন ! বলিলেন, “এ কি এ ? জল-
 স্তরা মেঘের স্তনিতগস্তীর মহাশব্দের মত কে কথা কহিল ?
 আমার কর্ণবিবর যে ভরিয়া গেল ! আজি কে আমা হেন মন্দ-
 ভাগিনীকে সহসা আশ্লাদিত করিল ?” দেখিয়া তমসার চক্ষু
 জলে ভরিয়া গেল । তমসা বলিলেন, “কেন বাছা একটা
 অপরিষ্কৃত শব্দ শুনিয়া মেঘের ডাকে ময়ূরীর মত চমকিয়া
 উঠিলি ?” সীতা বলিলেন, “কি বলিলে ভগবতি ? অপরিষ্কৃত ?
 আমি যে স্বরেই চিনেছি আমার সেই আর্যাপুত্র কথা কহিতে-

ছেন ।” তমসা তখন দেখিলেন, আর লুকান বৃথা—বলিলেন,
 “তুনিরাছি মহারাজ রামচন্দ্র কোন শূদ্র তাপসের দণ্ড জন্ত
 এই জনস্থানে আসিয়াছেন ।” তুনিয়া সাতা কি বলিলেন ?
 বাব বংশের পর স্বামী নিকটে, নয়নের গুত্রণীর অধিক প্রিয়,
 হৃদয়ের শোণিতেরও অধিক প্রিয়, সেই স্বামী আজি বার বংশ-
 বের পর নিকটে, তুনিয়া সাতা কি বলিলেন ? তুনিয়া সাতা
 কিছুই আহ্লাদ প্রকাশ করিলেন না—“কই স্বামী—কোথার
 সে প্রাণাধিক ?” বলিয়া দেখিবার জন্ত তমসাকে উৎপীড়িতা
 করিলেন না, কেবল বলিলেন—

“দিষ্ঠিআ অপবির্হীণবাস্থম্মো কথু সো রাস্মা”— “সৌ-
 ভাগাক্রমে সে বাজার রাজধর্ম্য পালনে ক্রটি হইতেছে না ।”

যে কোন ভাষায় যে কোন নাটকে বাগা কিছু আছে,
 এতদংশ সৌন্দর্য্যো ভাগার তুল্য, সন্দেহ নাই । “দিষ্ঠিআ অপ-
 বির্হীণবাস্থম্মো কথু সো রাস্মা”—এই রূপ বাকা কেবল সেক-
 পীররেই পাওয়া যায় । রাম আসিয়াছেন তুনিয়া সাতা আহ্লা-
 দের কথা কিছুই বলিলেন না, কেবল বলিলেন, “সৌভাগাক্রমে
 সে বাজার রাজধর্ম্য পালনে ক্রটি হইতেছে না ।” কিন্তু দূর
 হইতে রামের সেই বিরহক্লিষ্টে প্রভাতচন্দ্রমণ্ডলবৎ আকার
 দেখিয়া, “সখি, আমায় ধর” বলিয়া তমসাকে ধরিয়া বসিয়া
 পড়িলেন । এ দিকে রাম পঞ্চবটী দেখিতে দেখিতে, সাতাবিরহ-
 প্রদীপ্তানে পড়িতে পড়িতে, “সাতে ! সাতে !” বলিয়া ডাকিতে
 ডাকিতে, মর্চ্চিত হইয়া পড়িলেন । দেখিয়া সাতাও উচ্চৈঃস্বরে
 কাঁদিয়া উঠিয়া তমসার পদপ্রান্তে পতিত হইয়া ডাকিলেন, “ভগ-
 বাঁত তমসে! রক্ষা কর ! রক্ষা কর ! আমার স্বামীকে বাচাও !”

তমসা বলিলেন, “তুমিই বাঁচাও । তোমার স্পর্শে উনি বাঁচিতে পারেন !” শুনিয়া সীতা বলিলেন, “যা হউক তা হউক, আমি তাহাই করিব !” এই বলিয়া সীতা রামকে স্পর্শ করিলেন । * রাম চেতনা প্রাপ্ত হইলেন ।

পরে সীতার পূৰ্বকালের প্রিয়সখী, বনদেবতা বাসন্তী সীতার পুল্লীকৃত কাবিশাবকেব সহায়াম্বেবন কবিত্তে কবিত্তে সেইখানে উপস্থিত হইলেন । রামেব সম্মে তাঁহাব সাক্ষাৎ হওয়ায়, বাব কবিশিশুব বক্ষার্থ গেলেন । সে হস্তিশিশু স্বয়ং শত্রুজব

* “গা হউক তা হউক ।” এই কথাব কত অর্থগাশ্চীয়া । বিদ্যানাগব মহাশয় এই বাক্যেব সীতায় লিখিয়াছেন যে, “আমাব পাণি-স্পর্শে আতাপুল্ল বাঁচিবেন কি না জানি না, কিন্তু ভগবতী বলিত্তেছেন বলিয়া আমি স্পর্শ করিব ।” ইহাতে এই বুদ্ধিতে হইতেছে যে পাণি-স্পর্শ নফল হইবে কি না, এই সম্মেই সীতা বলিলেন, “যা হউক তা হউক ।” কিন্তু আনানিগেব ক্ষুদ্র বুদ্ধিতে বোধ হয় যে, সে সম্মেই সীতা বলেন নাট যে, “গা হবাব হউক ।” সীতা ভাবিয়াছিলেন, “রামকে স্পর্শ করিবাব আনাব কি অধিকার ?” রাম আমাকে তাগ কবিয়াছেন, তিনি আমাকে বিনাপবাবে বিসর্জন করিয়াছেন—বিসর্জন কবিবাব সম্মে এচবাব আমাকে ডাকিয়াও বলেন নাট যে আমি তোমাকে তাগ কবিলান,—আজি বার বৎসর আমাকে তাগ কবিয়া সখ্যক রহিত করিয়াছেন, আজি আবার তাহার প্রিয়পত্নীর মত তাহার গারস্পর্শ করিব কেন্ সাহসে ? কিন্তু তিনি ত মতপ্রায় । যা হউক তা হউক, আমি তাহাকে স্পর্শ করিব ।” তাই ভাবিয়া সীতাস্পর্শে রাম চেতনা প্রাপ্ত হইলেন, সীতা বলিলেন, “ভাবদি তমসে । ওসরক্ষ-জটনাব ম' পেকশিশু নি তনো অগব্জগুণাদসগ্গিধাণেণ অহিঅদরু মম মহা-ব্রাহ্মে কুবিশদি ।” তদ্ “বন মহারাও ।”

করিয়া করিণীর সহিত ক্রোড়া করিতে লাগিল । তর্ঘণনা অতি মধুর ।

“যেনো দাক্ষিণ্যকিসলয়মিচ্ছদস্তাকুরেণ
ব্যাকৃষ্টস্তে সূতমু লবলীপল্লবঃ কণপূরাং ।
সোহিয়ং পুত্রস্তব মদমুচাং বারণানাং বিজেতা
যং কল্যাণং বয়সি তরুণে ভাজনঃ তস্য জাতঃ ॥

সখি বাসন্তি পশু পশু কাষ্টানুভূতিচাতুর্যামপি শিক্ষিতং
বৎসেন ।

লীনোৎখাতমৃগালকা গুরুবনচ্ছেদেব সম্পাদিতাঃ
পুষ্পং পুরুবাসি তস্য পরসো গ গৃষনং ক্রাস্তয়ঃ ।
সেকঃ শাকরিণা কবেণ বিহিতঃ কামঃ বিরামে পুন-
র্ষং শ্রেষ্ঠানবালনালনলিনীপত্রাতপত্রং দ্রুতম্ ॥” •

এ নিকে পুত্রীকৃত করী দেখিয়া সাতার গর্ভজপুত্রদিগকে মনে পড়িল । কেবল স্বামিদর্শনে বঞ্চিতা নঠেন — পুত্রমুখ-দর্শনেও বঞ্চিতা । সেই বাত্মুখনির্গত পুত্রমুখস্বৃতিবাক্য উদ্ধৃত করিতেছি ।

• যে নবোক্ত মৃগাল-পল্লবের স্থায় কোনল দৃশ্য দ্বারা তোমার কর্ণ-দেহ হইতে কৃত কৃত লবলী পল্লব টানিয়া লইত, সেই তোমার পুত্র মদমস্ত বারণনাকে কৃত করিল, সূতরাং এখনই সে যুবাবয়সের কল্যাণভাজন হইয়াছে । * * * সখি বাসন্তি, রেখ, বাছা কেমন নিজ কাষ্টার মনোরঞ্জন-নৈপুণ্যও নিপিয়াছে । খেলা করিতে করিতে মৃগালকাও উপাটিত করিয়া তাহার গ্রামের অংশে সূগন্ধি পশুস্বাসিত স্থলের গণ্ড, ব নিশাইয়া দিতেছে ; এবং স্ত্রীর দ্বারা পর্যাণ্ড জনকগণ তাহাকে সিক্ত করিয়া য়েছে অবক্রদও নলিনী-পত্রের আতপত্র ধরিতেছে ।

“মম পুত্রকাণঃ ইণ্ডিবিরলকোমলধমলদসগুজ্জলকবোলঃ অণু-
বন্ধমুক্কাঅনিবিহসিদং গিবন্ধকাঅসিহুঅঃ অমলমুহপুওরীঅ-
জুঅলঃ ৭ পরিচুস্থিতং অজ্জটন্তেণ ।” •

সেই গোদাবরীশৌকরণাতল পঞ্চবটী বনে, রাম বাসস্তীর
আহ্বানে উপবেশন করিলেন । দূরে, গিরিগঙ্ঘরগত গোদা-
বনান বারিবাণির গদগদ নিনাদ শুনা যাইতেছে । সম্মুখে
পরম্পন্ন প্রতিঘাতসঙ্কল উত্তালতবন্ধ সনিঃসঙ্গম দেখা যাই-
তেছে । দক্ষনে শ্রবণকৃতি অনন্ত কাননশ্রেণী চলিয়া গিয়াছে ।
চাবিনিকে সীতাব পৃষ্ঠসহবাসচিহ্ন সকল বিদ্যমান রহিয়াছে ।
তদাশ্রয়, একটি কদলীবনমধ্যবর্তী শিলাতলে, পূর্কপ্রবাসকালে,
রাম সীতাব সঙ্গ্রে শরন করিতেন ; সেইখানে বসিয়া সীতা
ইনিগণিশুগণকে তৃণ খাওয়াইতেন ; এখনও তরিশেবা সেই
প্রায়ে সেইখানে কিংবা বেড়াইতেছে । বাসস্তী সেইখানে
রামকে বসিতে বলিলেন । রাম সেখানে না বসিয়া, অতুত্র
উপবেশন করিলেন । সীতা, পূর্ক পঞ্চবটিবাসকালে একটি
ময়ূরশিশু প্রতিপালন করিয়াছিলেন । একটি কদম্বরূক্ষ সীতা
স্বহস্তে বোপণ করিয়া স্বয়ং বন্ধিত করিয়াছিলেন । রাম দেখি-
লেন, যে সেই কদম্বরূক্ষে দুই একটি নবকুমুমোদ্গম হইয়াছে ।
তত্পরি আনোহন কবিদ্যা সীতাপালিত সেই ময়ূরটি নৃত্যান্বে
ময়ূরী সঙ্গ্রে বব করিতেছিল । বাসস্তী রামকে সেই ময়ূরটি

•• আদ্যৈব সেই পুত্র দুটির অমলমুখপল্লবুগল, যাহাতে কপোল-
দেশ ইবদ্বিরল এণ কোমল ধবল দর্শনে উজ্জল, যাহাতে মুহুমধুর হাসির
অবাক্ষধনি অনিরল লাগিয়া বহিয়াছে, যাহাতে কাকপক্ষ নিবন্ধ আছে,
তাহা আদ্যপুত্র কর্তৃক পরিচুস্থিত হইল না ।

দেখাইলেন। দেখিয়া রামের মনে খড়িগ সাতা তাঁহাকে করতালি দিয়া নাচাইতেন, নাচাইবার সময়ে তালের সাহিত সাতার চক্ষুও পল্লবনধো ঘুরত। এইরূপে বাসন্তী রামকে পুষ্পস্বতীপীড়িত করিয়া,—সবৌনির্ধাসনজনিত রাগেই এইরূপ পীড়িত করিয়া, প্রথমে জিজ্ঞাসা করিলেন, “মহারাজ ! কুমার লক্ষণ ভাল আছেন ত ?” কিন্তু সে কথা রামের কাণে গেল না—তিনি সাতাকরকমলবিকার জলে পারবান্ধিত বক্ষ, সাতাকরকমলবিকার নাবারে পুষ্ট পক্ষা, সাতাকরকমলবিকার তুণে প্রতিপালিত হাবনগণকেই দেখিতেছিলেন। বাসন্তী আবার জিজ্ঞাসা করিলেন, “মহারাজ ! কুমার লক্ষণ কেমন আছেন ?” এতদব রাম কথা শুনিতে পারলেন, কিন্তু ভাবিলেন, বাসন্তী “মহারাজ !” বলিয়া সম্বোধন করিলেন কেন ? এত নিঃসঙ্গ সম্বোধন। আর কেবল কুমার লক্ষণের কথাই জিজ্ঞাসিলেন, তবে বাসন্তী সীতাবিসম্বন্ধনবৃত্তান্ত জানেন। রাম প্রকাশ্যে কেবল বলিলেন, “কুমারের, কুশল”। এই বলিয়া নীবরে বোধন করিতে লাগিলেন। বাসন্তী তখন মুক্তকণ্ঠ হইয়া করিলেন, “দেব ! এত কঠিন হইলে কি প্রকারে ?

‘ত্বং জীবিতং ইমসি মে জনয়ং দ্বিতীয়ঃ

ত্বং কোনূনা নয়নরোবনু তং ইমসে —

তুমি আমার জীবন, তুমি আমার দ্বিতীয় জনয়, তুমি জননের কে নূনা, অসে তুমি আমার অমৃত,—এইরূপ শত শত প্রব সম্বোধনে বাহাকে ভুগাইতে তাহাকে—” বলিতে বলিতে সীতা-স্বতীমুখা বাসন্তী আর বলিতে পারিলেন না। অচেতন হইলেন।

রাম তাঁহাকে আশঙ্কিতা করিলেন । চেতনা পাইয়া বাসন্তী কহিলেন, “আপনি কেমন কারণে এ কাজ করিলেন ?”

রাম । লোকে বুঝে না বলিয়া ।

বাসন্তী । কেন বুঝে না ?

রাম । তাহারাই জানে ।

তখন বাসন্তী আর সহিতে পারিলেন না । বলিলেন, “নিষ্ঠুর ! দেখিতেছি কেবল বশঃ তোমার অভ্যস্ত প্রিয় ।”

এই কথোপকথনের সমুচিত প্রশংসা করা দুঃসাধ্য । সীতা-বিসর্জন জন্ত বাসন্তী রাম প্রতি ক্রোধযুক্তা হইয়াছিলেন, তিনি মানসিক যন্ত্রণারূপ সেই অপরাধের দণ্ড প্রণীত করিলেন, সহজেই রামের শোকসাগর উলিয়া উঠিল । রামের যে একমাত্র শোকোপশমের উপায় ছিল—আত্মপ্রসাদ,—তাঁহাও বিনষ্ট করিলেন । রাম জানিতেন যে তিনি প্রজারজনরূপ কুলধর্মের রক্ষার্থেই সীতাবিসর্জনরূপ মন্বচ্ছেদী কাণ্ড করিয়াছেন ।—মন্বচ্ছেদ হউক, ধর্মরক্ষা হইয়াছে । বাসন্তী দেখিলেন যে সে ধর্মরক্ষা কেবল স্বার্থপরতার পৃথক্ একটি নামমাত্র । সে কুলধর্মরক্ষার বাসনা কেবল রূপাহরিত বশোলিঙ্গ মাত্র । কেবল বশোলাভের স্বার্থপর বাসনার বশবর্তী হইয়া রাম এই কাজ করিয়াছেন । বাসন্তী আরও দেখিলেন যে, যে যশেব অক'ক্ষায় তিনি এই নিষ্ঠুর কার্য করিয়াছিলেন, সে আকাঙ্ক্ষাও অসম্ভবতী হয় নাই । তিনি এই প্রকার বশের লাভ লাভনায় পত্নীবধ-রূপ গুরুতর অপবশের ভাগী হইয়াছেন । বন ন্যায় সীতার কি হইল, তাহার স্থিরতা কি ? ইহার অপেক্ষা গুরুতর অপবশ আর কি হইতে পারে ?

তখন রামের শোক প্রবাহ আবার অলম্বরণীয় বেগে ছুটিল । সীতার সেই জ্যোৎস্নাময়ী মৃদুমৃগমৃগালকল্প দেহলতিকা কোন হিংস্র পশু কর্তৃক বিনষ্ট হইয়াছে, সন্দেহ নাই । এই ভাবিয়া রাম “সীতে ! সীতে !” বলিয়া সেই অরণ্যমধ্যে রোদন করিতে লাগিলেন । কখন বা যে কলঙ্ককুংসাকারক পৌরজনের কথায় সীতা বিসর্জন করিয়াছিলেন, তাহাদিগের উদ্দেশে বলিতে লাগিলেন, “আমি অনেক সহ্য করিযাছি, আমার প্রতি প্রসন্ন হও ।” বাসন্তী, ধৈর্যাবলম্বন করিতে বলিলেন । রাম বলিলেন, “সখি, আবার ধৈর্যের কথা কি বল ? আজি দ্বাদশ বৎসর সাতাশুষ্ঠ জগৎ—সীতা নাম পযাশু লুপ্ত হইয়াছে—তথাপি বাচিয়া আছি—আবার ধৈর্য কাহাকে বলে ?” রামের অত্যন্ত যত্নে দেখিয়া বাসন্তী তাহাকে জনস্থানের অন্তান্ত প্রদেশ দেখিতে অনুরোধ করিলেন । রাম উঠিয়া পরিভ্রমণ করিতে লাগিলেন । কিন্তু বাসন্তীর মনে সখীবিসর্জন-দুঃখ জ্বলিতেছিল—কিছুতেই ভুলিলেন না । বাসন্তী দেখাইলেন ;—

“অশ্বিনেব লতাগৃহে হনুভবস্তন্যার্গদন্তেকণঃ

স্বা হংসৈঃ কৃতকৌতুকা চিননভুলোদাবরী সৈকতে ।

আশ্রাণ্য পরিভ্রম্যনামিতমিব স্থাং বীক্ষ্য বন্ধস্তয়া

কাতর্যাদরবিন্দকুটুপনিভো মৃগঃ প্রণামাঞ্জলিঃ ।” *

আর রাম সহ্য করিতে পারিলেন না । ভ্রান্তি জন্মিতে লাগিল । তখন উচ্চৈঃশ্বরে রাম ডাকিতে লাগিলেন, “চণ্ডি জানকি, এই যে চারিদিকে তোমাকে দেখিতেছি—কেন দয়া

* সীতা পোদাবরীসৈকতে হংস লইয়া কৌতুক করিতে করিতে বিলম্ব করিয়াছেন; তখন তুমি এই লতাগৃহে থাকিয়া তাহার পথ চাহিয়া

কর না ? আমার বুক কাটিতেছে ; দেহবন্ধ ছিঁড়িতেছে ; অগৎ শূণ্য দেখিতেছি ; নিরন্তর অন্তর জলিতেছে ; আমার বিকল অন্তরাখ্যা অবসন্ন হইয়া অন্ধকারে ডুবিতেছে ; মোহ আমাকে চারি দিক্ হইতে আচ্ছন্ন করিতেছে ; আমি মন্দভাগ্য—এখন কি কবির ?” বলিতে বলিতে রাগ মূচ্ছিত হইলেন ।

ছায়ারূপিণী সীতা তনসাব সঙ্গে আছোপান্ত নিকটে ছিলেন । বাসন্তী রামকে পীড়িত করিতেছেন দেখিয়া সীতা পুনঃ পুনঃ তাঁহাকে তিরস্কার করিতেছিলেন—কতবার রামের রোদন শুনিয়া আপনি মর্শ্বপীড়িত হইতেছিলেন, আবার সীতা রামচক্রেয় হঃখের কারণ হইলেন বলিয়া, কত কাতরোক্তি করিতেছিলেন । আবার রামকে মূচ্ছিত দেখিয়া সীতা কাঁদিয়া উঠিলেন, “আর্যাপুত্র ! তুমি যে সকল জীবলোকের মঙ্গলাধার ! তুমি এ মন্দভাগিনীকে মনে কবিতা বার বার সংশয়িতজীবন হইতেছ ? আমি যে মলেন !” এই বলিয়া সীতাও মূচ্ছিতা প্রায় । তমসা এবং বাসন্তী তাঁহাকে উঠাইলেন । সীতা সসম্মমে রামের ললাটে স্পর্শ করিলেন । কি স্পর্শসুখ ! রাম যদি মৃৎপিণ্ড হইয়া থাকিতেন, তাহা হইলেও তাঁহার চেতনা হইত । আনন্দনির্নোলিতলোচনে স্পর্শসুখ অনুভব করিতে লাগিলেন, তাঁহার শরীরধাতু অন্তরে বাহিরে অমৃতময় প্রলেপে যেন লিপ্ত হইল—জ্ঞানলাভ করিলেও আনন্দেতে আর এক প্রকার মোহ

রহিতে । সীতা আসিয়া তোমাকে বিশেষ দুঃখগারমান দেখিয়া, তোমাকে প্রণাম করিবার জন্য পদ্মকলিকা তুল্য অঙ্গুলি দ্বারা কি সুন্দর অঙ্গলিবদ্ধ করিতেন ।

ঊহাকে অভিবৃত্ত করিল। রাম বাসন্তীকে বলিলেন, “সখি বাসন্তি ! বুঝি অদৃষ্টে প্রসন্ন হইল !”

বাসন্তী । কিম্বা ?

রাম । আর কি সখি ! সীতাকে পাইয়াছি ।

বাসন্তী । কৈ তিনি ?

রাম । এই বে আনান সম্মখেই রহিয়াছেন ।

বাসন্তী । মর্ম্মভেদী প্রলাপবাক্যে আমি একে প্রিয়সখীর চুঃখে অনিত্যভি, ভাষাত আবার এমন তর এ হতভাগিনীকে কেন জানাইতেছেন ?

রাম বলিলেন, “সখি, প্রলাপ কই ? বিবাহকালে বৈবাহিক মঙ্গলহরদুক যে তাত আমি ধবিয়াছিলান—আর যে হাতের অন্তর্শীতল স্বেচ্ছালক স্পর্শে তিনিতে পারিতেছি, এ ত সেই হাত ! সেই তঁহিন সঙ্গ, বর্ষালীকরতুলা শীতল কোমল লবলী রঞ্জন নবান্বন তুলা হস্তই আমি পাইয়াছি !”

এই বলিয়া রাম তাঁহার ললাটস্থ অদৃশ্য সাতা-হস্ত গ্রহণ করিলেন । সীতা উত্তিপূক্সেই রামের আনন্দমোহ দেখিয়া অপরিত হইবেন নিবেচনা করিয়াছিলেন ; কিন্তু সেই চিরসঙ্গাব-সৌন্দর্যশীতল স্বামিস্পর্শে তিনিও মুগ্ধা হইলেন ; অতি যত্নে সেই রামললাটস্থি হস্তকে ধরিয়া রাখিলেও সে হস্ত কাপিতে লাগিল, ঘামিতে লাগিল, এবং জড়নং হইয়া অধশ হইয়া আসিতে লাগিল । যখন রাম, সাতার হস্তের চিরপরিচিত অন্তর্-শীতলস্পর্শের কথা বলিলেন, সীতা মনে মনে বলিলেন, “আর্য্যপুত্র, আশ্রিও তুমি সেই আর্য্যপুত্রই আছ !” শেষে যখন রাম সীতার করগ্রহণ করিলেন, তখন সীতা স্বেথিলেন, স্পর্শ

মোহে প্রমাদ ঘটিল। কিন্তু রাম সে হাত ধরিয়া রাখিতে পারিলেন না ; আনন্দে তাঁহার ইন্দ্রিয় সকল অবশ হইয়া আসিয়াছিল, তিনি বাসন্তীকে বলিলেন, “সখি, তুমি একবার ধর ।” সীতা সেট অবকাশে হাত ছাড়াইয়া লইলেন । লইয়া স্পর্শস্থলজনিত স্নেহরোমাঞ্চকম্পিতকলেবরা হইয়া পবনকম্পিত নবজলকণাসিক্ত ফুটকোবক কদম্বের স্তায় দাঁড়াইয়া রহিলেন । মনে করিলেন, “কি লজ্জা, তমসা দেখিয়া কি মনে কবিত-ছেন । ভাবিতেছেন, এই ইহাকে ভাগ করিয়াছেন, আবার ইহাব প্রতি এই অনুরাগ !”

রাম ক্রমে জ্ঞানিতে পারিলেন, যে কই, কোথা সীতা— সীতা ত নাই । তখন রামের শোক প্রবাহ বিগুণ ছুটি । ষোড়শ করিয়া, ক্রমে শাপ্ত হইয়া বাসন্তীকে বলিলেন, “আব কত কণ তোনাকে কানাইব ? আমি এখন যাই ।” শুনিয়া সীতা উদ্বেগের সহিত তমসাকে অবলম্বন করিয়া বাসন্তী লাগিলেন, “ভগবতি তমসে ! আর্ষাপুত্র যে চলিলেন !” তমসা বলিলেন, “চল আমরাও যাই ।” সীতা বলিলেন, “ভগবতি ক্ষমা কর ! আমি কণকাল এই চুল ভ জনকে দেখিয়া লই ।” কিন্তু বলিতে বলিতে এক বহুতুল্য কঠিন কথা সীতার কানে গেল । রাম বাস-স্বীক নিকট বলিতেছেন, “অশ্বমেধের জন্য আমার এক সহ-ধর্ম্মী আছে—” সহধর্ম্মী ! সীতা কম্পিতকলেবরা হইয়া মনে মনে বলিলেন, “আর্ষাপুত্র ! কে সে ?” এই অবসরে রামও কথা সমাপ্ত করিলেন, “সে সীতার দ্বিবন্দী প্রতিকৃতি ।” শুনিয়া সীতার চক্ষের জল পাঁড়িতে লাগিল, বলিলেন, “আর্ষাপুত্র ! এখন তুমি ‘তুমি’ হইলে । এতদিনে আমার পরিত্যাগলজ্জাশল্য

বিমোচন করিলে!” রাম বলিতেছেন, “তাহারই দ্বারা আমার বাস্পদিক্ চক্ষুর বিনোদন করি” শুনিয়া সীতা বলিলেন, “তুমি যার এত আদর কর, সেই ধন্য। তোমার যে বিনোদন করে, সেই ধন্য। সে জীবলোকের আশানিবন্ধন হইয়াছে।”

রাম চলিলেন। দেখিয়া সীতা করবোড়ে, “গমো গমো অপূৰ্ণপুঞ্জনিদংসগাণং অচ্ছউত্তচরণকমলাপং” এই বলিয়া প্রণাম করিতে মুচ্ছিত হইয়া পড়িলেন। তমসা তাঁহাকে আশ্বস্ত করিলেন। সীতা বলিলেন, “আমার এ মেঘান্তরে কণ-কাল জ্ঞান পূর্ণিমাচন্দ্র দেখা মাত্র।”

তৃতীয়াক্ষের মার মর্ষ এই। এই অঙ্কের অনেক দোষ আছে। ইহা নাটকের পক্ষে নিতান্ত অনাবশ্যক। নাটকের দাঙ্গা কার্যা, বিসর্জনান্তে রামসাতার পুনর্নিলন, তাহার সঙ্গে ইহার কোন সংশ্লেশ নাই। এই অঙ্ক পরিত্যক্ত হইলে নাটকের কার্যের কোন হানি হয় না। সচরাচর একরূপ একটি সুদীর্ঘ নাটিকাঙ্ক নাটক মধ্যে সন্নিবেশিত হওয়া, বিশেষ রসভঙ্গের কারণ হয়। যাহা কিছু নাটকে প্রতিকৃত হইবে তাহা উপসংস্কৃতির উল্লেখক হওয়া উচিত। এই অঙ্ক কোন অংশে তরুণ নহে। বিশেষ, ইহাতে রামাবলাপের দৈর্ঘ্য এবং পোনঃপুষ্টি অনন্য। তাহাতে রচনাকৌশলের বিপর্যয় হইয়াছে। কিন্তু সকলেই মুক্তকণ্ঠে বলিবেন, যে অঙ্ক অনেক নাটক একবারে বিলুপ্ত হয়, বরং তাহাও স্বীকৃতব্য, তথাপি উত্তরচরিত্র এই তৃতীয়াক্ষ ত্যাগ করা বাইতে পারে না। কাব্যংশে ইহার তুল্য রচনা অতি দুর্লভ।

উত্তরচরিত্র সনালোচনে ক্রমে এত দীর্ঘায়ত হইয়া উঠিয়াছে,

যে আর ইহাতে অধিক স্থান নিয়োগ করা কর্তব্য নহে । অত-
এব অবশিষ্ট কর অঙ্কের সমালোচনা অতি সংক্ষেপে করিব ।

এ দিকে বান্দীকি প্রচার করিলেন যে তিনি এক অভিনব
নাটক রচনা করিয়াছেন । তদভিনয়দর্শন জন্ত সকল লোককে
নিমন্ত্রিত করিলেন । তদর্শনার্থ বিশিষ্ট, অরুন্ধতী, কৌশল্যা,
জনক প্রভৃতি বান্দীকির আশ্রমে আসিয়া সমবেত হইলেন ।
তথায় লবের সুন্দর কাণ্ড এবং রানের সহিত সাদৃশ্য দেখিয়া
কৌশল্যা অত্যন্ত উৎসুকাপন্ন হইয়া, তাঁহার সহিত আলাপ
করিলেন । চরিত্রবিবোধে জনকের শোকক্রিষ্ট দশা, কৌশল্যার
সহিত তাঁহার আলাপ, লবের সহিত কৌশল্যার আলাপ,
ইত্যাদি অতি মনোহর, কিন্তু সে সকল উদ্ধৃত করিবার আর
অবকাশ নাই ।

চন্দ্রকেতু, অশ্বমেধের অশ্বরক্ষক সৈন্য লইয়া, বান্দীকির
আশ্রম সম্মুখে উপনীত হইলেন । তাঁহার অবর্তনানে সৈন্য-
নিগের সহিত লবের বচসা হওয়ার লব অশ্বহরণ করিলেন
এবং যুদ্ধে চন্দ্রকেতুকে সৈন্যদিগকে পরাস্ত করিলেন । চন্দ্রকেতু
আসিয়া তাহানিগের বক্ষার প্রবৃত্ত হইলেন । চন্দ্রকেতু এবং
লব পরস্পরের প্রতি বিপক্ষতাচরণ কালে এত দূর উভয়ে উভ-
য়ের প্রতি দোজন্ত এবং সদ্ভাবহার করিলেন যে ইহা, নাটকের
এতদংশ পড়িয়া বোধ হয় যে, সভ্যতার চূড়াপদবাচ্য কোন
ইউরোপীয় জাতি কর্তৃক প্রণীত হইয়াছে । ভবভূতির সময়ে
ভারতবর্ষের সামাজিক ব্যবহার সম্বন্ধে বিশেষ উৎকর্ষ লাভ
করিয়াছিলেন, ইহা তাঁহার এক প্রমাণ ।

আকাশে যেরূপ নক্ষত্র ছড়ান, ভবভূতির রচনায় মধ্যে সেই-

রূপ কবিত্বরত্ন ছড়ান আছে । চতুর্থ এবং পঞ্চম অঙ্ক হইতে এই সকল রত্ন আহরণ করিতে পারিলাম না, তথাপি পঞ্চম হইতে দুই একটি উদ্ধারণ না দিয়া থাকিতে পারা যায় না । লব চন্দ্রকেতুর সৈন্যের সহিত যুদ্ধ করিতেছিলেন, এমন সময়ে চন্দ্রকেতু তাঁহাকে যুদ্ধে আহ্বান করাত, তাহাদিগকে তাগ করিয়া চন্দ্রকেতুর দিকে ধাবমান হইলেন, “স্তনয়িত্তুরবাদিভাবনীনামবমদানিব দৃপ্তসিংহশাবঃ ।” * তিনি চন্দ্রকেতুর দিকে আসিতেছেন, পরাজিত সৈন্তগণ তখন তাঁহার পশ্চাৎ ধাবিত হইতেছে ;—

“দর্পেণ কোতুকবতা ময়ি বকলক্ষাঃ

পশ্চাদ্ভৈলরনুসতোত্তরমুদীগধম্বা ।

বেধাসনকৃতমকভুবলশ্চ ধত্তে

মেদশ্চ মাধবভ্যাপধরশ্চ লক্ষ্মীম্ ।” †

নিঃসহায় পাদচারী বালকের প্রতি বক্রদেনা ধাবমান দেখিয়া চন্দ্রকেতু তাহাদিগকে নিবারণ করিলেন । দেখিয়া লব ভাবিলেন, “কখননুকম্পতে মাম্ ?” ভারতবর্ষের কোন গ্রন্থে এক্রপ বাক্য প্রবৃত্ত আছে, এ কথা অনেক ইউরোপীয় সহজে বিশ্বাস করিবেন না ।

* যেমন মেদেব শক শূনিয়া, দৃপ্ত সিংহ-শিবও হস্ত-বিলাপ হইতে নিবৃত্ত হয়, সেইরূপ ।

† সেকৌতুক দর্পে আমার প্রতি বকলক্ষা হইয়া ধনু উপিত করিয়া, নৈস্তের দ্বারা পশ্চাৎ অপহৃত হইয়া, ইনি, দুই দিক হইতে বায়ু-সকালিত এবং ইন্দ্রধনু-শোভিত মেঘের মত দেখাইতেছেন ।

লব কর্তৃক জুস্তকান্ত প্রয়োগবর্ণনা অস্বভাবিক, অতি প্রকৃত,
এবং অস্পষ্ট হইলেও, আমরা তাহা উদ্ধৃত না করিয়া থাকিতে
পারিলাম না ;—

“পাতালোদরকুঞ্জপুঞ্জিততমঃশ্রামৈর্নভোজ্জ্বলৈক-

কৃতপুংফুরদারকূটকপিলজ্যোতিজ্বলদীপ্তিভিঃ ।

কল্পাক্ষেপকঠোরভৈরবমঃ দ্ব্যৈশ্বরবস্তীর্ঘাতে

মীলনেষতড়িৎকড়ারকুহরৈর্বিদ্যাদ্রিকুটৈরিব ॥” •

লবের সহিত রাগের রূপসাদৃশ্য দেখিয়া, স্মরণেব মনে এক
বার আশা জন্মিয়াই, সীতা নাই, এষ্ট কথা মনে পড়াতে সে
আশা তখনই নিবারিত হইল । ভাবিলেন, “লতায়ান্ পূর্ব-
লূনায়ান্ প্রহ্ননশ্রাগমঃ কুতঃ !” বন্ধ স্মরণের মুখে এই বাক্য
উনিয়া, সহদর পাঠকের রোমিও সহস্রকৈ বৃদ্ধ মণ্টা গুর মুখে
কাটদংশিত কুসুমকোরকের উপমা মনে পড়িবে ।

ষষ্ঠাক্ষের বিকল্পকটি বিশেষ মনোহর । বিন্দ্যাবরমিথুন, গগন-
মার্গে থাকিয়া লব-চন্দ্রকেতুর যুদ্ধ দেখিতেছিলেন । যুদ্ধ তাহা-
দিগের কথোপকথনে বর্ণিত হইয়াছে । শ্রীযুক্ত জৈধরচন্দ্র
বিদ্যাসাগর মহাশয় লিখিয়াছেন যে ভবভূতির কাব্যের “মধ্যে
মধ্যে সংস্কৃতে এবং প্রাকৃতে এনত দীঘসমাসঘটিত রচনা
আছে, তাহাতে অর্থবোধ ও রসগ্রহ সহস্রকৈ ব্যাঘাত ঘটিয়া

• পাতালোদরকুঞ্জপুঞ্জিততমঃশ্রামৈর্নভোজ্জ্বলৈক-
উত্তপ্ত, প্রদীপ্ত পিতলের পিত্তলবৎ জ্যোতির্বিগিষ্ট জুস্তকান্তগুলির দ্বারা
আকাশমণ্ডল ত্রক্ষীওপ্রলয়কালীন দুর্নিবার ভৈরব বায়ুর দ্বারা বিকিণ্ড

উঠে ।” ভবভূতির অসাধারণ দোষ নির্বাচনকালে বিষ্ণুসাগর মহাশয় এই কথা বলিয়াছেন । আমরা পূর্বে যাহা উদ্ভূত করিত হইতে উদ্ধৃত করিয়াছি, তন্মধ্যে এইরূপ দীর্ঘ সমাসের অনেক উদাহরণ পাওয়া যাইবে । এই বিকল্পক মধো ঐরূপ দীর্ঘসমাসের বিশেষ আধিক্য । আমরা কয়েকটি উদ্ধৃত করিতেছি, যথা পুষ্পবৃষ্টি ;—

“অবিরলললিতবিকচকনককমলকমনীরসস্তুতিঃ অমরতরু
তরুনমণিমুকুগনিকরমকরন্দমুন্দরঃ পুষ্পনিপাতঃ ।”

পুনশ্চ, বাণসৃষ্টে অধি ;—

“উচ্চগুবজ্জখণ্ডাবক্ষোটিপটুভবক্ষুলিঙ্গবিকৃতিঃ উত্তালতুমুল-
লেলিহানজ্বালাসম্ভারটৈভরকো ভগবান্ উষক্ষুধঃ ।”

পুনশ্চ, বাকুণাস্তসৃষ্টে মেঘ ;—

“অবিরলবিলোলধুম্মস্তবিজ্জুলদাবিলাসমণ্ডিদেহিং মন্তমোর-
কণ্ঠসামলেহিং জলহরেহিং ।”

এবং তৎকালে সৃষ্টির অবস্থা ;—

“প্রবলবাতাবলিকোভগম্ভীরগুণগুণাধনানমেধমেত্ৰাক্ককার-
নীরক্ণনিবন্ধম্ একবাববিশ্বগ্রসনবিকচবিকরালকালকণ্ঠকণ্ঠকন্দর-
বিবর্তমাননিব যুগান্তযোগনিদ্রানিরুদ্ধগন্ধহারনারায়ণোদরনিবিষ্টে-
মিব ভূতজাতং প্রবেপতে ।”

ঐদৃশ দীর্ঘ সমাস যে রচনাদোষ মধ্যে গণ্য, তাহা আমরা স্বীকার করি । যাহা কিছুতে অর্থবোধের বিষয় হয়, তাহাই দোষ । ঐদৃশ সমাসে অর্থবোধের হানি, সূত্রাং ইহা দোষ ।

এবং মেঘমিলিত বিদ্যৎকর্ষক পিঙ্গলবর্ণ এবং শুভায়ুক্ত বিদ্যাদ্বিধিধর
ব্যাপ্তবৎ দেখাইতেছে ।

নাটকে ইহা যে বিশেষ দোষ, তাহাও স্বীকার করি, কেন না ইহাতে নাটকের অভিনয়োপযোগিতার হানি হয়। তথাপি এই সমাসগুলি কবিত্বপরিপূর্ণ, ইহা অবশ্য স্বীকার করিতে হইবে।

লব ও চন্দ্রকেতু যুদ্ধ করিতেছিলেন, এমন সময়ে রাম সেই স্থানে উপনীত হইলেন। তিনি উভয়কে যুদ্ধ হইতে নিরস্ত করিলেন। লব তাঁহাকে রাজা রামচন্দ্র বলিয়া জানিতে পারিয়া, ভক্তিভাবে প্রণাম ও নম্রভাবে তাঁহার সহিত আগাপ করিলেন। কুশও যুদ্ধসংবাদ শুনিয়া সে স্থানে উপস্থিত হইলেন, এবং লব কর্তৃক উপদিষ্ট হইয়া রামের সহিত সেইরূপ ব্যবহার করিলেন। রাম উভয়কে সম্নেহ আলিঙ্গন এবং পিতৃযোগ্য প্রণয়সস্তাষণ করিতে লাগিলেন। পরে সকলে, বায়ীকির আশ্রমে, তৎপ্রণীত নাটক অভিনয় দেখিতে গেলেন।

তথায় রামাভুজাক্রমে লক্ষণ দ্রষ্টৃবর্গকে যথাস্থানে সন্নিবেশিত করিতে লাগিলেন। ব্রাহ্মণ, ক্ষত্রিয়, পৌরগণ, জনপদবাসী প্রজা, ও দেবাসুর এবং ইতর জীব, স্থাবর জঙ্গম সকলে ঋষিপ্রভাববলে সমাগত হইয়া, লক্ষণ কর্তৃক যথাস্থানে সন্নিবেশিত হইলেন। পরে অভিনয় আরম্ভ হইল। রাম ও লবকুশ দ্রষ্টৃবর্গ মধ্যে ছিলেন।

সীতাবিসর্জনবৃত্তান্তই এই অদ্ভুত নাটকের প্রথমাংশু। সীতা লক্ষণ কর্তৃক পরিত্যক্ত হইলে, তাঁহার কাতরতা, গঙ্গাপ্রবাহে দেহসমর্পণ, তন্মধ্যে যমলসস্থান প্রসব, গঙ্গা এবং পৃথিবী কর্তৃক তাঁহার ও শিশুদিগের রক্ষা, ও তৎসঙ্গে সীতার প্রস্থান ইত্যাদি অভিনীত হইল। দেখিয়া রাম মুচ্ছিত হইলেন।

তখন লক্ষ্মণ উঠেঃস্বরে বান্দ্যকিকে সজ্ঞা করিয়া বলিতে লাগলেন. “ভগবন্! রক্ষা করুন! আপনার কাব্যের কি মর্ম্ম?” নটদিগকে বললেন, “তোমরা অভিনয় বন্ধ কর।”

তখন সহসা দেবর্ষি কড়ুক অনুরাক ব্যাপ্ত হইল! গন্ধার বারিরাশি মাধত হইল। ভাগীরথী এবং পৃথিবীর সহিত জল মধ্য হইতে উঠিলেন—কে? স্বয়ং সীতা। দেখিয়া লক্ষ্মণ বিস্মিত এবং আহ্লাদিত হইয়া রামকে ডাকিলেন, “দেখুন! দেখুন!” কিন্তু রাম তখনও অচেতন। তখন সীতা অরুক্ষতী কড়ুক আদিষ্টা হইয়া রামকে স্পর্শ করিলেন। বলিলেন “উঠ, আর্ষ্যপুত্র!”

রাম চেতনাপ্রাপ্ত হইলেন। পরে যাহা ঘটিল, বলা বাহুল্য। সেই সর্বলোকসমারোহ সমক্ষে সীতার সত্যই দেবগণ কড়ুক স্বাকৃত হইল। দেববাক্যে প্রজাগণ দুঃখল। সীতা লবকুশকেও পাইলেন। রামও তাঁহাদিগকে পুত্র বলিয়া চিনিলেন। পরে মপুত্রা ভাষা গৃহে লইয়া গিয়া সুখে রাজ্য করতে লাগিলেন।

নাটকের ভিতর এই নাটকখানি যিনি অভিনীত দেখিবেন বা পাঠ করিবেন, তিনিই যে অশ্রুপাত করিবেন, তদ্বিষয়ে সংশয় নাই। কিন্তু আমরা এতদংশ উদ্ধৃত করিলাম না। এই উপসংহার অপেক্ষা রামায়ণের উপসংহার অধিকতর মধুর এবং করুণরসপূর্ণ। আমরা পাঠকের প্রার্থার্থে তাহাই উদ্ধৃত করিতে বাসনা করি। বান্দ্যকি কড়ুক সীতা অযোধ্যার আনীত হইলেন। সে সূচনার ঋষি সীতাকে আনয়ন করেন, তদ্বিষয়ে বঙ্গীয় পাঠকমাত্রেই “সীতার বনবাস” পাঠ করিয়া অবগত আছেন।—সমস্তীয় সম্বন্ধে শপথ করিলে সীতাকে গ্রহণ করিবেন

রাম এই অভিপ্রায় প্রকাশ করিয়াছিলেন । এই কথা প্রচার হইলে পর, সীতা-শপথ-দর্শনার্থ বহুলোকের সমাগম হইল ।

১০৯ সর্গ ।

তশ্চাঃ রজন্যাং বাষ্টায়াং যজ্ঞবাটং গতো নৃপঃ ।

ঋষীন্ সর্কান্ মহাতেজাঃ শকাপয়তি রাঘবঃ ॥

বসিষ্ঠো বামদেবশ্চ জাবালিরথ কশ্যপঃ ।

বিশ্বামিত্রো দীর্ঘতপা দুর্কাসাশ্চ মহাতপাঃ ॥

পুলস্ত্যোহপি তথা শক্তিভার্গবশ্চৈব বামনঃ ।

মার্কণ্ডেয়শ্চ দীর্ঘায়ুমৌঙ্গলাশ্চ মহাযশাঃ ॥

গর্গশ্চ চ্যবনশ্চৈব শতানন্দশ্চ ধর্ম্মবিৎ ।

ভরহাজ্জশ্চ তেজস্বী অগ্নিপুলশ্চ সুপ্রভঃ ॥

নারদঃ পর্ক তশ্চৈব গৌতমশ্চ মহাযশাঃ ।

এতে চাত্তো চ বহবো মুনরঃ সংশিতব্রতাঃ ॥

কৌতূহলসমাবিষ্টাঃ সর্ক এব সমাগতাঃ ।

রাক্ষসাশ্চ মহাবীরা বানরাশ্চ মহাবলাঃ ॥

সর্ক এব সমাজগুমহাত্মানঃ কুতূহলাৎ ।

ক্ষত্রিয়া যে চ শূদ্রাশ্চ বৈশ্যাশ্চৈব সহস্রশঃ ॥

নানাদেশাগতাশ্চৈব ব্রাহ্মণাঃ সংশিতব্রতাঃ ।

সীতাশপথবীকার্থং সর্ক এব সমাগতাঃ ॥

তদা সমাগতং সর্কমশ্মভূতমিবাচলম্ ।

শ্রদ্ধা মুনিবরুতূর্ণং সসীতঃ সমুপাগমৎ ॥

তমুষিঃ পৃষ্ঠতঃ সীতা অবগচ্ছদবাসুধী ।

কৃতাজ্জলিক্সাপাকুলা কৃত্বা রামং মনোগজং ॥

তাং দৃষ্ট্বা শ্রুতিমারাতীং ব্রহ্মণামহুগামিনীম্ ।
 বান্দীকেঃ পৃষ্ঠতঃ সীতাং সাধুবাদো মহানভুং ॥
 ততো হনহনাশকঃ সর্বেষামেবমাবভৌ ।
 দুঃখজন্যবিশালেণ শোকেনাকুলিতাঙ্গনাম্ ॥
 সাধু রামেতি কেঁচিৎ সাধু সীতেতি চাপরে ।
 উভাবেব চ তজ্ঞান্তে প্রেক্ষকাঃ সংপ্রচুকৃতঃ ॥
 ততো মথ্যে জনৌঘস্ত প্রবিষ্ট মুনিপুঙ্গবঃ ।
 সীতাসহায়ো বান্দীকিরিতিহোবাচ রাঘবম্ ॥
 ইয়ং দাশরথে সীতা সূত্রতা ধর্মচারিণী ।
 অপবাদাৎ পরিত্যক্তা মমাশ্রয়সমীপতঃ ॥
 লোকাপবাদভীতস্ত তব রাম মহাব্রত ।
 প্রত্যয়ঃ দাস্ততে সীতা তামনুজ্ঞাতুমর্হসি ॥
 ইমৌ তু জানকী পুত্রাবুভৌ চ ষড়জাতকৌ ।
 সূত্রৌ তবৈব চুর্কর্ষৌ সত্যমেতন্ ব্রবীমি তে ॥
 প্রচেতসোহহং দশমঃ পুত্রো রাঘবনন্দন ।
 ন স্বরাম্যনৃতং বাক্যমিমৌ তু তব পুত্রকৌ ॥
 বহুবর্ষদহস্রাণি তপশ্চর্যা ময়া কৃতানি ।
 নোপান্নীয়াং ফলস্তুস্তা হৃষ্টেষু যদি মৈথিলী ॥
 মনসা কশ্মণা বাচা ভূতপূর্কং ন কিঞ্চিৎ ।
 তস্তাতং ফলমশ্লামি অপাপা মৈথিলী যদি ॥
 অহং পঞ্চমু ভূতেষু মনঃ বশেষু রাঘব ।
 বিচিন্ত্য সীতা শুক্রেতি অগ্রাহ বননির্করে ॥
 ইয়ং শুক্রেসমাচারী অপাপা পতিদেবতা ।
 লোকাপবাদভীতস্ত প্রত্যয়স্তব দাস্ততি ॥

তস্মাদিরং নরবরাহ্মজ শুক্ৰতাবা
 দিব্যেন দৃষ্টির্কিষয়েণ ময়া প্রদীপ্তা ।
 লোকাপবাদকনুবীকৃতচেতসা যৎ
 ত্যক্তা হুয়া প্রিয়তমা বিদিতাপি শুক্ৰা ॥

১১০ সর্গ ।

বান্দীকিনৈবমুক্ৰান্ত রাঘবঃ প্রত্যভাষত ।
 প্রাজ্জলির্জনতা মধ্যো দৃষ্ট্বা তাং দেববর্গিনীম্ ॥
 এবমেতন্নহাভাগ বথা বদসি ধর্মবিৎ ।
 প্রত্যয়ন্ত মম ব্রহ্মংস্তব বাক্যৈরকল্পমৈঃ ॥
 প্রত্যয়ন্ত পুরা দত্তো বৈদেহ্যা সুরসন্নিধৌ ।
 শপথন্ত কৃতস্তত্র তেন বেশ্ম প্রবেশিতা ॥
 লোকাপবাদো বলবান্ যেন ত্যক্তা হি মৈথিলী ।
 সেয়ং লোকভয়াদ্ ব্রহ্মরূপাপেত্যভিজানতা ।
 পরিত্যক্তা ময়া সীতা তদ্ববান্ কন্তুমর্হতি ॥
 জানামি চেমৌ পুত্রৌ মে যমজাতৌ কুশীলবৌ ।
 শুক্ৰায়াং জগতো মধ্যো বৈদেহ্যাং প্রীতিরস্বমে ॥
 অভিপ্রায়ন্ত বিজ্ঞায় রামস্ত সুরসন্তমাঃ ।
 সীতায়াঃ শপথে তস্মিন্ সর্ক এব সমাগতাঃ ॥
 পিতামহং পুরঙ্কৃত্য সর্ক এব সমাগতাঃ ।
 ঞ্জাদিত্যা বসবো রুদ্রা বিশ্বদেবা মরুদগণাঃ ॥
 সাধ্যান্ত দেবাঃ সর্কে তে সর্কে চ পরমর্ষয়ঃ । •
 নাগাঃ সুপর্ণাঃ সিদ্ধান্ত তে সর্কে হৃষ্টমানসাঃ ॥
 দৃষ্ট্বা দেবানুবীংশ্চৈব রাঘবঃ পুনরব্রবীৎ । •

প্রত্যহো মে মুনিশ্রেষ্ঠ ঋষিবার্হিকায়ৈকশ্রবৈঃ ॥
 শুদ্ধায়ঃ জগতো মদো বৈদেহ্যং প্রীতিরস্তু মে ।
 সীতাশপথসংনাস্তাঃ সৰ্ব্ব এব সমাগতাঃ ॥
 ততো বায়ুঃ শুভঃ পুণ্যো দিব্যগন্ধো মনোরমঃ ।
 তং জনৌঘং সুরশ্রেষ্ঠো জ্ঞানয়ামাস সৰ্ব্বতঃ ॥
 তদদ্ভুতমিবাচিন্ত্যং নিরৈক্ষন্তু সমাহিতাঃ ।
 মানবাঃ সৰ্ব্বরাষ্ট্রেভাঃ পূৰ্ব্বং কৃতযুগে যথা ॥
 সৰ্ব্বান্ সমাগতান্ দৃষ্ট্বা সীতা কাষায়বাসিনী ।
 অত্রবীৎ প্রাঞ্জলিবাক্যমধোদৃষ্টিরবাসুধী ॥
 যথাহং বাঘবাদন্তং মনসাপি ন চিন্তয়ে ।
 তথা মে মাধবী দেবী বিবরং দাতুমর্হতি ॥
 মনসা কাম্ভণা বাচ্য যথা রামং সমজ্ঞসে ।
 তথা মে মাধবী দেবী বিবরং দাতুমর্হতি ।
 মর্হেতৎ সতামূকং মে নে ন্ন রামাং পবং ন চ ।
 তথা নে মাধবী দেবী বিবরং দাতুমর্হতি ॥
 তথা শপথ্যাং বৈদেহ্যং প্রাচুরাসীদ্ভদ্রভূতম্ ।
 ভূতলাভখিতং দিব্যং সিংহাসনমমৃদুযম্ ॥
 দ্বিঘমাণং শিরোভিস্ত্ব নাট্যগরমিতনিক্রমৈঃ ।
 দিব্যং নিবোন বপুসা দিব্যগন্ধবিভূষিতৈঃ ॥
 তস্মিন্স্থ ধরনী দেবী বাহুভ্যাং গৃহ্য মৈথিলীম্ ।
 স্বাগতেনাভিনট্যনামাসনে চোপবেশয়ৎ ॥
 তামাসনগতাং দৃষ্ট্বা প্রবিশন্তীং রসাতলম্ ।
 পুষ্পবৃষ্টিরবিচ্ছিন্না দিব্যা সীতামবাকিরৎ ॥
 সাধুবার্ষচ সুরহান্বেবানাং সহসোখিতঃ ।

সাধু সাধিবতি ঠৈব সীতে যশাস্তে শীলমীদৃশম্ ॥
 এবং বহুবিধা বাচোহস্তুরীকগতাঃ সুরাঃ ।
 ব্যাজহুহু ষ্টমনসো দৃষ্ট্ৱ। সীতাপ্রবেশনম্ ॥
 যজ্ঞবাটগতাশ্চাপি মুনয়ঃ সৰ্ব্ব এব তে ।
 রাজ্ঞানশ্চ নরব্যাত্ৰা বিশ্বয়ান্নোপরেমিরে ॥
 অস্তুরীক্ষে চ ভূমৌ চ সৰ্ব্বে স্থাবরজঙ্গমাঃ ।
 দানবাশ্চ মহাকায়াঃ পাতালে পন্নগাধিপাঃ ॥
 কেচিদ্ভিনেহুঃ সংহৃষ্টাঃ কেচিক্যানপরায়ণাঃ ।
 কেচিদ্ভ্রামং নিরীক্শ্বন্তে কেচিং সীতামচেতসঃ ॥
 সীতাপ্রবেশনং দৃষ্ট্ৱ। তেষামাসীৎ সমাগমঃ ।
 তনুহৃষ্টমিবাভ্যর্থং সমং সম্মোহিতং জগৎ ॥ •

• সেই রজনী অতিবাহিত হইলে, মহাতেজা বাজা রামচন্দ্র
 একস্থলে গমন পুঙ্খক কবি সকলকে আহ্বান করাইলেন । অনন্তর বশিষ্ঠ,
 বামদেব, কণ্ঠপবনোদ্ভব জাবালি, দীর্ঘতপা বিশ্বামিত্র, মহাতপা দুন্দানা,
 পুলস্ত্য, শক্তি, ভার্গব, বামন, দীঘামু মার্কণ্ড, মহাযশা মোকলা, গর্গ, চাবম,
 ধনঞ্জয় শতানন্দ, তেজস্বী ভরদ্বাজ, অগ্নিপুত্র সুপ্রভ, নারদ, পল্লভ, ও
 মহাযশা পৌতম এবং অগ্ণ্যস্ত সংশিতরত মুনিগণ কোতুহলাক্রান্ত হইয়া
 সকলেই সমাগত হইলেন । মহাবীৰ্য্য রাক্ষসগণ ও মহাবল বানবগণ,
 মহাত্মা ক্রিয়গণ, এবং সহস্র সহস্র বৈশ্ব ও শূদ্রগণ এবং নানা দেশাগত
 ব্রতধারী ব্রাহ্মণসকল কোতুহল বশতঃ সীতাপথ দর্শন জন্ম সকলেই সম-
 গত হইলেন ।

মহর্ষি ভাষ্মিকি, তৎকালে সমাগত জনমণ্ডলী কোতুকদর্শনার্থ পঞ্চতবৎ
 নিশ্চলভাবে দণ্ডায়মান, ইহা শ্রবণ করিয়া সীতা সহিত শীঘ্র আগমন করি-
 লেন । সীতাও কৃতান্তলি, বাস্পাকুলনয়না এবং অধোমুখী হইয়া মনোমধ্যে

আমরা উত্তরচরিত নাটকের প্রকৃত সমালোচন করি নাই। পাঠকের সহিত আনুপূর্বিক নাটক পাঠ করিয়া যেখানে যেখানে ভাল লাগিয়াছে, তাহাই দেখাইয়া দিয়াছি। এদের প্রত্যেক অংশ পৃথক পৃথক করিয়া পাঠকে দেখাইয়াছি।

রামকে চিত্ত করিতে করিতে সেই কবির পশ্চাৎ পশ্চাৎ গমন করিতে লাগিলেন। ত্রাকের অশুভামিনী ক্রান্তির জায় বাম্বীকির পশ্চাৎগতিনী সেই সীতাকে দেখিবামাত্র সেই স্থলে অতি মহৎ সাধুবাদ হইতে লাগিল। তৎপরে দুঃখ অতি মহৎ শোক হেতু বাধিতাস্ত্রকরণ জন সকলের বিপুল হলহলা শব্দ উখিত হইল। দর্শকবৃন্দমধ্যে কতকগুলি সাধু রাম, কতকগুলি সাধু জানকী ও কতকগুলি উভয়ই সাধু, এই প্রকার কহিতে লাগিল।

ভদ্রনন্দুর মূনিশ্রেষ্ঠ বাম্বীকি সীতা সহিত জনবৃন্দমধ্যে প্রবিষ্ট হইয়া রামকে এইরূপ বলিতে লাগিলেন। “হে দাশরথি! ধর্মচারিণী স্ত্রীত। এই সীতা লোকাপবাদ হেতু জানার আশ্রম সমীপে পরিত্যক্ত হইয়াছিল। হে মহাত্মা রাম! উনি এক্ষণে লোকাপবাদভীত, তোমার নিকটে প্রত্যয় প্রদান করিবেন; তুমি অনুজ্ঞা কর। এই দুর্ভাগ্যবনল জানকী-পুত্র তোমারই পুত্র, ইহা আমি তোমাকে সত্য বলিতেছি। হে রামবনন্দন! আমি প্রচেষ্টার দশম পুত্র, আমি নিধা। বাক্য স্মরণও করি না; ইহারা তোমারই পুত্র। আমি বহু সহস্র বর্ষ উপভোগ করি-
 য়াছি; যদি, এই জানকী চন্দ্রচারিণী হইবে, তাহা হইলে আমি যেন তাহার কল প্রাপ্ত না হই। কাহন্যে এন' কথন দ্বারা আমি পূর্বে কখনও পাপাচরণ করি নাই; যদি জানকী নিষ্পাপা হইবে, তবে আমি যেন তাহার কলভোগ করিতে পারি। হে রাম! আমি পঞ্চভূত ও বহু স্থানীর মনেতে সীতাকে বিশুদ্ধ বিবেচনা করিয়াই বননিষ্করে গ্রহণ করিয়া ছিলাম। এই অপাপা পতিপরায়ণা চন্দ্রচারিণী, লোকাপবাদভীতা

এরূপে গ্রন্থের প্রকৃত দোষগুলোর ব্যাখ্যা হয় না । এক এক খানি প্রস্তর পৃথক পৃথক করিয়া দেখিলে তাজমহলের গৌরব বৃদ্ধিতে পারা যায় না । একটি একটি বৃক্ষ পৃথক পৃথক করিয়া দেখিলে উদ্যানের শোভা অল্পভূত করা যায় না ।

তোমার নিকট প্রত্যয় প্রদান করিবেন । হে রাজনন্দন ! যে হেতু তুমি তোমার এই প্রিয়তমাকে বিগ্ৰহা জানিয়াও লোকাপবাদ ভয়ে পরিত্যাগ করিয়াছিলে, তজ্জন্যই দিব্যজ্ঞানে বিগ্ৰহা জানিয়াও এই শপথার্থ আদেশ করিয়াছি ।”

রাম বাক্যকি কর্তৃক এইরূপ কথিত হইয়া এবং সেই দেববর্গিনী জানকীকে দেখিয়া, কৃতান্তলি পূর্বক, জনগণের সমক্ষে এইরূপ বলিতে লাগিলেন । “হে ধর্মজ্ঞ ! হে মহাভাগ ! আপনি যাহা বলিতেছেন, তাহাই সত্য । হে ব্রহ্মন্ ! আপনার পবিত্র বাক্যেই আমার প্রত্যয় হইয়াছে, এবং বেদেহীও লঙ্কায় পূর্বকালে দেবগণ সমীপে প্রত্যয় প্রদান ও শপথ করিয়াছিলেন তজ্জন্যই আমি ইহাকে গৃহে প্রবিষ্ট করাইয়াছিলাম । হে ব্রহ্মন্ ! এই জানকীকে আমি পবিত্রা জানিয়াও শুদ্ধ লোকাপবাদভয়ে ত্যাগ করিয়াছি । আর যমল কুশীলব আমারই পুত্র, আমি তাহা জানি ; কিন্তু আপনি আমাকে ক্ষমা করিবেন । আমি যে কারণে জানকীকে ত্যাগ করিয়াছি, সেই লোকাপবাদ আমার পক্ষে সর্দাপেক্ষা বলবান্ । জগন্মধ্যে পবিত্রা জানকীতে আমার প্রীতি থাকুক ।”

অনন্তর সীতা-শপথ বিষয়ে রামের অভিপ্রায় জানিয়া দেবগণ ব্রহ্মাকে পুরোবর্তী করিয়া সেই স্থলে সমাগত হইলেন, এবং আদিত্যগণ, বৃহস্পতিগণ, কৃত্তিকগণ, বিষ্ণুদেবগণ, বায়ুগণ, সকল সাধ্যগণ, দেবগণ, সকল পরমর্ষিগণ, নাগগণ, পক্ষিগণ,—সকলেই হস্তান্তঃকরণ হইয়া সে স্থলে আগমন করিলেন, রাম সমাগত সেই সকল দেবগণ ঋষিগণকে দেখিয়া পুনর্বার বাসীকিকে সন্মোদন করিয়া বলিতে লাগিলেন ।

এক একটি অক্ষ প্রত্যক্ষ বর্ণনা করিয়া মনুষ্যমূর্তির অনির্ধ্ব-
চনীয় শোভা বর্ণন করা যায় না। কোটি কলস জলের
আলোচনার সাগরমাহাত্ম্য অমুভূত করা যায় না। সেইরূপ
কাব্যগ্রন্থের। এস্থান ভাল রচনা, এই স্থান মন্দ রচনা, এইরূপ

“হে মূনিশ্রেষ্ঠ! পবিত্র ঋষিবাক্যে আমার প্রত্যয় আছে। জগতে
বিশুদ্ধশালিনী সীতার প্রতি আমার প্রীতি থাকুক; কিন্তু সীতাপথ
দর্শন উক্ত কৌতুহলাক্রান্ত হইয়া সকলে সমাগত হইয়াছেন।”

তখন দিব্যগন্ধবিশিষ্ট মনোহর এবং সর্সপাপপূণ্যসাকী পবিত্র
বায়ু প্রবাহিত হইয়া সেই জনবৃন্দকে আশ্লাদিত করিল। পূর্বকালে
সত্যযুগের স্ত্রী সেই আশ্রয় অচিন্তনীয় ব্যাপার, সকল রাষ্ট্র হইতে
সমাগত জনমণ্ডলী সমাহিত হইয়া দেখিতে লাগিল। কাব্য-বস্ত্র-
পরিধান সীতা সকলকে সমাগত দেখিয়া অধোমুখী, অধোদৃষ্টি এবং
কৃতান্তলী হইয়া এইরূপ কহিতে লাগিলেন। “যদি আমি মনেতেও রাম
স্তির অন্য চিন্তা না করিয়া থাকি, তবে পৃথিবীদেবী আমাকে বিবর
প্রদান করুন। যদি আমি কারমনোবাক্যে রামাচন করিয়া থাকি,
তবে পৃথিবীদেবী আমাকে বিবর প্রদান করুন। আমি রাম স্তির জানি
না; আমার এই বাক্য যদি সত্য হয়, তবে পৃথিবীদেবী আমাকে বিবর
প্রদান করুন।”

বেদেহী এইরূপ পথ করিলে, তখন অমিতবিক্রম, দিব্যরত্নালঙ্কৃত
নাগগণ কর্তৃক বস্ত্রকে বাহিত, দিব্যকাস্তি, দিব্য সিংহাসন রসাতল হইতে
সহস্রাবিভূত হইল এবং সেই স্থলে পৃথিবীদেবী দুই বাহু দ্বারা সীতাকে
গ্রহণ করিয়া এবং স্বাগত প্রবেশ অভিনন্দন করিয়া সেই উত্তমাসনে উপবেশন
করাইলেন।

সিংহাসনারূঢ়া সেই সীতাকে রসাতলে প্রবেশ করিতে দেখিয়া তদুপরি
স্বর্গ হইতে পুষ্পবৃষ্টি হইতে লাগিল এবং দেবগণের অতি বিপুল নাচুগাদ

তাহার সর্বাংশের পর্যালোচনা করিলে প্রকৃত গুণাগুণ বুঝিতে পারা যায় না। যেমন অট্টালিকার সৌন্দর্য্য বুঝিতে গেলে সমুদয় অট্টালিকাটি এককালে দেখিতে হইবে, সাগরগোরব অনুভূত করিতে হইলে তাহার অনন্তবিস্তার এককালে চক্ষে গ্রহণ করিতে হইবে, কাব্য নাটক সমালোচনও সেইরূপ মহাভারত এবং রামায়ণের অনেকাংশ এমন অপকৃষ্ট, যে তাহা কেহই পড়িতে পারে না। যে আধুনিক সমালোচনায় প্রবৃত্ত হইবে, সে কখনই এই দুই ইতিহাসের বিশেষ প্রশংসা করিবে না। কিন্তু মোটের উপর দেখিতে গেলে বলিতে হইবে, যে এই দুই ইতিহাসের অপেক্ষা শ্রেষ্ঠ কাব্য পৃথিবীতে আর নাই।

সুতরাং উত্তরচরিত সম্বন্ধে মোটের উপর দুই চারিটা কথা না বলিলে নয়। অধিক বলিবার স্থান নাই।

৩১ঃ উক্তি হইল। সীতার রসাতল প্রবেশ দেখিয়া অমৃতবীক্ষণত দেন-
গণ হুটাহুট করণ হইয়া, “সীতা সাধু সীতা সাধু সাহার এইরূপ চবিত্ত”
ইত্যাদি নানা প্রকার বাক্য কহিতে লাগিলেন। যজ্ঞস্থলগত সেই সকল
মুনিগণ ও মনুষ্যশ্রেষ্ঠ রাজগণ এই অদ্ভুত ঘটনাহেতু বিস্ময় হইতে বিরত
হইতে পারিলেন না। তৎকালে আকাশে, ভূতলে স্থাবর জঙ্গম পদার্থ,
ও মহাকাশ দানবগণ এবং পাতালে নাগগণ সকলেই হুটাহুট করণ হইয়া-
ছিলেন। তাহারা অষ্টমনে শব্দ করিতে লাগিলেন; কাহারো বা ধানিহ
হইলেও, কাহারো বা রামকে দেখিতে লাগিলেন এবং কেহ কেহ বা
নিঃসংকল্প হইয়া সীতাকে জ্বলোকন করিতে লাগিলেন। এইরূপে, সমাগত
সেই সকল ঋষি প্রভৃতির, সীতার রসাতল প্রবেশ দেখিয়া, এই প্রকার সমাগম
হইয়াছিল এবং সেই মুহূর্ত্তে সমুদায় জগৎ সমকালেই মোহিত হইয়াছিল।

কবির প্রধান গুণ, সৃষ্টিক্রমতা। বেঁ কবি সৃষ্টিক্রম নহেন, তাহার রচনার অন্য অনেক গুণ থাকিলেও বিশেষ প্রশংসা নাই। কালিদাসের ঋতুসংহার, এবং টমসনের তদ্বিষয়ক কাব্যে, উৎকৃষ্ট বাহ্যপ্রকৃতির বর্ণনা আছে। উভয় গ্রন্থই আদ্যোপান্ত সুমধুর, প্রসাদগুণবিশিষ্ট, এবং স্বভাবানুকারী। তথাপি এই দুই কাব্য প্রধান কাব্য বলিয়া গণ্য হইতে পারে না—কেন না তহুভয় মধ্যে সৃষ্টিচাতুর্য্য কিছুই নাই।

সৃষ্টিক্রমতা মাত্রই প্রশংসনীয় নহে। অনেক ইংরাজি আখ্যায়িকা লেখকের রচনা মধ্যে নূতন সৃষ্টি আছে। তথাপি ঐ সকলকে অপকৃষ্টে গ্রন্থ মধ্যে গণনা করিতে হয়। কেন না সেই সকল সৃষ্টি স্বভাবানুকারিণী এবং সৌন্দর্য্যবিশিষ্টা নহে। অতএব কবির সৃষ্টি স্বভাবানুকারী এবং সৌন্দর্য্যবিশিষ্ট না হইলে, কোন প্রশংসা নাই।

সৌন্দর্য্য এবং স্বভাবানুকারিতা, এই দুয়ের একটি গুণ থাকিলেই, কবির সৃষ্টির কিছু প্রশংসা হইল বটে, কিন্তু উভয় গুণ না থাকিলে কবিকে প্রধান পদে অভিষিক্ত করা যায় না। আরবা উপন্যাস বলিয়া যে বিখ্যাত আরব্য গ্রন্থের প্রচার হইয়াছে, তল্লিখকের সৃষ্টির মনোহারিত্ব আছে, সন্দেহ নাই। কিন্তু তাহাতে স্বভাবানুকারিতা না থাকায় “আলেফ্ লম্বলা” পৃথিবীর অত্যাংকৃষ্ট কাব্যগ্রন্থ মধ্যে গণ্য নহে।

কেবল স্বভাবানুকারিণী সৃষ্টিরও বিশেষ প্রশংসা নাই। যেমন স্রগতে দেখিয়া থাকি, কবির রচনা মধ্যে তাহারই অবিকল প্রতিকৃতি দেখিলে কবির চিত্রনৈপুণ্যে প্রশংসা করিতে হয়, কিন্তু তাহাতে চিত্রনৈপুণ্যেরই প্রশংসা, সৃষ্টিচাতুর্য্যের

প্রশংসা কি ? আর তাহাতে কি উপকার হইল ? যাহা বাহিরে দেখিতেছি, তাহাই প্রেছে দেখিলাম ; তাহাতে আমার লাভ হইল কি ? যথার্থ প্রতিকৃতি দেখিয়া আমোদ আছে বটে—কেবল স্বভাব-সঙ্গত গুণবিশিষ্টা সৃষ্টিতে সেই আমোদ মাত্র জন্মিয়া থাকে । কিন্তু আমোদ ভিন্ন অল্প লাভ যে কাব্যে নাই, সে কাব্য সামান্য বলিয়া গণিত হয় ।

অনেকে এই কথা বিষয়কর বলিয়া বোধ করিবেন । কি এদেশে, কি সুসভ্য ইউরোপীয় জাতি মধ্যে, অনেক পাঠকেরই এইরূপ সংস্কার যে, ক্ষণিক চিত্তরঞ্জন ভিন্ন কাব্যের অন্য উদ্দেশ্য নাই । বস্তুতঃ অধিকাংশ কাব্য (বিশেষতঃ গদ্যকাব্য বা আধুনিক নবেলে) এই চিত্তরঞ্জন প্রবৃত্তিই লক্ষিত হয়—তাহাতে চিত্তরঞ্জন ভিন্ন গ্রহকারের অন্য উদ্দেশ্য থাকে না, এবং তাহাতে চিত্তরঞ্জনোপযোগিতা ভিন্ন আর কিছু থাকেও না । কিন্তু সে সকলকে উৎকৃষ্ট কাব্য বলিয়া গণা যাইতে পারে না ।

যদি চিত্তরঞ্জনই কাব্যের উদ্দেশ্য হইল, তবে বেঙ্গামের তর্কে দোষ কি ? * কাব্যেও চিত্তরঞ্জন হয়, শতরঞ্চ খেলায়ও চিত্তরঞ্জন হয় । বরং অনেকেরই ঐবান্হো অপেক্ষা একবাজি শতরঞ্চ খেলায় অধিক আমোদ হয় । তবে তাহাদের পক্ষে কাব্য হইতে শতরঞ্চ উৎকৃষ্ট বস্তু ? এবং স্কট্ কালিদাসাদি অপেক্ষা একজন পাকা খেলোয়াড় বড় লোক ? অনেকে বলিবেন যে, কাব্যপ্রদত্ত আনন্দ বিগুঢ় আনন্দ—সেই অন্য

* বেঙ্গাম বলেন, আমোদ সমান হইলে কাব্যের এবং 'পুস্পিন্' খেলার একই দর ।

কাব্যের ও কবির প্রাধান্য। শতরঞ্জের আমোদ অবিভক্ত কিসে ?

এরূপ তর্ক যদি অর্থার্থ না হয়, তবে চিত্তরঞ্জন ভিন্ন কাব্যের মুখ্য উদ্দেশ্য আর কিছু অবশ্য আছেই আছে। সেটি কি ?

অনেকে উত্তর দিবেন, “নীতিশিক্ষা।” যদি তাহা সত্য হয়, তবে “হিতোপদেশ” রঘুবংশ হইতে উৎকৃষ্ট কাব্য। কেন না বোধ হয়, হিতোপদেশে রঘুবংশ হইতে নীতি-বাহুল্য আছে। সেই হিসাবে কথামালা হইতে শকুন্তলা কাব্যংশে অপকৃষ্ট।

কেহই এ সকল কথা স্বীকার করিবেন না। যদি তাহা না করিলেন, তবে কাব্যের মুখ্য উদ্দেশ্য কি ? কি জন্য শতরঞ্জ খেলা ফেলিয়া শকুন্তলা পড়িব ?

কাব্যের উদ্দেশ্য নীতিজ্ঞান নহে—কিন্তু নীতিজ্ঞানের যে উদ্দেশ্য, কাব্যেরও সেই উদ্দেশ্য। কাব্যের গৌণ উদ্দেশ্য মনুষ্যের চিত্তোৎকর্ষসাধন—চিত্তশুদ্ধিজনন। কবিতা জগতের শিক্ষাদাতা—কিন্তু নীতি ব্যাখ্যার দ্বারা তাহার শিক্ষা দেন না। কথাছলেও নীতিশিক্ষা দেন না। তাহার সৌন্দর্যের চরমোৎকর্ষ সৃজনের দ্বারা জগতের চিত্তশুদ্ধি বিধান করেন। এই সৌন্দর্যের চরমোৎকর্ষের সৃষ্টি কাব্যের মুখ্য উদ্দেশ্য। প্রথমোক্তটি গৌণ উদ্দেশ্য, শেষোক্তটি মুখ্য উদ্দেশ্য।

কথাটা পরিষ্কার হইল না। যদিও উত্তরচরিত সমালোচন পক্ষে এ কথা আর অধিক পরিষ্কার করিবার প্রয়োজন নাই, তথাপি প্রস্তাবের গৌরবানুরোধে আমরা তাহাতে প্রবৃত্ত হইলাম।

চোর চুরি করে । ” রাজা তাহাকে বলিলেন, “তুমি চুরি করিও না ; আমি তাহা হইলে তোমাকে অবরুদ্ধ করিব ।” চোর ভয়ে প্রকাণ্ড চুরি হইতে নিবৃত্ত হইল, কিন্তু তাহার চিত্ত-শক্তি জ্বলিল না । সে যখনই বুঝিবে, চুরি করিলে রাজা জানিতে পারিবেন না, তখনই চুরি করিবে ।

তাহাকে ধর্মোপদেশক বলিলেন, “তুমি চুরি করিও না— চুরি ঈশ্বরাজ্ঞাবিরুদ্ধ ।” চোর বলিল, “তাহা হইতে পারে, কিন্তু ঈশ্বর যখন আমার আহারের অপ্রতুল করিয়াছেন, তখন আমি চুরি করিয়াই খাইব । ধর্মোপদেশক বলিলেন, তুমি চুরি করিলে নরকে যাইবে ।” চোর বলিল, “তদ্বিষয়ে প্রমাণাভাব ।”

নীতিবেত্তা কহিতেছেন, “তুমি চুরি করিও না, কেন না চুরিতে সকল লোকের অনিষ্ট ; তাহাতে সকল লোকের অনিষ্ট, তাহা কাহারও কর্তব্য নহে ।” চোর বলিবে, “যদি সকল লোক আমার জন্ত ভাবিত, আমি তাহা হইলে সকলের জন্ত ভাবিতে পারিতাম । লোকে আমার খেতে দিক্, আমি চুরি করিব না । কিন্তু যেখানে লোকে আমার কিছু দেয় না, সেখানে তাহাদের অনিষ্ট হয় হউক, আমি চুরি করিব ।”

কবি চোরকে কিছু বলিলেন না, চুরি করিতে নিষেধ করিলেন না । কিন্তু তিনি এক সর্বজনমনোহর পবিত্র চরিত্র সৃজন করিলেন । সর্বজনমনোহর, তাহাতে চোরেরও মন মুগ্ধ হইবে । মনুষ্যের স্বভাব, যে বাহাতে মুগ্ধ হয়, পুনঃপুনঃ চিত্ত প্রীত হইয়া তদালোচনা করে । তাহাতে আকাজকা জন্মে—কেন না লাভাকাজকার নামই অমুগ্ধ । এইরূপে পবিত্রতার

প্রতি চোরের অমুরাগ জন্মে । সুতরাং 'চুরি প্রভৃতি অপবিত্র কার্যে সে বীতরাগ হয় ।

“আত্মপরায়ণতা মন্দ—তুমি আত্মপরায়ণ হইও না ।” এই নৈতিক উক্তি রামায়ণ নহে । কথাচ্ছলে এই নীতি প্রতিপন্ন করিবার জন্য রামায়ণের প্রণয়ন হয় নাই । কিন্তু রামায়ণ হইতে ভারতবর্ষের আত্মপরায়ণতা দোষ যতদূর পরিহার হইয়াছে, ততদূর, কোন নীতিবেত্তা, ধর্মবেত্তা, সমাজকর্তা, বা রাজা বা রাজকর্মচারী কর্তৃক হয় নাই । সুবিবেচক পাঠকের এতক্ষণ বোধ হইয়া থাকিবেক, যে উদ্দেশ্য এবং সফলতা উভয় বিবেচনা করিলে, রাজা, রাজনীতিবেত্তা, ব্যবস্থাপক, সমাজতত্ত্ববেত্তা, ধর্মোপদেষ্টা, নীতিবেত্তা, দার্শনিক, বৈজ্ঞানিক সর্বাপেক্ষাই কবির শ্রেষ্ঠত্ব । কবিত্ব পক্ষে যেরূপ মানসিক ক্ষমতা আবশ্যিক, তাহা বিবেচনা করিলেও কবির সেইরূপ প্রাধান্য । কবিরা জগতের শ্রেষ্ঠ শিক্ষাদাতা এবং উপকারকর্তা এবং সর্বাপেক্ষা অধিক মানসিকশক্তিসম্পন্ন ।

কি প্রকারে কাব্যকারেরা এই মহৎ কার্য সিদ্ধ করেন ? যাহা সকলের চিত্তকে আকৃষ্ট করিবে, তাহার সৃষ্টির দ্বারা । সকলের চিত্তকে আকৃষ্ট করে, সে কি ? সৌন্দর্য্য ; অতএব সৌন্দর্য্যসৃষ্টিই কাব্যের মুখ্য উদ্দেশ্য । সৌন্দর্য্য অর্থে কেবল বাহ্য প্রকৃতির বা শারীরিক সৌন্দর্য্য নহে । সকল প্রকারের সৌন্দর্য্য বৃদ্ধিতে হইবেক । যাহা স্বভাবানুকারী নহে, তাহাতে কুসংস্কারাবিষ্ট লোক ভিন্ন কাহারও মন মুগ্ধ হয় না । এজন্য স্বভাবানুকারিতা সৌন্দর্য্যের একটি গুণ মাত্র—স্বভাবানুকারিতা ছাড়া সৌন্দর্য্য জন্মে না । তবে যে আমরা স্বভাবানু-

কারিতা এবং সৌন্দর্য্য দুইটা পৃথক্ গুণ বলিয়া নির্দেশ করিয়াছি, তাহার কারণ, সৌন্দর্য্যের অনেক অর্থ প্রচলিত আছে ।

আর একটি কথা বুঝাইলেই হয় । এই জগৎ ত সৌন্দর্য্যময় — তাহার প্রতিকৃতি মাত্রই সৌন্দর্য্যময় হইবে । তবে কেন আমরা উপরে বলিয়াছি যে, যাহা প্রকৃতির প্রতিকৃতি মাত্র, সে সৃষ্টিতে কবির তাদৃশ গৌরব নাই ? তাহার কারণ, সে কেবল প্রতিকৃতি—অনুলিপি মাত্র—তাহাকে “সৃষ্টি” বলা যায় না । যাহা সতের প্রতিকৃতি মাত্র নহে—তাহাই সৃষ্টি । যাহা স্বভাবানুকায়ী, অথচ স্বভাবতিরিক্ত, তাহাই কবির প্রশংসনীয় সৃষ্টি । তাহাতেই চিত্র বিশেষরূপে আকৃষ্ট হয় । যাহা প্রকৃত, তাহাতে তাদৃশ চিত্র আকৃষ্ট হয় না । কেন না, তাহা অসম্পূর্ণ, দোষ-সংস্পৃষ্ট, পুরাতন, এবং অনেক সময়ে অস্পষ্ট । কবির সৃষ্টি তাঁহার স্বৈচ্ছাধীন—সুতরাং সম্পূর্ণ, দোষশূন্য, নবীন, এবং স্পষ্ট হইতে পারে ।

এইরূপ যে সৌন্দর্য্যসৃষ্টি কবির সর্বপ্রধান গুণ—সেই অভিনব, স্বভাবানুকায়ী, স্বভাবতিরিক্ত সৌন্দর্য্য সৃষ্টি-গুণে, ভারতবর্ষীয় কবিদিগের মধ্যে বাম্বীকি এবং মহাভারতকার প্রধান । এক এক কাব্যে ঈদৃশ সৃষ্টিবৈচিত্র্য প্রায় জগতে দুর্লভ ।

এ সঙ্কে ভবভূতির স্থান কোথায় ? তাহা তাঁহার তিন খানি নাটক পর্যালোচিত না করিলে অবধারিত করা যায় না । তাহা আমাদের উদ্দেশ্য নহে । কেবল উত্তরচরিত দেখিয়া তাঁহাকে অতি উচ্চাসন দেওয়া যায় না । উত্তরচরিতে ভবভূতি

অনেক দূর পর্য্যন্ত বান্দোঙ্কির অনুবর্তী হইতে বাধ্য হইয়াছেন, সুতরাং তাঁহার সৃষ্টিমধ্যে নবীনত্বের অভাব; এবং সৃষ্টিচাতুর্যের প্রচার করিবার পথও পান নাই। চরিত্রসৃষ্টি সম্বন্ধে ইহা বলা যাইতে পারে, যে রাম ও সীতা ভিন্ন কোন নায়ক নায়িকার প্রাধান্ত নাই। সীতা, রামায়ণের সীতার প্রতিকৃতি মাত্র। রামের চরিত্র, রামায়ণের রামের চরিত্রের উৎকৃষ্ট প্রতিকৃতিও নহে—ভবভূতির হস্তে সে মহচ্চিত্র যে বিকৃত হইয়া গিয়াছে, তাহা পূর্বেই প্রতিপন্ন করা হইয়াছে। সীতাও তাঁহার কাছে অপেক্ষাকৃত পর-সাময়িক স্ত্রীলোকের চরিত্র কতকদূর পাইয়াছেন।

তাই বলিয়া এমত বলা যায় না যে, উক্তচরিতে চরিত্র-সৃষ্টি-চাতুর্য কিছুই লক্ষিত হয় না। বাসন্তী ভবভূতির অভিনব সৃষ্টি বটে, এবং এ চরিত্র অত্যন্ত মনোহর। আমরা বাসন্তীর চরিত্রের সবিশেষ পরিচয় দিয়াছি, সুতরাং তৎসম্বন্ধে আর বিস্তারের আবশ্যক নাই। এই পরদুঃখকাতরহৃদয়া, মেহময়ী বনচারিণী যে অবধি প্রথম দেখা দিলেন, সেই অবধিই তাঁহার প্রতি পাঠকের প্রীতি সঞ্চার হইতে থাকিল।

ভষ্টির চন্দ্রকেতু ও লবের চিত্রও প্রশংসনীয়। প্রাণীন কবিদিগের স্তায় ভবভূতিও জড়পদার্থকে রূপবান্ করণে বিলক্ষণ সূচত্বর। তমসা, মৃগলা, গন্ধা, এবং পৃথিবী এই নাটকে মানবীরূপিণী। সেই রূপগুলিন যে মনোহর হইয়াছে, তাহা পূর্বেই বলিয়াছি।

কবির সৃষ্টি—চরিত্র, রূপ, স্থান, অবস্থা, কার্যাদিতে পরিণত হয়। ইহার মধ্যে কোন একটির সৃষ্টি কবির উদ্দেশ্য হওয়া

উচিত নহে । সকলের সংযোগে সৌন্দর্যের সৃষ্টি তাঁহার মুখ্য উদ্দেশ্য । চরিত্র, রূপ, স্থান, অবস্থা, কার্য্য, এ সকলের সম-
বায়ে যাহা দাঁড়াইল, তাহা যদি সুন্দর হইল, তবেই কবি
সিদ্ধকাম হইলেন ।

ভবভূতির চরিত্রসৃজনের ক্ষমতার পরিচয় দিয়াছি ।
অন্যান্য বিষয়ে তাঁহার সৃজনকৌশলের পরিচয় ছায়া
নামে উত্তরচরিতের তৃতীয়াক্ষে । আমাদিগের পরিশ্রম
যদি নিষ্ফল না হইয়া থাকে, তবে পাঠক সেই ছায়ার
মোহিনী শক্তি অনুভূত করিয়াছেন । ঈদৃশ রমণীয়া সৃষ্টি অতি
ছলভ ।

সৃষ্টি-কৌশল কবির প্রধান গুণ । কবির আর একটি বিশেষ
গুণ রসোদ্ভাবন । রসোদ্ভাবন কাহাকে বলে, আমরা বুঝাইতে
বাসনা করি, কিন্তু রস শব্দটি ব্যবহার করিয়াই আমরা সে পথে
কাটা দিয়াছি । এ দেশীয় প্রাচীন আলঙ্কারিকদিগের ব্যবহৃত
শব্দগুলি এ কালে পরিহার্য্য । ব্যবহার করিলেই বিপদ ঘটে ।
আমরা সাধ্যানুসারে তাহা বর্জন করিয়াছি, কিন্তু এই রসশব্দটি
ব্যবহার করিয়া বিপদ ঘটিল । নয়টি বৈ রস নয়, কিন্তু মনুষ্য-
চিত্তবৃত্তি অসংখ্য । রতি, শোক, ক্রোধ, স্থায়িত্ব ; কিন্তু হর্ষ,
অমর্ষ প্রভৃতি ব্যতিচারিত্ব । মেহ, প্রণয়, দয়া ইহাদের
কোথাও স্থান নাই ;—না স্থায়ী, না ব্যতিচারী—কিন্তু একটি
কাব্যানুপযোগী কদর্য্য মানসিক বৃত্তি আদিরসের আকারস্বরূপ
স্থায়িত্বে প্রথমে স্থান পাইয়াছে । মেহ, প্রণয়, দয়াদিপরি-
জ্ঞাপক রস নাই ; কিন্তু শান্তি, একটি রস । সূত্রাং এবম্বিধ
পারিভাষিক শব্দ লইয়া সমালোচনার কার্য্য সম্পন্ন হয় না ।

আমরা যাহা বলিতে চাহি, তাহা অত্র কথায় বুঝাইতেছি—
আলঙ্কারিকদিগকে প্রণাম করি।

মনুষ্যের কার্যের মূল তাহাদিগের চিত্তবৃত্তি। সেই সকল
চিত্তবৃত্তি অবস্থানুসারে অত্যন্ত বেগবতী হয়। সেই বেগের সমু-
চিত বর্ণনদ্বারা সৌন্দর্যের সৃজন, কাব্যের উদ্দেশ্য। অস্বদে-
শীল আলঙ্কারিকেরা সেই বেগবতী মনোবৃত্তিগণকে “স্থায়িতাব
নাম দিয়া এ শব্দের একরূপ পরিভাষা করিয়াছেন যে, প্রকৃত
কথা বুঝা ভার। ইংরাজী আলঙ্কারিকেরা তাহাকে (Passions)
বলেন। আমরা তাহার কাব্যগত প্রতিকৃতিকে রসোদ্ভাবন
বলিলাম।

রসোদ্ভাবনে ভবভূতির ক্ষমতা অপরিমিত। যখন যে রস
উদ্ভাবনেই ইচ্ছা করিয়াছেন, তখনই তাহার চরম দেখাইয়াছেন।
তাহার লেখনা-মুখে মেহ উছলিতে থাকে—শোক দহিতে
থাকে, দম্ব দুলিতে থাকে। ভবভূতির মোহিনী শক্তি প্রভাবে
আমরা দেখিতে পাই যে রানের শবীর ভাঙিতেছে; মস্তক
ছিঁড়িতেছে; মস্তক ঘুরিতেছে; চেতনা লুপ্ত হইতেছে—
দেখিতে পাই, সীতা কখন বিস্ময়স্থিতা; কখন আনন্দোগিতা
কখন প্রেমাভিভূতা; কখন অভিমানকুণ্ঠিতা; কখন আত্মাব-
মাননাসঙ্কুচিতা; কখন অনুতাপবিবশা; কখন মহাশোকে
ব্যাকুলা। কবি যখন যাহা দেখাইয়াছেন, একেবারে নারক
ধারিকার হৃদয় যেন বাহির করিয়া দেখাইয়াছেন। যখন সীতা
বলিলেন, “অস্মহে জলভরিদমেহথনিদগস্তীরমঃসংসো বুদো গু
এসো” ভারদীনিগৃঘোসো! ভরিজ্জহাণকধবিবরং মং বি
মন্দভাইনিং বতি উস্মাবেদি!” তখন বোধ হইল, জগৎসংসার

সীতার প্রেমে পরিপূর্ণ হইল । ফলে রসোদ্ভাবনী শক্তিতে ভবভূতি পৃথিবীর প্রধান কবিদিগের সহিত তুলনীয় । একটি মাত্র কথা বলিয়া মানব-মনোবৃত্তির সমুদ্রবৎ সীমাশূন্যতা চিত্রিত করা মহাকবির লক্ষণ । ভবভূতির রচনা সেই লক্ষণাক্রান্ত । পরিতাপের বিষয় এই যে, সে শক্তি থাকিতেও ভবভূতি রাম-বিলাপের এত বাহুল্য করিয়াছেন । ইহাতে তাহার যশের লাঘব হইয়াছে ।

আমাদিগের ইচ্ছা ছিল যে, এই রামবিলাপের সহিত, অপর কল্প খানি প্রসিদ্ধ নাটকের কয়েকটি স্থান তুলিত করিয়া তার-তম্য দেখাই । কিন্তু স্থানাভাবে পাবিলাম না । সঙ্গদয় পাঠক, শকুন্তলার জন্ত দুঃস্বপ্নের বিলাপ, দেস্দিমোনার জন্ত ওথেলোর বিলাপ, এবং ইউরিপিদিসের নাটকে আল্কেস্তিসের জন্ত আদমিতসের বিলাপ, এই রামবিলাপের সঙ্গে তুলনা করিয়া দেখিবেন ।

বাহু প্রকৃতির শোভার প্রতি প্রগাঢ় অনুরাগ ভবভূতির আব একটি গুণ । সংসারে যেখানে যাহা সুদৃশ্য, সুগন্ধ বা সুখকর ভবভূতি অনবরত তাহার সন্ধানে ফিবেন । মালাকার যেমন পুষ্পাদ্যান হইতে সুন্দর সুন্দর কুসুমগুলি তুলিয়া সভামণ্ডপ রঞ্জিত করে, ভবভূতি সেইরূপ সুন্দর বস্তু অবকীর্ণ করিয়া এই নাটক খানি শোভিত করিয়াছেন । যেখানে সুদৃশ্য বৃক্ষ, প্রফুল্ল কুসুম, সুশীতল সুবাসিত বারি,—যেখানে নীল মেঘ, উত্তুঙ্গ পর্বত, মৃৎনির্নাদিনী নিৰ্ঝরিণী, শ্যামল কানন, তরঙ্গসঙ্কুলানদী—যেখানে সুন্দর বিহঙ্গ, ক্রীড়াশীল করিশাবক, সরলস্বভাব কুরঙ্গ—সেই খানে কবি দাঁড়াইয়া একবার তাহার সৌন্দর্য্য

দেখাইয়াছেন। কবিদিগের মধ্যে এই গুণটি সের্বপীয়র ও কালিদাসের বিশেষ লক্ষণীয়। ভবভূতিরও এই গুণ বিশেষ প্রকাশমান।

ভবভূতির ভাষা অতি চমৎকারিণী। তাঁহার রচনা সমাস-বহুলতা ও দুর্বোধ্যতা দোষে কলঙ্কিতা বলিয়া বিদ্যাসাগর মহাশয় কর্তৃক নিন্দিত হইয়াছে। সে নিন্দা সমূলক হইলেও, সাধারণতঃ যে ভবভূতির ব্যবহৃত সংস্কৃত ও প্রাকৃত অতি মনোহর, তদ্বিষয়ে সংশয় নাই। উইল্‌সন্ বলিয়াছেন যে, কালিদাস ও ভবভূতির ভাষার স্মার মহতী ভাষা কোন দেশের লেখকেই দৃষ্ট হয় না।

উত্তরচরিতের যে সকল দোষ, তাহা আমরা যথাস্থানে বিবৃত করিয়াছি—পুনরুল্লেখের আবশ্যকতা নাই। আমরা এই নাটকের সমালোচনা সমাপন করিলাম। অন্তান্ত দোষের মধ্যে দৈর্ঘ্য-দোষে এই সমালোচন বিশেষ দূষিত হইয়াছে। এজন্য আমরা কুণ্ঠিত নহি। যে দেশে তিন ছত্রে সচরাচর গ্রন্থসমালোচনা সমাপ্ত করা প্রথা, সে দেশে একখানি প্রাচীন গ্রন্থের সমালোচন দীর্ঘ হইলে দোষটি নার্জনাভীত হইবে না। যদি ইহার দ্বারা একজন পাঠকেরও কাব্যানুরাগ বর্ধিত হয়, বা তাঁহার কাব্যরসগ্রাহিনী শক্তির কিঞ্চিন্মাত্র সহায়তা হয়, তাহা হইলেই এই দীর্ঘ প্রবন্ধ আমরা সফল বিবেচনা করিব।

গীতিকাব্য ।*

কাব্য কাহাকে বলে, তাহা অনেকে বুঝাইবার জন্ম বহু করিয়াছেন, কিন্তু কাহারও যত্ন সফল হইয়াছে কি না সন্দেহ । ইহা স্বীকার করিতে হইবে, যে দুই ব্যক্তি কখন এক প্রকার অর্থ করেন নাই । কিন্তু কাব্যের যথার্থ লক্ষণ সম্বন্ধে মতভেদ থাকিলেও কাব্য একই পদার্থ সন্দেহ নাই । সেই পদার্থ কি, তাহা কেহ বুঝাইতে পারুন বা না পারুন, কাব্যপ্রিয় ব্যক্তি যাত্রাই এক প্রকার অনুভব করিতে পারেন ।

কাব্যের লক্ষণ যাহাই হউক না কেন, আমাদের বিবেচনার অনেকগুলিন গ্রন্থ, যাহার প্রতি সচরাচর কাব্য নাম প্রযুক্ত হয় না, তাহাও কাব্য । মহাভারত, রামায়ণ ইতিহাস বলিয়া খ্যাত হইলেও তাহা কাব্য ; শ্রীমদ্ভাগবত পুরাণ বলিয়া খ্যাত হইলেও তাহা অংশবিশেষে কাব্য ; স্বর্গের উপন্যাস-গুলিকে আমরা উৎকৃষ্ট কাব্য বলিয়া স্বীকার করি ; নাটককে আমরা কাব্য মধ্যে গণ্য করি তাহা বলা বাহুল্য ।

ভারতবর্ষীয় এবং পাশ্চাত্য আলঙ্কারিকেরা কাব্যকে নানা শ্রেণীতে বিভক্ত করিয়াছেন । তাহার মধ্যে অনেকগুলিন

* অবকাশরঞ্জিনী । কলিকাতা ।

বিভাগ অনর্থক বলিয়া বোধ হয় । তাঁহাদিগের কথিত তিনটি শ্রেণী গ্রহণ করিলেই যথেষ্ট হয় ; যথা, ১ম দৃশ্যকাব্য ; অর্থাৎ নাটকাদি ; ২য় আখ্যানকাব্য অথবা মহাকাব্য ; রঘুবংশের ঞ্চার বংশাবলীর উপাখ্যান, রামায়ণের ঞ্চার ব্যক্তিবিশেষের চরিত, শিশুপালবধের ঞ্চার ঘটনা-বিশেষের বিবরণ, সকলই ইহার অন্তর্গত ; বাসবদত্তা, কাদম্বরী প্রভৃতি গদ্য কাব্য ইহার অন্তর্গত, এবং আধুনিক উপন্যাস সকল এই শ্রেণীভুক্ত । ৩য়, খণ্ডকাব্য । যে কোন কাব্য প্রথম ও দ্বিতীয় শ্রেণীর অন্তর্গত নহে, তাহাকেই আমরা খণ্ডকাব্য বলিলাম ।

দেখা যাইতেছে যে এই ত্রিবিধ কাব্যের রূপগত বিলক্ষণ বৈষম্য আছে । কিন্তু রূপগত বৈষম্য প্রকৃত বৈষম্য নহে । দৃশ্য-কাব্য সচরাচর কথোপকথনেই রচিত হয়, এবং রক্ষাঙ্গনে অভিনীত হইতে পারে, কিন্তু যাহাই কথোপকথনে গ্রথিত, এবং অভিনয়োপযোগী, তাহাই যে নাটক বা তচ্ছেনীস্থ এমত নহে । এদেশের লোকের সাধারণতঃ উপরিউক্ত ভ্রান্তিমূলক সংস্কার আছে । এই জন্তু নিত্য দেখা যায় যে, কথোপকথনে গ্রথিত অসম্ভা পুস্তক নাটক বলিয়া প্রচারিত, পঠিত, এবং অভিনীত হইতেছে । বাস্তবিক তাহার মধ্যে অনেকগুলিই নাটক নহে । পাশ্চাত্য ভাষায় অনেকগুলি উৎকৃষ্ট কাব্য আছে, যাহা নাটকের ঞ্চার কথোপকথনে গ্রথিত, কিন্তু বস্তুতঃ নাটক নহে । “ Comus, ” “ Manfred ”, “ Faust, ” ইহার উদাহরণ । অনেকে শকুন্তলা, ও উত্তররামচরিতকেও নাটক বলিয়া স্বীকার করেন না । তাঁহারা বলেন, ইংরাজি ও গ্রীক ভাষা ভিন্ন কোন ভাষায় প্রকৃত নাটক নাই ; পক্ষান্তরে গেট্ট বলিয়াছেন যে

শ্রেষ্ঠ নাটকের পক্ষে, কথোপকথনে গ্রহণ বা অভিনয়ের উপযোগিতা নিতান্ত আবশ্যিক নহে। আমাদের বিবেচনায় "Bride of Lammermoor" কে নাটক বলিলে অস্তায় হয় না। ইহাতে বুঝা যাইতেছে, যে আখ্যানকাব্যও নাটকাকারে প্রণীত হইতে পারে; অথবা গীতপরম্পরার সন্নিবেশিত হইয়া গীতিকাব্যের রূপ ধারণ করিতে পারে। বাঙ্গালা ভাষায় শেখোক্ত বিদ্যের উদাহরণের অভাব নাই। পক্ষান্তরে, দেখা গিয়াছে, অনেক খণ্ডকাব্য মহাকাব্যের আকারে রচিত হইয়াছে। যদি কোন একটি সামান্য উপাখ্যানের সূত্রে গ্রথিত কাব্যমালাকে আখ্যানকাব্য বা মহাকাব্য নাম দেওয়া বিধেয় হয়, তবে "Excursion" এবং "Childe Harold" কে ঐ নাম দিতে হয়। কিন্তু আমাদের বিবেচনায় ঐ দুই কাব্য খণ্ডকাব্যের সংগ্রহ মাত্র।

খণ্ডকাব্য মধ্যে আমরা অনেক প্রকার কাব্যের স্থান করিয়াছি। তন্মধ্যে এক প্রকার কাব্য প্রাধান্য লাভ করিয়া ইউরোপে গীতিকাব্য (Lyric) নামে খ্যাত হইয়াছে। অল্প সেই শ্রেণীর কাব্যের কথায় আমাদের প্রয়োজন।

ইউরোপে কোন বস্তু একটি পৃথক নাম প্রাপ্ত হইয়াছে বলিয়া আমাদের দেশেও যে একটি পৃথক নাম দিতে হইবে এমত নহে। যেখানে বস্তুগত কোন পার্থক্য নাই, সেখানে নামের পার্থক্য অনর্থক এবং অনিষ্টজনক। কিন্তু যেখানে বস্তুগুলি পৃথক, সেখানে নামও পৃথক হওয়া আবশ্যিক। যদি এমত কোন বস্তু থাকে যে তাহার জন্য গীতিকাব্য নামটি গ্রহণ করা আবশ্যিক, তবে অবশ্য ইউরোপের নিকট আমাদের কাছে ধনী হইত হইবে।

গীত মনুষ্যের এক প্রকার স্বভাবজাত। মনের ভাব কেবল কথায় ব্যক্ত হইতে পারে, কিন্তু কণ্ঠভঙ্গীতে তাহা স্পষ্টীকৃত হয়। “আঃ” এই শব্দ কণ্ঠভঙ্গীর গুণে দুঃখবোধক হইতে পারে, বিরক্তিবাচক হইতে পারে, এবং ব্যঙ্গোক্তিও হইতে পারে। “তোমাকে না দেখিয়া আমি মরিলাম!” ইহা শুধু বলিলে, দুঃখ বুঝাইতে পারে, কিন্তু উপযুক্ত স্বরভঙ্গীর সহিত বলিলে দুঃখ শতগুণ অধিক বুঝাইবে। এই স্বরবৈচিত্র্যের পরিণামই সঙ্গীত। সুতরাং মনের বেগ প্রকাশের জন্ত আগ্রহাতিশয্য প্রযুক্ত, মনুষ্য সঙ্গীতপ্রিয়, এবং তৎসাধনে স্বভাবতঃ যত্নশীল।

কিন্তু অর্থযুক্ত বাক্য ভিন্ন চিত্তভাব ব্যক্ত হয় না, অতএব সঙ্গীতের সঙ্গে বাক্যের সংযোগ আবশ্যিক। সেই সংযোগোৎপন্ন পদকে গীত বলা যায়।

গীতের জন্ত বাক্যবিশ্লেষ করিলে দেখা যায়, যে কোন নিয়মাত্মক বাক্যবিশ্লেষ করিলেই গীতের পারিপাট্য হয়। সেই সকল নিয়মগুলির পরিজ্ঞানেই ছন্দের সৃষ্টি।

গীতের পারিপাট্য জন্য আবশ্যিক দুইটি; স্বরচাতুর্য্য এবং শব্দ-চাতুর্য্য। এই দুইটি পৃথক্ পৃথক্ দুইটি ক্ষমতার উপর নির্ভর করে। দুইটি ক্ষমতাই একজনের সচরাচর ঘটে না। যিনি সুকবি, তিনিই সুগায়ক, ইহা অতি বিরল।

কাজে কাজেই, একজন গীত-রচনা করেন, আর একজন গান করেন। এইরূপে গীত হইতে গীতিকাব্যের পার্থক্য ঘন্নে। গীত হওয়াই গীতিকাব্যের আদিম উদ্দেশ্য; কিন্তু যখন দেখা গেল যে গীত না হইলেও কেবল ছন্দোবিশিষ্ট রচনাই

আনন্দদায়ক, এবং সম্পূর্ণ চিত্তভাবব্যঞ্জক, তখন গীতোদ্দেশ্য
দূরে রহিল ; অগেয়ে গীতিকাব্য রচিত হইতে লাগিল ।

অতএব গীতের যে উদ্দেশ্য, যে কাব্যের সেই উদ্দেশ্য,
তাহাই গীতিকাব্য । বক্তার ভাবোচ্ছ্বাসের পরিষ্কৃততামাত্র
যাহার উদ্দেশ্য, সেই কাব্যই গীতিকাব্য ।

বিদ্যাপতি, চণ্ডীদাস প্রভৃতি বৈষ্ণব কবিদিগের রচনা,
ভারতচন্দ্রের রসমঞ্জরী, মাইকেল মধুসূদন দত্তের ব্রজাঙ্গনা
কাব্য. হেম বাবুর কবিতাবলী, ইহাই বাঙ্গালা ভাষার
উৎকৃষ্ট গীতিকাব্য * । অবকাশরঞ্জিনী আর একখানি উৎকৃষ্ট
গীতিকাব্য ।

যখন হৃদয়, কোন বিশেষ ভাবে আচ্ছন্ন হয়,—স্নেহ, কি
শোক, কি ভয়, কি যাহাই হউক, তাহার সমুদায়াংশ কখন
ব্যক্ত হয় না । কতকটা ব্যক্ত হয়, কতকটা ব্যক্ত হয় না ।
যাহা ব্যক্ত হয়, তাহা ক্রিয়ার দ্বারা বা কথা দ্বারা । সেই ক্রিয়া
এবং কথা নাটককারের সামগ্রী । যে টুকু অব্যক্ত থাকে, সেই
টুকু গীতিকাব্যপ্রণেতার সামগ্রী । যে টুকু সচরাচর অদৃষ্ট,
অদর্শনীয়, এবং অণুর অননুমেষ অথচ ভাবাপন্ন ব্যক্তির রুদ্ধ
হৃদয়মধ্যে উচ্ছ্বসিত, তাহা তাঁহাকে ব্যক্ত করিতে হইবে । মহা-
কাব্যের বিশেষ গুণ এই যে কবির উভয়বিধ অধিকার থাকে ;
ব্যক্তব্য এবং অব্যক্তব্য উভয়ই তাঁহার আয়ত্ত । মহাকাব্যঃ

* যখন এই প্রবন্ধ লিখিত হয়, তখন রবীন্দ্র বাবুর কাব্য সকল
প্রকাশিত হয় নাই ।

নাটক এবং গীতকাব্যে এই একটি প্রধান প্রভেদ বলিয়া বোধ হয়। অনেক নাটককর্তা তাহা বুঝেন না, সুতরাং তাঁহাদিগের নায়ক নায়িকার চরিত্র অপ্রাকৃত এবং বাগাড়ম্বরবিশিষ্ট হইয়া উঠে। সত্য বটে, যে গীতিকাব্যলেখককেও বাক্যের দ্বারাই রসোদ্ভাবন করিতে হইবে; নাটককারেরও সেই বাক্য সহায়। কিন্তু যে বাক্য ব্যক্তব্য, নাটককার কেবল তাহাই বলাইতে পারেন। যাহা অব্যক্তব্য, তাহাতে গীতিকাব্যকারের অধিকার।

উদাহরণ ভিন্ন ইহা অনেকে বুঝিতে পারিবেন না। কিন্তু এ বিষয়ের একটি উত্তম উদাহরণ উত্তরচরিত সমালোচনার উদ্ধৃত হইয়াছে। সীতাবিসর্জনকালে ও তৎপরে রামের ব্যবহারে যে তারতম্য ভবভূতির নাটকে এবং বাঙ্গালীর রামায়ণে দেখা যায়, তাহার আলোচনা করিলে এই কথা হৃদয়ঙ্গম হইবে। রামের চিত্তে যখন যে ভাব উদয় হইয়াছে, ভবভূতি তৎক্ষণাৎ তাহা লেখনীমুখে ধৃত করিয়া লিপিবদ্ধ করিয়াছেন; ব্যক্তব্য এবং অব্যক্তব্য উভয়ই তিনি স্বকৃত নাটক-মধ্যগত করিয়াছেন। ইহাতে নাটকোচিত কার্য্য না করিয়া গীতিকাব্যকারের অধিকারে প্রবেশ করিয়াছেন। বাঙ্গালী তাহা না করিয়া কেবল রামের কার্য্যগুলিই বর্ণিত করিয়াছেন, এবং তত্তৎ কার্য্য সম্পাদনার্থ যতখানি ভাবব্যক্তি আবশ্যিক, তাহাই ব্যক্ত করিয়াছেন। ভবভূতিকৃত ঐ রাম-বিলাপের সঙ্গে দেস্‌ডিমোনা বধের পর ওথেলোর বিলাপের বিশেষ করিয়া তুলনা করিলেও এ কথা বুঝা যাইবে। সেক-পীয়ার এমর্ড'কোন কথাই তৎকালে ওথেলোর মুখে ব্যক্ত করেন

নাই, যাহা তৎকালীন কার্যার্থ, বা অশ্লের কথার উত্তরে ব্যক্ত করা প্রয়োজন হইতেছে না । ব্যক্তব্যের অতিরেকে তিনি এক রেখাও যান নাই । তিনি ভবভূতির গায় নায়কের হৃদয়ানু-সন্ধান করিয়া, ভিতর হইতে এক একটি ভাব টানিয়া আনিয়া, একে একে গণনা করিয়া, সারি দিয়া সাজান নাই । অথচ কে না বলিবে যে রামের মুখে যে দুঃখ ভবভূতি ব্যক্ত করিয়াছেন, তাহার সহস্র গুণ দুঃখ সেকুপীয়র ওথেলোর মুখে ব্যক্ত করাইয়াছেন ।

সহজেই অনুমেয় যে যাহা ব্যক্তব্য তাহা পর সম্বন্ধীয়, বা কোন কার্যোদ্দিষ্ট, যাহা অব্যক্তব্য তাহা আশ্চর্য সম্বন্ধীয়, উক্তি মাত্র তাহার উদ্দেশ্য । এরূপ কথা যে নাটকে একেবারে সন্নিবেশিত হইতে পারে না এমত নহে, বরং অনেক সময়ে হওয়া আবশ্যিক । কিন্তু ইহা কখন নাটকের উদ্দেশ্য হইতে পারে না ; নাটকের যাহা উদ্দেশ্য, তাহার আনুসঙ্গিকতা বশতঃ প্রয়োজন মত কদাচিৎ সন্নিবেশিত হয় ।

প্রকৃত এবং অতিপ্রকৃত ।

কাব্যরসের সামগ্রী মনুষ্যের হৃদয় । যাহা মনুষ্যহৃদয়ের অংশ, অথবা যাহা তাহার সঞ্চালক, তদ্ব্যতীত আর কিছুই কাব্যোপযোগী নহে । কিন্তু কখনও কখনও মহাকবিরা, যাহা অতিমানুষ, তাহারও বর্ণনায় প্রবৃত্ত হইয়াছেন । তন্মধ্যে অধিকাংশই মনুষ্যচরিত্রের আনুবঙ্গিক মাত্র । মহাভারত, ইলিয়দ, প্রভৃতি প্রাচীন কাব্য সকল, এই প্রকার পার্থিব নাটক নাট্যিকার চিত্রানুবঙ্গিক দেবচরিত্র বর্ণনায় পরিপূর্ণ । দেবচরিত্র-বর্ণনায় রসস্থানির বিশেষ কারণ এই যে যাহা মনুষ্যচরিত্রানুকারী নহে, তাহার সঙ্গে মনুষ্য লেখক বা মনুষ্য পাঠকের সহৃদয়তা জন্মিতে পারে না । যদি আমরা কোথাও পড়ি যে কোন মনুষ্য যমুনার এক বহুজলবিশিষ্ট হৃদমধ্যে নিমগ্ন হইয়া অজগর সর্প কর্তৃক জলমধ্যে আক্রান্ত হইয়াছে, তবে আমাদের মনে ভয়সঞ্চার হয় ; আমাদের জানা আছে যে এমন বিপদাপন্ন মনুষ্যের মৃত্যুরই সম্ভাবনা ; অতএব তাহার মৃত্যুর আশঙ্কায় আমরা ভীত ও দুঃখিত হই ; কবির অভিপ্রেত রস অকর্তারিত হয়, তাঁহার যত্নের সফলতা হয় । কিন্তু যদি আমরা পূর্ব হইতে জানিয়া থাকি, যে নিমগ্ন মনুষ্য বস্তুতঃ মনুষ্য নহে, দেবপ্রকৃত, জল বা সর্পের শক্তির অধীন নহে, ইচ্ছাময় এবং সর্বশক্তিমান,

তখন ... আমাদের ভয় বা কুতূহল থাকে না ; কেন না আমরা আগেই জানি যে এই অজেয়, অবিনশ্বর পুরুষ এখনই কালিয় দমন করিয়া জল হইতে পুনরুত্থান করিবেন ।

এমত অবস্থাতেও যে পূর্বকবিগণ দৈব বা অতিমানুষ চরিত্র সৃষ্ট করিয়া লোকরঞ্জে সক্ষম হইয়াছেন, তাহার একটি বিশেষ কারণ আছে । তাঁহারা দেবচরিত্রকে মনুষ্যচরিত্রানুকৃত করিয়া বর্ণনা করিয়াছেন ; সুতরাং সে সকলের সঙ্গে পাঠক বা শ্রোতার সহৃদয়তার অভাব হয় না । মনুষ্যগণ যে সকল রাগদ্বेषাদির বশীভূত ; মনুষ্য যে সকল সুখের অভিলাষী, দুঃখের অপ্রিয় ; মনুষ্য যে সকল আশায় লুক্ক, সৌন্দর্য্যে মুগ্ধ, অনুতাপে তপ্ত, এই মনুষ্যপ্রকৃত দেবতারাও তাই । শ্রীকৃষ্ণ, জগদীশ্বরের আংশিক বা সম্পূর্ণ অবতারস্বরূপ কল্পিত হইলেও মনুষ্যের ন্যায় মানবধর্ম্মাবলম্বী । মানবচরিত্রগত এমন একটি উৎকৃষ্ট মনোবৃত্তি নাই, যে তাহা ভাগবতকারকৃত শ্রীকৃষ্ণচরিত্রে অঙ্কিত হয় নাই । এই মানুষিক চরিত্রের উপর অতিমানুষ বল এবং বুদ্ধির সংযোগে চিত্রের কেবল মনোহারিত্ব বৃদ্ধি হইয়াছে ; কেন না কবি মানুষিক বলবুদ্ধিসৌন্দর্য্যের চরমোৎকর্ষ সৃজন করিয়াছেন । কাব্যে অতিপ্রকৃতির সংস্থানের উদ্দেশ্য এবং উপকার এই ; এবং তাহার নিয়ম এই যে, যাহা প্রকৃত তাহা যে সকল নিয়মের অধীন, কবির সৃষ্ট অতিপ্রকৃতও সেই সকল নিয়মের অধীন হওয়া উচিত ।

সংস্কৃত এমন একখানি এবং ইংরেজিতে একখানি মহাকাব্য আছে যে দৈব এবং অতিপ্রকৃত চরিত্র তাহার আনুষঙ্গিক বিষয় নহে, মূল বিষয় । আমরা কুমারসম্ভব এবং Paradise Lost

নামক কাব্যের কথা বলিতেছি । মিল্টনের নায়ক দেবপ্রকৃত ঈশ্বরবিদ্রোহী সম্রাট, এবং তাঁহার অনুচরবর্গ । জগদীশ্বরের সহিত তাহাদিগের বিবাদ, জগদীশ্বর এবং তাঁহার অনুচরের সহিত তাহাদিগের যুদ্ধ । মিল্টন কোন পক্ষকেই সম্যক প্রকারে মানবপ্রকৃতিবিশিষ্ট করেন নাই । সুতরাং তিনি কাব্যরসের অত্যাংকুষ্ঠ অবতারণায় কৃতকার্য হইয়াও, লোক-মনোরঞ্জে তাদৃশ কৃতকার্য হইয়া নাই । Paradise Lost অত্যাংকুষ্ঠ মহাকাব্য হইলেও, প্রায় কেহ তাহা আনুপূর্বিক পাঠ করেন না । আনুপূর্বিক পাঠ কষ্টকর হইয়া উঠে । মিল্টনের ছায় প্রথম শ্রেণীর কবির রচনা না হইয়া যদি ইহা মধ্যম শ্রেণীর কোন কবির রচনা হইত, তবে বোধ হয়, কেহই পড়িত না । ইহার কারণ মনুষ্যচরিত্রের অননুকারী দৈব চরিত্রে মনুষ্যের সহদয়তা হয় না । এই কাব্যে যেখানে আদম ও ইবের কথা আছে, সেইখানেই অধিকতর সুখদায়ক । কিন্তু ইহারা এ কাব্যের প্রকৃত নায়ক নায়িকা নহে—তাহাদের উল্লেখ আনুষঙ্গিক মাত্র । আদম ও ইব প্রকৃত মনুষ্যপ্রকৃতি ; তাহারা প্রথম মনুষ্য, পার্থিব সুখ দুঃখেব অনধীন, নিষ্পাপ ; যে সকল শিক্ষার গুণে মনুষ্য মনুষ্য, সে সকল শিক্ষা পায় নাই । অতএব এই কাব্যে প্রকৃত মনুষ্যচরিত্র বর্ণিত হয় নাই ।

কুমারসম্বন্ধে একটিও মনুষ্য নাই । যিনি প্রধান নায়ক, তিনি স্বয়ং পরমেশ্বর । নায়িকা পরমেশ্বরী । তন্ত্রের পর্বত, পর্বতমহিষী, ঋষি, ব্রহ্মা, ইন্দ্র, কাম, রতি ইত্যাদি দেব দেবী । ষাণ্ডবিক এই কাব্যের তাৎপর্য অতি গূঢ় । সুংসারে দুই সম্ভ্র-

দায়ের লোক সর্বদা পরস্পরের সহিত বিবাদ করে দেখা যায় । এক, ইন্দ্রিয়পরবশ, ঐহিক সুখমাত্রাভিলাষী, পারত্রিক চিন্তা-বিরত; দ্বিতীয়, বিষয়বিরত সাংসারিক সুখমাত্রের বিদেষী, ঈশ্বরচিন্তামগ্ন । এক সম্প্রদায়, কেবল শারীরিক সুখ সার করেন; আর এক সম্প্রদায় শারীরিক সুখের অনুচিত বিদেষ করেন । বস্তুতঃ উভয় সম্প্রদায়ই ভ্রান্ত । যাহারা ঈশ্বরবাদী, ঈশ্বরপ্রদত্ত ইন্দ্রিয় অমঙ্গলকর, বা অশুদ্ধেয় মনে করা তাঁহাদের অকর্তব্য । শারীরিক ভোগাতিশ্যই দূষ্য; নচেৎ পরিমিত শারীরিক সুখ সংসারের নিয়ম, সংসাররক্ষার কারণ, ঈশ্বরাদিষ্ট, এবং ধর্মের পূর্ণতাজনক । এই শারীরিক এবং পারত্রিকের পরিণয় গীত করাই, কুমারসম্ভব কাব্যের উদ্দেশ্য । পার্থিব পর্বতোৎপন্ন উমা শরীররূপিণী, তপস্চারী মহাদেব পারত্রিক শান্তির প্রতিমা । শান্তির প্রাপণাকাজ্জায় উমা প্রথমে মদনের সাহায্য গ্রহণ করিয়াছিলেন, কিন্তু নিষ্ফল হইলেন । ইন্দ্রিয়-সেবার দ্বারা শান্তি প্রাপ্ত হওয়া যায় না । পরিশেষে আপন চিত্ত বিশুদ্ধ করিয়া, ইন্দ্রিয়সক্তি সমলতা চিত্ত হইতে দূর করিয়া, যখন শান্তির প্রতি মনোভিনিবেশ করিলেন, তখনই তাঁহাকে প্রাপ্ত হইলেন । সাংসারিক সুখের জন্ত আবশ্যিক চিত্ত-শুদ্ধি; চিত্তশুদ্ধি থাকিলে ঐহিক ও পারত্রিক পরস্পর বিরোধী নহে, পরস্পরে পরস্পরের সহায় ।

এইরূপে কবি, মনোবৃত্তি প্রভৃতি লইয়া নায়ক নায়িকা গঠন করিয়া, লোকপ্ৰীত্যর্থ লৌকিক দেবতাদিগের নামে তাহা পরিচিত করিয়াছেন । কিন্তু দেবচিত্রপ্রণয়নে তিনি মিল্টন অপেক্ষা অধিক কৌশল প্রকাশ করিয়াছেন । কবিত্ব ধরিতে

গেলে, Paradise Lost হইতে কুমারসম্ভব অনেক উচ্চ ।
 আমরাদিগের বিবেচনায় কুমারসম্ভবের তৃতীয় সর্গের কবিত্বের
 ঞ্চায় কবিত্ব, কোন ভাষার কোন মহাকাব্যে আছে, কি না
 সন্দেহ । কিন্তু কবিত্বের কথা ছাড়িয়া দিয়া, কেবল কোশ-
 সের কথা ধরিতে গেলে মিল্টন্ অপেক্ষা কালিদাসকে অধিক
 প্রশংসা করিতে হয় । Paradise Lost পাঠে শ্রম বোধ
 হয় ; কুমারসম্ভব আত্মোপাস্ত পুনঃ পুনঃ পাঠ কবিত্বাও
 পরিতৃপ্তি জন্মে না । ইহার কারণ এই যে কালিদাস করে-
 কটি দেবচরিত্র মনুষ্যচরিত্রানুকৃত করিয়া অশেষ মাধুর্য্যবিশিষ্ট
 করিয়াছেন । উমা স্বয়ং আদ্যোপাস্ত মানুষী, কোথাও তাঁহার
 দেবত্ব লক্ষিত হয় না । তাঁহার মাতা মেনা, মানুষী মাতার
 ঞ্চায় । “পদং সহৈত ভ্রমরশ্চ পেলবঃ” ইত্যাদি কবিতাঙ্কের
 সঙ্গে মণ্টাগুর উচ্চারিত “Like the bud bit by an en-
 vious worm” &c. ইতি উপমার তুলনা করুন । দেখিবেন,
 উমার মাতা এবং রোমিওর পিতা একই প্রকৃতি—হাড়ে হাড়ে
 মানব । মেনা পাবাগরানী, কিন্তু কুলবতী মানবীদিগের ঞ্চায়
 তাঁহার হৃদয় কুমুম-সুকুমার ।

বিদ্যাপতি ও জয়দেব ।

বাঙ্গালা সাহিত্যের আর যে দুঃখই থাকুক, উৎকৃষ্ট গীতিকাব্যের অভাব নাই। বরং অগ্ৰাণ্ড ভাষার অপেক্ষা বাঙ্গালায় এই জাতীয় কবিতার আধিক্য। অন্যান্য কবির কথা না ধরিলেও, একা বৈষ্ণব কবিগণই ইহার সমুদ্র বিশেষ। বাঙ্গালার প্রাচীন কবি—জয়দেব—গীতিকাব্যের প্রণেতা। পরবর্ত্তী বৈষ্ণব কবিদিগের মধ্যে বিদ্যাপতি, গোবিন্দদাস, এবং চণ্ডীদাসই প্রসিদ্ধ, কিন্তু আরও কতকগুলি এই সম্প্রদায়ের গীতিকাব্যপ্রণেতা আছেন। তাহাদের মধ্যে অনূন চারি পঁচজন উৎকৃষ্ট কবি বলিয়া গণ্য হইতে পারেন। ভারতচন্দ্রের রসমঞ্জরীকে এই শ্রেণীর কাব্য বলিতে হয়। রামপ্রসাদ সেন, আর একজন প্রসিদ্ধ গীতি-কবি। তৎপরে কতকগুলি “কবিওয়ালার” প্রাদুর্ভাব হয়, তন্মধ্যে কাহারও কাহারও গীত অতি সুন্দর। রাম বসু, হরু ঠাকুর, নিতাই দাসের এক একটি গীত এমত সুন্দর আছে, যে ভারতচন্দ্রের রচনার মধে তত্না কিছুই নাই। কিন্তু কবিওয়ালাদিগের অধিকাংশ রচনা, অশ্রদ্ধেয় ও অশ্রাব্য সন্দেহ নাই।

সকলই নিয়মের ফল। সাহিত্যও নিয়মের ফল। বিশেষ বিশেষ কারণ হইতে, বিশেষ বিশেষ নিয়মামুসারে, বিশেষ

বিশেষ ফলোৎপত্তি হয় । জল উপরিষ্ঠ বায়ু এবং নিম্নস্থ পৃথিবীর অবস্থানুসারে, কতকগুলি অলজ্জা নিয়মের অধীন হইয়া, কোথাও বাষ্প, কোথাও বৃষ্টিবিন্দু, কোথাও শিশির, কোথাও হিমকণা বা বরফ, কোথাও কুজ্জাটিকা রূপে পরিণত হয় । তেমনি সাহিত্যও দেশভেদে, দেশের অবস্থাভেদে, অসংখ্য নিয়মের বশবর্তী হইয়া রূপান্তরিত হয় । সেই সকল নিয়ম অত্যন্ত জটিল, দুজ্জের, সন্দেহ নাই ; এ পর্য্যন্ত কেহ তাহার সবিশেষ তত্ত্ব নিরূপণ করিতে পারেন নাই । কোম্ বিজ্ঞান-সম্বন্ধে যেরূপ তত্ত্ব আবিষ্কৃত করিয়াছেন, সাহিত্য সম্বন্ধে কেহ তদ্রূপ করিতে পারেন নাই । তবে ইহা বলা যাইতে পারে, যে সাহিত্য দেশের অবস্থা এবং জাতীয় চরিত্রের প্রতিবিম্ব মাত্র । যে সকল নিয়মানুসারে দেশভেদে, রাজনিপ্লবের প্রকারভেদ, সমাজবিপ্লবের প্রকারভেদ, ধর্মবিপ্লবের প্রকারভেদ ঘটে, সাহিত্যের প্রকারভেদ সেই সকল কারণেই ঘটে । কোন কোন ইউরোপীয় গ্রন্থকার সাহিত্যের সঙ্গে সমাজের আত্যন্তরিক সম্বন্ধ বুঝাইতে চেষ্টা করিয়াছেন । বকল্ ভিন্ন কেহ বিশেষ রূপে পরিশ্রম করেন নাই । এবং হিতবাদ মতপ্রিয় বক্তের সঙ্গে কাব্য সাহিত্যের সম্বন্ধ কিছু অল্প । মনুষ্যচরিত্র হইতে ধর্ম এবং নীতি মুছিয়া দিয়া, তিনি সমাজতত্ত্বের আলোচনার প্রবৃত্ত । বিদেশ সম্বন্ধে যাহা ইউক, ভারতবর্ষ সম্বন্ধে এ তত্ত্ব কেহ কখন উত্থাপন করিয়াছিলেন এমত আমাদের স্মরণ হয় না । সংস্কৃত সাহিত্য সম্বন্ধে মক্ষমূলরের গ্রন্থ বহুমূল্য বটে, কিন্তু প্রকৃত সাহিত্যের সঙ্গে সে গ্রন্থের সামান্য সম্বন্ধ ।

ভারতবর্ষীয় সাহিত্যের প্রকৃত গতি কি ? তাহা জানি না,

কিন্তু তাহার গোটাকত স্থূল স্থূল চিহ্ন পাওয়া যায়। প্রথম ভার-
তীয় আৰ্য্যগণ অনার্য্য আদিমবাসীদিগের সহিত বিবাদে ব্যস্ত ;-
তখন ভারতবর্ষীয়েরা অনার্য্যকুলপ্রমথনকারী, ভীতিশূন্য, দিগন্ত-
বিচারী, বিজয়ী বীর জাতি। সেই জাতীয় চরিত্রের ফল রামায়ণ।
তার পর ভারতবর্ষের অনার্য্য শত্রু সকল ক্রমে বিজিত, এবং
দূরপ্রস্থিত ; ভারতবর্ষ আৰ্য্যগণের করস্থ, আয়ত্ত, ভোগ্য এবং
মহা সমৃদ্ধিশালী। তখন আৰ্য্যগণ বাহ্য শত্রুর ভয় হইতে
নিশ্চিন্ত, আভ্যন্তরিক সমৃদ্ধি সম্পাদনে সচেষ্ট, হস্তগত অনন্ত-
রত্ন প্রসবিনী ভারতভূমি অংশীকরণে ব্যস্ত। যাহা সকলে জয়
করিয়াছে, তাহা কে ভোগ করিবে ? এই প্রশ্নের ফল আভ্যন্ত-
রিক বিবাদ। তখন আৰ্য্য পৌরুষ চরমে দাঁড়াইয়াছে—অন্য
শত্রুর অভাবে সেই পৌরুষ পরস্পরের দমনার্থ প্রকাশিত হই-
য়াছে। এই সময়ের কাব্য মহাভারত। বল যাহার, ভারত
তাহার হইল। বহুকালের রক্তবৃষ্টি শমিত হইল। স্থির হইয়া,
উন্নতপ্রকৃতি আৰ্য্যকুল শান্তিসুখে মন দিলেন। দেশের ধন-
বৃদ্ধি, শ্রীবৃদ্ধি, ও সভ্যতা বৃদ্ধি হইতে লাগিল। রোমক হইতে
ষবদ্বাপ ও চৈনিক পর্য্যন্ত ভারতবর্ষের বাণিজ্য ছুটিতে লাগিল ;
প্রতি নদীকূলে অনন্তসৌধমাণাশোভিত মহানগরী সকল মস্তক
উত্তোলন করিতে লাগিল। ভারতবর্ষীয়েরা সুখী হইলেন।
সুখী এবং কৃতী। এই সুখ ও কৃতিত্বের ফল, ভক্তিশাস্ত্র
ও দর্শনশাস্ত্র এ অবস্থা কাব্যে তাদৃশ পরিষ্কৃত হয় নাই।
কিন্তু লক্ষ্মী বা সরস্বতী কোথাও চিরস্থায়িনী নহেন, উভয়েই
চঞ্চলা। ভারতবর্ষ ধর্মশৃঙ্খলে একরূপ নিবদ্ধ হইয়াছিল, যে
সাহিত্যরসপ্রাণিনী শক্তিও তাহার বশীভূতা হইল। একতা-

প্রকৃত বোধ বিলুপ্ত হইল। সাহিত্যও ধর্ম্মানুকারী হইল। কেবল তাহাই নহে, বিচারশক্তি ধর্ম্মমোহে বিকৃত হইয়াছিল—প্রকৃত ত্যাগ করিয়া অপ্রকৃত কামনা করিতে লাগিল। ধর্ম্মই তৃষ্ণা, ধর্ম্মই আলোচনা, ধর্ম্মই সাহিত্যের বিষয়। এই ধর্ম্মমোহের ফল পুবাণ। কিন্তু যেমন এক দিকে ধর্ম্মের স্রোতঃ বহিতে লাগিল, তেমনি আর এক দিকে বিলাসিতার স্রোতঃ বহিতে লাগিল। তাহার ফল কালিদাসাদির কাব্য নাটকাদি।

ভারতবর্ষীয়েরা শেষে আসিয়া একটি এমন প্রদেশ অধিকার করিয়া বসতি স্থাপন করিয়াছিলেন, যে তথাকার জল বায়ুর গুণে তাঁহাদিগের স্বাভাবিক তেজ লুপ্ত হইতে লাগিল। তথাকার তাপ অসহ্য, বায়ু জলবাম্পপূর্ণ, ভূমি নিম্না এবং উর্বরা, এবং তাহার উৎপাদ্য অনার, তেজোহানিকারক ধাতু। সেখানে আসিয়া আর্ধ্যতেজ অন্তর্হিত হইতে লাগিল, আর্ধ্য-প্রকৃতি কোমলতাময়ী, আলস্যের বশবর্তিনী, এবং গৃহসুখাভিলাষিনী হইতে লাগিল। সকলেই বুঝিতে পারিতেছেন, যে আমরা বাঙ্গালার পরিচয় দিতেছি। এই উচ্চাভিলাষশূন্য, অলস, নিশ্চেষ্ট, গৃহসুখপরায়ণ চরিত্রের অনুকরণে এক বিচিত্র গীতিকাব্য সৃষ্ট হইল। সেই গীতিকাব্যও উচ্চাভিলাষশূন্য, অলস, ভোগাসক্ত, গৃহসুখপরায়ণ। সে কাব্যপ্রণালী অতিশয় কোমলতাপূর্ণ, অতি হুমধুর, দম্পতী-প্রণয়ের শেষ পরিচয়। অল্প সকল প্রকারের সাহিত্যকে পশ্চাৎ ফেলিয়া, এই জাতি-চরিত্রানুকারী গীতিকাব্য সাত আট শত বৎসর পর্য্যন্ত বঙ্গদেশে জাতীয় সাহিত্যের পদে দাঁড়াইয়াছে। এই জন্ত গীতিকাব্যের এত বাহুল্য।

বঙ্গীয় গীতিকাব্যলেখকদিগকে দুই দলে বিভক্ত করা যাইতে পারে । একদল, প্রাকৃতিক শোভার মধ্যে মনুষ্যকে স্থাপিত করিয়া তৎপ্রতি দৃষ্টি করেন ; আর একদল, বাহ্য প্রকৃতিকে দূরে রাখিয়া কেবল মনুষ্যহৃদয়কেই দৃষ্টি করেন । একদল মানব-হৃদয়ের সন্ধানে প্রবৃত্ত হইয়া বাহ্য প্রকৃতিকে দীপ করিয়া তদালোকে অব্যেয্য বস্তুকে দীপ্ত এবং প্রস্ফুট করেন ; আর একদল, আপনাদিগের প্রতিভাতেই সকল উজ্জ্বল করেন, অথবা মনুষ্যচরিত্র-খনিতে যে রত্ন মিলে, তাহার দীপ্তির জগ্ন অগ্ন দীপের আবশ্যক নাই, বিবেচনা করেন । প্রথম শ্রেণীর প্রধান জয়দেব, দ্বিতীয় শ্রেণীর মুখপাত্র বিদ্যাপতিকে ধরিয়া লওয়া যাউক । জয়দেবদিগের কবিতায়, সতত মাধবী যামিনী, মলয়সমীর, ললিতলতা, কুবলয়দলশ্রেণী স্ফুটিত কুসুম, শরচ্ছন্দ্র, মধুকরবৃন্দ, কোকিলকুঞ্জিত কুঞ্জ, নবজলধর, এবং তৎসঙ্গে, কামিনীর মুখমণ্ডল, জ্রবল্লী, বাহুলতা, বিঘোষ্ঠ, সরসীরুহলোচন, অলসনিমেঘ, এই সকলের চিত্র, বাতো-ন্নথিত তটিনীতরঙ্গবৎ সতত চাকচিক্য সম্পাদন করিতেছে । বাস্তবিক এই শ্রেণীর কবিদের কবিতায় বাহ্য প্রকৃতির প্রাধান্য । বিদ্যাপতি যে শ্রেণীর কবি, তাঁহাদিগের কাব্যে বাহ্য প্রকৃতির সম্বন্ধ নাই এমত নহে—বাহ্য প্রকৃতির সঙ্গে মানবহৃদয়ের নিত্য সম্বন্ধ, স্মরণ্য কাব্যেরও নিত্য সম্বন্ধ, কিন্তু তাঁহাদিগের কাব্যে বাহ্য প্রকৃতির অপেক্ষাকৃত অস্পষ্টতা লক্ষিত হয়, তৎপরিবর্তে মনুষ্যহৃদয়ের গূঢ়তলচারী ভাব সকল প্রধান স্থান গ্রহণ করে । জয়দেবাদিতে বহিঃপ্রকৃতির প্রাধান্য, বিদ্যাপতি প্রভৃতিতে অন্তঃপ্রকৃতির রাজ্য । জয়দেব,

বিদ্যাপতি উভয়েই রাধাকৃষ্ণের প্রণয়-কথা গীত করেন । কিন্তু জয়দেব যে প্রণয় গীত করিয়াছেন, তাহা বহিরিন্দ্রিয়ের অমু-
গামী । বিদ্যাপতি প্রভৃতির কবিতা, বিশেষতঃ চণ্ডীদাসাদির
কবিতা বহিরিন্দ্রিয়ের অতীত । তাহার কারণ কেবল এই বাহ্য
প্রকৃতির শক্তি । স্থূল প্রকৃতির সঙ্গে স্থূল শরীরেরই নিকট সম্বন্ধ,
তাহার আধিক্যে কবিতা একটু ইন্দ্রিয়ানুসারিণী হইয়া পড়ে ।
বিদ্যাপতির দল মনুষ্যহৃদয়কে বহিঃপ্রকৃতি ছাড়া করিয়া, কেবল
তৎপ্রতি দৃষ্টি করেন, সুতবাং তাঁহাদের কবিতা, ইন্দ্রিয়ের সংশ্রব-
শূন্য, বিলাসশূন্য, পবিত্র হইয়া উঠে । জয়দেবের গীত, রাধা-
কৃষ্ণের বিলাসপূর্ণ ; বিদ্যাপতির গীত রাধাকৃষ্ণের প্রণয়পূর্ণ ।
জয়দেব ভোগ ; বিদ্যাপতি আকাজ্ঞা ও স্মৃতি । জয়দেব সুখ,
বিদ্যাপতি দুঃখ । জয়দেব বসন্ত, বিদ্যাপতি বর্ষা । জয়দেবের
কবিতা, উৎফুল্লকমলজালশোভিত, বিহঙ্গমাকুল, স্বচ্ছবারিবিশিষ্ট
সুন্দর সরোবর ; বিদ্যাপতির কবিতা দূরগামিনী বেগবতী তরঙ্গ-
সঙ্কলা নদী । জয়দেবের কবিতা স্বর্ণহার, বিদ্যাপতির কবিতা
রুদ্রাঙ্কমালা । জয়দেবের গান, মুরজবীণাসঙ্গিনী ক্রীকণ্ঠগীতি ;
বিদ্যাপতির গান, সায়াহ্ন সমীপনের নিখাস ।

আমরা জয়দেব ও বিদ্যাপতির সম্বন্ধে যাহা বলিয়াছি,
তাঁহাদিগকে এক এক ভিন্নশ্রেণীর গীতিকবির আদর্শস্বরূপ বিবে-
চনা করিয়া তাহা বলিয়াছি । যাহা জয়দেব সম্বন্ধে বলিয়াছি,
তাহা ভারতচন্দ্র সম্বন্ধে বর্তে, যাহা বিদ্যাপতি সম্বন্ধে বলিয়াছি,
তাহা গোবিন্দদাস, চণ্ডীদাস প্রভৃতি বৈষ্ণব কবিদিগের সম্বন্ধে
বেশী খাটে, বিদ্যাপতি সম্বন্ধে তত খাটে না ।

আধুনিক বাঙ্গালি গীতিকাব্যলেখকগণকে একটি তৃতীয়-

শ্রেণীভুক্ত করা যাইতে পারে। তাঁহারা আধুনিক ইংরাজি গীতিকবিদিগের অনুগামী। আধুনিক ইংরাজি কবি ও আধুনিক বাঙ্গালি কবিগণ সভ্যতা বৃদ্ধির কারণে স্বতন্ত্র একটি পথে চলিয়াছেন। পূর্বকবিগণ, কেবল আপনাদিগকে চিনিতেন, আপনাদিগের নিকটবর্তী যাহা তাহা চিনিতেন। যাহা আভ্যন্তরিক, বা নিকটস্থ, তাহার পুঙ্খানুপুঙ্খ সন্ধান জানিতেন, তাহার অননুকরণীয় চিত্র সকল রাখিয়া গিয়াছেন। একগুণকার কবিগণ—জ্ঞানী, বৈজ্ঞানিক, ইতিহাসবেত্তা, আধ্যাত্মিকতত্ত্ববিৎ। নানা দেশ, নানা কাল, নানা বস্তু তাঁহাদিগের চিত্রমধ্যে স্থান পাইয়াছে। তাঁহাদিগের বুদ্ধি বহুবিষয়িণী বলিয়া তাঁহাদিগের কবিতা বহুবিষয়িণী হইয়াছে। তাঁহাদিগের বুদ্ধি দূরসম্বন্ধগ্রাহিণী বলিয়া তাঁহাদিগের কবিতাও দূরসম্বন্ধপ্রকাশিকা হইয়াছে। কিন্তু এই বিস্তৃতিগুণ হেতু প্রগাঢ়তা গুণের লাঘব হইয়াছে। বিদ্যাপতি প্রভৃতির কবিতার বিষয় সঙ্কীর্ণ, কিন্তু কবিত্ব প্রগাঢ়; মধুসূদন বা হেমচন্দ্রের কবিতার বিষয় বিস্তৃত, কিন্তু কবিত্ব তাদৃশ প্রগাঢ় নহে। জ্ঞানবৃদ্ধির সঙ্গে সঙ্গে কবিত্বশক্তির হ্রাস হয় বলিয়া যে প্রবাদ আছে, ইহা তাহার একটি কারণ। যে জল সঙ্কীর্ণ কূপে গভীর; তাহা তড়াগে ছড়াইলে আর গভীর থাকে না।

কাব্যের অন্তঃপ্রকৃতি ও বহিঃপ্রকৃতির মধ্যে যথার্থ সম্বন্ধ এই যে, উভয়ে উভয়ের প্রতিবিম্ব নিপতিত হয়। অর্থাৎ বহিঃপ্রকৃতির গুণে হৃদয়ের ভাবান্তর ঘটে, এবং মনের অবস্থারিশেষে বাহ্য দৃশ্য সুখকর বা দুঃখকর বোধ হয়—উভয়ে উভয়ের ছায়া পড়ে। যখন বহিঃপ্রকৃতি বর্ণনীয়, তখন অন্তঃপ্রকৃতির সেই

ছায়া সহিত চিত্রিত করাই কাব্যের উদ্দেশ্য। যখন অন্তঃপ্রকৃতি বর্ণনীয়, তখন বহিঃপ্রকৃতির ছায়া সমেত বর্ণনা তাহার উদ্দেশ্য। যিনি ইহা পারেন, তিনিই স্নকবি। ইহার ব্যতিক্রমে এক দিকে ইন্দ্রিয়পরতা, অপর দিকে আধ্যাত্মিকতা দোষ জন্মে। এ স্থলে শারীরিক ভোগাশক্তিকেই ইন্দ্রিয়পরতা বলিতেছি না, চক্ষুরাদি ইন্দ্রিয়ের বিষয়ে আনুরক্তিকে ইন্দ্রিয়পরতা বলিতেছি। ইন্দ্রিয়পরতা দোষের উদাহরণ, জয়দেব। আধ্যাত্মিকতার উদাহরণ, Wordsworth.

আর্য্যজাতির সূক্ষ্মশিল্প । *

একদল মনুষ্য বলেন, যে এ সংসারে সুখ নাই, বনে চল, ভোগাভোগ সমাপ্ত করিয়া মুক্তি বা নির্বাণ লাভ কর । আর একদল বলেন, সংসার সুখময়, বঞ্চকের বঞ্চনা অগ্রাহ করিয়া খাও, দাও, ঘুমাও । বাঁহারা সুখাভিলাষী তাঁহাদিগের মধ্যে নানা মত । কেহ বলেন ধনে সুখ, কেহ বলেন মনে সুখ ; কেহ বলেন ধর্মে, কেহ বলেন অধর্মে ; কাহার সুখ কার্য্যে, কাহারও সুখ জ্ঞানে । কিন্তু প্রায় এমন মনুষ্য দেখা যায় না, যে সৌন্দর্য্যে সুখী নহে । তুমি সুন্দরী স্ত্রীর কামনা কর ; সুন্দরী কণ্ঠার মুখ দেখিয়া প্রীত হও ; সুন্দর শিশুর প্রতি চাহিয়া বিমুগ্ধ হও, সুন্দরী পুত্রবধূর জন্ত দেশ মাথায় কর । সুন্দর ফুলগুলি বাছিয়া শয্যায় রাখ ; ঘর্ম্মাক্ত ললাটে যে অর্থ উপার্জন করিয়াছ, সুন্দর গৃহ নিৰ্ম্মাণ করিয়া, সুন্দর উপকরণে সাজাইতে, তাহা ব্যয়িত করিয়া ধনী হও ; আপনি সুন্দর সাজিবে বলিয়া, সৰ্ব্বস্ব পণ করিয়া, সুন্দর সজ্জা খুঁজিয়া বেড়াও —ঘটী বাটী পিতুল কাঁসাও যাহাতে সুন্দর হয়, তাহার যত্ন কর । সুন্দর দেখিয়া পাখী পোষ, সুন্দর বৃক্ষে সুন্দর উদ্যান

* সূক্ষ্মশিল্পের উৎপত্তি ও আর্য্যজাতির শিল্পচাতুরী, ত্রীশ্রামাচরণ ত্রীমাণি প্রণীত । কলিকাতা । ১৯৩০ ।

রচনা কর, সুন্দর মুখে সুন্দর হাসি দেখিবার জন্য, সুন্দর কাঞ্চন
রত্নে সুন্দরীকে সাজাও । সকলেই অহরহ সৌন্দর্য্যতৃষ্ণার
পীড়িত, কিন্তু কেহ কখন এ কথা মনে করে নাই বলিয়াই এত
বিস্তারে বলিতেছি ।

এই সৌন্দর্য্যতৃষ্ণা যেরূপ বলবতী, সেইরূপ প্রশংসনীয়
এবং পরিপোষণীয় । মনুষ্যের যত প্রকার সুখ আছে তন্মধ্যে
এই সুখ সর্বাপেক্ষা উৎকৃষ্ট, কেন না, প্রথমতঃ ইহা পবিত্র,
নির্ম্মল, পাপসংস্পর্শশূন্য ; সৌন্দর্য্যের উপভোগ কেবল মান-
সিক সুখ, ইন্দ্রিয়ের সঙ্গে ইহার সংস্পর্শ নাই । সত্য বটে,
সুন্দর বস্তু অনেক সময়ে ইন্দ্রিয়তৃপ্তির সহিত সম্বন্ধবিশিষ্ট ;
কিন্তু সৌন্দর্য্যজনিত সুখ ইন্দ্রিয়তৃপ্তি হইতে ভিন্ন । রত্নখচিত
সুবর্ণজলপাত্রে জলপানে তোমার যেরূপ তৃষানিবারণ হইবে,
কুগঠন মৃৎপাত্রেও তৃষানিবারণ সেইরূপ হইবে ; স্বর্ণপাত্রে
জলপান করায় যে টুকু অতিরিক্ত সুখ, তাহা সৌন্দর্য্যজনিত
মানসিক সুখ । আপনার স্বর্ণপাত্রে জল খাইলে অহঙ্কাজনিত
সুখ তাহার সঙ্গে মিশে বটে, কিন্তু পরের স্বর্ণপাত্রে জলপান
করিয়া তৃষানিবারণাতিরিক্ত যে সুখ, তাহা সৌন্দর্য্যজনিত
মাত্র বলিয়া স্বীকার করিতে হইবে । দ্বিতীয়তঃ, তীব্রতায় এই
সুখ সর্বাপেক্ষা গুরুতর ; বাহারা নৈসর্গিক শোভাদর্শন-
প্রিয় বা কাব্যামোদী, তাহারা ইহার অনেক উদাহরণ মনে
করিতে পারিবেন ; সৌন্দর্য্যের উপভোগজনিত সুখ অনেক
সময়ে তীব্রতায় অসহ্য হইয়া উঠে । তৃতীয়তঃ, অল্যাগ্য সুখ,
পোনঃপুণ্ড্রে অপ্রীতিকর হইয়া উঠে, সৌন্দর্য্যজনিত সুখ, চির
নূতন, এবং চিরপ্রীতিকর ।

অতএব যাহারা মনুষ্যজাতির এই সুখবর্দ্ধন করেন, তাঁহারা মনুষ্যজাতির উপকারকদিগের মধ্যে সর্বোচ্চ পদ প্রাপ্তির যোগ্য । যে ভিথারী খঞ্জনী বাজাইয়া নেড়ার গীত গাইয়া মুষ্টিভিক্ষা লইয়া যায়, তাহাকে কেহ মনুষ্যজাতির মহোপকারী বলিয়া স্বীকার করিবে না বটে, কিন্তু যে বাম্বোকি, চিরকালের জন্য কোটি কোটি মনুষ্যের অক্ষয়সুখ এবং চিত্তোৎকর্ষের উপায়-বিধান করিয়াছেন, তিনি যশের মন্দিরে নিউটন, হাবি, ওয়াট্ বা জেনরের অপেক্ষা নিম্ন স্থান পাইবার যোগ্য নহেন । অনেকে লেখক, মেকলে প্রভৃতি অসারগ্রাহী লেখকদিগের অনুবর্তী হইয়া কবির অপেক্ষা পাছকাকারকে উপকারী বলিয়া উচ্চাসনে বসান ; এই গণ্ডমূৰ্গ দলের মধ্যে আধুনিক অন্ধ-শিক্ষিত কতকগুলি বাঙ্গালি বাবু অগ্রগণ্য । পক্ষান্তরে ইংলণ্ডের রাজপুরুষ-চূড়ামণি গ্লাড্‌ষ্টোন, স্কটলণ্ডজাত মনুষ্যদিগের মধ্যে হিউম্. আদম, স্মিথ, হণ্টর, কর্নাইল থাকিতে ওয়র্ন্টের স্কটকে সর্বোপরি স্থান দিয়াছেন ।

যেমন মনুষ্যের অন্তঃস্থ অভাব পূরণার্থ এক একটি শিল্প-বিদ্যা আছে, সৌন্দর্য্যাকাঙ্ক্ষা পূরণার্থও বিদ্যা আছে । সৌন্দর্য্য সৃজনের বিবিধ উপায় আছে । উপায়ভেদে, সেই বিদ্যা পৃথক্ পৃথক্ রূপ ধারণ করিয়াছে ।

আমরা যে সকল সুন্দর বস্তু দেখিয়া থাকি, তন্মধ্যে কতক গুলির কেবল বর্ণমাত্রা আছে—আর কিছু নাই ; যথা আকাশ ।

আর কতকগুলির বর্ণ ভিন্ন, আকারও আছে যথা ; পুষ্প ।

কতকগুলির, বর্ণ ও আকার ভিন্ন, গতিও আছে ; যথা উরগ ।

কতকগুলির বর্ণ, আকার, গতি ভিন্ন, রব আছে ; যথা কোকিল ।

মনুষ্যের বর্ণ, আকার, গতি, ও রব ব্যতীত অর্থযুক্ত বাক্য আছে ।

অতএব সৌন্দর্য্য সৃজনের জন্ম, এই কয়টি সামগ্রী,—বর্ণ, আকার, গতি, রব, ও অর্থযুক্ত বাক্য ।

যে সৌন্দর্য্যজননী বিদ্যার বর্ণ মাত্র অবলম্বন, তাহাকে চিত্রবিদ্যা কহে ।

যে বিদ্যার অবলম্বন আকার, তাহা দ্বিবিধ । জড়ের আকৃতিসৌন্দর্য্য যে বিদ্যার উদ্দেশ্য, তাহার নাম স্থাপত্য । চেতন বা উদ্ভিদের সৌন্দর্য্য যে বিদ্যার উদ্দেশ্য, তাহার নাম ভাস্কর্য্য ।

যে সৌন্দর্য্যজনিকা বিদ্যার সিদ্ধি গতির দ্বারা, তাহার নাম নৃত্য ।

রব যাহার অবলম্বন, সে বিদ্যার নাম সঙ্গীত ।

বাক্য যাহার অবলম্বন, তাহার নাম কাব্য ।

কাব্য, সঙ্গীত, নৃত্য, ভাস্কর্য্য, স্থাপত্য এবং চিত্র, এই ছয়টি সৌন্দর্য্যজনিকা বিদ্যা । ইউরোপে এই সকল বিদ্যার যে জাতিবাচক নাম প্রচলিত আছে, তাহার অনুবাদ করিয়া “সুন্দরশিল্প” নাম দেওয়া হইয়াছে ।

সৌন্দর্য্যপ্রসূতি এই ছয়টি বিদ্যায় মনুষ্যজীবন ভূষিত ও সুখময় করে । ভাগ্যহীন বাঙ্গালির কপালে এ সুখ নাই । সুন্দরশিল্পের সঙ্গে তাহার বড় বিরোধ । তাহাতে বাঙ্গালির বড় অনাদর, বড় ঘৃণা । বাঙ্গালি সুখী হইতে জানে না ।

স্বীকার করি, সকল দোষ টুকু বাঙ্গালির নিজের নহে । কতকটা বাঙ্গালির সামাজিক রীতির দোষ ;—পূর্বপুরুষের ভদ্রাসন পরিত্যাগ করা হইবে না, তাতেই অসংখ্য সন্তান সন্ততি লইয়া গর্ভমধ্যে পিপীলিকার ঞায়, পিল্ পিল্ করিতে হইবে—সুতরাং স্থানাভাব বশতঃ পরিক্রান্তি এবং সৌন্দর্য্যসাধন সম্ভবে না । কতকটা, বাঙ্গালির দারিদ্র্য জ্ঞ । সৌন্দর্য্য অর্থ-সাধ্য—অনেকের সংসার চলে না । তাহার উপর সামাজিক রীত্যনুসারে, আগে পৌরজীগণের অলঙ্কার, দোলভূর্গোৎসবের ব্যয়, পিতৃশ্রাদ্ধ, মাতৃশ্রাদ্ধ, পুত্রকণ্ঠার বিবাহ দিতে অবস্থার অতিরিক্ত ব্যয় করিতে হইবে—সে সকল ব্যয় সম্পন্ন করিয়া, শূকরশালা তুল্য কদর্য্য স্থানে বাস করিতে হইবে, ইহাই সামাজিক রীতি । ইচ্ছা করিলেও, সমাজশৃঙ্খলে বদ্ধ বাঙ্গালি, সে রীতির বিপরীতাচরণ করিতে পারেন না । কতকটা হিন্দুধর্ম্মের দোষ ; যে ধর্ম্মানুসারে, উৎকৃষ্ট মর্ম্মরপ্রস্তুত হর্ম্ম্যও গোময় লেপনে পরিকৃত করিতে হইবে, তাহার প্রসাদে স্মশশিল্পের হুঁশারই সম্ভাবনা ।

এ সকল স্বীকার করিলেও, দোষক্ষালন হয় না । যে ফিরিঙ্গি কেরাণীগিরি করিয়া শত মুদ্রায়, কোন মতে দিনপাত করে, তাহার সঙ্গে বৎসরে বিংশতি সহস্র মুদ্রার অধিকারী গ্রাম্য ভূস্বামীর গৃহপারিপাট্য বিষয়ে তুলনা কর । দেখিবে, এ প্রভেদটি অনেকটাই স্বাভাবিক । দুই চারি জন ধনাঢ্য বাবু, ইংরেজদিগের অনুকরণ করিয়া, ইংরেজের ঞায় গৃহদির পারিপাট্য বিধান করিয়া থাকেন এবং ভাস্কর্য্য ও চিত্রাদির দ্বারা গৃহ সজ্জিত করিয়া থাকেন । বাঙ্গালি নকলনশিশ ভাল,

নকলে শৈথিল্য নাই। কিন্তু তাঁহাদিগের ভাস্কর্য্য এবং চিত্র সংগ্রহ দেখিলেই বোধ হয় যে অনুকরণ-স্পৃহাতেই ঐ সকল সংগ্রহ ঘটিয়াছে—নচেৎ সৌন্দর্য্যো তাঁহাদিগের আন্তরিক অনু-রাগ নাই। এখানে ভাল মন্দের বিচার নাই, মহার্ঘ্য হইলেই হইল ; সন্নিবেশের পারিপাট্য নাই, সংখ্যায় অধিক হইলেই হইল। ভাস্কর্য্য চিত্র দূরে থাকুক, কাব্য সম্বন্ধেও বাঙ্গালির উত্তমাধম-বিচারশক্তি দেখা যায় না। এ বিষয়ে সুশিক্ষিত অশিক্ষিত সমান—প্রভেদ অতি অল্প। নৃত্য গীত—সে সকল বুঝি বাঙ্গালা হইতে উঠিয়া গেল। সৌন্দর্য্যবিচারশক্তি, সৌন্দর্য্যরসাস্বাদন-সুখ, বুঝি বিধাতা বাঙ্গালির কপালে লিখেন নাই।

দ্রৌপদী ।

—00—

কি প্রাচীন, কি আধুনিক হিন্দুকাব্য সকলের নায়িকাগণের চরিত্র এক ছাঁচে ঢালা দেখা যায়। পতিপরায়ণা কোমল-প্রকৃতিসম্পন্ন, লজ্জাশীলা, সহিষ্ণুতা গুণের বিশেষ অধিকারিণী—ইনিই আর্য্যসাহিত্যের আদর্শস্থলাভিক্তা। এই গঠনে বৃদ্ধ বাল্মীকি বিশ্বমনোমোহিনী জনকহৃদিতাকে গড়িয়াছিলেন। সেই অবধি আর্য্য নায়িকা সেই আদর্শে গঠিত হইতেছে। শকুন্তলা, দময়ন্তী, রত্নাবলী প্রভৃতি প্রসিদ্ধ নায়িকাগণ—সীতার অনুকরণ মাত্র। অন্য কোন প্রকৃতির নায়িকা যে আর্য্যসাহিত্যে দেখা যায় না, এমত কথা বলিতেছি না—কিন্তু সীতানুবর্তিনী নায়িকারই বাহুল্য। আজিও, যিনি সস্তা ছাপাখানা পাইয়া নবেল নাটকাদিতে বিদ্যা প্রকাশ করিতে চাহেন, তিনিই সীতা গড়িতে বসেন।

ইহার কারণও ছুরনুমেয় নহে। প্রথমতঃ সীতার চরিত্রটি বড় মধুর, দ্বিতীয়তঃ এই প্রকার স্ত্রীচরিত্রই আর্য্যজাতির নিকট বিশেষ প্রশংসিত, এবং তৃতীয়তঃ আর্য্যস্ত্রীগণের এই জাতীয় উৎকর্ষই সচরাচর আয়ত্ত।

একদ্রৌপদী সীতার ছায়াও স্পর্শ করেন নাই। এখানে, মহাভারতকার অপূর্ব নূতন সৃষ্টি প্রকাশিত করিয়াছেন। সীতার সহস্র অনুকরণ হইয়াছে, কিন্তু দ্রৌপদীর অনুকরণ হইল না।

সীতা সতী, পঞ্চপতিকা দ্রৌপদীকেও মহাভারতকার সতী বলিয়াই পরিচিতা করিয়াছেন, কেন না, কবির অভিপ্রায় এই যে পতি এক হোক, পাঁচ হোক, পতিমাত্র ভঙ্গনাই সতীত্ব। উভয়েই পত্নী ও রাজ্ঞীর কর্তব্যানুষ্ঠানে অক্ষুণ্ণমতি, ধর্মনিষ্ঠা, এবং গুরুজনের বাধ্য। কিন্তু এই পর্য্যন্ত সাদৃশ্য। সীতা রাজ্ঞী হইয়াও প্রধানতঃ কুলবধু, দ্রৌপদী কুলবধু হইয়াও প্রধানতঃ প্রচণ্ড তেজস্বিনী রাজ্ঞী। সীতায় স্ত্রীজাতির কোমল গুণ-গুলিন পরিস্ফুট, দ্রৌপদীতে স্ত্রীজাতির কঠিন গুণ সকল প্রদীপ্ত। সীতা রামের যোগ্যা জায়া, দ্রৌপদী ভীমসেনেরই সুযোগ্যা বীরেন্দ্রাণী। সীতাকে হরণ করিতে রাবণের কোন কষ্ট হয় নাই, কিন্তু রক্ষোবাহু লঙ্কেশ যদি দ্রৌপদীহরণে আসিতেন, তবে বোধ হয়, হয় কীচকের ঞায় প্রাণ হারাইতেন, নয় জয়দ্রথের ঞায়, দ্রৌপদীর বাহুবলে ভূমে গড়াগড়ি দিতেন।

দ্রৌপদীচরিত্রের রীতিমত বিশ্লেষণ হ্রুহ ; কেন না মহাভারত অনন্ত সাগর তুলা, তাহার অজস্র তরঙ্গাভিঘাতে একটি নায়িকা বা নায়কের চরিত্র তৃণবৎ কোথায় যায়, তাহা পর্য্যবেক্ষণ কে করিতে পারে। তথাপি দুই একটা স্থানে বিশ্লেষণে যত্ন করিতেছি।

দ্রৌপদীর স্বয়ম্বর। দ্রুপদরাজার পণ, যে, যে সেই দুর্বে-
ধনীয় লক্ষ্য বিধিবে, সেই দ্রৌপদীর পাণিগ্রহণ করিবে। কস্তা
সভাতুলে আনীতা। পৃথিবীর রাজগণ, বীরগণ, ঋষিগণ
সমবেত। এই মহাসভার প্রচণ্ড প্রতাপে কুমারী কুমুম শুকা-
ইয়া উঠে; সেই বিশোষমাণা কুমারী লাভার্থ, দুর্ঘোষন,

অরাসন, শিশুপাল প্রভৃতি ভুবনপ্রথিত মহাবীর সকল লক্ষ্য
বিধিতে যত্ন করিতেছেন । একে একে সকলেই বিক্রমে অক্ষম
হইয়া ফিরিয়া আসিতেছেন । হায় ! দ্রৌপদীর বিবাহ
হয় না ।

অন্যান্য রাজগণ মধ্যে সর্বশ্রেষ্ঠ অঙ্গাধিপতি কর্ণ লক্ষ্য
বিধিতে উঠিলেন । ক্ষুদ্র কাব্যকার এখানে কি করিতেন বলা
যায় না—কেন না এটি বিষম সঙ্কট । কাব্যের প্রয়োজন
পাণ্ডবের সঙ্গে দ্রৌপদীর বিবাহ দেওয়াইতে হইবে । কর্ণ
লক্ষ্য বিধিলে তাহা হয় না । ক্ষুদ্র কবি বোধ হয়, কর্ণ-
কেও লক্ষ্য বিক্রমে অশক্ত বলিয়া পরিচিত করিতেন ।
কিন্তু মহাভারতের মহাকবি জাজ্জল্যমান দেখিতে পাই-
তেছেন, যে কর্ণের বীর্য, তাঁহার প্রধান নায়ক অর্জুনের
বীর্যের মানদণ্ড । কর্ণ প্রতিদ্বন্দ্বী এবং অর্জুনহস্তে পরাভূত
বলিয়াই অর্জুনের গৌরবের এত আধিক্য ; কর্ণকে অণুর
সঙ্গে ক্ষুদ্রবীর্য করিলে অর্জুনের গৌরব কোথা থাকে ? একুপ
সঙ্কট, ক্ষুদ্র কবিকে বুঝাইয়া দিলে তিনি অবশ্য স্থির
করিবেন, যে তবে অত হাকামার কাজ নাই—কর্ণকে না
তুলিলেই ভাল হয় । কাব্যের যে সর্বাক্ষসম্পন্নতার কতি
হয় তাহা তিনি বুঝিবেন না—সকল রাজাই যেখানে
সর্বাক্ষসুন্দরী লোভে লক্ষ্য বিধিতে উঠিতেছেন, সেখানে মহা-
বল পরীক্ষান্তে কর্ণই যে কেন একা উঠিবেন না, এ প্রশ্নের
কোন উত্তর নাই ।

মহাকবি আশ্চর্য্য কোশলময়, এবং তীক্ষ্ণ দৃষ্টিশালী ।
তিনি অবলীলাক্রমে কর্ণকে লক্ষ্যবিক্রমে উত্থিত করিলেন,

কর্ণের বীর্যের গৌরব অক্ষুণ্ণ রাখিলেন, এবং সেই অবসরে সেই উপলক্ষে, সেই একই উপায়ে, আর একটি গুরুতর উদ্দেশ্য সুসিদ্ধ করিলেন। দ্রৌপদীর চরিত্র পাঠকের নিকটে প্রকটিত করিলেন। যে দিন জয়দ্রথ দ্রৌপদী কর্তৃক ভূতলশায়ী হইবে, যে দিন দুর্ঘোষনের সভাতলে দ্যুতজিতা অপমানিতা মহিষী স্বামী হইতেও স্বাতন্ত্র্য অবলম্বনে উন্মুখিনী হইবেন, সে দিন দ্রৌপদীর যে চরিত্র প্রকাশ পাইবে, অথ সেই চরিত্রের পরিচয় দিলেন। একটি ক্ষুদ্র কথায় এই সকল উদ্দেশ্য সফল হইল। বলিয়াছি সেই প্রচণ্ড প্রতাপসম্বিতা মহাসভায় কুমারী কুম্ভম শুকাইয়া উঠে। কিন্তু দ্রৌপদী কুমারী, সেই বিষম সভাতলে রাজমণ্ডলী, বীরমণ্ডলী, ঋষিমণ্ডলীমধ্যে, দ্রুপদরাজ তুল্য পিতার ধৃষ্টদ্যুম্নতুল্য ভ্রাতার অপেক্ষা না করিয়া, কর্ণকে বিক্রনোদ্যত দেখিয়া বলিলেন, “আমি সূতপুত্রকে বরণ করিব না।” এই কথা শ্রবণমাত্র কর্ণ সামর্ষহাশ্রে সূর্যাসন্দর্শনপূর্বক শরাসন পরিত্যাগ করিলেন।

এই কথায় যতটা চরিত্র পরিস্ফুট হইল শত পৃষ্ঠা লিখিয়াও ততটা প্রকাশ করা ছুঃসাধ্য। এ স্থলে কোন বিস্তারিত বর্ণনার প্রয়োজন হইল না—দ্রৌপদীকে তেজস্বিনী বা গর্ভিতা বলিয়া প্ৰাধাত করিবার আবশ্যিকতা হইল না। অথচ রাজহিতার দুর্দমনীর গর্ভ নিঃসঙ্কোচে বিস্তারিত হইল।

ইহার পর দ্যুতক্রীড়ায়, বিজিতা দ্রৌপদীর চরিত্র অবলোকন কর। মহাগর্ভিত, তেজস্বী, এবং বলধারী ভীমার্জুন দ্যুতযুগে বিসর্জিত হইয়াও, কোন কথা কহেন নাই, শক্রর দাসত্ব

নিঃশব্দে স্বীকার করিলেন । এস্থলে তাঁহাদিগের অকুগামিনী দাসীর কি করা কর্তব্য ? স্বামিকর্তৃক দ্যুতমুখে সমর্পিত হইয়া স্বামিগণের স্তায় দাসী স্বীকার করাই আর্ধ্যনারীর স্বভাব-সিদ্ধ । দ্রৌপদী কি করিলেন ? তিনি প্রাতিকামীর মুখে দ্যুতবার্ত্তা এবং ছুর্যোধনের সভায় তাঁহার আহ্বান শুনিয়া বসিলেন,

“হে সূতনন্দন ! তুমি সভায় গমন করিয়া যুধিষ্ঠিরকে জিজ্ঞাসা কর, তিনি অগ্রে আমাকে কি আপনাকে দ্যুতমুখে বিসর্জন করিয়াছেন । হে সূতাত্মজ ! তুমি যুধিষ্ঠিরের নিকট এই বৃত্তান্ত জানিয়া এখানে আগমন পূর্ব্বক আমাকে লইয়া যাইও । ধর্ম্মরাজ কিরূপে পরাজিত হইয়াছেন, জানিয়া আমি তথায় গমন করিব ।” দ্রৌপদীর অভিপ্রায়, দাসত্ব স্বীকার করিবেন না ।

দ্রৌপদীর চরিত্রের দুইটি লক্ষণ বিশেষ সুস্পষ্ট—এক ধর্ম্মা-চরণ, দ্বিতীয় দর্প । দর্প, ধর্ম্মের কিছু বিরোধী, কিন্তু এই দুইটি লক্ষণের একাধারে সমাবেশ অপ্রকৃত নহে । মহাভারত কার এই দুই লক্ষণ অনেক নায়কে একত্রে সমাবেশ করিয়াছেন । ভীমসেনে, অর্জুনে, অশ্বখামায়, এবং সচরাচর ক্ষত্রিয়ের চরিত্রে এতদুভয়কে মিশ্রিত করিয়াছেন । ভীমসেনে দর্প পূর্ণমাত্রায় এবং অর্জুনে ও অশ্বখামায় অর্ধ মাত্রায় দেখা যায় । দর্প শব্দে এখানে আত্মপ্রাধিক্যের নিদেশ করিতেছি না ; মানসিক তেজস্বিতাই আমাদের নিদেশ । এই তেজস্বিতা দ্রৌপদীতেও পূর্ণমাত্রায় ছিল । অর্জুনে এবং অভিমন্যুতে ইহা আত্ম-শক্তি নিশ্চয়তার পরিণত হইয়াছিল ; ভীমসেনে ইহা বল-

বৃদ্ধির কারণ হইয়াছিল ; দ্রৌপদীতে ইহা ধর্মবৃদ্ধির কারণ হইয়াছে ।

সভাতলে দ্রৌপদীর দর্প ও তেজস্বিতা আরও বর্দ্ধিত হইল । তিনি দুঃশাসনকে বলিলেন, “যদি ইন্দ্রাদি দেবগণও তোমার সহায় হন তথাপি রাজপুত্রেরা তোকে কখনই ক্ষমা করিবেন না ।” স্বামিকুলকে উপলক্ষ করিয়া সর্বসম্মুখে মুক্তকণ্ঠে বলিলেন, “ভরতবংশীয়গণের ধর্মে বিকৃতি ! ক্রতুধর্মজ্ঞগণের চরিত্র একেবারেই নষ্ট হইয়া গিয়াছে ।” ভীষ্মাদি গুরুজনকে মুখের উপর তিবন্ধার করিয়া বলিলেন, “বুঝিলাম দ্রোণ, ভীষ্ম, ও মহাত্মা বিদুরের কিছুমাত্র স্বত্ব নাই ।” কিন্তু অবলার তেজ কতক্ষণ থাকে ! মহাভারতের কবি, মনুষ্যচরিত্র সাগরের তল-পর্যন্ত নখদর্পণবৎ দেখিতে পাইতেন । যখন কর্ণ দ্রৌপদীকে বেষ্টিত বলিল, দুঃশাসন তাঁহার পরিধেয় আকর্ষণ কবিত্তে গেল, তখন আর দর্প রহিল না—ভয়াধিক্যে হৃদয় দ্রবীভূত হইল । তখন দ্রৌপদী ডাকিতে লাগিলেন, “হা নাথ ! হা রমানাথ ! হা ব্রহ্মনাথ ! হা দুঃখনাশ ! আমি কোরবসাগরে নিমগ্ন হইয়াছি—আমাকে উদ্ধার কর ! এস্থলে কবিত্তের চরমোৎকর্ষ ।

দ্রৌপদী স্ত্রীজাতি বলিয়া তাঁহার হৃদয়ে দর্প প্রবল, কিন্তু তাঁহার ধর্মজ্ঞানও সামান্য—যখন তিনি দর্পিতা রাজমহিষী হইয়া না দাঁড়ান, তখন জনমণ্ডলে তাদৃশী ধর্মানুরাগিনী আছে বোধ হয় না । এই প্রবল ধর্মানুরাগই প্রবলতর দর্পের মান-দণ্ডের স্বরূপ । এই অসামান্য ধর্মানুরাগ, এবং তেজস্বিতার সহিত সেই ধর্মানুরাগের রমণীয় সামঞ্জস্য, ধৃতরাষ্ট্রের নিকট

উহার বরগ্রহণ কালে অতি সুন্দররূপে পরিস্ফুট হইয়াছে । সে স্থানটি এত সুন্দর, যে যিনি তাহা শতবার পাঠ করিয়াছেন, তিনি তাহা আর একবার পাঠ করিলেও অশুধী হইবেন না । এজন্য সেই স্থানটী আমরা উদ্ধৃত করিলাম ।

“হিতৈষী রাজা ধৃতরাষ্ট্র দুর্যোধনকে এইরূপ তিরস্কার করিয়া সান্ত্বনাবাক্যে দ্রৌপদীকে কহিলেন, হে দ্রুপদতনয়ে ! তুমি আমার নিকট স্বীয় অভিলষিত বর প্রার্থনা কর, তুমি আমার সমুদায় বধুগণ অপেক্ষা শ্রেষ্ঠ ।

“দ্রৌপদী কহিলেন, হে ভরতকুলপ্রদীপ ! যদি প্রসন্ন হইয়া থাকেন, তবে এই বর প্রদান করুন যে, সর্বধর্মযুক্ত শ্রীমান্ যুবিস্তির দাসত্ব হইতে মুক্ত হউন । আপনার পুত্রগণ যেন ঐ মনস্বীকে পুনরায় দাস না বনে, আর আমার পুত্র প্রতিবিক্রা যেন দাসপুত্র না হয়, কেন না প্রতিবিক্রা রাজপুত্র, বিশেষতঃ ভূপতিগণকর্তৃক লাগিত, উহার দাসপুত্রতা হওয়া নিতান্ত অবিধেয় । ধৃতরাষ্ট্র কহিলেন, হে কল্যাণি ! আমি তোমার অভিলাধানুরূপ এই বর প্রদান করিলাম ; এক্ষণে তোমাকে আর এক বর প্রদান করিতে ইচ্ছা করি ; তুমি একমাত্র বরের উপযুক্ত নহ ।

“দ্রৌপদী কহিলেন, হে মহারাজ ! সরথ সশরাসন ভীম, ধনঞ্জয়, নকুল ও সহদেবের দাসত্ব মোচন হউক । ধৃতরাষ্ট্র কহিলেন হে নন্দিনি ! আমি তোমার প্রার্থানুরূপ বর প্রদান করিলাম ; এক্ষণে তৃতীয় বর প্রার্থনা কর । এই দুই বর দান দ্বারা তোমার যথার্থ সংকার করা হয় নাই, তুমি ধর্মচারিণী, আমার সমুদায় পুত্রবধুগণ অপেক্ষা শ্রেষ্ঠ ।

“দ্রৌপদী কহিলেন, হে ভগবন্ ! লোভ ধর্মনাশের হেতু, অতএব আমি আর বর প্রার্থনা করি না। আমি তৃতীয় বর লইবার উপযুক্ত নহি ; যেহেতু, বৈশ্যের এক বর, ক্ষত্রিয়পত্নীর দুই বর, রাজার তিন বর ও ব্রাহ্মণের শত বর লওয়া কর্তব্য। একনে আমার পতিগণ দাসত্বরূপ দারুণ পাপপঙ্কে নিমগ্ন হইয়া পুনরায় উদ্ধৃত হইলেন, উঁহারা পুণ্য কর্মানুষ্ঠান দ্বারা শ্রেয়োলাভ করিতে পারিবেন।”

এই উপ ধর্ম ও গর্ভের সুসামঞ্জস্যই দ্রৌপদীচরিত্রের রমণীয়তার প্রধান উপকরণ। যখন জয়দ্রথ তাঁহাকে চরণ মানসে কাম্যকরনে একাকিনী প্রাপ্ত হইলেন, তখন প্রথমে দ্রৌপদী তাঁহাকে ধর্মাতারসম্বন্ধে অতিখিসমুচিত সৌজ্ঞেয় পবিত্রপু করিতে বিলক্ষণ যত্ন করেন ; পরে জয়দ্রথ আপনার ছুরভিসন্ধি ব্যক্ত করায়, ব্যাঘ্রীর শ্রায় গর্জ্জন করিয়া আপনার তেজোরশি প্রকাশ করেন। তাঁহার সেই তেজোগর্ভ বচন পরস্পরা পাঠে মন আনন্দদাগরে ভাসিতে থাকে। জয়দ্রথ তাহাতে নিরস্ত না হইয়া তাঁহাকে বলপূর্বক আকর্ষণ করিতে গিয়া তাঁহার সমুচিত প্রতিফল প্রাপ্ত হইলেন ; যিনি ভীমার্জ্জুনের পত্নী, এবং ধৃষ্টদ্যুম্নের ভগিনী তাঁহার বাহুবলে ছিন্নমূল পাদপের শ্রায় মহাবীর সিদ্ধু-সৌবারাধিপতি ভূতলে পাতিত হইলেন।

পরিশেষে জয়দ্রথ পুনর্বার বল প্রকাশ করিয়া তাঁহাকে রথে তুলেন ; তখন দ্রৌপদী যে আচরণ করিলেন, তাহা নিতান্ত তেজস্বিনী বীরনারীর কার্য। তিনি বৃথা বিলাপ ও চীৎকার কিছুই করিলেন না ; অশ্রান্ত স্ত্রীলোকের শ্রায় একবারও অনবধান এবং বিলম্বকারী স্বামিগণের উদ্দেশে ভৎসনা করিলেন

না ; কেবল কুলপুরোহিত ধোমোর চরণে প্রণিপাত পূর্বক
 জয়দ্রথের রথে আরোহণ করিলেন । পরে যখন জয়দ্রথ দৃশ্য-
 মান পাণ্ডবদিগের পরিচয় জিজ্ঞাসা করিতে লাগিলেন, তখন
 তিনি জয়দ্রথের রথস্থা হইয়াও যেরূপ গর্ভিত বচনে ও নিঃ-
 শক্চিতে অবলীলাক্রমে স্বামীদিগের পরিচয় দিতে লাগিলেন,
 তাহা পুনঃ পুনঃ পাঠের যোগ্য ।

দ্রোপদী ।

— ০০ —

(দ্বিতীয় প্রস্তাব ।)

দশ বৎসর হইল, বঙ্গদর্শনে আমি দ্রোপদী চরিত্র সমালোচনা করিয়াছিলাম। অগ্ৰাণ্ড আখ্যানারী-চরিত্র হইতে দ্রোপদীচরিত্রের যে গুরুতর প্রভেদ, তাহা যথাসাধ্য দেখান গিয়াছিল। কিন্তু দ্রোপদীর চরিত্রের মধ্যগ্রন্থি যে তরু, তাহার কোন কথা সে সময়ে বলা হয় নাই। বলিবার সময় তখন উপস্থিত হয় নাই। এখন বোধ হয় সে কথাটা বলা যাইতে পারে।

সে তরুটার বহির্বিকাশ বড় দীপ্তিমান—এক নারীর পঞ্চ-স্বামী, অথচ তাহাকে কুলটা বলিয়া বিবেচনা করিবার কোন উপায় দেখা যায় না। এমন অসামঞ্জস্যের সামঞ্জস্য কোথা হইতে হইল ?

আমাদিগের ইউরোপীয় শিক্ষকেরা ইহার বড় সোজা উত্তর দিয়া থাকেন। ভারতবর্ষেরেরা বর্ষের জাতি—তাহাদিগের মধ্যে স্ত্রীলোকের বহুবিবাহ পদ্ধতি পূর্বকালে প্রচলিত ছিল, সেই কারণে পঞ্চপাত্তনের একই পত্নী। ইউরোপীয় আচার্য্য-ঘর্গের আর কোন সাধ্য থাকুক আর না থাকুক এ দেশ সম্বন্ধে সোজা কথা শুলা বলিতে বড় মজবুত।

ইউরোপীয়েরা এদেশীয় প্রাচীন গ্রন্থ সকল কিরূপ বুঝেন, তাহা বিবেচনা করিলে স্পষ্টতই কিছু অনুসন্ধান করিতে হইয়াছিল।

আমার এই বিশ্বাস হইয়াছে, যে সংস্কৃত সাহিত্য বিষয়ে
হারা যাহা লিখিয়াছেন, তাঁহাদের কৃত, বেদ স্মৃতি দর্শন
পুরাণ ইতিহাস কাব্য প্রভৃতির অনুবাদ, টীকা, সমালোচন পাঠ
রার অপেক্ষা গুরুতর মহাপাতক সাহিত্যজগতে আর কিছুই
হইতে পারে না ; আর মূর্খতা উপস্থিত করিবার এমন সহজ
পায়ও আর কিছুই নাই । এখনও অনেক বাঙ্গালী তাহা
পাঠ করেন, তাঁহাদিগকে সতর্ক করিবার জন্ত এ কথাটা
সতর্ক অপ্রাসঙ্গিক হইলেও আমি লিখিতে বাধ্য হইলাম ।

সংস্কৃত গ্রন্থের সংখ্যা নাই বলিলেও হয় । যত অনু-
সন্ধান হইতেছে, তত নূতন নূতন গ্রন্থ আবিষ্কৃত হইতেছে ।
সংস্কৃত গ্রন্থগুলির তুলনায়, অন্ততঃ আকারে, ইউরোপীয় গ্রন্থ-
গুলিকে গ্রন্থ বলিতে ইচ্ছা করে না । যেমন হস্তীর তুলনায়
টেরিয়র, যেমন বটবৃক্ষের তুলনায় উইলো কি সাইপ্রেস, যেমন
গঙ্গা সিন্ধু গোদাবরীর তুলনায় গ্রীক কবিদিগের প্রিয় পার্বতী
নির্ঝরিণী, মহাভারত বা রামায়ণের তুলনায় একখানি ইউরো-
পীয় কাব্য সেইরূপ গ্রন্থ । বেদের সংহিতা, ব্রাহ্মণ, আরণ্যক,
উপনিষৎ, গৃহসূত্র, শ্রোতসূত্র, ধর্মসূত্র, দর্শন, এই সকলের
ভাষ্য, তার টীকা, তার ভাষ্য. পুরাণ, ইতিহাস, স্মৃতি, কাব্য,
অলঙ্কার, ব্যাকরণ, গণিত, জ্যোতিষ, অভিধান ইত্যাদি নানা-
বিধ সংস্কৃত গ্রন্থে আজিও ভারতবর্ষ সমাচ্ছন্ন রহিয়াছে । এই
সিপিবদ্ধ অনুত্তরীয় প্রাচীন তত্ত্বসমুদ্রে মধ্যে কোথাও ঘূণাক্ষরে
এমন কথা নাই, যে প্রাচীন আর্ষদিগের মধ্যে স্ত্রীলোকের
বহুবিবাহ ছিল । তথাপি পাশ্চাত্য পণ্ডিতেরা একা দ্রৌপদীর
পঞ্চস্বামীর কথা গুনিয়া সিদ্ধান্ত করিলেন, যে প্রাচীন ভারত-

বর্ষদিগের মধ্যে স্ত্রীলোকদিগের বহুবিবাহ প্রচলিত ছিল। এই জাতীয় একজন পণ্ডিত (Fergusson সাহেব) ভগ্ন অট্টালিকার প্রাচীরে গোটাকত বিবহা স্ত্রীমূর্তি দেখিয়া সিদ্ধান্ত করিয়াছেন যে, প্রাচীন ভারতবর্ষে স্ত্রীলোকেরা কাপড় পরিত না—সীতা, সাবিত্রী, দ্রৌপদী, দময়ন্তী প্রভৃতি শব্দর ভাস্করের সম্মুখে নগ্নাবস্থায় বিচরণ করিত! তাই বলিতেছিলাম—এই সকল পণ্ডিতদিগের রচনা পাঠ করার অপেক্ষা মহাপাতক সাহিত্যসংসারে দুর্লভ।

দ্রৌপদীর পঞ্চশ্রামী হইবার স্থল তাৎপর্য্য কি, এ কথা মীমাংসা করিবার আগে বিচার করিতে হয় যে, এ কথাটা আদৌ ঐতিহাসিক, না কেবল কবিকল্পনা মাত্র? সত্য সত্যই দ্রৌপদীর পঞ্চশ্রামী ছিল, না কবি এইরূপ সাজাইয়াছেন? মহাভারতের যে ঐতিহাসিক ভিত্তি আছে, তাহা প্রবন্ধান্তরে আমি স্বীকার করিয়াছি ও বুঝাইয়াছি। কিন্তু মহাভারতের ঐতিহাসিক ভিত্তি আছে বলিয়াই যে উহার সকল কথাই ঐতিহাসিক ইহা সিদ্ধ হয় না। যাহা স্পষ্টতঃ প্রক্ষিপ্ত, তাহা ঐতিহাসিক নহে—এ কথা ত স্বতঃসিদ্ধ। কিন্তু দ্রৌপদী চরিত্র প্রক্ষিপ্ত বলা যায় না—দ্রৌপদীকে লইয়াই মৌলিক মহাভারত! তা হটক—কিন্তু মৌলিক মহাভারতে ষত কথা আছে সকলই যে ঐতিহাসিক এবং সত্য, ইহা বলাও দুঃসাহসের কাজ। যে সময়ে কবিই ইতিহাসবেত্তা, ইতিহাসবেত্তাও কবি, সে সময়ে কাব্যেও ইতিহাস বিমিশ্রণ বড় সহজ। সত্য কথাকে কবি স্বকপোলকল্পিত ব্যাপারে রঞ্জিত করা বিচিত্র নহে। দ্রৌপদী বুদ্ধিষ্ঠিরের মহিষী ছিলেন, ইহা না হয় ঐতিহাসিক বলিয়া

স্বীকার করা গেল—তিনি যে পঞ্চপাণ্ডবের মহিষী ইহাও কি ঐতিহাসিক সত্য বলিয়া স্বীকার করিতে হইবে ?

এই দ্রৌপদীর বহুবিবাহ ভিন্ন ভারতবর্ষীয় গ্রন্থসমূহ মধ্যে ভারতবর্ষীয় আৰ্য্যদিগের মধ্যে স্ত্রীগণের বহুবিবাহের কোন নিদর্শন পাওয়া যায় না। বিধবা হইলে স্ত্রীলোক অত্র বিবাহ করিত এমন প্রমাণ পাওয়া যায়। কিন্তু এককালে কেহ একাধিক পতির ভার্য্যা ছিল এমন প্রমাণ পাওয়া যায় না। কখন দেখা গিয়াছে যে কোন মনুষ্যের প্রতি হস্তে ছয়টি করিয়া দুই হস্তে দ্বাদশ অঙ্গুলি আছে ; কখন দেখা গিয়াছে যে কোন মনুষ্য চক্ষুহীন হইয়া জন্ম গ্রহণ করে। এমন একটি দৃষ্টান্ত দেখিয়া সিদ্ধান্ত করা যায় না, যে মনুষ্যজাতির হাতের আঙ্গুল বারটি, অথবা মনুষ্য অন্ধ হইয়া জন্মে। তেমনি কেবলি দ্রৌপদীর বহুবিবাহ দেখিয়া সিদ্ধান্ত করা যায় না, যে পূর্বে আৰ্য্যনারীগণ-মধ্যে বহুবিবাহ প্রথা প্রচলিত ছিল। আর মহাভারতেই প্রকাশ, যে একরূপ প্রথা ছিল না, কেন না দ্রৌপদী সম্বন্ধে এমন অলৌকিক ব্যাপার কেন ঘটিল, তাহার কৈফিয়ৎ দিবার জন্য মহাভারতকার পূর্বজন্মঘটিত নানাবিধ অসম্ভব উপন্যাস রচনা করিতে বাধ্য হইয়াছেন।

এখন, যাহা সমাজ মধ্যে একেবারে কোথাও ছিল না, যাহা তাদৃশ সমাজে অত্যন্ত লোক-নিন্দার কারণ স্বরূপ হইত, ~~সন্দেহ~~ কাই, তাহা পাণ্ডবদিগের গায় লোকবিখ্যাত রাজবংশে স্ত্রীদিগের সুস্তাবনা ছিল না। তবে কবি এমন একটা কথা, তত্ত্ব-বিশেষকে পরিস্ফুট করিবার জন্য গড়িয়া লওয়া বিচিত্র নহে।

গড়া কথার মত অনেকটা লক্ষণ আছে। • দ্রৌপদীর

পঞ্চস্বামীর ঔরসে পঞ্চপুত্র ছিল। কাহারও ঔরসে দুইটি কি তিনটি হইল না। কাহারও ঔরসে কন্যা হইল না। কাহারও ঔরসে নিষ্ফল গেল না। সেই পাঁচটি পুত্রের মধ্যে কেহ রাজ্যাধিকারী হইল না। কেহই বাঁচিয়া রহিল না। সকলেই এক সময়ে অশ্বখামার হস্তে নিধন পাইল। কাহারও কোন কার্যকারিতা নাই। সকলেই কুরুক্ষেত্রের যুদ্ধে এক একবার আসিয়া একত্রে দল বাঁধিয়া যুদ্ধ করিয়া চলিয়া যায়। আর কিছুই করে না। পক্ষান্তরে অভিমত্যা, ঘটোৎকচ, বক্রবাহন, কেমন জীবন্ত।

জিজ্ঞাসা হইতে পারে, যদি দ্রৌপদীর পঞ্চবিবাহ গড়া কথাই হইল, যদি দ্রৌপদী একা যুধিষ্ঠিরের ভার্য্যা ছিলেন, তবে কি আর চারি পাণ্ডব অবিবাহিত ছিলেন? ইহার উত্তর কঠিন বটে।

ভীম ও অর্জুনের অন্ত বিবাহ ছিল, ইহা আমরা জানি, কিন্তু নকুল মহাদেবের অন্ত বিবাহ ছিল এমন কথা মহাভারতে পাই না। পাই না বলিয়াই যে সিদ্ধান্ত করিতে হইবে যে, তাঁহাদের অন্ত বিবাহ ছিল না, এমন নহে। মহাভারত প্রধানতঃ প্রথম তিন পাণ্ডবের অর্থাৎ যুধিষ্ঠির ও ভীমার্জুনের জীবনী; অন্ত দুই পাণ্ডব তাঁহাদের ছায়া মাত্র—কেবল তাঁহাদের সঙ্গে থাকিয়া কাজ করে। তাহাদের অন্ত বিবাহ থাকিলে দুসটা প্রয়োজনীয় কথা নহে বলিয়া মহাভারতকারি ছাড়িয়াও যাইতে পারেন। কথাটা তাদৃশ মারাত্মক নহে। দ্রৌপদীর পঞ্চস্বামী হওয়ার পক্ষে আমরা উপরে যে আপত্তি দেখাইয়াছি, তাহা অপেক্ষাকৃত অনেক গুরুতর।

এখন, যদি দ্রোপদীর পঞ্চবিবাহ কবিরাই কল্পনা বিবেচনা করা যায়, তবে কবি কি অভিপ্রায়ে এমন বিশ্বয়করী কল্পনার অনুবর্তী হইলেন ? বিশেষ কোন গূঢ় অভিপ্রায় না থাকিলে এমন কুটিল পথে যাইবেন কেন । তাঁহার অভিপ্রায় কি ? পাঠক যদি ইংরেজদিগের মত বলেন “Tut ! clear case of polyandry !” তবে সব ফুরাইল । আর তা যদি না বলেন, তবে ইহার নিগূঢ় তত্ত্ব অনুসন্ধান করিতে হইবে ।

সেই তত্ত্ব অনুসন্ধান করিবার আগে কোন বিজ্ঞ ও শ্রদ্ধা-স্পদ লোকের একটি উক্তি আমি উদ্ধৃত করিব । কথাটা এ-চারে প্রকাশিত “কৃষ্ণচরিত্রকে” লক্ষ্য করিয়া উক্ত হইয়াছে—

“শ্রীকৃষ্ণ মর্ত্য শরীর ধারণ পূর্বক ঠইলোকে বিচরণ করিয়া-
ছিগেন, এ কথা আমরাও স্বীকার করি । কিন্তু মহাভারত-
প্রণয়নের পূর্বকাল হইতেও যে, শ্রীকৃষ্ণে একটি অতিমানুষ
ঐশী শক্তির আবির্ভাব লোকের বিশ্বাসিত হইয়াছিল, তাহাও
প্রামাণিক বলিয়া বোধ হয় । সুতরাং প্রথম হইতেই মহা-
ভারত গ্রন্থেও যে সেই বোধের একটি অপূর্ব প্রতিবিম্ব পড়িবে,
তাহা আশ্চর্যের বিষয় নহে ; বস্তুতঃ তাহাই সম্ভবপর । তবে
আমাদের বোধ হয়, মহাভারতরচয়িতা কন্দকাণ্ড বেদব্যাখ্যা
প্রভৃতি তাঁহার বহুবিধ উদ্দেশ্যের মধ্যে অর্জুন এবং ভদ্রাকে
“আদর্শ নর নারী” করিয়া বর্ণন করিয়াছেন, এবং ঈশ্বরে অচল
ভক্তি এবং তজ্জাত ঈশ্বরের নেতৃত্বে প্রতীতিই যে আদর্শ-পুরু-
ষের প্রকৃত বঙ্গ তাহাও প্রদর্শনার্থ নরোত্তম শ্রীকৃষ্ণে একটি
বিশেষ ঐশী শক্তিকে মূর্তিমতী করিয়া দেখাইবার ঐয়াম পাই-

যাছেন । সে ঐশী শক্তিটি কোন পার্থিব পাত্রে কোন দেশের কোন কবি কর্তৃকই কখন ধৃত হয় নাই । আদি কবি বাণ্মীকিও তাহা ধরিবার চেষ্টা করেন নাই—মহাভারতকার সেই কাজে অধ্যবসায় করিয়াছিলেন, এবং তাহা যত দূর সম্পন্ন হইতে পারে, তত দূর সম্পন্ন করিয়াছিলেন বলিয়াই, মহাভারত গ্রন্থখানি পঞ্চম বেদ বলিয়া গণ্য হইয়াছে । ঐ ঐশী শক্তির নাম ‘নির্লিপ্ততা’ । শ্রীকৃষ্ণ মনুস্মারূপী ‘নির্লেপ ।’

এই “নির্লেপ,” বৈরাগ্য নহে, অথবা সাধারণে যাহাকে “বৈরাগ্য” বলে, তাহা নহে । আগি ইহার মর্মে যতদূর বুদ্ধি, গীতা হইতে একটি শ্লোক উদ্ধৃত করিয়া তাহা বুঝাইতেছি ।

রাগদ্বৈনবিমুক্তৈস্ত্ব বিষয়ানিন্দ্রিয়ৈশ্চরন্ ।

আত্মবশৈবিধেয়াত্মা প্রসাদমধিগচ্ছতি ॥

আসক্তি বিদ্বেষ রহিত এবং আত্মার বশীভূত ইন্দ্রিয় সকলের দ্বারা (ইন্দ্রিয়ের) বিষয় সকল উপভোগ করিয়া সংবতাত্মা পুরুষ শাস্তি প্রাপ্ত হইয়েন ।

অতএব নির্লিপ্তের পক্ষে ইন্দ্রিয় বিষয়ের উপভোগ বর্জন নিস্প্রয়োজন । এবং বর্জনে সংলেপই বুঝায় । বর্জনের প্রয়োজন আছে, ইহাতেই বুঝায় যে ইন্দ্রিয়ে এখন আত্মা লিপ্ত আছে—বর্জন ভিন্ন বিচ্ছেদ এখনও অসাধ্য । কিন্তু যিনি ইন্দ্রিয় বিষয়ের উপভোগী থাকিয়াও তাহাতে অনুরাগশূন্য,

যিনি সেই সকল ইন্দ্রিয়কে বিজিত করিয়া অনুর্তের কৰ্ম সম্পা-
দনার্থ বিষয়ের উপভোগ করেন, তিনিই নির্লিপ্ত । তাঁহার
আত্মার সঙ্গে ভোগ্য বিষয় আর সংশ্লিষ্ট নহে । তিনি পাপ ও
দুঃখের অতীত ।

এইরূপ “নির্লেপ” বা “অনাসক্ত” পরিষ্কৃত করিবার জন্ত
হিন্দুশাস্ত্রকারেরা একটা কৌশল অবলম্বন করিয়া থাকেন—
নির্লিপ্ত বা অনাসক্তকে অধিকমাত্রায় ইন্দ্রিয়ভোগ্য বিষয়ের
দ্বারা পরিবেষ্টিত করেন । এই জন্ত মহাভারতের পরবর্তী
পুরাণকারেরা শ্রীকৃষ্ণকে অসংখ্য বরাহনামধাবর্তী করিয়াছেন ।
এই জন্ত তান্ত্রিকদিগের সাধনপ্রণালীতে এত বেশী ইন্দ্রিয়-
ভোগ্য বস্তুর আবির্ভাব । যে এই সকল মধো যথেষ্ট বিচরণ
করিয়া তাহাতে অনাসক্ত রহিল, সেট নির্লিপ্ত । দ্রোপদীর বহু
স্বামীও এই জন্ত । দ্রোপদী স্ত্রীজাতির অনাসক্ত-ধর্মের মূর্তি
স্বরূপিণী । তৎস্বরূপে তাঁহাকে স্থাপন করাই কবির উদ্দেশ্য ।
তাই গণিকার গায় পঞ্চ পুরুষের সংসর্গযুক্তা হইয়াও দ্রোপদী
সাধ্বী, পাতিব্রতের পরাকাষ্ঠা । পঞ্চপতি দ্রোপদীর নিকট
এক পতি মাত্র, উপাসনার এক বস্তু, এবং ধর্মাচরণের একমাত্র
অভিন্ন উপলক্ষ । যেমন প্রকৃত ধর্মাচার নিকট বহু দেবতাও
এক ঈশ্বর মাত্র—ঈশ্বরই জ্ঞানীর নিকট এক মাত্র অভিন্ন
উপাস্ত, তেমনি পঞ্চস্বামী অনাসক্তযুক্তা দ্রোপদীর নিকট এক
মাত্র ধর্মাচরণের স্থল । তাঁহার পঞ্চাপক্ষ, ভেদাভেদ, ইতর-
বিশেষ নাই ; তিনি গৃহধর্মের নিষ্কাম, নিশ্চল, নির্লিপ্ত
হইয়া অনুর্তের কৰ্মে প্রবৃত্ত । ইহাই দ্রোপদীচরিত্রে অসামঞ্জস্যের
সামঞ্জস্য । তবে ঈদৃশ ধর্ম অতি দুঃসাধনীয় । মহাভারতকার

মহাপ্রস্থানিক পর্বে সেটুকুও বুঝাইয়াছেন। তথ্য কথিত হইয়াছে যে দ্রোপদীর অর্জুনের দিকে কিঞ্চিৎ পক্ষপাত ছিল বলিয়া তিনি সেই পাপফলে সশরীরে স্বর্গারোহণ করিতে পারিলেন না—সর্বাগ্রেই পথিমধ্যে পতিতা হইলেন।

বোধ হয়, এখন বুঝিতে পারা যায়, যে দ্রোপদীর পাঁচ স্বামীর ঔরসে কেবল এক একটি পুত্র কেন। হিন্দুশাস্ত্রানুসারে পুত্রোৎপাদন ধর্ম; গৃহীর তাহাতে বিরতি অধর্ম। পুত্র উৎপন্ন হইলে বিবাহ সফল হইল; না হইলে, ধর্ম অসম্পূর্ণ রহিল। কিন্তু ধর্মের যে প্রয়োজন, এক পুত্রেই তাহা সিদ্ধ হয়। একাধিক পুত্রের উৎপাদন ধর্মার্থে নিশ্চয়োজন—কেবল ইন্দ্রিয়-ভৃগুর ফল মাত্র। কিন্তু দ্রোপদী ইন্দ্রিয়মুখে নির্লিপ্ত; ধর্মের প্রয়োজন সিদ্ধ হইলে, স্বামিগণের সঙ্গে তাহার ঐন্দ্রিয়িক সংস্ক বিচ্ছিন্ন হইল। স্বামীর ধর্মার্থ দ্রোপদী সকল স্বামীর ঔরসে এক এক পুত্র গর্ভে ধারণ করিলেন; তৎপরে নির্লেপবশতঃ আর সন্তান গর্ভে ধারণ করিলেন না। কবির কল্পনার এই তাৎপর্য।

এই সকল কথার তাৎপর্য বোধ করি কেহই এমন বুঝিবেন না যে, যে স্ত্রীলোক অনাসঙ্গ-ধর্ম গ্রহণ করিবে, সেই পাঁচ ছয়টি মনুষ্যকে স্থানিত্বে বরণ করিবে—তাহা নহিলে ধর্মের সাধন হইবে না। তাৎপর্য এই মাত্র যে, যাহার চিত্তশুদ্ধি হইয়াছে, মহাপাতকে পড়িলেও পাপ তাহাকে স্পর্শ করিতে পারে না। দ্রোপদীর অদৃষ্টে যাহা ঘটিয়াছিল, স্ত্রীলোকের পক্ষে তেমন মহাপাপ আর কিছুই নাই। কিন্তু দ্রোপদীর চিত্তশুদ্ধি জন্মিয়াছিল বলিয়া, তিনি সেই মহাপাপকেও ধর্মের পরিণত করিয়াছিলেন।

আমি প্রথম প্রবন্ধে দেখিয়াছি, যে দ্রৌপদী ধন্যবলে
 অত্যন্ত দৃপ্তা ; সে দর্প কখন কখন ধন্যকেও অতিক্রম করে ।
 সেই দর্পের সঙ্গে এই ইন্দ্রিয়জয়ের কোন অসামঞ্জস্য নাই ।
 তবে তাঁহার নিকান ধন্য সর্বাঙ্গীন সম্পূর্ণতাপ্রাপ্ত হইয়াছিল
 কি না, সে স্মৃত্ত্ব কথা ।

অনুকরণ । *

জগদীশ্বর রূপায়, ঊনবিংশ শতাব্দীতে আধুনিক বাঙ্গালি নামে এক অদ্ভুত জন্তু এই জগতে দেখা গিয়াছে । পশুতত্ত্ববিৎ পণ্ডিতেরা পরাক্ষা দ্বারা স্থির করিয়াছেন, যে এই জন্তু বাহ্যতঃ মনুষ্য-লক্ষণাক্রান্ত ; হস্তে পদে পাঁচ পাঁচ অঙ্গুলি, লাম্বুল নাই, এবং অস্থি ও মস্তিষ্ক, “বাইমেনা” জাতির সদৃশ বটে । তবে অন্তঃস্বভাব সম্বন্ধে, সেরূপ নিশ্চয়তা এখনও হয় নাই । কেহ কেহ বলেন, ইহারা অন্তঃস্বন্ধেও মনুষ্য বটে, কেহ কেহ বলেন, ইহারা বাহিরে মনুষ্য, এবং অন্তরে পশু । এই তত্ত্বের মীমাংসা জ্ঞাত, শ্রীযুক্ত বাবু রাজনারায়ণ বসু ১৮৯৪ শকের চৈত্র মাসে বক্তৃতা করেন । এক্ষণে তাহা মুদ্রিত করিয়াছেন । তিনি এ বক্তৃতায় পশুপক্ষই সমর্থন করিয়াছেন ।

আমরা কোন মতাবলম্বী ? আমরাও বাঙ্গালির পশুতত্ত্ববাদী । আমরা ইংরেজী সংবাদপত্র হইতে এ পশুতত্ত্ব অভ্যাস করিয়াছি । কোন কোন তাম্রশ্মশ্রু ঋষির মত এই বে বেগন খিধাতা ত্রিলোকের সুন্দরীগণের সৌন্দর্য্য তিল তিল সংগ্রহ

* নেকাল আর একাল । শ্রীরাজনারায়ণ বসু প্রণীত ।

করিয়া তিলোত্তমার সৃজন করিয়াছিলেন ; সেইরূপ পশুচরিত্র তিল তিল করিয়া সংগ্রহ পূর্বক এই অপূর্ব নব্য বাঙ্গালিচরিত্র সৃজন করিয়াছেন । শৃগাল হইতে শঠতা, কুকুর হইতে তোষা-মোদ ও ভিক্ষানুরাগ, মেঘ হইতে ভীকৃত্য, বানর হইতে অনু-করণপটুতা, এবং গর্দভ হইতে গর্জন,—এই সকল একত্র করিয়া, নিম্না গুল-উজ্জলকারী, ভারতবর্ষের ভরসার বিষয়ীভূত, এবং ভট্ট মক্ষমূলরের আদরের স্থল, নব্য বাঙ্গালিকে সমাজা-কাশে উদ্ভিত করিয়াছেন । যেমন সুন্দরীমণ্ডলে তিলোত্তমা, গ্রন্থমধ্যে রিচার্ড্‌সন্স্ সিলেক্সন্স্, যেমন পোষাকের মধ্যে ফকি-রের জামা, মণ্ডের মধ্যে পঞ্চ, খাণ্ডের মধ্যে খিচুড়ি, তেমনি এই মহাআদিগের মতে মনুষ্যের মধ্যে নব্যবাঙ্গালি । যেমন ক্ষীরোদ সমুদ্র মন্থন করিলে চন্দ্র উঠিয়া জগৎ আলো করিয়াছিল— তেমনি পশুচরিত্র-সাগর মন্থন করিয়া, এই অনিন্দনীয় বাবু চাঁদ উঠিয়া ভারতবর্ষ আলো করিতেছেন । রাজনারায়ণ রাবুদ্বয় যাহা যে সকল অমৃতনুদ্র লোক রাহ হইয়া এই কলঙ্কশূণ্য চাঁদকে গ্রাস করিতে যান, আমরা তাঁহাদের নিন্দা করি । বিশেষতঃ রাজনারায়ণ বাবুকে বলি, যে আপনিই এই গ্রন্থমধ্যে গোমাংস-ভোজন নিষেধ করিয়াছেন, তবে বাঙ্গালির মুণ্ড খাইতে বসি-রাছেন কেন ?—গোক হইতে বাঙ্গালি কিসে অপকৃষ্ট ? গোকও যেমন উপকারী, নব্য বাঙ্গালিও সেইরূপ । ইহার সংবাদপত্র রূপ, ডাঙা ডাঙা সুস্বাদু ছুঙ্ক দিতেছে ; চাকরি-লাঙ্গল কাধে লইয়া, জীবনক্ষেত্র কর্ষণ পূর্বক ইংরেজ চাষার ফলের যোগাড় করিয়া দিতেছে ; বিদ্যার ছালা বঁপিতে করিয়া কালেক্স হইতে ছাপাখানায় আনিয়া ফেলিয়া, চিনির বীলদের নাম

রাখিতেছে ; সমাজ-সংস্কারের গাড়িতে বিলাতি মাল বোঝাই দিয়া, রসের বাজারে ঢোলাই করিতেছে ; এবং দেশহিতের ঘানিগাছে স্বার্থসর্ষপ পেষণ করিয়া, যশের তেল বাহির করিতেছে । এত গুণের গোকুলে কি বধ করিতে আছে ?

কিন্তু যিনি বাঙ্গালির যত নিন্দা করুন, বাঙ্গালি তত নিন্দনীয় নহে । রাজনারায়ণ বাবুও বাঙ্গালির যত নিন্দা করিয়াছেন, বাঙ্গালি তত নিন্দনীয় নহে । অনেক স্বদেশবৎসল যে অভিপ্রায়ে বাঙ্গালির নিন্দা করেন, রাজনারায়ণ বাবুও সেই অভিপ্রায়ে বাঙ্গালির নিন্দা করিয়াছেন—বাঙ্গালির হিতার্থ । সে কালে আর এ কালে নিরপেক্ষ ভাবে তুলনা তাঁহার উদ্দেশ্য নহে—এ কালের দোষনির্বাচনই তাঁহার উদ্দেশ্য । এ কালের গুণগুলির প্রতি তিনি বিশেষ দৃষ্টিক্ষেপ করেন নাই—করাও নিস্পরোজন, কেন না আমরা আপনাদিগেব গুণের প্রতি পলকের জন্ত সন্দেহযুক্ত নহি ।

নব্য বাঙ্গালির অনেক দোষ । কিন্তু সকল দোষের মধ্যে, অনুকরণানুরাগ সর্ব্ববাদিসম্মত । কি ইংরেজ কি বাঙ্গালি সকলেই ইহার জন্ত বাঙ্গালি জাতিকে অগ্রহ তিরস্কৃত করিতেছেন । তদ্বিষয়ে রাজনারায়ণ বাবু বাহা বলিয়াছেন, তাহা উদ্ধৃত করিবার আবশ্যকতা নাই—সে সকল কথা আজ-কালি সকলেরই মুখে শুনিতে পাওয়া যায় ।

আমরা সে সকল কথা স্বীকার করি, এবং ইহাও স্বীকার করি বৈ, রাজনারায়ণ বাবু বাহা বলিয়াছেন, তাহার অনেক গুলিই সঙ্গত । কিন্তু অনুকরণসহক্রে দুই একটি সাধারণ ভ্রম আছে ।

অনুকরণ মাত্র কি দূষ্য ? তাহা কদাচ হইতে পারে না ।
 অনুকরণ ভিন্ন প্রথম শিক্ষার উপায় কিছুই নাই । যেমন শিশু
 বয়ঃপ্রাপ্তের বাক্যানুকরণ করিয়া কথা কহিতে শিখে, যেমন
 বয়ঃপ্রাপ্তের কার্য সকল দেখিয়া কার্য করিতে শিখে,
 অসভ্য এবং অশিক্ষিত জাতি সেইরূপ সভ্য এবং শিক্ষিত-
 জাতির অনুকরণ করিয়া সকল বিষয়ে শিক্ষা প্রাপ্ত হয় । অত-
 এব বাঙ্গালি যে ইংরেজের অনুকরণ করিবে, ইহা সম্ভব ও
 যুক্তিসিদ্ধ । সত্য বটে, আদিম সভ্যজাতি বিনানুকরণে স্বতঃ-
 শিক্ষিত এবং সভ্য হইয়াছিল ; প্রাচীন ভারতীয় ও মিসরীয়
 সভ্যতা কাহারও অনুকরণলব্ধ নহে । কিন্তু যে আধুনিক
 ইউরোপীয় সভ্যতা সর্বজাতীয় সভ্যতার মধ্যে শ্রেষ্ঠ, তাহা
 কিসের ফল ? তাহাও রোম ও যুনানী সভ্যতার অনুকরণের
 ফল । রোমক সভ্যতাও যুনানী সভ্যতার অনুকরণফল । যে
 পরিমাণে বাঙ্গালি, ইংরেজের অনুকরণ করিতেছে, পুরাবৃত্তজ্ঞ
 জানেন যে, ইউরোপীয়েরা প্রথমাবস্থাতে তদপেক্ষা অল্প
 পরিমাণে যুনানীয়ে—বিশেষতঃ রোমকীয়ে—অনুকরণ
 করেন নাই । প্রথমাবস্থাতে অনুকরণ করিয়াছিলেন বলি-
 য়াই এখন এ উচ্চসোপানে দাঁড়াইয়াছেন । শৈশবে পরের
 হাত ধরিয়া যে জলে নাগিতে না শিখিয়াছে, সে কখনই
 সাঁতার দিতে শিখে নাই ; কেন না, ইহজন্মে তাহার জলে
 নামাই হইল না । শিক্ষকের লিখিত আদর্শ দেখিয়া যে
 প্রথমে লিখিতে না শিখিয়াছে, সে কখনই লিখিতে শিখে
 নাই । বাঙ্গালি যে ইংরেজের অনুকরণ করিতেছে, ইহাই
 বাঙ্গালির ভরসা ।

তবে লোকের বিশ্বাস এই, যে অনুকরণের ফলে কখন প্রথম শ্রেণীর উৎকর্ষ প্রাপ্তি হয় না। কিসে জানিলে ?

প্রথম, সাহিত্য সম্বন্ধে দেখ। পৃথিবীর কতকগুলি প্রথম শ্রেণীর কাব্য, কেবল অনুকরণ মাত্র। ডাইডেন এবং বোরালোর অনুকারী পোপ, পোপের অনুকারী জনসন। এইরূপ ক্ষুদ্র ক্ষুদ্র লেখকদিগের দৃষ্টান্ত দেখাইয়া আমরা এ কথা সম্ভ্র-মাণ করিতে চাহি না। বর্জিলের মহাকাব্য, হোমরের প্রসিদ্ধ মহাকাব্যের অনুকরণ। সমুদয় রোমক সাহিত্য, যুনা-নীয় সাহিত্যের অনুকরণ। যে রোমকসাহিত্য বর্তমান ইউ-রোপীয় সভ্যতার ভিত্তি, তাহা অনুকরণ মাত্র। কিন্তু বিদে-শীয় উদাহরণ দূরে থাকুক। আমাদিগের স্বদেশে ছইখানি মহাকাব্য আছে—তাহাকে মহাকাব্য বলে না, গৌরবার্থ ইতি-হাস বলে—তাহা পৃথিবীর সকল কাব্যের শ্রেষ্ঠ। গুণে উভয়ে প্রায় তুল্য; অল্প তারতম্য। একখানি আর একখানির অনুকরণ।

মহাভারত যে রামায়ণের পরকালে প্রণীত, তাহা ছইলর সাহেব ভিন্ন বোধ হয় আর কেহই সহজ অবস্থায় অস্বীকার করিবেন না। অগ্ৰাণ্ত অনুকৃত এবং অনুকরণের নায়ক সকলে যতটা প্রভেদ দেখা যায়, রামে ও যুধিষ্ঠিরে তাহার অপেক্ষা অধিক প্রভেদ নহে। রামায়ণের অমিতবলধারী বীর, জিতে-দ্রিয়, ভ্রাতৃবৎসল, লক্ষ্মণ মহাভারতে অর্জুনে পরিণত হইয়া-ছেন, এবং ভারত শত্রুগ্ন নকুল সহদেব হইয়াছেন। ভীম নূতন সৃষ্টি, তবে কুলুকর্ণের একটু ছায়ায় দাঁড়াইয়াছেন। রামায়ণে রাবণ, মহাভারতে দুর্ব্যোধন; রামায়ণে বিভীষণ,

মহাভারতে বিদ্যর ; অভিমন্যু, ইন্দ্রজিতের অস্থিমজ্জা লইয়া গঠিত হইয়াছে । এদিকে রাম ভ্রাতা ও পত্নী সহিত বনবাসী ; যুধিষ্ঠিরও ভ্রাতা ও পত্নী সহিত বনবাসী । উভয়েই রাজ্যচ্যুত । একজনের পত্নী অপহৃত, আর একজনের পত্নী সভামধ্যে অপমানিতা ; উভয় মহাকাব্যের সারভূত সমরানলে সেই অগ্নি ছলন্ত ; একে স্পষ্টতঃ, অপরে অস্পষ্টতঃ । উভয় কাব্যের উপন্যাসভাগ এই যে যুবরাজ রাজ্যচ্যুত হইয়া, ভ্রাতা ও পত্নী সহ বনবাসী, পরে সমরে প্রবৃত্ত, পরে সমরবিজয়ী হইয়া পুনর্বার স্বরাজ্যে স্থাপিত । ক্ষুদ্র ক্ষুদ্র ঘটনাতেই সেই সাদৃশ্য আছে ; কুশীলবের পালা মণিপুরে বক্রবাহন কর্তৃক অভিনীত হইয়াছে ; মিথিলায় ধনুর্ভঙ্গ, পাঞ্চালে যৎশ্রবিক্রমে পরিণত হইয়াছে ; দশরথকৃত পাপে এবং পাণ্ডুকৃত পাপে বিলক্ষণ ঐক্য আছে । মহাভারতকে রামায়ণের অনুকরণ বলিতে ইচ্ছা না হয়, না বলুন ; কিন্তু অনুকরণীয়ে এবং অনুকৃতে ইহার অপেক্ষা ঘনিষ্ঠ সম্বন্ধ অতি বিরল । কিন্তু মহাভারত অনুকরণ হইয়াও কাব্যমধ্যে পৃথিবীতে অগ্ৰত্ব অতুল—একা রামায়ণই তাহার তুলনীয় । অতএব অনুকরণ মাত্র হেয় নহে ।

পরে, সমাজ সম্বন্ধে দেখ । যখন রোমকেরা যুনানীয় সভ্যতার পরিচয় পাইলেন, তখন তাঁহারা কায়মনোবাক্যে, যুনানীয়দিগের অনুকরণে প্রবৃত্ত হইলেন । তাহার ফল, কিকিরের বাগিতা, তাসিতসের ইতিবৃত্তগ্রন্থ, বর্জিলের মহাকাব্য, প্লতস ও টেবেলের নাটক, হরেন্স ও ওবিদের গীতিকাব্য, পেপিনিয়নের ব্যবস্থা, সেনেকার ধর্মনীতি, আন্ত-

নৈনদিগের রাজধর্ম, কুকানসের ভোগাসক্তি, জনসাধারণের ঐশ্বর্য, এবং সম্রাটগণের স্থাপত্য-কীর্তি । আধুনিক ইউরোপীয়দিগের কথা পূর্বেই উল্লিখিত হইয়াছে : ইতালীয়, ফরাসি-সাহিত্য, গ্রীক ও রোমীয় সাহিত্যের অনুকরণ ; ইউরোপীয় ব্যবসায়শাস্ত্র, রোমক ব্যবসায়শাস্ত্রের অনুকরণ ; ইউরোপীয় শাসনপ্রণালী, রোমকীয়ের অনুকরণ । কোথাও সেই ইম্পিরেটর, কোথাও সেই সেনেট কোথাও সেই প্লেবের শ্রেণী : কোথাও ফোরম, কোথাও সেই মিউনিসিপিয়ম্ । আধুনিক ইউরোপীয় স্থাপত্য ও চিত্রবিদ্যাও যুনানী ও রোমক মূলবিশিষ্ট । এই সকলই পথমে অনুকরণ মাত্রই ছিল ; এক্ষণে অনুকরণাবস্থা পরিত্যাগ করিয়া পৃথগ ভাবাপন্ন ও উন্নত হইয়াছে । প্রতিভা থাকিলেই একপ ঘণ্টে, প্রথম অনুকরণ মাত্র হয় : পবে অভ্যাসে উৎকর্ষ প্রাপ্ত হওয়া যায় । সে শিশু প্রথমে লিখিতে শিখে, তাতাকে প্রথমে গুরুব হস্তাক্ষরের অনুকরণ করিতে হয়—পরিণামে তাতার হস্তাক্ষর স্বতন্ত্র হয়. এবং প্রতিভা থাকিলে সে গুরুর অপেক্ষা ভাল লিখিয়াও থাকে ।

তবে প্রতিভাশূন্যের অনুকরণ বড় কর্ণা হয় বটে । যাহার যে বিষয়ে নৈসর্গিক শক্তি নাই যে চিরকালই অনুকারী থাকে, তাহার স্বাতন্ত্র্য কখন দেখা যায় না । ইউরোপীয় নাটক ইহার বিশিষ্ট উদাহরণ । ইউরোপীয় জাতি মানেবই নাটক আদৌ যুনানী নাটকের অনুকরণ । কিন্তু প্রতিভার গুণে স্পেনীয় এবং ইংলণ্ডীয় নাটক শীঘ্রই স্বাতন্ত্র্য লাভ করিল—এবং ইংলণ্ড এ বিষয়ে গ্রীসের সমকক্ষ হইল । এদিকে

এতদ্বিষয়ে স্বাভাবিক শক্তিশূণ্য রোমীয়, ইতালীয়, ফরাসি এবং জার্মানীয়গণ, অনুকারীই রহিলেন। অনেকেই বলেন, যে শেষোক্ত জাতি সকলের নাটকের অপেক্ষাকৃত অনুৎকর্ষ তাহা-দিগের অনুচিকীর্ষার ফল। এটি ভ্রম। ইহা নৈসর্গিক ক্ষমতার অপ্রতুলেরই ফল। অনুচিকীর্ষাও সেই অপ্রতুলের ফল। অনুচিকীর্ষাও কার্য্য, কারণ নহে।

অনুকরণ যে গালি বলিয়া আজি কালি পরিচিত হইয়াছে, তাহার কারণ প্রতিভাশূণ্য ব্যক্তির অনুকরণে প্রবৃত্তি। অক্ষম ব্যক্তির কৃত অনুকরণ অপেক্ষা ঘৃণাকর আর কিছুই নাই; একে মন্দ তাহাতে অনুকরণ। নচেৎ অনুকরণ মাত্র ঘৃণ্য নহে; এবং বাঙ্গালির বর্তমান অবস্থায় তাহা দোষের নহে। বরং একরূপ অনুকরণই স্বভাবসিদ্ধ। ইহাতে যে বাঙ্গালির স্বভাবের কিছু বিশেষ দোষ আছে এমন বোধ করিবার কারণ নির্দেশ করা কঠিন। ইহা মানুষের স্বভাবসিদ্ধ দোষ বা গুণ। যখন উৎকৃষ্টে এবং অপকৃষ্টে একত্রিত হয়, তখন অপকৃষ্ট স্বভাবতই উৎকৃষ্টের সমান হইতে চাহে। সমান হইবার উপায় কি? উপায়, উৎকৃষ্ট যেরূপ করে, সেইরূপ কর, সেইরূপ হইবে। তাহাকেই অনুকরণ বলে। বাঙ্গালি দেখে, ইংরেজ, সভ্যতার, শিক্ষায়, বলে, ঐশ্বর্য্যে, সুখে, সর্ব্বাংশে বাঙ্গালি হইতে শ্রেষ্ঠ। বাঙ্গালি কেন না ইংরেজের মত হইতে চাহিবে? কিস্তি কি প্রকারে সেইরূপ হইবে? বাঙ্গালি মনে করে, ইংরেজ যাহা যাহা করে সেইরূপ সেইরূপ করিলে, ইংরেজের মত সভ্য, শিক্ষিত, সম্পন্ন, সুখী হইব। অতঃপর যে কোন জাতি হউক না কেন, ঐ অবস্থাপন্ন হইলে ঐ রূপ করিত। বাঙ্গালির

স্বভাবের দোষে এ অনুকরণপ্রবৃত্তি নহে। অস্ততঃ বাঙ্গালির তিনটি প্রধান জাতি—ব্রাহ্মণ, বৈশ্য, কারস্থ, আৰ্য্যবংশসম্ভূত ; আৰ্য্যশোণিত তাহাদের শরীরে অত্য়পি বহিতেছে ; বাঙ্গালি কখনই বানরের গ্ৰায় কেবল অনুকরণের জন্তই অনুকরণশ্রম হইতে পারে না। এ অনুকরণ স্বাভাবিক, এবং পরিণামে মঙ্গলপ্রদ হইতে পারে। যাহারা আমাদের কৃত ইংরেজের আহার ও পরিচ্ছদের অনুকরণ দেখিয়া রাগ করেন তাঁহারা ইংরেজকৃত ফরাসিদিগের আহার পরিচ্ছদের অনুকরণ দেখিয়া কি বলিবেন ? এ বিষয়ে বাঙ্গালির অপেক্ষা ইংরেজেরা অল্পাংশে অনুকারী ? আমরা অনুকরণ করি, জাতীয় প্রভুর ;—ইংরেজেরা অনুকরণ করেন—কাহার ?

ইহা আমরা অবগু স্বীকার করি, যে বাঙ্গালি যে পরিমাণে অনুকরণে প্রবৃত্ত, ততটা বাঞ্ছনীয় না হইতে পারে। বাঙ্গালির মধ্যে প্রতিভাশূণ্য অনুকারীরই বাহুল্য ; এবং তাঁহাদিগকে শ্রায় গুণভাগের অনুকরণে প্রবৃত্ত না হইয়া দোষভাগের অনুকরণেই প্রবৃত্ত দেখা যায়। এইটি মহা দুঃখ। বাঙ্গালি গুণের অনুকরণে তত পটু নহে ; দোষের অনুকরণে ভূমণ্ডলে অদ্বিতীয়। এই জন্তই আমরা বাঙ্গালির অনুকরণপ্রবৃত্তিকে গালি পাড়ি, এবং এই জন্তই রাজনারায়ণ বাবু যাহা যাহা বলিয়াছেন, তাহার অনেক স্থলিকে যথার্থ বলিয়া স্বীকার করিতেছি।

যেখানে অনুকারী প্রতিভাশালী সেখানেও অনুকরণের দুইটি মহৎ দোষ আছে। একটি বৈচিত্র্যের বিঘ্ন। এ সংসারে একটি প্রধান সুখ, বৈচিত্র্য ঘটত। জগতাতলস্থ সর্ব পদার্থ যদি এক ধর্মের হইত তবে জগৎ কি এত সুখদৃশ হইত ? সকল

শব্দ যদি এক প্রকার হইত—মনে কর কোকিলের স্বরের স্তর
রব ভিন্ন পৃথিবীতে অন্য কোন প্রকার শব্দ না থাকিত, তবে
কি সে শব্দ সকলের কর্ণজ্বালাকর হইত না? আগরা মেরুপ
স্বভাব পাইলে, না হইতে পারিত। কিন্তু এক্ষণে আমরা যে
প্রকৃতি লইয়া পৃথিবীতে জন্ম গ্রহণ করিয়াছি, তাহাতে বৈচিত্র্যই
সুখ। অনুকরণে এই সুখের ধ্বংস হয়। মাকবেথ উৎকৃষ্ট নাটক
কিন্তু পৃথিবীর সকল নাটক মাকবেথের অনুকরণে লিপিত
হইলে, নাটকে আর কি সুখ থাকিত? সকল মহাকাব্য যযু-
বংশের আদর্শে লিপিত হইলে, কে আর কাব্য পড়িত?

দ্বিতীয়, সকল বিষয়েই যত্নপূর্নঃপুণ্যে উৎকর্ষের সম্ভাবনা।
কিন্তু পরবর্তী কার্য্য পূর্ববর্তী কার্য্যের অনুকরণ মাত্র হইলে,
চেষ্টা কোন প্রকার নূতন পথে যায় না; সুতরাং কার্য্যের
উন্নতি ঘটে না। তখন ধারাবাহিকতা প্রাপ্ত হইতে হয়। ইহা
কি শিল্প সাহিত্য বিজ্ঞান, কি সামাজিক কার্য্য, কি মানসিক
অভ্যাস, সকল সম্বন্ধেই সত্য।

মনুষ্যের শাবীরিক ও মানসিক বৃত্তি সকলেরই সামকালিক
সংযোচিত ক্ষুধা এবং উন্নতি মনুষ্যদেহ ধারণের প্রধান
উদ্দেশ্য। তবে যাহাতে কতকগুলির অধিকতর পরিপুষ্টি, এবং
কতকগুলির প্রতি তাচ্ছিল্য জন্মে, তাহা মনুষ্যের অনিষ্টকর।
মনুষ্য অনেক, এবং একজন মনুষ্যের সুখও বহুবিধ। তত্ত্বাবৎ
সাধনের জন্ম বহুবিধ ভিন্ন ভিন্ন প্রকারের কার্য্যের আবশ্যিকতা।
ভিন্ন ভিন্ন প্রকারের কার্য্য ভিন্ন ভিন্ন প্রকৃতির লোকের দ্বারা
ভিন্ন সম্পন্ন হইতে পারে না। এক শ্রেণীর চরিত্রের লোকের
দ্বারা, বহু প্রকারের কার্য্য সাধিত হইতে পারে না। অতএব

সংসারে চরিত্রবৈচিত্র্য, কার্যবৈচিত্র্য, এবং প্রবৃত্তির বৈচিত্র্য প্রয়োজন। তদ্ব্যতীত সমাজের সকল বিষয়ে মঙ্গল নাই। অনুকরণপ্রবৃত্তিতে ইহাই ঘটে, যে অনুকারীর চরিত্র, তাহার প্রবৃত্তি, এবং তাহার কার্য, অনুকরণীয়ের স্থায় হয়, পথান্তরে গমন করিতে পারে না। যখন সমাজস্থ সকলেই বা অধিকাংশ লোক, বা কার্যক্ষম শ্রেষ্ঠ ব্যক্তিগণ, একই আদর্শের অনুকারী হইলেন, তখন এই বৈচিত্র্যহানি অতি গুরুতর হইয়া উঠে। মনুষ্য-চরিত্রের সর্বাত্মক ফুর্তি ঘটে না; সর্বপ্রকারের মনোবৃত্তি সকলের মধ্যে, যথোচিত সামঞ্জস্য থাকে না, সর্বপ্রকারের কার্য সম্পাদিত হয় না, মনুষ্যের কপালে সকল প্রকার সুখ ঘটে না—মনুষ্যত্ব অসম্পূর্ণ থাকে, সমাজ অসম্পূর্ণ থাকে, মনুষ্যজীবন অসম্পূর্ণ থাকে।

আমরা যে কয়টি কথা বলিয়াছি, তাহাতে নিম্নলিখিত তত্ত্ব সকলের উপলব্ধি হইতে পারে—

১। সামাজিক সভ্যতার আদি দুই প্রকার; কোন কোন সমাজ স্বতঃ সভ্য হয়, কোন কোন সমাজ অন্তর্ভুক্ত হইতে শিক্ষা লাভ করে। প্রথমোক্ত সভ্যতালভ বহুকাল-সাপেক্ষ; দ্বিতীয়োক্ত আশু সম্পন্ন হয়।

২। যখন কোন অপেক্ষাকৃত অসভ্য জাতি, সভ্যতর-জাতির সংস্পর্শ লাভ করে, তখন দ্বিতীয় পথে সভ্যতা অতি দ্রুতগতিতে আসিতে থাকে। সেস্থলে সামাজিক গতি এইরূপ হয়, যে অপেক্ষাকৃত অসভ্য সমাজ 'সভ্যতর সমাজের সর্বাত্মক অনুকরণে প্রবৃত্ত হয়। ইহাই স্বাভাবিক নিয়ম।

৩। অতএব বঙ্গীয় সমাজের দৃশ্যমান অনুকরণপ্রবৃত্তি
অস্বাভাবিক বা বাঙ্গালির চরিত্রদোষজনিত নহে ।

৪। অনুকরণ মাত্রই অনিষ্টকারী নহে কখন কখন
তাঁহাতে গুরুতর সুফলও জন্মে ; প্রথমাবস্থায় অনুকরণ
পরে স্বাতন্ত্র্য . আপনিই আসে । বঙ্গীয় সমাজের অবস্থা
বিবেচনা করিলে, এই অনুকরণপ্রবৃত্তি যে ভাল নহে, এমত
নিশ্চয় বলা যাইতে পারে না । ইহাতে ভরসার স্থলও আছে ।

৫। তবে অনুকরণে গুরুতর কুফলও আছে । উপযুক্ত
কাল উত্তীর্ণ হইলেও অনুকরণপ্রবৃত্তি বলবতী থাকিলে
অথবা অনুকরণের যথার্থ সময়েই অনুকরণপ্রবৃত্তি অব্যবহিত-
রূপে ক্ষুণ্ণিত পাইলে, সর্বনাশ উপস্থিত হইবে ।

শকুন্তলা, মিরন্দা, এবং দেস্দিমোনা ।

—oo—

প্রথম, শকুন্তলা ও মিরন্দা ।

উভয়েই ঋষিকন্যা ; প্রেম্বেষা ও বিশ্বামিত্র উভয়েই রাজবি । উভয়েই ঋষিকন্যা বলিয়া, অমানুষিক সাহায্য প্রাপ্ত । মিরন্দা এরিয়ন-রক্ষিতা, শকুন্তলা অপ্সরোরক্ষিতা ।

উভয়েই ঋষি পালিতা । দুইটিই বনলতা—দুইটিরই সৌন্দর্য্যে উগ্ঘানলতা পরাভূতা । শকুন্তলাকে দেখিয়া, বাজাবরোধবাসিনীগণের মননীভূত রূপলাবণ্য হৃৎস্বস্তের স্মরণ পথে আসিল ;

শুদ্ধাস্তহর্লভমিদংবপুরাশ্রমবাসিনো যদি জনস্ত ।

দূরীকৃতাঃ খলু গুণৈরুদ্যানলতা বনলতাভিঃ ॥

ফদ্দিনন্দও মিরন্দাকে দে খয়া সেইরূপ ভাবিলেন,

Full many a lady

I have eyed with best regard,—and many a time
The harmony of their tongues hath into bondage
Brought my too diligent ear : for several virtues
Have I like several women ;

—————but you, O you

So perfect and so peerless, are created
Of every creature's best !

উভয়েই অরণ্যমধ্যে প্রতিপালিতা ; সরলতার যে কিছু মোহমন্ত্র আছে, উভয়েই তাহাতে সিদ্ধ। কিন্তু মনুষ্যালয়ে বাস করিয়া, সুন্দর, সরল, বিশুদ্ধ রমণী প্রকৃতি, বিকৃতি প্রাপ্ত হয়—কে আমার ভাল বাসিবে, কে আমার সুন্দর বলিবে, কেমন করিয়া পুরুষ জয় করিব, এই সকল কামনায়, নানা বিলাস বিভ্রমাদিতে, মেঘ বিলুপ্ত চন্দ্রমাবৎ, তাহার মাধুর্য্য কালিমা প্রাপ্ত হয়। শকুন্তলা এবং মিরন্দায় এই কালিমা নাই, কেননা তাঁহারা লোকালয়ে প্রতিপালিতা নহেন। শকুন্তলা বহুল পরিধান করিয়া ক্ষুদ্র কলসী হস্তে আলবালে জলসিঞ্চন করিয়া, দিনপাত করিয়াছেন—সিঞ্চিত জলকণাবিধৌত নব মল্লিকার মত নিজেও শুভ্র, নিষ্কলঙ্ক, প্রফুল্ল, দিগন্তসুগন্ধবিকীর্ণকারিণী। তাঁহার ভগিনীস্নেহ, নব মল্লিকার উপর ; ভ্রাতৃস্নেহ, সহকারের উপর ; পুত্রস্নেহ, মাতৃহীন হরিণশিশুর উপর ; পতিগৃহ গমন কালে ইহাদিগের কাছে বিদায় হইতে গিয়া, শকুন্তলা অশ্রুমুখী, কাতরা, বিবশা। শকুন্তলার কথোপকথন তাহাদিগের সঙ্গে ; কোন বৃক্ষের সঙ্গে ব্যঙ্গ, কোন বৃক্ষকে আদর, কোন লতার পরিণয় সম্পাদন করিয়া শকুন্তলা সুখা। কিন্তু শকুন্তলা সরলা হইলেও অশিক্ষিতা নহেন। তাঁহার শিক্ষার চিহ্ন, তাঁহার লজ্জা। লজ্জা তাঁহার চরিত্রে বড় প্রবলা ; তিনি কথায় কথায় ছয়স্তরের সম্মুখে লজ্জাবনতমুখী হইয়া থাকেন—লজ্জার অনুরোধে আপনার হৃদ্যত প্রণয় সখীদের সম্মুখেও সহজে স্বীকৃত করিতে পারেন না। মিরন্দার সেরূপ নহে। মিরন্দা এক সরলা যে, তাহার লজ্জাও নাই। কোথা হইতে

লজ্জা হইবে ? তাহার জনক ভিন্ন অণু পুরুষকে কখন দেখেই
নাই। প্রথম ফর্দিনন্দকে দেখিয়া মিরন্দা বুঝিতেই পারিল না
যে, কি এ ?

Lord ! How it looks about ! Believe me Sir,
It carries a brave form ;—but 'tis a spirit.

সমাজপ্রদত্ত যে সকল সংস্কার, শকুন্তলার তাহা সকলই
আছে, মিরন্দার তাহা কিছুই নাই। পিতার সম্মুখে ফর্দিনন্দের
রূপের প্রশংসায় কিছুমাত্র সঙ্কোচ নাই অত্বে যেমন কোন
চিত্রাদির প্রশংসা করে, এ তেমনি প্রশংসা ;

I might call him

A thing divine, for nothing natural
I ever saw so noble.

অথচ স্ভাবদত্ত স্ত্রীচরিত্রের যে পবিত্রতা, যাহা লজ্জার
মধ্যে লজ্জা, তাহা মিরন্দায় অভাব নাই, একজন্ম শকুন্তলার
সরলতা অপেক্ষা মিরন্দার সরলতায় নবীনত্ব এবং মাধুর্য্য
অধিক। যখন পিতাকে ফর্দিনন্দের পৌড়নে প্রবৃত্ত দেখিয়া
মিরন্দা বলিতেছে,

O dear father

Make not rash a trial of him, for
He's gentle, and not fearful.

যখন পিতৃমুখে ফর্দিনন্দের রূপের নিন্দা শুনিয়া মিরন্দা বলিল,

My affections

Are then most humble ; I have no ambitions
To see a goodlier man.

তখন আমরা বুঝিতে পারি যে, মিরন্দা সংস্কারবিহীনা, কিন্তু মিরন্দা পরহঃখকাতরা, মিরন্দা মেহশালিনী ; মিরন্দার লজ্জা নাই । কিন্তু লজ্জার সারভাগ যে পবিত্রতা, তাহা আছে ।

যখন রাজপুত্রের সঙ্গে মিরন্দার সাক্ষাৎ হইল, তখন তাঁহার হৃদয় প্রণয়সংস্পর্শশূন্য ছিল ; কেন না শৈশবের পর পিতা ও কালিবন ভিন্ন আর কোন পুরুষকে তিনি কখন দেখেন নাই । শকুন্তলাও যখন রাজাকে দেখেন, তখন তিনিও শূন্যহৃদয়, ঋষিগণ ভিন্ন পুরুষ দেখেন নাই । উভায়ই তপোবন-মধ্যে—এক স্থানে কণ্ঠের তপোবন—অপর স্থানে প্রম্পেরোর তপোবন—অনুরূপ নায়ককে দেখিবামাত্র প্রণয়শালিনী হইলেন । কিন্তু কবিদিগের আশ্চর্য্য কৌশল দেখ ; তাঁহারা পরামর্শ করিয়া শকুন্তলা ও মিরন্দা-চরিত্র প্রণয়নে প্রবৃত্ত হইয়া নাই, অথচ একজনে দুইটি চিত্র প্রণীত করিলে যেরূপ হইত, ঠিক সেইরূপ হইয়াছে । যদি একজনে দুইটি চরিত্র প্রণয়ন করিতেন, তাহা হইলে কবি শকুন্তলার প্রণয়লক্ষণে ও মিরন্দার প্রণয়লক্ষণে কি প্রভেদ রাখিতেন ? তিনি বুঝিতেন যে, শকুন্তলা সমাজপ্রদত্ত সংস্কারসম্পন্ন, লজ্জাশীলা, অতএব তাহার প্রণয় মুখে অব্যক্ত থাকিবে কেবল লক্ষণেই ব্যক্ত হইবে ; কিন্তু মিরন্দা সংস্কারশূন্য, লৌকিক লজ্জা কি তাহা জানে না, অতএব তাহার প্রণয়লক্ষণ বাক্যে অপেক্ষাকৃত পারিস্ফুট হইবে । পৃথক পৃথক কবিপ্রণীত চিত্রদ্বয়ে ঠিক তাহাই ঘটিয়াছে । দুঃস্বপ্নকে দেখিয়াই শকুন্তলা প্রণয়সক্তা ; কিন্তু দুঃস্বপ্নের কথা দূরে থাক, সখীদ্বয় যত দিন তাঁহাকে ক্লিষ্টা দেখিয়া, সকল কথা অনুভবে বুঝিয়া পীড়াপীড়ি করিয়া কথা

বাহির কবিয়া না লইল, ততদিন তাহাদের সম্মুখেও শকুন্তলা
এই নূতন বিকারের একট কথ্যও বলেন নাই, কেবল লক্ষ-
ণেই সে ভাব ব্যক্ত—

সিদ্ধং বীক্ষিতমন্ততোপি নয়নে যৎ প্রেরয়ন্ত্যা তয়া,
যাতং যচ্চ নিতম্বরোগুর্কৃতয়া মনঃ বিলাসাদিব।
মাগ্না ইতু্যাপরুদয়া যদপি তৎ সাস্থয় মুক্তা সখী,
সর্ষং তৎ কিম যৎপরায়ণমহো ! কামঃ স্বতাং পশুতি ॥

শকুন্তলা দুঃস্বপ্নকে ছাড়িয়া যাইতে গেলে গাছে তাঁহার
বকল বাধিয়া যায়, পদে কুশঙ্কু বিধে। কিন্তু মিরন্দার সে
সকলের প্রয়োজন নাই—মিরন্দা সে সকল জানে না; প্রথম
সন্দর্শন কালে মিরন্দা অসঙ্কচিত চিত্তে পিতৃসমক্ষে আপন
প্রণয় ব্যক্ত করিলেন,

This

Is the third man I e'er saw ; the first
That e'er I sighed for.

এবং পিতাকে ফর্দিনন্দের পীড়নে উত্তত দেখিয়া, ফর্দি-
নন্দকে আপনার প্রিয়জন বলিয়া, পিতার দয়ার উদ্রেকের
যত্ন করিলেন। প্রথম অবসরেই ফর্দিনন্দকে আত্মসমর্পণ
করিলেন।

দুঃস্বপ্নের সঙ্গে শকুন্তলার প্রথম প্রণয়সম্ভাষণ, এক প্রকার
লুকাচুরি খেলা। “সখি, রাজাকে ধরিয়া রাখিস্ কেঁন ?—
“তবে, আমি উঠিয়া যাই”—“আমি এই গাছের আড়ালে
লুকাই”—শকুন্তলার এ সকল “বাহানা” আছে; মিরন্দার সে
সকল নাই। এ সকল লজ্জাশীলা কুলকীর্তির বিহিত, কিন্তু

মিরন্দা লজ্জাশীলা কুলবালা নহে—মিরন্দা বনের পাখী—
প্রভাতাক্রণোদরে গাইয়া উঠিতে তাহার লজ্জা করে না ;
বৃক্ষের ফুল—সন্ধ্যার বাতাস পাইলে মুখ ফুটাইয়া ফুটিয়া উঠিতে
তাহার লজ্জা করে না । নারককে পাইয়াই, মিরন্দার বলিতে
লজ্জা করে না যে—

By my modesty,

The jewel in my dower—I would not wish
Any companion in the world but you ;
Nor can imagination form a shape
Besides yourself, to like of.

পুনশ্চ :—

Hence bashful cunning !

—And prompt me plain and holy innocence.
I am your wife, if you will marry me.
—If not, I die your mad ; to be your fellow
You may deny me, but I will be your servant
Whether you will or no.

আমাদিগের ইচ্ছা ছিল, যে মিরন্দা ফর্দিনন্দের এই প্রথম
প্রণয়লাপ, সমুদায় উদ্ধৃত করি, কিম্বা নিস্প্রয়োজন । সকলেরই
ঘরে সেক্ষণীয়র আছে, সকলেই মূলগ্রন্থ খুলিয়া পড়িতে পারি-
বেন । দেখিবেন উত্তানমধ্যে রোমিও জুলিয়েটেব যে প্রণয়-
সঙ্কীর্ণ জগতে বিখ্যাত, এবং পূর্বতন কালেজের ছাত্রমাত্রের
কণ্ঠস্থ, ইহা কোন অংশে তদপেক্ষা নূনকল্প নহে । যে ভাবে
জুলিয়েট বলিয়াছিলেন, যে “আমার দান সাগরতুলা অসীম,
আমার ভালবাসা সেই সাগরতুলা গভীর,” মিরন্দাও এই স্থলে

সেই মহান্ চিত্তভাবে পরিপ্লুত । ইহার অনুরূপ অবস্থায়, লতামগ্নপতলে, দুঃস্তু শকুন্তলায় যে আলাপ,—যে আলাপে শকুন্তলা চিরবন্ধ হৃদয়কোরক প্রথম অভিমত সূর্যাসমীপে ফুটাইয়া হাসিল—সে আলাপে তত গৌরব নাই—মানবচরিত্রের কুলপ্রান্তপৰ্য্যন্তপ্রঘাতী সেরূপ টল টল চঞ্চল বীচিমাল্য তাহার হৃদয়মধ্যে লক্ষিত হয় না । যাহা বলিয়াছি, তাই—কেবল, ছি ছি, কেবল যাই যাই, কেবল লুকাচুরি—একটু একটু চাতুরী আছে—যথা “অরূপধে স্মরিত্ব এদম্ব হৃথবুংসিণো মিণাল বলঅস্ম কদে পড়িণিবুভক্ষি ।” ইত্যাদি । একটু অগ্র-গামিণীত্ব আছে, যথা দুঃস্তুের মুখে—

“নহু কমলস্য মধুকরঃ সন্তুবাতি গন্ধমাত্রেন ।” এই কথা শুনিয়া শকুন্তলার জিজ্ঞাসা, “অসন্তোসে উণ কিং করেদি ?”—এই সকল ছাড়া আর বড় কিছুই নাই । ইহা কবির দোষ নহে—বরং কবির গুণ । দুঃস্তুের চরিত্র-গৌরবে ক্ষুদ্রা শকুন্তলা এখানে ঢাকা পড়িয়া গিয়াছে । ফর্দিনন্দ বা রোমিও ক্ষুদ্র ব্যক্তি, নারিকার প্রায় সমবয়স্ক, প্রায় সমবোগ্য অকৃত-কীর্তি—অপ্রথিতযশাঃ কিন্তু সমাগরা পৃথিবীপতি মহেন্দ্রসখ দুঃস্তুের কাছে শকুন্তলা কে ? দুঃস্তু মহাবৃক্ষের বৃহচ্ছায়া এখানে শকুন্তলা কলিকাকে ঢাকিয়া ফেলিয়াছে—সে ভাল করিয়া মুখ খুলিয়া ফুটিতে পারিতেছে না । এ প্রণয় সস্তা-ষণ নহে—রাজক্ৰীড়া, পৃথিবীপতি কুঞ্জবনে বসিয়া সাধ কারয়া প্রেম করা রূপ খেলা খেলিতে বসিয়াছেন ; মন্তুমাভঙ্গের স্তায় শকুন্তলা-নলিনীকোরককে গুণে তুলিয়া, বনক্ৰীড়ার সাধ মিটাইতেছেন, নলিনী তাতে ফুটিবে কি ?

যিনি এ কথা শুনি অরণ না রাখিবেন তিনি শকুন্তলা চরিত্র
বুঝিতে পারিবেন না ; যে জল-নিসেকে মিরন্দা ও জুলিয়েট
ফুটিল, সে জলনিসেকে শকুন্তলা ফুটিল না ; প্রণয়সক্তা শকু-
ন্তলার বালিকার চাঞ্চলা, বালিকার ভয়, বালিকার লজ্জা দেখি-
লাম ; কিন্তু রমণীর গান্ধীর্ঘ্য ; রমণীর স্নেহ কই ? ইহার কারণ
কেহ কেহ বলিবেন, লোকাচারের ভিন্নতা ; দেশভেদ । বস্তুতঃ
তাহা নহে । দেশী কুলবধু বলিয়া শকুন্তলা লজ্জায় ভাঙ্গিয়া
পড়িল,—আর মিরন্দা বা জুলিয়েট বেহায়া বিলাতী মেয়ে
বলিয়া মনের গ্রহি খুলিয়া দিল, এমত নহে । ক্ষুদ্রাশয় সমা-
লোচকেরাই বুঝান না যে দেশভেদে বা কালভেদে কেবল
বাহ্যভেদ হয় মাত্র ; মনুষ্য হৃদয় সকল দেশেই সকল কালেই
ভিতরে মনুষ্যহৃদয়ই থাকে । বরং বলিতে গেলে—তিন জনের
মধ্যে শকুন্তলাকেই বেহায়া বলিতে হয়—“অসন্তোষে উণ কিং
করেদি ?” তাহার প্রমাণ । যে শকুন্তলা, ইহার কয় মাস পরে,
পোরবের সভাতলে দাঁড়াইয়া দুঃস্বপ্নকে তিরস্কার করিয়া বলিয়া
ছিল—“অনার্থা ! আপন হৃদয়ের অনুমানে সকলকে দেখ ?”
—সে শকুন্তলা যে, লতামণ্ডপে বালিকাই রহিল, তাহার কারণ,
কুলকণ্ঠাসুলভ লজ্জা নহে । তাহার কারণ—দুঃস্বপ্নের চরিত্রের
বিস্তার । যখন শকুন্তলা সভাতলে পরিত্যক্তা, তখন শকুন্তলা
পত্নী, রাজমহিষী, মাতৃপদে আরোহণোত্তীর্ণা, সুতরাং তখন শকু-
ন্তলা-রমণী ; এখানে তপোবনে,—তপস্বিকণ্ঠা, রাজপ্রমাদের
অনুচিত স্তুভিলাষিণী,—এখানে শকুন্তলা কে ? করিশুণ্ডে গদ্য-
মাত্র । শকুন্তলার কবি যে টেম্পেষ্ঠের কবি হইতে হীনপ্রভ নহেন,
ইহাই দেখাইবার জন্য এখানে আয়াস স্বীকার করিলাম ।

দ্বিতীয়, শকুন্তলা ও দেস্‌দিমোনা ।

শকুন্তলার সঙ্গে মিরনার তুলনা করা গেল—কিন্তু ইহাও দেখান গিয়াছে, যে শকুন্তলা ঠিক মিরনা নহে । কিন্তু মিরনার সহিত তুলনা করিলে শকুন্তলা-চরিত্রের একভাগ বুঝা যায় । শকুন্তলা-চরিত্রের আর এক ভাগ বুঝিতে বাকি আছে । দেস্‌দিমোনার সঙ্গে তুলনা করিয়া সে ভাগ বুঝাইব ইচ্ছা আছে ।

শকুন্তলা এবং দেস্‌দিমোনা, দুই জনে পরস্পর তুলনীয়, এবং অতুলনীয় । তুলনীয় কেননা, উভয়েই গুরুজনের অমু-মতির অপেক্ষা না করিয়া আত্মসমর্পণ করিয়াছিলেন । গোতমী শকুন্তলা সম্বন্ধে দুঃস্বপ্নকে বাহা বলিয়াছেন, ওথেলোকে লক্ষ্য করিয়া দেস্‌দিমোনা সম্বন্ধে তাঁহা বলা যাইতে পারে—

গাবেক্‌খিদো গুরুঅণো ইমি এ ন তুএবি পুচ্ছিদো বহু ।

এককং এক চরিত্র কিংভগত্ব একং একম্ব ॥

তুলনীয়, কেননা উভয়েই বীরপুরুষ দেখিয়া আত্মসমর্পণ করিয়াছেন—উভয়েরই “দুরারোহিণী আশালতা” মহামহীরুহ অবলম্বন করিয়া উঠিয়াছিল । কিন্তু বীরমস্ত্রের যে মোহ, তাহা দেস্‌দিমোনার বাদশ পরিষ্কৃত শকুন্তলার তাদৃশ নহে । ওথেলো কৃষ্ণকায়, সুতরাং সুপুরুষ বলিয়া ইতালীয় বালার কাছে বিচার্য্য নহে, কিন্তু রূপের মোহ হইতে বীর্য্যেরূপে নাই নাকীহৃদয়ের উপর বলবত্তর । যে মহাকবি, পুরুপতিকা দ্রৌপদীকে অর্জুনে অধিকতম অমুরতা করিয়া, তাঁহার গন-ব্রীয়ে স্বর্গারোহণ পথরোধ করিয়াছিলেন, তিনি এ তব জানি-

ভেন, এবং যিনি দেস্‌দিমোনার সৃষ্টি করিয়াছেন তিনি ইহার গুণতত্ত্ব প্রকাশ করিয়াছেন ।

তুলনীয়া, কেননা ছই নারিকারই “দুরারোহিনী আশালতা” পরিশেষে ভরা হইয়াছিল—উভয়েই স্বামী কর্তৃক বিসর্জিত হইয়াছিলেন । . সংসার অনাদর, অত্যাচার-পরিপূর্ণ । কিন্তু ইহাই অনেক সময়ে ঘটে যে, সংসারে যে আদরের যোগ্য, সেই বিশেষ প্রকারে অনাদর : অত্যাচারে প্রণীড়িত হয় । ইহা মনুষ্যের পক্ষে নিতান্ত অশুভ নহে, কেননা মনুষ্য প্রকৃতিতে যে সকল উচ্চাশর মনোবৃত্তি আছে, এই সকল অবস্থাতেই তাহা সন্মত প্রকারে ক্ষুণ্ণিপ্রাপ্ত হয় । ইহা মনুষ্যালোকে সুশিক্ষার বীজ—কাব্যের প্রধান উপকরণ । দেস্‌দিমোনার অদৃষ্টদোষে বা গুণে সে সকল মনোবৃত্তি ক্ষুণ্ণিপ্রাপ্ত হইবার অবস্থা তাহার ঘটিয়াছিল । শকুন্তলারও তাহাই ঘটিয়াছিল । অতএব ছই চরিত্র যে পরস্পর তুলনীয় হইবে, ইহার সকল আয়োজন আছে ।

এবং ছইজনে তুলনীয়া কেন না উভয়েই পরম স্নেহশালিনী—উভয়েই সতী । স্নেহশালিনী এবং সতী ত যে সে । আজ কাল রাম, শ্যাম, নিধু, বিধু, ষাছ, মাধু যে সকল নাটক উপন্যাস নবন্যাস প্রেতন্যাস লিখিতেছেন, তাহার নারিকার মাত্রই স্নেহশালিনী সতী । কিন্তু এই সকল সতীদিগের কাছে একটা গোঁষা বিড়াল আসিলে, তাঁহারা স্বামীকে ভুলিয়া যান, আর পতিচিন্তামগ্না শকুন্তলা দুর্ভাসার ভয়কর, “অয়মহঁ তোঃ” স্মৃতিতে পান নাই ! সকলেই সতী, কিন্তু জগৎসংসারে অসতী নাই বলিয়া, জীবনোকে অসতী হইতেই পারে না বলিয়া দেস্‌দি-

মোনার যে দৃঢ় বিশ্বাস, তাহার মর্শের ভিতর কে প্রবেশ করিবে ? যদি স্বামীর প্রতি অবিচলিত ভক্তি ; প্রহারে অত্যাচারে, বিসর্জনে, কলঙ্কেও যে ভক্তি অবিচলিত, তাহাই যদি সতীত্ব হয়, তবে শকুন্তলা অপেক্ষা দেস্দিমোনা গরীয়সী । স্বামী কর্তৃক পরিত্যক্তা হইলে শকুন্তলা দলিতফণা সর্পের স্থায় মস্তক উন্নত করিয়া স্বামীকে ভৎসনা করিয়াছিলেন । যখন রাজা শকুন্তলাকে অশিক্ষা সত্ত্বেও চাতুর্য্যপটু বলিয়া উপহাস করিলেন, তখন শকুন্তলা ক্রোধে, দন্তে, পূর্বের বিনীত, লজ্জিত, হুঃখিত ভাব পরিত্যাগ করিয়া কহিলেন, “অনার্থা, আপনার হৃদয়ের ভাবে সকলকে দেখ ?” যখন তদুত্তরে রাজা, রাজার মত, বলিলেন, “ভদ্রে ! ছদ্মস্তুর চরিত্র সবাই জানে” তখন শকুন্তলা ঘোর ব্যঞ্জে বলিলেন,

তুঙ্কে জ্জিব পরাগং জাগধ ধম্মখিদিঞ্চ লোঅস্থ ।

লজ্জাবিণিজ্জিদাও জাগণ্ডি ৭ কিম্পি মহিলাও ॥

এ রাগ অভিমান, এ ব্যঞ্জ দেস্দিমোনায় নাই । যখন ওথেলো দেস্দিমোনাকে সর্বসমক্ষে প্রহার করিয়া দূরীভূত করিলেন, তখন দেস্দিমোনা কেবল বলিলেন, “আমি দাঁড়াইয়া আপনাকে আর বিরক্ত করিব না ।” বলিয়া বাইতেছিলেন, আবার ডাকিতেই “শুভু !” বলিয়া নিকটে আসিলেন । যখন ওথেলো অকৃতাপরাধে তাঁহাকে কুলটা বলিয়া অপমানের একশেষ করিয়াছিলেন, তখনও দেস্দিমোনা “আমি মিরপিরাদিনী, ঈশ্বর জানেন,” ঈদৃশ উক্তি ভিন্ন আর কিছুই বলেন নাই । তাহার পরেও, পতিন্নেহে বঞ্চিত হইয়া পৃথিবী শূন্য দেখিয়া ইরীগোকে ডাকিয়া বলিয়াছেন,

Alas. I ago !

What shall I do to win my lord again ?

Good friend, go to him; for, by this light of heaven
I know not how I lost him ; here I kneel ;

• ইত্যাদি । যখন ওথেলো ভীষণ রাক্ষসের স্ত্রীর নিশীথ-শয্যাশায়িনী সূপ্তা সুন্দরীর সম্মুখে, “বধ করিব !” বলিয়া দাড়াইলেন, তখনও রাগ নাই—অভিমান নাই—অবিনয় বা অশ্রদ্ধ নাই—দেস্‌দিমোনা কেবল বলিলেন, “তবে, ঈশ্বর আমার রক্ষা করুন ।” যখন দেস্‌দিমোনা, মরণ ভয়ে নিতান্ত ভীতা হইয়া, এক দিনের জন্ত, এক রাত্রির জন্ত, এক মুহূর্ত-জন্ত জীবন তিফা চাহিলেন, মৃত তাহাও গুনিল না, তখনও রাগ নাই, অভিমান নাই, অবিনয় নাই, অশ্রদ্ধ নাই । মৃত্যুকালেও, যখন ইমিলিয়া আসিয়া তাঁহাকে মুমূর্ষু দেখিয়া জিজ্ঞাসা করিল, “এ কার্য্য কে করিল ?” তখনও দেস্‌দিমোনা বলিলেন, “কেহ না, আমি নিজে । চলিলাম, আমার প্রভুকে আমার প্রণাম জানাইও । আমি চলিলাম ।” তখনও দেস্‌দিমোনা লোকের কাছে প্রকাশ করিল না যে, আমার স্বামী আমাকে বিনাপরাধে বধ করিয়াছে ।

তাই বলিতেছিলাম যে, শকুন্তলা দেস্‌দিমোনার সঙ্গে তুলনীয়া এবং তুলনীয়াও নহে । তুলনীয়া নহে, কেননা ভিন্ন ভিন্ন জাতীয় বস্তুতে তুলনা হয় না । সেকুপীয়রের এই নাটক সাগরবৎ, কালিদাসের নাটক নন্দন কানন তুল্য । কাননে সাগরে তুলনা হয় না । যাহা সুন্দর, যাহা সুদৃশ্য, যাহা সুগন্ধ, যাহা সুবসন্ত, যাহা মনোহর, যাহা সুখকর, তাহাই এই নন্দন

কাননে অপঘ্যাপ্ত, স্তূপাকৃত, রাশি রাশি, অপরিমেয় । আর যাহা গভীর, ছন্দর, চঞ্চল, ভীমনাদী, তাহাই এই সাগরে । সাগরবৎ সেক্ষপীয়রের এই অনুপম নাটক, হৃদয়োথিত বিলোল তরঙ্গমালায় সংক্ষুব্ধ ; হরস্ত রাগ ঘেষ ঈর্ষাদি বাতায় সম্ভাড়িত ; ইহার প্রবল বেগ, হরস্ত কোলাহল, বিলোল উন্মিলীনা,—আবার ইহার মধুরনীলিমা, ইহার অনন্ত আলোক-চূর্ণ প্রক্ষেপ, ইহার জ্যোতিঃ, ইহার ছায়া, ইহার রত্নরাজি, ইহার মৃদু গীত—সাহিত্যসংসারে দুর্লভ ।

তাই বলি, দেস্দিমোনা শকুন্তলায় তুলনায় নহে । ভিন্ন জাতীয়ে ভিন্ন জাতীয়ে তুলনায় নহে । ভিন্ন জাতীর কেন বলিতেছি তাহার কারণ আছে ।

ভারতবর্ষে যাহাকে নাটক বলে, ইউরোপে ঠিক তাহাকেই নাটক বলে না । উভয় দেশীয় নাটক দৃশ্যকাব্য বটে, কিন্তু ইউরোপীয় সমালোচকেরা নাটকার্থে আর একটু অধিক বুঝেন । তাঁহারা বলেন যে, এমন অনেক কাব্য আছে—যাহা দৃশ্য-কাব্যের আকারে প্রণীত, অথচ প্রকৃত নাটক নহে । নাটক নহে বলিয়া যে এ সকলকে নিকৃষ্ট কাব্য বলা যাইবে এমত নহে—তন্মধ্যে অনেক গুলি অত্যাৎকৃষ্ট কাব্য, যথা গেটে প্রণীত কষ্ট এবং বাইরণ প্রণীত মানফ্রেড—কিন্তু উৎকৃষ্ট হউক নিকৃষ্ট হউক—ঐ সকল কাব্য, নাটক নহে । সেক্ষপীয়রের টেম্পেষ্ট এবং কালিদাসকৃত শকুন্তলা, সেই শ্রেণীর কাব্য, নাটক বলিয়া অত্যাৎকৃষ্ট উপাখ্যান কাব্য ; কিন্তু নাটক নহে । নাটক নহে বলিলে এতদুভয়ের নিন্দা হইল না, কেননা একরূপ উপাখ্যান কাব্য পৃথিবীতে অতি বিরল—অতুল্য বলিলে হয় ।

আমরা ভারতবর্ষে উভয়কেই নাটক বলিতে পারি, কেননা ভারতীয় আলঙ্কারিকদিগের মতে নাটকের যে সকল লক্ষণ তাহা সকলই এই দুই কাব্যে আছে । কিন্তু ইউরোপীয় সমালোচকদিগের মতে নাটকের যে সকল লক্ষণ, এই দুই নাটকে তাহা নাই । ওথেলো নাটকে তাহা প্রচুর পরিমাণে আছে । ওথেলো নাটক—শকুন্তলা এ হিসাবে উপাখ্যান কাব্য । ইহার ফল এই ঘটিয়াছে যে দেস্‌দিমোনা চরিত্র যত পরিষ্কৃষ্ট হইয়াছে—মিরন্দা বা শকুন্তলা তেমন হয় নাই । দেস্‌দিমোনা সজীব, শকুন্তলা ও মিরন্দা ধ্যানপ্রাপ্য । দেস্‌দিমোনার বাক্যেই তাহার কাতর, বিকৃত কণ্ঠস্বর আমরা শুনিতে পাই, চক্ষুর জল ফোঁটা ফোঁটা গণ্ড বহিয়া বক্ষে পড়িতেছে দেখিতে পাই—ভুলগজানু সুন্দরীর স্পন্দিততার লোচনের উল্লসিত দৃষ্টি আনাদিগের হৃদয়মধ্যে প্রবেশ করে । শকুন্তলার আলোহিত চক্ষুবাদি আমরা দুঃস্বপ্নের মুখে না শুনিলে বুঝিতে পারি না—যথা

ন তির্ঘাগবলোকিতং, ভবতি চক্ষু রালোহিতং,

বচোপি পরুষাক্ষরং নচ পদেষু সংগচ্ছতে ।

হিগার্ভইব বেপতে সকল ইব বিশ্বাধরঃ

প্রকামবিনতে ক্রবৌ যুগপদেষ ভেদংগতে ।

শকুন্তলার দুঃখের বিস্তার দেখিতে পাঠি না, গতি দেখিতে পাই না, বেগ দেখিতে পাই না ; সে সকল দেস্‌দিমোনার অত্যন্ত পরিষ্কৃষ্ট । শকুন্তলা চিত্রকরের চিত্র ; দেস্‌দিমোনা ভাস্করের গঠিত সজীবপ্রায় গঠন । দেস্‌দিমোনার হৃদয় আমা-

দিগের সম্মুখে সম্পূর্ণ উন্মুক্ত এবং সম্পূর্ণ বিস্তারিত ; শকু-
ন্তলার হৃদয় কেবল ইঙ্গিতে ব্যক্ত।

সুতরাং দেস্‌দিমোনার আলেখ্য অধিকতর প্রোজ্জ্বল
বলিয়া দেস্‌দিমোনার কাছে শকুন্তলা দাঁড়াইতে পারে না।
নতুবা ভিতরে দুই এক। শকুন্তলা অর্ধেক মিরন্দা, অর্ধেক
দেস্‌দিমোনা। পরিণীতা শকুন্তলা দেস্‌দিমোনার অনুরূপিণী
অপরিণীতা শকুন্তলা মিরন্দার অনুরূপিণী।

বাঙ্গালির বাহুবল ।

বাঙ্গালির এক্ষণে উন্নতির আকাঙ্ক্ষা অত্যন্ত প্রবল হইয়াছে। বাঙ্গালি সর্বদা উন্নতির জন্ত ব্যস্ত। অনেকে তদ্বিষয়ে বিশেষ গুরুতর আশা করেন না। কেন না বাঙ্গালির বাহুবল নাই। বাহুবল ভিন্ন উন্নতি নাই, ইহা তাঁহাদিগের বিশ্বাস।

বাঙ্গালির বাহুবল নাই, ইহা সত্য কথা। কখন হইবে কি না, এ কথা মীমাংসা প্রবন্ধান্তরে করা গিয়াছে। থাক্ বা না থাক্, ইহা জানা আছে যে মৌর্য্যবংশীয় ও গুপ্ত বংশীয় সম্রাটেরা হিমাচল হইতে নর্মদা পর্য্যন্ত একচ্ছত্রে শাসিত করিয়াছিলেন; জানা আছে দিগ্বিজয়ী গ্রাক জাতি শতক্রম অতিক্রম করিতে সক্ষম হয় নাই; জানা আছে সেই বীরেরা, আসিয়ার মধ্যে ভারতবাসীরই বীরত্বের প্রশংসা করিয়াছিলেন; জানা আছে যে তাঁহারা চন্দ্রগুপ্ত দ্বারা ভারতভূমি হইতে উন্মূলিত হইয়াছিলেন; জানা আছে হর্ষবর্ধনের পশ্চাৎ পশ্চাৎ বহুশত করপ্রদ রাজা অনুসরণ করিতেন; জানা আছে, দিগ্বিজয়ী আরবেরা তিনশত বৎসরে পশ্চিম ভারতবর্ষ অধিকার করিতে পারে নাই। এইরূপ অসংখ্য অনেক কথা জানা গিয়াছে। পশ্চিম ভারতবর্ষীয়দিগের বীর্ষ্যবতার অনেক চিহ্ন অষ্ট্রাপি ভারতভূমে আছে।

বান্ধালির পূর্ববীরত্ব. পূর্ব গোরবের কি জানা আছে ? কেবল ইহাই জানি, যে যখন পশ্চিম ভারতে বেদ সৃষ্ট ও অধীত হইতেছিল, উপনিষদ সকল প্রণীত হইতেছিল, অযোধ্যার ন্যায় সর্বসম্পদশালিনী নগরী সকল স্থাপিতা এবং অলঙ্কৃত হইতেছিল—বান্ধালা তখন অনার্য্য ভূমি, আর্য্যগণের বাসের অযোগ্য বলিয়া পরিত্যক্ত। (১)। কেবল ইহাই জানি যে যখন উত্তর ভারতে, সমস্ত আৰ্য্য বীরগণ একত্রিত হইয়া কুরুক্ষেত্রজিত রাজ্যেও সকল বিভাগ করিতেছিলেন, যখন পশ্চিমে মম্বাদি, অমর, অক্ষয় ধর্ম্মশাস্ত্র সকল প্রণীত হইতেছিল, তখন বঙ্গদেশে পৌণ্ড্র প্রভৃতি অনার্য্যজাতির বাস। প্রাচীন কাল দূরে থাকুক, যখন মধ্যকালে চৈনিক পরিব্রাজক হোয়েন্স সাঙ্ বঙ্গদেশপর্য্যটনে আসেন, তখন দেখিয়াছিলেন, যে এই প্রদেশ গোরবশূন্য ক্ষুদ্র ক্ষুদ্র রাজ্যে বিভক্ত। বঙ্গদেশের পূর্বগোরব কোথায় ?

তবে, ইহার পরে শুনা যায়, যে পালবংশীয় ও সেনবংশীয় রাজগণ, বৃহৎ রাজ্য স্থাপন করিয়াছিলেন, এবং গৌড়নগরী বড় সমৃদ্ধিশালিনী হইয়াছিল। কিন্তু এমন কোন চিহ্ন পাওয়া যায় না যে তাঁহারা এই বাহুবলশূন্য বান্ধালিজাতি এবং তাঁহাদিগের প্রতিবাসী তদ্রূপ দুর্বল অনার্য্যজাতিগণ ভিন্ন অন্য কাহাকে আপন অধিকারভুক্ত করিয়াছিলেন। এই মাত্র প্রমাণ আছে বটে, যে মুন্দের পর্য্যন্ত তাঁহাদিগের অধিকারভুক্ত ছিল। অন্তত তাঁহাদিগের অধিকার বিস্তার সম্বন্ধে তিনটি মাত্র কথা আছে, তিনটিই অমূলক।

(১) বঙ্গদেশের দ্বিতীয় খণ্ডে “বঙ্গে ব্রাহ্মণাধিকার” দেখ।

প্রথম । কিম্বদন্তী আছে, যে দিল্লীতে বল্লালসেনের অধিকার ছিল । এ কথা একখানি দেশী গ্রন্থে লিখিত থাকিলেও নিতান্ত অমূলক, এবং জেনেরল কনিঙহাম সাহেব তাহার অমূলকতা প্রতিপন্ন করিয়াছেন । বঙ্গেশ্বর বল্লাল সেনের অধিকার দিল্লী পর্য্যন্ত বিস্তৃত হইলে, একপ বৃহৎ ব্যাপার ঘটত, যে অবশ্য একখানি সামান্য গ্রন্থে উল্লেখ ভিন্ন তাহার অন্য প্রমাণ কিছু পাওয়া যাইত । বঙ্গ হইতে দিল্লীর মধ্যে যে বহুবিস্তৃত প্রদেশ, তথায় বঙ্গেশ্বরের কোন কিম্বদন্তী, কোন উল্লেখ, কোন চিহ্ন অবশ্য থাকিত । কিছু নাই ।

দ্বিতীয় । ১৭৯৪ সালে গোড়েশ্বর মহীপালরাজের একখানি শাসন কাশীতে পাওয়া গিয়াছিল । তাহা হইতে কেহ কেহ অনুমান করেন কাশীপ্রদেশ মহীপালের রাজ্যভুক্ত ছিল । এক্ষণে সে মত পরিত্যক্ত হইতেছে (২) ।

তৃতীয় । লক্ষ্মণ সেনের দুই একখানি তাম্রশাসনে তাঁহাকে প্রায় সর্বদেশজেতা বলিয়া বর্ণনা করা আছে । পড়িলেই বুঝা যায়, যে সে সকল কথা চাটুকর কবির কল্পনা মাত্র ।

অতএব পূর্বকালে বাক্যালিরা যে বাহুবলশালী ছিলেন ; এমত কোন প্রমাণ নাই । পূর্বকালে ভারতবর্ষস্থ অন্যান্য জাতি যে বাহুবলশালী ছিলেন, এমত প্রমাণ অনেক আছে, কিন্তু বাক্যালিদিগের বাহুবলের কোন প্রমাণ নাই । হোয়েস্থ সাহেব সমস্ত রাজ্যবাসীদিগের যে বর্ণনা করিয়া গিয়াছেন

(২) See Introduction to Sherring's Sacred City of the Hindus, by F. E. Hall, p xxxv. Note 2.

তাহা পড়িয়া বোধ হয় পূর্বে বাঙ্গালিরা এইরূপ খর্বাকৃত, দুর্বল-গঠন ছিল ।

বাঙ্গালিদিগের বাহুবল কখন ছিল না, কিন্তু কখন হইবে কি ?

বৈজ্ঞানিক ভবিষ্যৎ উক্তির নিয়ম এই যে যেরূপ যে অবস্থায় হইয়াছে, সেই অবস্থায় সেইরূপ আবার হইবে । যে যে কারণে বাঙ্গালি চিরকাল দুর্বল, সেই সেই কারণ যত দিন বর্তমান থাকিবে, ততদিন বাঙ্গালিরা বাহুবলশূন্য থাকিবে । সে সকল কারণ কি ?

আধুনিক বৈজ্ঞানিক ও দার্শনিকদিগের মতে, সকলই বাহ্য প্রাকৃতিক ফল । বাঙ্গালির দুর্বলতাও বাহ্য প্রকৃতির ফল । ভূমি, জলবায়ু এবং দেশাচারের ফলে বাঙ্গালিরা দুর্বল, ইহাই প্রচলিত মত । সেই সকল মতগুলির, সংক্ষেপতঃ উল্লেখ করিতেছি ।

কেহ কেহ বলেন, এদেশের ভূমি অত্যন্ত উর্বরা — অল্প পরিশ্রমেই শস্যোৎপাদন হইতে পারে । সুতরাং বাঙ্গালিকে অধিক পরিশ্রম করিতে হয় না । পরিশ্রম অধিক না করিলে শরীরে বলাধান হয় না । বঙ্গভূমির উর্বরতা বঙ্গবাসীর দুর্বলতার কারণ ।

তাঁহারা আরও বলেন যে ভূমি উর্বরা হইলে আহারের জন্য যুগয়া পশুহননাদির আবশ্যিকতা হয় না । পশুহনন ব্যবসায়, বল, সাহস ও পরিশ্রমের কার্য, মানুষকে সর্বদা পরিশ্রমে নিরত রাখে, এবং তাহাতে ঐ সকল গুণ অভ্যাস এবং ক্ষুতিপ্রাপ্ত হয় ।

দেখা যাইতেছে যে বঙ্গদেশ ভিন্ন আরও উর্বরদেশ আছে। ইউরোপ ও আমেরিকার অনেক অংশ বঙ্গদেশ অপেক্ষায় উর্বরতায় ন্যূন নহে। সে সকল দেশের লোক দুর্বল নহে।

অনেকে বলেন, জলবায়ুর দোষে বাঙ্গালিরা দুর্বল। যে দেশের বায়ু আর্দ্র অথচ তাপযুক্ত, সে দেশের লোক দুর্বল। কেন হয়, তাহা শারীরতত্ত্ববিদেরা ভাল করিয়া বুঝান নাই। বায়ুর আর্দ্রতা সম্বন্ধে নিম্নলিখিত টীকা পাঠ করিলেই সংশয় দূর হইতে পারে। (৩) আর বাঁহা বা আরব প্রভৃতি জাতির বীৰ্য জানেন তাঁহারা তাপকে দৌর্বল্যের কারণ বলিয়া স্বীকার করিবেন না।

(3) The high humidity of the atmosphere in Bengal, and more especially in its eastern districts, has become proverbial: and if the term be used in reference to the quantity of vapour in the air as measured by its tension, the popular belief is justified by observations. But if used in the more usual sense of relative humidity, that is, as referring to the percentage of vapour in the air in proportion to that which would saturate it, the average annual humidity of a large part of Bengal is sensibly lower than that of England.

The quantity of vapour in the air of Calcutta, relative to the dry air, is on the average of the year, about twice as great as in that of London; but the relative humidity of the former equals that of the latter only in the three first months of the rains, which are among the driest months of an European climate.—Bengal Administration Report, 1872-73, Statistical Summary.—page 5-6.

অনেকে মোটামুটি বলেন যে জলসিক্ত তাপযুক্ত বায়ু অত্যন্ত অস্বাস্থ্যকর, তন্নিবন্ধন বাঙ্গালিরা নিত্য রুগ্ন, এবং তাহাই বাঙ্গালির দুর্বলতার কারণ।

অনেকে বলেন, অন্নই অনর্থের মূল। এদেশের ভূমির প্রধান উৎপাদ্য চাউল, এবং এ দেশের লোকের খাদ্য ভাত। ভাত অতি অসার খাদ্য, তাহাতেই বাঙ্গালির শরীর গঠে না। এজন্য “ভেতো বাঙ্গালি” বলিয়া বাঙ্গালির কলঙ্ক হইয়াছে।

শারীরতত্ত্ববিদেরা বলেন, যে খাদ্যের রাসায়নিক বিশ্লেষণ সম্পাদন করিলে দেখা যায়, যে তাহাতে ষ্টার্চ, গ্লুটেন প্রভৃতি কয়েকটি সামগ্রী আছে। গ্লুটেন নাইট্রজেন-প্রধান সামগ্রী। তাহাতেই শরীরের পুষ্টি। মাংসপেশী প্রভৃতির পুষ্টির জন্য এই সামগ্রীর বিশেষ প্রয়োজন। ভাতে, ইহা অতি অল্প পরিমাণে থাকে। মাংসে বা গমে ইহা অধিক পরিমাণে থাকে। এই জন্য মাংসভোজী এবং গোধূমভোজীদিগের শরীর অধিক বলবান্—“ভেতো” জাতির শরীর দুর্বল। ময়দায় গ্লুটেন, শতভাগে দশভাগ থাকে; (৪) মাংসে (Fibrin বা Musculine) ১৯ ভাগ; (৫) এবং ভাতে ৭ কি ৮ ভাগ মাত্র থাকে; (৬) সুতরাং বাঙ্গালি দুর্বল হইবে বৈ কি?

(৪) Johnstone's *Chemistry of Common Life* Vol. I, p 100.

(৫) Ibid p. 125.

(৬) Ibid 101.

কেহ কেহ বলেন, বাল্যবিবাহই বান্ধালির পরমশত্রু—
বাল্যবিবাহের কারণই বান্ধালির শরীর দুর্বল। যে সন্তা-
নের মাতা পিতা অপ্রাপ্তবয়ঃ, তাহাদের শরীর ও বল
চিরকাল অসম্পূর্ণ থাকিবে, এবং তাহারা অল্পবয়স হইতে
ইন্ধিরমুখে নিরত, তাহারা বলবান্ হইবার সম্ভাবনা কি ?

বান্ধালি মনুষ্যেরই কি, বান্ধালি পশুরই কি, দুর্বলতা
যে জলবায়ু বা মৃত্তিকার গুণ, তাহা সহজেই বুঝা যায়। কিন্তু
জলের বা বায়ুর বা মৃত্তিকার কোন দোষের এই কুফল,
তাহা কোন পণ্ডিতে অবধারিত করেন নাই।

কিন্তু এই দুর্বলতার যে সকল কারণ নির্দিষ্ট হইয়াছে
বা উল্লিখিত হইল, তাহাতে এমত ভরসা করা যায় না, যে
অল্পকালে সে দুর্বলতা দূর হইবে। তবে, ইহাও বলা
বাইতে পারে, যে এমত কোন নিশ্চয়তা নাই, যে কোন
কালে, এ সকল কারণ অপনীত হইতে পারে না। বাল্য-
বিবাহই যদি এ দুর্বলতার কারণ হয়, তবে এমন ভরসা
করা বাইতে পারে, যে সামাজিক রীতির পরিবর্তনে এ
কুপ্রথা সমাজ হইতে দূর হইবে; এবং বান্ধালির শরীরে
বলসঞ্চার হইবে। যদি চাল এ অনিষ্টের কারণ হয়, তবে
এমন ভরসা করা বাইতে পারে, যে গোশূষাদির চাল এ
দেশে বৃদ্ধি করাইলে, বান্ধালি ময়দা খাইয়া বলিষ্ঠ হইবে।
এমন ঠিক কালে জল বায়ুরও পরিবর্তন হইতে পারে।
একণে মনুষ্যবাসের অধোগ্য যে সুন্দরবন তাহা এক-
কালে বহুজনাকীর্ণ ছিল, এমত প্রমাণ আছে। ভূতত্ত্ববিদেরা
বলেন, যে ইউরোপীয় অনেক প্রদেশ, এককণকার অপেক্ষা

উষ্ণতর ছিল, এবং তথায় সিংহ হস্তী প্রভৃতি উষ্ণদেশ-বাসী জীবের আবাস ছিল। আবার এককালে সেই সকল প্রদেশ হিমশিলায় নিমগ্ন ছিল। সে সকল যুগান্তরের কথা—সহস্র সহস্র যুগে সে সকল পরিবর্তন ঘটিতে পারে। কিন্তু ঐতিহাসিক কালের মধোও জলবায়ু শীতাতপের পরিবর্তনের অনেক প্রমাণ পাওয়া যায়। পূর্বকালে রোম-নগরীর নিম্নে টেবর নদের মধ্যে বরফ জমিয়া যাইত। এবং এক সময়ে ক্রমাগত চল্লিশদিন তাহাতে বরফ জমিয়াছিল। ক্লডসাগরে (Euxine Sea) অবিদ নামক কবির জীবনকালে, প্রতি বৎসর শীত ঋতুতে বরফ জমিয়া যাইত। এবং রীণ এবং বণ নামক নদীদ্বয়ের উপরে তৎসময়ে বরফ একরূপ গাঢ় জমিত, যে তাহার উপর দিয়া বোঝাই গাড়ি চলিত। এক্ষণে রোমে বা ক্লডসাগরে, বা উক্ত নদীদ্বয়ে বরফের নাম মাত্র নাই। কেহ কেহ বলেন, কৃষিকার্যের আধিক্য, বন কাটায়, মৃত্তিকা ভগ্ন করার, এবং ঝিল ঝিল গুলু করায় এ সকল পরিবর্তন ঘটিয়াছে। যদি কৃষিকার্যের আধিক্যে শীতপ্রদেশ উষ্ণ হয়, তবে উষ্ণপ্রদেশ শীতল হইবার কারণ কি? গ্রীনলণ্ড এককালে একরূপ তাপযুক্ত প্রদেশ ছিল, যে ইহাতে উদ্ভিদের বিশেষ আধিক্য এবং শোভা ছিল, এবং সেই জন্য উহার নাম গ্রীনলণ্ড হইয়াছিল। এক্ষণে সেই গ্রীনলণ্ড সর্বদা এবং সর্বত্র হিমশিলায় মগ্নিত। এই দৃশ্যের পূর্ক উপকূলে, বহুসংখ্যক ঐশ্বর্যশালী উপনিবেশ ছিল,— এক্ষণে সে উপকূলে কেবল বরফের রাশি, এবং সেই সকল উপনিবেশের চিহ্ন মাত্র নাই। লাব্রাডর, এক্ষণে শৈত্যা-

ধিকোর জ্ঞান বিখ্যাত—কিন্তু যখন সহস্র খ্রীষ্টাব্দে নর্মানেরা তথায় গমন করেন, তখন ইহারও শীতের অন্নতা দেখিয়া তাঁহারা প্রীত হইয়াছিলেন, এবং ইহাতে দ্রাক্ষা জন্মিত বলিয়া ইহার দ্রাক্ষাভূমি নাম দিয়াছেন । (৮)

এ সকল পরিবর্তনের অতি দূর সম্ভাবনা । না ঘটি-
বারই সম্ভাবনা । বাঙ্গালির শারীরিক বল চিরকাল এইরূপ
থাকিবে ইহা এক প্রকার সিদ্ধ, কেন না দুর্বলতার নিবার্য্য
কারণ কিছু দেখা যায় না ।

তবে কি বাঙ্গালির ভরসা নাই? এ প্রশ্নে আমাদের
দুইটি উত্তর আছে ।

প্রথম উত্তর । শারীরিক বলই অত্যাধিক পৃথিবী শাসন
করিতেছে বটে । কিন্তু শারীরিক বল পশুর গুণ ; মানুষ
অত্যাধিক অনেকাংশে পশুপ্রকৃতিসম্পন্ন, এজন্য শারীরিক বলের
আজিও এতটা প্রাচুর্য্য । শারীরিক বল উন্নতি নহে । উন্নতির
উপায় মাত্র । এজন্যে বাহুবল ভিন্ন কি উন্নতির উপায়
নাই ?

বাহুবলকে উন্নতির উপায়ও বলিতে পারি না । বাহু-
বলে কাহারও উন্নতি হয় না । যে তাতার, ইউরোপ, আর্সিয়া
জয় করিয়াছিল, সে কখন উন্নতাবস্থায় পদার্পণ করিল না ।
তবে বাহুবল উন্নতির পক্ষে এই জ্ঞান আবশ্যিক যে, যে সকল
কয়েকে উন্নতির হানি হয়, সে সকল উপদ্রব হইতে

আত্মরক্ষা করা চাই। সেই জন্য বাহুবলের প্রয়োজন। কিন্তু যেখানে সে প্রয়োজন নাই, সেখানে বাহুবল ব্যতীতও উন্নতি ঘটে।

দ্বিতীয় উত্তরে, আমরা যাহা বলিতেছি বাঙ্গালার সর্বত্র, সর্ব নগরে, সর্ব গ্রামে, সকল বাঙ্গালির হৃদয়ে তাহা লিখিত হওয়া উচিত। বাঙ্গালি শারীরিক বলে দুর্বল—তাহাদের বাহুবল হইবার সম্ভাবনা নাই—তবে কি বাঙ্গালির ভরসা নাই? এ প্রশ্নে আমাদের উত্তর এই যে, শারীরিক বল বাহুবল নহে।

মनुষ্যের শারীরিক বল, অতি তুচ্ছ। তথাপি হস্তী অথ প্রভৃতি মনুষ্যের বাহুবলে শাসিত হইতেছে। মনুষ্যে মনুষ্যে তুলনা করিয়া দেখ। যে সকল পাশ্চাত্য বণিজ্যী হিমালয়ের পশ্চিমভাগে বাস করে, পৃথিবীতে তাহাদের ঞ্চায় শারীরিক বলে বলবান্ কে? এক এক জন মেওয়াওয়ালার চপেটাঘাতে, অনেক সেলর গোরাকে ঘূর্ণ্যমান হইয়া আঙ্গুর পেষ্টার আশা পরিত্যাগ করিতে দেখা গিয়াছে। তবে গোরা সমুদ্র পার হইয়া আসিয়া, ভারত অধিকার করিল—কাবুলির সঙ্গে ভারতের কেবল ফলবিক্রয়ের সম্বন্ধ রহিল, কেন? অনেক ভারতীয় জাতি হইতে, ইংরেজেরা শারীরিক বলে লঘু। শারীরিক বলে, শীকেরা ইংরেজ অপেক্ষা বলিষ্ঠ। তথাপি শীক ইংরেজের পদানত। শারীরিক বল, বাহুবল নহে।

উদ্যম, ঐক্য, সাহস, এবং অধ্যবসায় এই চারিটি একত্রিত করিয়া শারীরিক বল ব্যবহার করার যে ফল তাহাই বাহুবল। যে জাতির উদ্যম, ঐক্য, সাহস, এবং অধ্যবসায় আছে,

তাহাদের শারীরিক বল যেমন হউক না কেন, তাহাদের বাহুবল আছে । এই চারিটি বাঙ্গালির কোন কালে নাই, এজন্য বাঙ্গালির বাহুবল নাই ।

কিন্তু সামাজিক গতির বলে এ চারিটি বাঙ্গালি চরিত্রে সমবেত হওয়ার অসম্ভাবনা কিছুই নাই ।

বেগবৎ অভিলাষ হৃদয়মধ্যে থাকিলে উত্তম জন্মে । অভিলাষ মাত্রেরই কখন উত্তম জন্মে না । যখন অভিলাষ এরূপ বেগ লাভ করে, যে তাহার অপূর্ণাবস্থা বিশেষ ক্লেশকর হয়, তখন অভিলষিতের প্রাপ্তির জন্য উত্তম জন্মে । অভিলাষের অপূর্ণি জন্য যে ক্লেশ, তাহার এমন প্রবলতা চাহি যে, নিশ্চেষ্টতা এবং আলস্যের বে সূখ, তাহা তদভাবে সূখ বলিয়া বোধ হয় না । এরূপ বেগযুক্ত কোন অভিলাষ বাঙ্গালির হৃদয়ে স্থান পাইলে, উত্তম জন্মিবে । ঐতিহাসিক কাল মধ্যে এরূপ কোন বেগযুক্ত অভিলাষ বাঙ্গালির হৃদয়ে কখন স্থান পায় নাই ।

যখন বাঙ্গালির হৃদয়ে সেই এক অভিলাষ জাগরিত হইতে থাকিবে, যখন বাঙ্গালি মাত্রেরই হৃদয়ে সেই অভিলাষের বেগ এরূপ গুরুতর হইবে, যে সকল বাঙ্গালিই তজ্জন্য আলস্য সূখ তুচ্ছ বোধ করিবে, তখন উত্তমের সঙ্গে ঐক্য মিলিত হইবে ।

সাহসের জন্য আর একটু চাই । চাই যে সেই জাতীয় সূখের অভিলাষ, আরও প্রবলতর হইবে । এত প্রবল হইবে যে তজ্জন্য প্রাণ বিসর্জনও শ্রেয়ঃ বোধ হইবে । তখন সাহস হইবে ।

যদি এই বেগবৎ অভিলাষ, কিছুকাল স্থায়ী হয়, তবে অধ্যবসায় জন্মিবে ।

অতএব যদি কখন (১) বাঙ্গালির কোন জাতীয় সূখের অভিনাষ প্রবল হয়, (২) যদি বাঙ্গালি মাত্রেই হৃদয়ে সেই অভিনাষ প্রবল হয়, (৩) যদি সেই প্রবলতা একরূপ হয় যে তদর্থে লোকে প্রাণপণ করিতে প্রস্তুত হয়, (৪) যদি সেই অভিনাষের বল স্থায়ী হয়, তবে বাঙ্গালির অবস্থা 'বাহুবল' হইবে।

বাঙ্গালির একরূপ মানসিক অবস্থা যে কখন ঘটিবে না, এ কথা বলিতে পারা যায় না। যে কোন সময়ে ঘটিতে পারে।

ভালবাসার অত্যাচার ।

—o*o—

লোকের বিশ্বাস আছে, যে কেবল শত্রু, অথবা স্নেহ
দয়ী দাক্ষিণ্যশূণ্য ব্যক্তিই আগাদিগের উপর অত্যাচার করিয়া
থাকে । কিন্তু তদপেক্ষা গুরুতর অত্যাচারী যে আর এক
শ্রেণীর লোক আছে, তাহা সকল সময়ে আগাদের মনে পড়ে
না । যে ভালবাসে সেই অত্যাচার করে । ভাল বাসিলেই
অত্যাচার করিবার অধিকার প্রাপ্ত হওয়া যায় । আমি যদি
তোমাকে ভালবাসি, তবে তোমাকে আমার মতাবলম্বী হইতে
হইবে, আমার কথা শুনিতে হইবে ; আমার অনুরোধ রাখিতে
হইবে, তোমার ইষ্ট হউক, অনিষ্ট হউক, আমার মতাবলম্বী
হইতে হইবে । অবশ্য ইহা স্বীকার করিতে হয় যে, যে ভাল-
বাসে সে, যে কার্যে তোমার অমঙ্গল, জানিয়া শুনিয়া তাহাতে
তোমাকে অনুরোধ করিবে না । কিন্তু কোন্ কার্য মঙ্গল-
জনক, কোন্ কার্য অমঙ্গলজনক, তাহার গীমাংসা কঠিন ;
অনেক সময়েই দুই জনের মত এক হয় না । এমত অবস্থায় যিনি
কার্যকর্ত্তা, এবং তাহার ফলভোগী, তাঁহার সম্পূর্ণ অধিকার
আছে, যে তিনি আত্মমতানুসারেই কার্য করেন ; এবং তাঁহার
মতের বিপরীত কার্য করাইতে রাজ্য ভিন্ন কেহই অধিকারী

নহেন। রাজাই কেবল অধিকারী, এই জ্ঞান যে তিনি সমাজের হিতাহিতবেত্তা স্বরূপ প্রতিষ্ঠিত হইয়াছেন; কেবল তাঁহারই সদস্য বিবেচনা অন্তান্ত বলিয়া তাঁহাকে আমাদের প্রবৃত্তি দমনের অধিকার দিয়াছি; যে অধিকার তাঁহাকে দিয়াছি, সে অধিকার অনুসারে তিনি কার্য্য করিতে কাহারও প্রতি অত্যাচার হয় না। এবং সকল সময়ে এবং সকল বিষয়ে, আমাদের প্রবৃত্তি দমন করিবার তাঁহারও অধিকার নাই; যে কার্য্য অল্পের অনিষ্ট ঘটবে বিবেচনা করেন, তৎপ্রতি প্রবৃত্তির নিবারণেই তাঁহার অধিকার; যাহাতে আমার কেবল আপনারই অনিষ্ট ঘটবে বিবেচনা করেন, সে প্রবৃত্তি নিবারণে তিনি অধিকারী নহেন।* যাহাতে কেবল আমার নিজের অনিষ্ট, তাহা হইতে বিরত হইবার পরামর্শ দিবার জ্ঞান মনুষ্য মাত্রেই অধিকারী; রাজাও পরামর্শ দিতে পারেন, এবং যে আমাকে ভালবাসে, সেও পারে। কিন্তু পরামর্শ ভিন্ন আমাকে তদ্বিপরীত পথে বাধা করিতে কেহই অধিকারী নহেন। সমাজস্থ সকলেরই অধিকার আছে, যে সকল কার্য্যই, পরের অনিষ্ট না করিয়া আপনাপন প্রবৃত্তি মত সম্পাদন করে। পরের অনিষ্ট ঘটিলেই ইহা স্বেচ্ছাচারিতা; পরের অনিষ্ট না

* যদি রাজার এমন অধিকার আছে, স্বীকার করা যায়, তবে স্বীকার করিতে হয় যে, যে আপনার চিকিৎসা করিবে না, বা যে অল্প বয়সে বা বৃদ্ধ বয়সে বিবাহ করিবে, রাজা তাঁহার দণ্ড করিতে অধিকারী। আর রাজার যদি এরূপ অধিকার, স্বীকার করা না যায়, তবে চড়ক বন্ধ, সতীদাহ বন্ধ প্রভৃতি আইনের সমর্থন করা যায় না।

ঘটিলেই ইহা স্বানুবর্তিতা । যে এই স্বানুবর্তিতার বিঘ্ন করে, যে পরের অনিষ্ট না ঘটিবার স্থানেও আমার মতের বিরুদ্ধে আপন মত প্রবল করিয়া উদনুসারে কার্য্য করায়, সেই অত্যাচারী । রাজা ও সমাজ ও প্রণয়ী, এই তিন জনে একরূপ অত্যাচার করিয়া থাকেন ।

রাজার অত্যাচার নিবারণের উপায় বহুকাল উদ্ভূত হইয়াছে । সমাজের এই অত্যাচার নিবারণ জন্ত কোন কোন পূর্ব পণ্ডিত ধৃতান্ত হইয়াছেন, এবং তদ্বিষয়ে জন ষ্টুয়ার্ট মিলের যত্ন ও বিচারদক্ষতা, তাঁহার মাহাত্ম্যের পরিচয় দিবে । কিন্তু ভালবাসার অত্যাচার নিবারণের জন্ত যে কেহ কখন যত্নশীল হইয়াছেন, এমত আশাদিগের স্মরণ হয় না । কবিগণ সর্ব-তদ্বদশী এবং অনন্ত জ্ঞানবিশিষ্ট, তাঁহাদের কাছে কিছুই বাদ পড়ে না । কৈকেয়ীর অত্যাচারে দশরথকৃত রামের নিকাসনে, দ্যুতাসক্ত যুধিষ্ঠির কর্তৃক ভ্রাতৃগণের নিকাসনে, এবং অন্যান্য শত শত স্থানে কবিগণ এই মহতী নীতি প্রতিপাদিতা করিয়াছেন । কিন্তু কবিরা নীতিবেত্তা নহেন ; নীতিবেত্তারা এবিষয়ে প্রকাশে হস্তক্ষেপ করেন নাই । যিনিই লৌকিক ব্যাপার সকল মনোভিনিবেশ পূর্বক পর্য্যবেক্ষণ করিবেন, তিনিই এ তত্ত্বের সমালোচনা যে বিশেষ প্রয়োজনীয়, তদ্বিষয়ে নিঃসংশয় হইবেন । কেননা এ অত্যাচারে প্রবৃত্ত অত্যাচারী অনেক । পিতা, মাতা, ভ্রাতা, ভগিনী, পুত্র, কন্যা, ভাৰ্য্যা, স্বামী, আত্মীয়-কুটুম্ব, মুহূৎ, ভৃত্য, যেই ভালবাসে, সেই একটু অত্যাচার করে, এবং অনিষ্ট করে । তুমি সুলক্ষণাশিতা, সঙ্গশক্তি, সচ্চরিত্রা-কন্যা দেখিয়া, তাহার পাণিগ্রহণ করিবে

বাসনা করিয়াছ, এমন সময়ে, তোমার পিতা আসিয়া বলিলেন, অমুক বিষয়াপন্ন লোক, তাহার কণ্ঠার সঙ্গেই তোমার বিবাহ দিব। তুমি যদি বয়ঃপ্রাপ্ত হইয়া থাক, তবে তুমি এ বিষয়ে পিতার আজ্ঞাপালনে বাধ্য নহ, কিন্তু পিতৃপ্রেমে বশীভূত হইয়া, সেই কালকূটরূপিণী ধনিকণ্ঠা বিবাহ করিতে হইল। মনে কর, কেহ দারিদ্র্যপীড়িত, দৈবানুকম্পায় উত্তম পদও হইয়া দূরদেশে যাইয়া, দারিদ্র্য মোচনের উদ্যোগ করিতেছে এমন সময়ে মাতা, তাহাকে দূরদেশে রাখিতে পারিবেন না বলিয়া কাঁদিয়া পড়িলেন, তাহাকে যাইতে দিলেন না, সে মাতৃপ্রেমে বদ্ধ হইয়া নিরস্ত হইল। মাতার ভালবাসার অত্যাচারে সে আপনাকে চিরদাবিদ্র্যে সমর্পণ করিল। কৃতী সহোদরের উপাঙ্কিত অর্থ, অকন্যা অপদার্থ সহোদর নষ্ট করে, এটী নিতান্তই ভালবাসার অত্যাচার। এবং হিন্দু সমাজে সর্বদাই প্রত্যক্ষগোচর হইয়া থাকে। ভার্যার ভালবাসার অত্যাচারের কোন উদাহরণ নববঙ্গবাসোদিগের কাছে প্রযুক্ত করা আবশ্যিক কি? আর স্বামীর অত্যাচার সম্বন্ধে, ধর্ম্মভঃ এটুকু বলা কর্তব্য, যে কতকগুলি ভালবাসার অত্যাচার বটে, কিন্তু অনেক গুলিই বাহুবলের অত্যাচার।

বাহা হউক, মনুষ্যজীবন, ভালবাসার অত্যাচারে পরিপূর্ণ। চিরকাল মনুষ্য অত্যাচারপীড়িত। প্রথমাবস্থায় বাহুবলের অত্যাচার; অসভ্যজাতিদিগের মধ্যে যেই কলিষ্ঠ সেই পরপীড়ন করে। কালে এই অত্যাচার, রাজার অত্যাচার এবং অর্থের অত্যাচারে পরিণত হয়; কোন সমাজে কখন একেবারে লুপ্ত হয়নাই। দ্বিতীয়াবস্থায়, ধর্ম্মের অত্যাচার; তৃতীয়াবস্থায়,

সামাজিক অত্যাচার ; এবং সকল অবস্থাতেই ভালবাসার অত্যাচার । এই চতুর্বিধ পীড়নের মধ্যে, প্রণয়ের পীড়ন কাহারও পীড়ন অপেক্ষা হীনবল বা অনানিষ্টকারী নহে । বরং ইহা বলা যাইতে পারে, যে রাজা, সমাজ বা ধর্মবেত্তা কেহই প্রণয়ীর অপেক্ষা বলবান নহেন, বা কেহ তেমন সদা সর্কক্ষণ সকল কাজে আসিয়াই হস্তক্ষেপণ করেন না—সুতরাং প্রণয়ের পীড়ন যে সর্বাপেক্ষা অনিষ্টকারী ইহা বলা যাইতে পারে । আর অশুভ অত্যাচারকারীকে নিবারণ করা যায়, অশুভ অত্যাচারের সীমা আছে । কেন না অশুভ অত্যাচারকারীর বিরোধী হওয়া যায় । প্রজা প্রজাপীড়ক রাজাকে রাজ্যচ্যুত করে ; কখনও মস্তকচ্যুত করে । লোকপীড়ক সমাজকে পরিত্যাগ করা যায় । কিন্তু ধর্মের পীড়নে এবং স্নেহের পীড়নে নিষ্কৃতি নাই—কেন না ইহাদিগের বিরোধী হইতে প্রবৃত্তিই জন্মে না । হরিদাস বাবাজি পাঁটার বাটি দেখিলে কখন কখন লাল ফেলিয়া থাকেন বটে, কিন্তু কখন গোস্বামীর সম্মুখে মাংসভোজনের ঔচিত্য বিচার করিতে ইচ্ছা করেন না—কেন না, জানেন, যে ইহলোকে যতই কষ্ট পান না কেন, বাবাজি পরলোকে গোলোক প্রাপ্ত হইবেন ।

মনুষ্য যে সকল অত্যাচারের অধীন, সে সকলের ভিত্তিমূল মনুষ্যের প্রয়োজনে । জড়পদার্থকে আয়ত্ত না করিতে পারিলে মনুষ্যজীবন নির্বাহ হয় না, এজন্য বাহুবলের প্রয়োজন । এবং সেই জগুই বাহুবলের অত্যাচারও আছে । বাহুবলের ফল বৃদ্ধি করিবার জগু, সমাজের প্রয়োজন ; এবং সমাজের অত্যাচারও সঙ্গে সঙ্গে । যেমন পরস্পরে সমাজবন্ধনে বন্ধ না

হইলে, মনুষ্যজীবনের উদ্দেশ্য সুসম্পন্ন হয় না, তেমনি পরস্পরে আন্তরিক বন্ধনে বন্ধ না হইলে, মনুষ্যজীবনের সুনিবাহ হয় না। অতএব সমাজের যেরূপ প্রয়োজন, প্রণয়েরও তদ্রূপ বা ততোধিক প্রয়োজন। এবং বাহুবলের বা সমাজের অত্যাচার আছে বলিয়াই যেমন বাহুবল বা সমাজ মনুষ্যের ত্যাগ্য বা অনাদরনীয় হইতে পারে না, প্রণয়ের অত্যাচার আছে বলিয়াই তাহাও ত্যাগ্য বা অনাদরনীয় হইতে পারে না। অপিচ যেমন বাহুবল বা সমাজবলকে অত্যাচারী দেখিয়া তাহাকে পরিত্যক্ত বা অনাদৃত না করিয়া মনুষ্য, ধর্মের দ্বারা তাহার শমতার চেষ্টা পাইয়াছে, প্রণয়ের অত্যাচারও সেইরূপ ধর্মের দ্বারা শমিত করিতে যত্ন করা কর্তব্য। ধর্মেরও অত্যাচার আছে বটে। এবং ধর্মের অত্যাচার শমতার জন্ত যদি আরও কোন শক্তি প্রযুক্ত হয়, তাহারও অত্যাচার ঘটবে, কেননা অত্যাচার শক্তির স্বভাবসিদ্ধ। যদি ধর্মের অত্যাচার শমতার সক্ষম কোন শক্তি থাকে, তবে জ্ঞান সেই শক্তি। কিন্তু জ্ঞানেরও অত্যাচার আছে। তাহার উদাহরণ, হিতবাদ এবং প্রত্যক্ষবাদ। এতদভয়ের বেগে মনুষ্যহৃদয়সাগরে অনল্প ভাগ চড়া পড়িয়া বাইতেছে। বোধ হয় জ্ঞান ব্যতীত জ্ঞানের অত্যাচার শাসনের জন্ত অণু কোন শক্তি যে মনুষ্যকর্তৃক ব্যবহৃত হইবে, এক্ষণে এমন বিবেচনা হয় না।

সেইরূপ ইহাও বলা যাইতে পারে, যে প্রণয়ের দ্বারাই প্রণয়ের অত্যাচার শমিত হওয়াই সম্ভব। এ কথা যথার্থ স্বীকার করি। নহে যদি স্বার্থপরতাশূন্য হয়, তবে তাহা ঘটতে পারে। কিন্তু সাধারণ মনুষ্যের প্রকৃতি এইরূপ, যে স্বার্থপরতা-

শূণ্য মেহ দুর্লভ । এই কথার প্রকৃত তাৎপর্য গ্রহণ না করিয়া, অনেকেই মনে মনে ইহার প্রতিবাদ করিতে পারেন । তাঁহারা বলিতে পারেন যে, যে মাতা মেহবশতঃ পুত্রকে অর্থান্বেষণে বাইতে দিল না—সে কি স্বার্থপর ? বরং যদি স্বার্থপর হইত, তাহা হইলে পুত্রকে অর্থান্বেষণে দূরদেশে বাইতে নিষেধ করিত না, কেন না পুত্র অর্থোপার্জন করিলে কোন্ না মাতা তাহার ভাগিনী হইবেন ?—অতএব ঐরূপ দর্শন মাত্র আকাজ্জী মেহকে অনেকেই অস্বার্থপর মেহ মনে করেন । বাস্তবিক সে কথা সত্য নহে—এ মেহ অস্বার্থপর নহে । যাহারা ইহা অস্বার্থপর মনে করেন, তাঁহারা অর্থপরতাকে স্বার্থপরতা মনে করেন ; যে ধনের কামনা করে না তাহাকে স্বার্থপরতাশূণ্য মনে করেন । ধনলাভ ভিন্ন পৃথিবীতে যে অস্বাভাব সুখ আছে, এবং তন্মধ্যে কোন কোন সুখের আকাজ্জী ধনাকাজ্জী হইতে অধিকতর বেগবতী, তাহা তাঁহারা বুঝিতে পারেন না । যে মাতা অর্থের মায়া পরিত্যাগ করিয়া পুত্র মুখদর্শনসুখের বাসনার পুত্রকে দারিদ্র্যে সমর্পণ করিল ; সেও আত্মসুখ খুঁজিল । সে অর্থজনিত সুখ চায় না, কিন্তু পুত্রসন্দর্শনজনিত সুখ চায় । সে সুখ মাতার, পুত্রের নহে ; মাতৃদর্শনজনিত পুত্রের যদি সুখ থাকে, থাক ;—সে স্বতন্ত্র, পুত্রের প্রবৃত্তিদায়ক, মাতার নহে । মাতা এখানে আপনার একটি সুখ খুঁজিল—নিত্য পুত্রমুখদর্শন ; তাহার অভিলাষিনী হইয়া পুত্রকে দারিদ্র্যহুঃখে হুঃখী করিতে চাহিল ; এখানে মাতা স্বার্থপর, কেন না আপনার সুখের অভিপ্রায়ে অত্মকে হুঃখী করিল ।

মনুষ্যের স্নেহ অধিকাংশই এইরূপ প্রণয়ী প্রণয়ভাজন উভ-
য়েরই চিত্তসুখকর, কিন্তু স্বার্থপর, পশুবৃত্ত। কেবল, প্রণয়ী
অল্প সুখাপেক্ষা প্রণয়সুখের অভিলাষী, এইজন্য লোকে এইরূপ
স্নেহকে অস্বার্থপর বলে। কিন্তু স্নেহের যে সুখ, সে স্নেহ-
যুক্তের; স্নেহযুক্ত আপন সুখের আকাঙ্ক্ষী বলিয়া, সাধারণ
মনুষ্যস্নেহকে স্বার্থপর বৃত্তি বলিতে হইবে।

কিন্তু স্বার্থসাধন জন্ত, স্নেহ মনুষ্যহৃদয়ে স্থাপিত নহে।
মানুষের যতগুলি বৃত্তি আছে, বোধ হয়, সর্বাঙ্গের এইটি
পবিত্র ও মঙ্গলকর। মনুষ্যের চরিত্র এ পর্য্যন্ত তাদৃশ উৎকর্ষ
লাভ করে নাই বলিয়াই মনুষ্যস্নেহ অদ্যাপি পশুবৎ। পশুবৎ,
কেন না, পশুদিগেরও বৎসস্নেহ, দাম্পত্য প্রণয় এবং বাৎসল্য
দাম্পত্য ব্যতীত, পরস্পর অশ্লিষিধ প্রণয় আছে। প্রথমটি
মানুষের অপেক্ষা অল্প পরিমাণে নহে।

স্নেহের স্বার্থ স্বরূপই অস্বার্থপরতা। যে মাতা পুত্রের
সুখের কামনায়, পুত্রসুখ দর্শন কামনা পরিত্যাগ করিলেন,
তিনিই স্বার্থ স্নেহবতী। যে, প্রণয়ী, প্রণয়ের পাত্রের মঙ্গলার্থ
আপনার প্রণয়জনিত সুখ ভোগ ত্যাগ করিতে পারিল, সেই
প্রণয়ী।

যত দিন না সাধারণ মনুষ্যের প্রেম, এইরূপ বিগুহতা
প্রাপ্ত হইবে, ততদিন মানুষের ভগ্নবাসা হইতে স্বার্থপরতা
কলঙ্ক ঘুচিবে না। এবং স্নেহের স্বার্থ ক্ষুণ্ণি ঘটিবে না।
যেখানে ভালবাসা এইরূপ বিগুহি প্রাপ্ত হইবে, বা যাহার
হৃদয়ে হইয়াছে, সেইখানে ভালবাসার দ্বারা ভালবাসার
অত্যাচার নিবারণ হইতে পারে, এবং হইয়াও থাকে। এক

বিগত প্রণয়বিশিষ্ট মনুষ্য দুর্লভ .নহে । কিন্তু এ প্রবন্ধে তাঁহাদিগের কথা বলিতেছি না — তাঁহারা অত্যাচারীও নহেন । অন্যত্র, ধর্মের শাসনে প্রণয় শাসিত করাই ভালবাসার অত্যাচার নিবারণের একমাত্র উপায় । সে ধর্ম কি ?

• ধর্মের যিনি যে ব্যাখ্যা করুন না, ধর্ম এক । দুইটি মাত্র মূলসূত্রে সমস্ত মনুষ্যের নীতিশাস্ত্র কথিত হইতে পারে । তাহার মধ্যে একটি আত্মসম্বন্ধীয়, দ্বিতীয়টি পর সম্বন্ধীয় । যাহা আত্মসম্বন্ধীয়, তাহাকে আত্মসংস্কারনীতির মূল বলা যাইতে পারে,—এবং আত্মচিন্তের স্ফূর্তি এবং নিশ্চলতা রক্ষাই তাহার উদ্দেশ্য । দ্বিতীয়টি, পরসম্বন্ধীয় বলিয়াই তাহাকে যথার্থ ধর্মনীতির মূল বলা যাইতে পারে । “পরের অনিষ্ট করিও না ; সাধানুসারে পরের মঙ্গল করিও ।” এই মহতী উক্তি জগতীর তাবদ্ধর্ম শাস্ত্রের একমাত্র মূল, এবং একমাত্র পরিণাম । অতঃ পরে যে কোন নৈতিক উক্তি বল না কেন, তাহার আদি ও চরম ইহাতেই বিলীন হইবে । আত্মসংস্কার-নীতির সকল তত্ত্বের সহিত, এই মহানীতিতত্ত্বের ঐক্য আছে । এবং পরহিত নীতি এবং আত্মসংস্কারনীতি একই তত্ত্বের ভিন্ন ভিন্ন ব্যাখ্যা মাত্র । পরহিতরতি এবং পরের অহিতে বিরতি ইহাই সমগ্র নীতিশাস্ত্রের সার উপদেশ ।

অতএব এই ধর্মনীতির মূল সূত্রাবলম্বন করিলেই, ভালবাসার অত্যাচার নিবারণ হইবে । যখন স্নেহশালী ব্যক্তি স্নেহের পাত্রের কোন কার্যে হস্তক্ষেপ করিতে উদ্বৃত্ত হইয়া, তখন, তাঁহার মনে দৃঢ়সঙ্কল্প করা উচিত, যে আমি কেবল আপন সুখের জন্য, হস্তক্ষেপ করিব না ; আপনার ভাবিয়া,

যাহার প্রতি স্নেহ করি, তাহার কোন প্রকার অনিষ্ট করিব না। আমার ষতটুকু কষ্ট সহ করিতে হয়, করিব ; তথাপি তাহার কোন প্রকার অহিতে তাহাকে প্রবৃত্ত করিব না।

এ কথা শুনিতে অতি ক্ষুদ্র, এবং পুরাতন জনশ্রুতির পুনরুক্তি বলিয়া বোধ হইতে পারে, কিন্তু ইহার প্রয়োগ সকল সময়ে তত সহজ বোধ হইবে না। উদাহরণ স্বরূপ দশরথকৃত রামনির্বাসন, মীমাংসার্থ গ্রহণ করিব ; তদ্বারা এই সামান্য নিয়মের প্রয়োগের কঠিনতা অনেকের হৃদয়ঙ্গম হইতে পারিবে। এস্থলে কৈকেয়ী এবং দশরথ উভয়েই ভালবাসার অত্যাচারে প্রবৃত্ত ; কৈকেয়ী দশরথের উপরে ; দশরথ রামের উপরে। ইহার মধ্যে কৈকেয়ীর কার্য স্বার্থপর এবং নৃশংস বলিয়া চিরপরিচিত। কৈকেয়ীর কার্য স্বার্থপর ও নৃশংস বটে, তবে তৎপ্রতি ষতটা কটুক্তি হইয়া আসিতেছে ততটা বিহিত কি না বলা যায় না। কৈকেয়ী আপনার কোন ইষ্ট কামনা করে নাই ; আপনার পুত্রের শুভ কামনা করিয়াছিল। সত্য বটে পুত্রের মঙ্গলেই মাতার মঙ্গল ; কিন্তু যে বঙ্গীয় পিতা মাতা স্বীয় জাতিপাতের ভয়ে পুত্রকে শিক্ষার্থ ইংলণ্ডে যাইতে দেন না, কৈকেয়ীর কার্য তদপেক্ষা যে শতগুণে অস্বার্থপর, তদ্বিষয়ে সংশয় নাই।

সে কথা ষাউক, কৈকেয়ীর দোষ গুণ বিচারে আমরা প্রবৃত্ত নহি। দশরথ, সত্যপালনার্থ রামকে বনপ্রেরণ করিয়া ভয়তকে রাজ্যাভিষিক্ত করিলেন। তাহাতে তাহার নিজের প্রাণবিয়োগ হইল। তিনি সত্যপালনার্থ আত্মপ্রাণ বিয়োগ এবং প্রাণাধিক পুত্রের বিরহ স্বীকার করিলেন, ইহাতে

ভারতবর্ষীয় সাহিত্যোতিহাস তাঁহার যশঃ কীর্তনে পরিপূর্ণ । কিন্তু উৎকৃষ্ট ধর্মনীতির বিচারে ইহাই প্রতিপন্ন হয়, যে দশরথ পুত্রকে স্বাধিকারচ্যুত এবং নির্বাসিত করিয়া, সত্য-পালন করায়, ঘোরতর অধর্ম করিয়াছিলেন ।

জিজ্ঞাসা করি, সত্যমাত্র কি পালনীয় ? যদি সতী কুলবতী, কুচরিত্র পুরুষের কাছে ধর্মত্যাগে প্রতিশ্রুতা হয়, তবে সে সত্য কি পালনীয় ? যদি কেহ, দস্যুর প্ররোচনায় সূহৃদকে বিনানোষে বধ করিতে সত্য করে, তবে সে সত্য কি পালনীয় ? যে কেহ ঘোরতর মহাপাতক করিতে সত্য করে, তাহার সত্য কি পালনীয় ?

যেখানে সত্য লজ্জনাপেক্ষা সত্য রক্ষায় অধিক অনিষ্ট, সেখানে সত্য রাখিবে, না সত্য ভঙ্গ করিবে ? অনেকে বলিবেন, সেখানেও সত্য পালনীয়, কেন না, সত্য নিত্যধর্ম, অবস্থাভেদে তাহা পুণ্যত্ব পাপত্ব প্রাপ্ত হয় না । যদি পাপ পুণ্যের এমন নিয়ম কর, যে যখন যাহা কর্মকর্তার বিবেচনায় ইষ্টকারক তাহাই কর্তব্য ; যাহা তাঁহার তাৎকালিক বিবেচনায় অনিষ্টকারক তাহা অকর্তব্য, তবে পুণ্য পাপের প্রভেদ থাকে না—লোকে পুণ্য বলিয়া ঘোরতর মহাপাতকে প্রবৃত্ত হইতে পারে । আমরা এ তত্ত্বের মীমাংসা এস্থলে করিব না—কেন না হিতবাদীরা ইহার এক প্রকার মীমাংসা করিয়া রাখিয়াছেন । স্কুল কথার উত্তর দিব ।

যখন এরূপ মীমাংসার গোলযোগ হইবে, তখন ধর্মনীতির যে মূল সূত্র সংস্থাপিত হইয়াছে, তাহার দ্বারা পরীক্ষা কর ।

সত্য কি সর্বত্র পালনীয় ? এ কথাই মীমাংসা করিবার আগে জিজ্ঞাস্য, সত্য পালনীয় কেন ? সত্য পালনের একটি মূল ধর্মনীতিতে, একটি মূল আত্ম-সংস্কারনীতিতে। আমরা আত্ম-সংস্কার নীতিকে ধর্মনীতির অংশ বলিয়া পরিগণিত করিতে অস্বীকার করিয়াছি ; ধর্মনীতির মূলই দেখিব। বিশেষ উভয়ের ফল একই। ধর্মনীতির মূল সূত্র, পরের অনিষ্ট ঘাহাতে হয়, তাহা অকর্তব্য। সত্যভঙ্গে পরের অনিষ্ট হয়, এজন্য সত্য পালনীয়। কিন্তু যখন এমন ঘটে যে, সত্য পালনে পরের গুরুতর অনিষ্ট, সত্য ভঙ্গে ততদূর নহে, তখন সত্য পালনীয় নহে। দশরথের সত্যপালনে রামের গুরুতর অনিষ্ট ; সত্য ভঙ্গে কৈকেয়ীর তাদৃশ কোন অনিষ্ট নাই। দৃষ্টান্তজনিত জনসমাজের যে অনিষ্ট, তাহা রামের স্বাধিকার-চ্যুতিতেই গুরুতর। উহা দস্যুতার রূপান্তর। অতএব এমত স্থলে দশরথ সত্যপালন করিয়াই মহাপাপ করিয়াছিলেন।

এখানে দশরথ স্বার্থপরতাশূন্য নহেন। সত্য ভঙ্গে জগতে তাঁহার কলঙ্ক ঘোষিত হইবে, এই ভয়েই তিনি রামকে অধিকারচ্যুত এবং বহিষ্কৃত করিলেন ; অতএব যশোরক্ষা রূপ স্বার্থের বশীভূত হইয়া রামের অনিষ্ট করিলেন। সত্য বটে, তিনি আপনার প্রাণহানিও স্বীকার করিয়াছিলেন ; কিন্তু তাঁহার কাছে প্রাণাপেক্ষা যশ প্রিয়, অতএব আপনার ইষ্টই খুঁজিয়াছিলেন। এজন্য তিনি স্বার্থপর। স্বার্থপরতা মোক্ষমুক্ত যে অনিষ্ট তাহা ঘোরতর পাপ।

অস্বার্থপর প্রেম, এবং ধর্ম, ইহাদের একই গতি, একই চরম। উভয়ের সাধ্য অণুর মঙ্গল। বস্তুতঃ প্রেম, এবং

ধর্ম একই পদার্থ । সর্ব সংসার প্রেমের বিষয়ীভূত হইলেই ধর্ম নাম প্রাপ্ত হয় । এবং ধর্ম বঁত দিন না সর্বজনীন প্রেম স্বরূপ হয়, ততদিন সম্পূর্ণতা প্রাপ্ত হয় না । কিন্তু মনুষ্যগণ, কার্যাতঃ স্নেহকে ধর্ম হইতে পৃথগ্ভূত রাখিয়াছে, এজন্য ভালবাসার অত্যাচার নিবারণ জ্ঞান ধর্মের দ্বারা স্নেহের শাসন আবশ্যক ।

জ্ঞান ।

ভারতবর্ষে দর্শন কাহাকে বলে ? ইহার উত্তর দিতে গেলে প্রথমে বুঝিতে হইবে যে, ইউরোপে যে অর্থে “ফিলসফি” শব্দ ব্যবহৃত হয়, দর্শন সে অর্থে ব্যবহৃত হয় না। বাস্তবিক ফিলসফি শব্দের অর্থের স্থিরতা নাই,—কখন ইহার অর্থ আধ্যাত্মতত্ত্ব, কখন ইহার অর্থ প্রাকৃতিকবিজ্ঞান, কখন ইহার অর্থ ধর্মনীতি, কখন ইহার অর্থ বিচারবিজ্ঞান। ইহার একটিও দর্শনের ব্যাখ্যার অনুরূপ নহে। ফিলসফির উদ্দেশ্য, জ্ঞান বিশেষ; তদতিরিক্ত অন্য উদ্দেশ্য নাই। দর্শনেরও উদ্দেশ্য জ্ঞান বটে, কিন্তু সে জ্ঞানেরও উদ্দেশ্য আছে। সেই উদ্দেশ্য, নিঃশ্রেয়স, মুক্তি, নির্বাণ বা তদ্বৎ নামান্তর বিশিষ্ট পারলৌকিক অবস্থা। ইউরোপীয় ফিলসফিতে জ্ঞানই সাধনীয়; দর্শনে জ্ঞান সাধন মাত্র। ইহা ভিন্ন আর একটি গুরুতর প্রভেদ আছে। ফিলসফির উদ্দেশ্য, জ্ঞানবিশেষ,—কখন আধ্যাত্মিক, কখন ভৌতিক, কখন নৈতিক বা সামাজিক জ্ঞান। কিন্তু সর্বত্র পদার্থ মাত্রেরই জ্ঞান দর্শনের উদ্দেশ্য। ফলতঃ কুকর্ম প্রকার জ্ঞানই দর্শনের অন্তর্গত।

সংসার ছঃখময়। প্রাকৃতিক বল, সর্বদা মনুষ্য সুখের প্রতিদ্বন্দ্বী। তুমি যাহা কিছু সুখভোগ কর, সে বাহ্য প্রকৃতির

সঙ্গে যুদ্ধ করিয়া লাভ কর। মনুষ্যজীবন, প্রকৃতির সঙ্গে দীর্ঘ সময় মাত্র—যখন তুমি সময়জয়ী হইলে তখনই কিঞ্চিৎ সুখ লাভ করিলে। কিন্তু মনুষ্যবল হইতে প্রাকৃতিক বল অনেক গুণে গুরুতর। অতএব মনুষ্যের জয় কদাচিৎ—প্রকৃতির জয়ই প্রতিনিয়ত ঘটিয়া থাকে। তবে জীবন যন্ত্রণাময়। আৰ্য্যমতে ইহার আবার পোনঃপুত্র আছে। ইহজন্মে, অনন্ত দুঃখ কোনরূপে কাটাইয়া প্রাকৃতিক রণে শেষে পরাস্ত হইয়া, যদি জীব দেহত্যাগ করিল—তথাপি ক্ষমা নাই—আবার জন্মগ্রহণ করিতে হইবে, আবার সেই অনন্ত দুঃখভোগ করিতে হইবে—আবার মরিতে হইবে,—আবার জন্মিতে হইবে,— আবার দুঃখ। এই অনন্ত দুঃখের কি নিবৃত্তি নাই? মনুষ্যের নিস্তার নাই?

ইহার দুই উত্তর আছে। এক উত্তর ইউরোপীয়, আর এক উত্তর ভারতবর্ষীয়। ইউরোপীয়েরা বলেন, প্রকৃতি জেয়; যাহাতে প্রকৃতিকে জয় করিতে পারি সেই চেষ্টা দেখ। এই জীবন রণে প্রকৃতিকে পরাস্ত করিবার জন্য আয়ুধ সংগ্রহ কর। সেই আয়ুধ, প্রকৃতিকে জিজ্ঞাসা করিলে তিনি নিজেই বলিয়া দিবেন। প্রাকৃতিক তত্ত্ব অধ্যয়ন কর—প্রকৃতির গুণ তত্ত্ব সকল অবগত হইয়া, তাহারই বলে তাহাকে বিজিত করিয়া, মনুষ্যজীবন সুখময় কর। এই উত্তরের ফল—ইউরোপীয় বিজ্ঞান শাস্ত্র।

ভারতবর্ষীয় উত্তর এই যে, প্রকৃতি অজেয়—যতদিন প্রকৃতির সঙ্গে সঙ্ঘর্ষ থাকিবে ততদিন দুঃখ থাকিবে। অতএব প্রকৃতির সঙ্গে সঙ্ঘর্ষ বিচ্ছেদই দুঃখ নিবারণের একমাত্র

উপায়। সেই সম্বন্ধ বিচ্ছেদ কেবল জ্ঞানের দ্বারাই হইতে পারে। এই উত্তরের ফল ভারতবর্ষীয় দর্শন।

সেই জ্ঞান কি? আকাশকুসুম বলিলেও একটি জ্ঞান হয়—কেন না আকাশ কি তাহা আমরা জানি, এবং কুসুম কি তাহাও জানি, মনের শক্তির দ্বারা উভয়ের সংযোগ করিতে পারি। কিন্তু সে জ্ঞান, দর্শনের উদ্দেশ্য নহে। তাহা ভ্রমজ্ঞান। যথার্থ জ্ঞানই দর্শনের উদ্দেশ্য। এই যথার্থ জ্ঞানকে প্রমাজ্ঞান বা প্রমা প্রতীতি বলে। সেই যথার্থ জ্ঞান কি?

যাহা জানি, তাহাই জ্ঞান। যাহা জানি তাহা কি প্রকারে জানিয়াছি?

কতকগুলি বিষয় ইন্দ্রিয়ের সাক্ষাৎ সংযোগে জানিতে পারি। ঐ গৃহ, এই বৃক্ষ, ঐ নদী, এই পর্বত, আমার সম্মুখে রহিয়াছে; তাহা আমি চক্ষে দেখিতে পাইতেছি, এজন্ত জানি যে, ঐ গৃহ, এই বৃক্ষ, ঐ নদী, এই পর্বত আছে। অতএব জ্ঞাতব্য পদার্থের সঙ্গে চক্ষুরিন্দ্রিয়ের সংযোগে আমাদের এই জ্ঞান লব্ধ হইল। (১) ইহাকে চাক্ষুষ প্রত্যক্ষ বলে। এইরূপ, গৃহমধ্যে থাকিয়া শুনিতে পাইলাম, মেঘ গর্জিতেছে, পক্ষী ডাকিতেছে; এখানে মেঘের ডাক, পক্ষীর স্বব, আমরা কর্ণের

(১) গৃহ, পর্বতাদি দূরে রহিয়াছে—আমাদের চক্ষে সংলগ্ন নহে, তবে ইন্দ্রিয়ের সংযোগ হইল কি প্রকারে? দৃষ্ট পদার্থ বিক্ষিপ্ত রশ্মির দ্বারা। ঐ রশ্মি আমাদের নয়নাভ্যন্তরে প্রবেশ করিলে দৃষ্টি হয়।

দ্বারা প্রত্যক্ষ করিলাম । ইহা শ্রাবণ প্রত্যক্ষ । এইরূপ চাক্ষুশ, শ্রাবণ ভ্রাণ্ড, হ্রাচ, এবং রাসন, পঞ্চেন্দ্রিয়ের সাধ্য পাঁচ প্রত্যক্ষ । মনও একটি ইন্দ্রিয় বলিয়া আর্য্য দার্শনিকেরা গণিয়া থাকেন, অতএব তাহারা মানস প্রত্যক্ষের কথা বলেন । মন বহিরিন্দ্রিয় নহে । অন্তরিন্দ্রিয়ের সঙ্গে বহির্বিষয়ের সাক্ষাৎ-সংযোগ অসম্ভব । অতএব মানস প্রত্যক্ষে বহির্বিষয় অবগত হওয়া যায় না ; কিন্তু অন্তর্জ্ঞান, মানস প্রত্যক্ষের দ্বারাই হইবে ।

যে পদার্থ প্রত্যক্ষ হয়, তদ্বিষয়ে আমাদিগের জ্ঞান জন্মে, এবং তদ্ব্যতিরিক্ত বিষয়ের জ্ঞানও সূচিত হয় । আমি রুদ্ধদার গৃহমধ্যে শয়ন করিয়া আছি, এমত সময়ে মেঘের ধ্বনি শুনিলাম, ইহাতে শ্রাবণ প্রত্যক্ষ হইল । কিন্তু সে প্রত্যক্ষ ধ্বনির, মেঘের নহে । মেঘ এখানে আমাদের প্রত্যক্ষের বিষয় নহে । অতএব আমরা জানিতে পারিলাম যে আকাশে মেঘ আছে । ধ্বনির প্রত্যক্ষে মেঘের অস্তিত্ব জ্ঞান হইল কোথা হইতে ? আমরা পূর্বে পূর্বে দেখিয়াছি, আকাশে মেঘ ব্যতীত কখন একরূপ ধ্বনি হয় নাই । এমন কখনও ঘটে নাই যে মেঘ নাই, অথচ একরূপ ধ্বনি শুনা গিয়াছে । অতএব রুদ্ধদার গৃহ মধ্যে থাকিয়াও আমরা বিনা প্রত্যক্ষে জানিলাম যে আকাশে মেঘ হইয়াছে । ইহাকে অনুমিতি বলে । মেঘধ্বনি, আমরা প্রত্যক্ষে জানিয়াছি, কিন্তু মেঘ অনুমিতির দ্বারা ।

মনে কর, ঐ রুদ্ধদার গৃহ অন্ধকার, এবং তুমি সেখানে একাকী আছ । এমত কালে তোমার দেহের সহিত মনুষ্যশরীরের স্পর্শ অনুভূত করিলে । তুমি তখন কিছু না

দেখিয়া,কোন শব্দও না শুনিয়া জানিতে পারিলে যে গৃহ মধ্যে মনুষ্য আসিয়াছে। সেই স্পর্শজ্ঞান, ঘ্রাচ প্রত্যক্ষ ; কিন্তু গৃহমধ্যে মনুষ্য-জ্ঞান অনুমিতি। ঐ অন্ধকার গৃহে তুমি যদি যুথিকা পুষ্পের গন্ধ পাও, তবে তুমি বুঝিবে, যে গৃহে পুষ্পাদি আছে ; এখানে গন্ধই প্রত্যক্ষের বিষয় ; পুষ্প অনুমিতির বিষয়।

মনুষ্য অল্প বিষয়ই স্বয়ং প্রত্যক্ষ করিতে পারে। অধিকাংশ জ্ঞানই অনুমিতির উপর নির্ভর করে। অনুমিতি সংসার চালাইতেছে। আমরাদিগের অনুমানশক্তি না থাকিলে আমরা প্রায় কোন কার্যই করিতে পারিতাম না। বিজ্ঞান দর্শনাদি, অনুমানের উপরেই নিশ্চিত।

কিন্তু, যেমন কোন মনুষ্যই সকল বিষয় স্বয়ং প্রত্যক্ষ করিতে পারেন না, তেমনি কোন ব্যক্তি সকল তত্ত্ব স্বয়ং অনুমান করিয়া সিদ্ধ করিতে পারেন না। এমন অনেক বিষয় আছে, যে তাহা অনুমান করিয়া জানিতে গেলে যে পরিশ্রম আবশ্যিক, তাহা একজন মনুষ্যের জীবনকালের মধ্যে সাধ্য নহে। এমন অনেক বিষয় আছে যে তাহা অনুমানের দ্বারা সিদ্ধ করার জগু যে বিজ্ঞা, বা যে জ্ঞান, বা যে বুদ্ধি, বা যে অধ্যবসায় প্রয়োজনীয় তাহা অধিকাংশ লোকেই নাই। অতএব এমন অনেক নিতান্ত প্রয়োজনীয় বিষয় আছে যে তাহা অনেকে স্বয়ং প্রত্যক্ষ বা অনুমানের দ্বারা জ্ঞাত হইতে পারেন না। এমন স্থলে আমরা কি করিয়া থাকি ? - যে স্বয়ং প্রত্যক্ষ করিয়াছে, বা যে স্বয়ং অনুমান করিয়াছে, তাহার কথা শুনিয়া বিশ্বাস করি। ইতালীর উত্তরে যে আল নামে

পৰ্বতশ্রেণী আছে তাহা তুমি স্বয়ং প্রত্যক্ষ কর নাই। কিন্তু যাহারা দেখিয়াছেন তাঁহাদের প্রণীত পুস্তক পাঠ করিয়া তুমি সে জ্ঞান লাভ করিলে। পরমাণু মাত্র যে অণু পরমাণু মাত্রের দ্বারা আকৃষ্ট হয়, ইহা প্রত্যক্ষের বিষয় হইতে পারেনা এবং তুমিও ইহা গণনার দ্বারা সিদ্ধ করিতে পার নাই, এজন্য তুমি নিউটনের কথায় বিশ্বাস করিয়া সে জ্ঞান, লাভ করিলে।

শ্রাব, সাংখ্যাদি আৰ্যদর্শনশাস্ত্রে ইহা একটি তৃতীয় প্রমাণ বলিয়া গণ্য হইয়াছে। ইহার নাম শব্দ। তাঁহাদিগের বিবেচনায় বেদাদি এই প্রমাণের উপর নির্ভর করে। আপ্তবাক্য বা গুরুপদেশ, স্থূলতঃ যে বিশ্বাসযোগ্য তাহার উপদেশ, — আৰ্যমতে ইহা একটি স্বতন্ত্র প্রমাণ। তাহারই নাম শব্দ।

কিন্তু চার্ক্যাগাদি কোন কোন আৰ্য দার্শনিক, ইহাকে প্রমাণ বলিয়াই স্বীকার করেন না। ইউরোপীয়েরাও ইহাকে স্বতন্ত্র প্রমাণ বলিয়া স্বীকার করেন না।

দেখা যাইতেছে, সকলের কথায় বিশ্বাস অকর্তব্য। যদি একজন বিখ্যাত মিথ্যাবাদী আসিয়া বলে যে, সে জলে অগ্নি জ্বলিতে দেখিয়া আসিয়াছে তবে এ কথা কেহই বিশ্বাস করিবে না। তাহার উপদেশে প্রথা জ্ঞানের উৎপত্তি নাই। ব্যক্তি বিশেষের উপদেশই প্রমাণ বলিয়া গ্রাহ্য। তবে, সেই জ্ঞানলাভের পূর্বে আদৌ মীমাংসা আবশ্যিক বে, কে বিশ্বাস-যোগ্য, কে নহে। কোন্ প্রমাণের উপর নির্ভর করিয়া এ মীমাংসা করিব? কোন্ প্রমাণের উপর নির্ভর করিয়া, মন্বাদির কথা আপ্তবাক্য বলিয়া গ্রহণ করিব? এবং রামু শামুর কথা অগ্রাহ্য করিব? দেখা যাইতেছে, যে অনুমানের দ্বারা

ইহা সিদ্ধ করিতে হইবে । মনুর সঙ্গে পল্লীর পাদরি সাহেবের মতভেদ । তুমি চিরকাল শুনিয়া আসিয়াছ, যে মনু অত্রান্ত ঋষি, এবং পাদরি সাহেব স্বার্থপর সামান্য মনুষ্য ; এজন্য তুমি অনুমান করিলে যে মনুর কথা গ্রাহ্য, পাদরির কথা অগ্রাহ্য । মনুব্ধায় অত্রান্ত ঋষি গোমাংসভোজন নিষেধ করিয়াছেন বলিয়া তুমি অনুমান করিলে গোমাংস অভক্ষ্য । অতএব শব্দকে একটি স্বতন্ত্র প্রমাণ না বলিয়া, অনুমানের অন্তর্গত বস্তু না কেন ?

শুধু তাহাই নহে । যে ব্যক্তির কতকগুলি উপদেশ গ্রাহ্য কর, তাহারই আর কতকগুলি অগ্রাহ্য করিয়া থাক । মাধ্যাকর্ষণ সম্বন্ধে নিউটনের যে মত তাহা তুমি শিবোধার্য্য কর, কিন্তু আলোক সম্বন্ধে তাঁহার যে মত, তাহা পরিত্যাগ করিয়া তুমি ক্ষুদ্রতর বুদ্ধিজীবী ইয়ঙ ও ফেনেলের মত গ্রহণ কর, ইহার কারণ কি ? ইহার কারণ সম্বন্ধে বলিলে, তলে অনুমিতিকেই পাওয়া যাইবে । অনুমানের দ্বারা তুমি জানিয়াছ যে মাধ্যাকর্ষণ সম্বন্ধে নিউটনের যে মত, তাহা সত্য, আলোক সম্বন্ধে তাঁহার যে মত তাহা অসত্য । যদি শব্দ একটি পৃথক প্রমাণ হইত, তবে তাঁহার সকল মতই তুমি গ্রাহ্য করিতে ।

ভারতবর্ষে তাহাই ঘটিয়া থাকে । ভারতবর্ষে যাহার মত গ্রাহ্য বলিয়া স্থির হয় তাহার সকল মতই গ্রাহ্য । ইহার কারণ শব্দ একটি স্বতন্ত্র প্রমাণ বলিয়া গণ্য—আপ্তবাক্য মাত্র গ্রাহ্য ইহা আর্য্য দর্শনশাস্ত্রের আজ্ঞা । এইরূপ বিশেষ বিচার ব্যতীত ঋষি ও পণ্ডিতদিগের মতমাত্রই গ্রহণ করা, ভারতবর্ষের

অবনতির একটি যে কারণ ইহা বলা বাহুল্য। অতএব দার্শনিক
দিগের এই একটি ক্ষুদ্র ভ্রান্তিতে সামান্য কুফল ফলে নাই।

প্রত্যক্ষ, অনুমান এবং শব্দ ভিন্ন নৈরায়িকেরা উপমিতিকেও
একটি স্বতন্ত্র প্রমাণ বিবেচনা করেন। বিচার করিয়া
দেখিলে সিদ্ধ হইবে যে উপমিতি, অনুমিতির প্রকারভেদ মাত্র,
এবং সেই জন্তু সাংখ্যাदि দর্শনে উপমিতি স্বতন্ত্র প্রমাণ
বলিয়া গণ্য হয় নাই। অতএব উপমিতির বিস্তারিত উল্লেখ
প্রয়োজনীয় বোধ হইল না। বস্তুতঃ প্রত্যক্ষ, এবং অনুমানই
জ্ঞানের মূল।

তাহার পর দেখিতে হইবে, যে অনুমানও প্রত্যক্ষমূলক।
যে জাতীয় প্রত্যক্ষ কখন হয় নাই, সে বিষয়ে অনুমান হয় না।
তুমি যদি কখন পূর্বে মেঘ না দেখিতে বা আর কেহ কখন
না দেখিত, তবে তুমি রুদ্ধদ্বার গৃহমধ্যে মেঘগর্জ্জন শুনিয়া
কখন মেঘানুমান করিতে পারিতে না। তুমি যদি কখন
যুথিকা-গন্ধ প্রত্যক্ষ না করিতে, তবে অন্ধকার গৃহে থাকিয়া
যুথিকা-ঘ্রাণ পাইয়া তুমি কখন অনুমান করিতে পারিতে না,
যে গৃহমধ্যে যুথিকা আছে। এইরূপ অন্যান্য পদার্থ সম্বন্ধে
বলা যাইতে পারে। তবে অনেক সময়ে দেখা যাইবে, যে
একটি অনুমানের মূল, বহুতর বহুজাতীয় পূর্ব প্রত্যক্ষ। এক
একটি বৈজ্ঞানিক নিয়ম সহস্র সহস্র জাতীয় প্রত্যক্ষের ফল।

অতএব প্রত্যক্ষই জ্ঞানের একমাত্র মূল—সকল প্রমাণের
মূল। (১) অনেকে দেখিয়া বিস্মিত হইবেন, যে দর্শনশাস্ত্র

দুই তিন সহস্র বৎসরের পর, ঘুরিয়া ঘুরিয়া আবার সেই চার্কী
কের মতে আসিয়া পড়িতেছে। ধন্য আর্থাবুদ্ধি! যাহা এত-
কালে হুম, মিল, বেন প্রভৃতির দ্বারা সংস্থাপিত হইয়াছে—
দুই সহস্রাধিক বৎসর পূর্বে বৃহস্পতি তাহা প্রতিপন্ন করিয়া
গিয়াছেন। কেহ না ভাবেন যে আমরা এমন বলিতেছি যে
প্রত্যক্ষ ভিন্ন প্রমাণ নাই—আমরা বলিতেছি যে সকল
প্রমাণের মূল প্রত্যক্ষ। বৃহস্পতি ঠিক তাহাই বলিয়াছিলেন
কি না, তাহার গ্রহ সকল লুপ্ত হওয়ার নিশ্চয় করা কঠিন।

প্রত্যক্ষই জ্ঞানের একমাত্র মূল, কিন্তু এই তত্ত্বের মধ্যে
ইউরোপীয় দার্শনিকদিগের মধ্যে একটি ঘোরতর বিবাদ
আছে। কেহ কেহ বলেন, যে আমরাদি গর এমন অনেক
জ্ঞান আছে, যে তাহার মূল প্রত্যক্ষ পাওয়া যায় না। যথা,—
কাল, আকাশ, ইত্যাদি।

কথাটি বুঝা কঠিন। আকাশ সম্বন্ধে একটি সহজ
কথা গ্রহণ করা যাউক,—যথা, দুইটি সমান্তরাল রেখা
যতদূর টানা যাউক, কখন মিলিত হইবে না, ইহা আমরা
নিশ্চিত জানি। কিন্তু এ জ্ঞান আমরা কোথা পাইলাম?
প্রত্যক্ষবাদী বলিবেন, “প্রত্যক্ষের দ্বারা! আমরা যত সমা-
ন্তরাল রেখা দেখিয়াছি, তাহা কখন মিলিত হয় নাই।”
তাহাতে বিপক্ষেরা প্রত্নাত্তর করেন যে, “জগতে যত সমা-
ন্তরাল রেখা হইয়াছে, সকল তুমি দেখ নাই,—তুমি যাহা
দেখিয়াছ, তাহা মিলে নাই বটে, কিন্তু তুমি কি প্রকারে
জানিলে, যে কোন কালে কোথায় এমন দুইটি সমান্তরাল
রেখা হয় নাই, বা হইবে না, যে তাহা টানিতে টানিতে এক

স্থানে মিলিবে না ? যাহা মনুষ্যের প্রত্যক্ষ হইয়াছে, তাহা হইতে তুমি কি প্রকারে অপ্রত্যক্ষীভূতের নিশ্চয় করিলে ? অথচ আমরা জানিতেছি যে, তুমি যাহা বলিতেছ তাহা সত্য ;—কশ্মিন্ কালে কোথাও এমন দুইটি সমান্তরাল রেখা হইতে পারে না যে তাহা মিলিবে। তবে প্রত্যক্ষ ব্যতীত তোমার আর কোন জ্ঞানমূল আছে—নহিলে তুমি এই প্রত্যক্ষের অতিরিক্ত জ্ঞানটুকু কেথায় পাইলে ?”

এই কথা বলিয়া, বিখ্যাত জন্মান দার্শনিক কাস্ত, লক ও হুমের প্রত্যক্ষবাদের প্রতিবাদ করেন। এই অতিরিক্ত জ্ঞানের মূল তিনি এই নির্দেশ করেন, যে যেখানে বহির্কিষয়ের জ্ঞান আমাদের ইন্দ্রিয়ের দ্বারা হইয়া থাকে, সেখানে বহির্কিষয়ের প্রকৃতি সম্বন্ধে কোন তত্ত্বের নিত্যত্ব আমাদের জ্ঞানের অতীত হইলেও, আমাদের ইন্দ্রিয় সকলের প্রকৃতির নিত্যত্ব আমাদের জ্ঞানের আয়ত্ত বটে। আমাদের ইন্দ্রিয় সকলের প্রকৃতি অনুসারে আমরা বহির্কিষয় কতকগুলি নির্দিষ্ট অবস্থাপন্ন বলিয়া পরিজ্ঞাত হই। ইন্দ্রিয়ের প্রকৃতি সর্বত্র একরূপ, এজন্য বহির্কিষয়ের তত্ত্ব অবস্থাও আমাদের নিকট সর্বত্র একরূপ। এইজন্য আমাদের কাল, আকাশাদির সমবায়ের নিত্যত্ব জানিতে পারি। এই জ্ঞান আমাদেরই আছে—এজন্য কাস্ত ইহাকে স্বতোলক বা আভ্যন্তরিক জ্ঞান বলেন।

পাঠক আবার দেখিবেন যে আধুনিক ইউরোপীয় দর্শন, ফিরিয়া ফিরিয়া সেই প্রাচীন ভারতীয় দর্শনে মিলিতেছে। যেমন চার্বাকের প্রত্যক্ষবাদে, মিল ও রেনের প্রত্যক্ষবাদের মাদৃশ্য দেখা গিয়াছে, তেননি বেদান্তের মায়াবাদের সঙ্গে

কান্তের এই প্রত্যক্ষ প্রতিবাদের সাদৃশ্য দেখা যায়। আধ্যাত্মিক তত্ত্বে, প্রাচীন আর্য্যগণ কর্তৃক সৃচিত হয় নাই, এমত তত্ত্ব অল্পই ইউরোপে আবিষ্কৃত হইয়াছে।

কান্তীর আভ্যন্তরীক মতের প্রধানতম প্রতিবন্দী জন ষ্টুয়ার্ট মিল। তিনি কার্য্যকারণসম্বন্ধের নিত্যত্বের উপর নির্ভর করেন। তিনি বলেন যে, আমরা প্রত্যক্ষের দ্বারা একটি অকাট্য সংস্কার এই লাভ করিয়াছি যে, যেখানে কারণ বর্তমান আছে, সেই খানেই তাহার কার্য্য বর্তমান থাকিবে। যেখানে পূর্বে দেখিয়াছি যে ক বর্তমান আছে, সেইখানে দেখিয়াছি যে খ আছে। পুনর্বার যদি কোথাও ক দেখি, তবে আমরা জানিতে পারি যে, খও এখানে আছে, কেন না আমরা প্রত্যক্ষের দ্বারা জানিয়াছি যেখানে কারণ থাকে সেইখানেই তাহার কার্য্য থাকে। সমান্তরালতা কারণ, এবং সংমিলনবিরহ তাহার কার্য্য, কেন না আমরা যেখানে যেখানে সমান্তরালতা প্রত্যক্ষ করিয়াছি, সেইখানে সেইখানে দেখিয়াছি মিল হয় নাই, অতএব সমান্তরালতা, সংমিলনবিরহের নিয়ত পূর্ববর্তী। কাজেই আমরা জানিতেছি যে, যখন যেখানে উইটি সমান্তরাল রেখা থাকিবে, সেই খানেই আর তাহাদিগের সংমিলন হইবে না। অতএব এ জ্ঞান প্রত্যক্ষমূলক।

শেষ মত, হার্বট স্পেন্সরের। তিনিও প্রত্যক্ষবাদী, কিন্তু তিনি বলেন যে এই প্রত্যক্ষমূলক জ্ঞান সকলটুকু আমাদের নিজ প্রত্যক্ষজাত নহে। প্রত্যক্ষজাত সংস্কার পুরুষানুক্রমে প্রাপ্ত হওয়া যায়। আমার পূর্বপুরুষদিগের যে প্রত্যক্ষজাত সংস্কার, আমি তাহা কিয়দংশে প্রাপ্ত হইয়াছি। আমি যে

সেই সকল সংস্কার লইয়া জন্মিয়াছি এমন নহে—তাহা হইলে সত্ত্বঃপ্রসূত শিশুও সংস্কারবিশিষ্ট হইত, কিন্তু তাহার বীজ আমার শরীরে (মন, শরীরের অন্তর্গত) আছে ; প্রয়োজনমত সময়ে জ্ঞানে পরিণত হইবে । এইরূপে, যাহা কান্তীয় মতে আভাস্তবিক বা সহজ জ্ঞান স্পেন্সরের মতে তাহা পূর্বপুরুষ-পরম্পরাগত প্রত্যক্ষজাত জ্ঞান ।

এই কথা আপাততঃ অপ্রামাণিক বোধ হইতে পারে, কিন্তু স্পেন্সর এরূপ দক্ষতার সহিত ইহার সমর্থন করিয়াছেন যে, ইউরোপে এই মতই এক্ষণে প্রচলিত হইয়া উঠিতেছে । (১)

(১) অনেকে কোমতের “Positive Philosophy” নামক দর্শনশাস্ত্রের নামানুবাদে প্রত্যক্ষবাদ লিখিয়া থাকেন । আমাদের বিবেচনায় সেটি ভ্রম । যাহাকে “Empirical Philosophy” বলে, অর্থাৎ লব, হুম, মিল, ও বেনের মতকেই প্রত্যক্ষবাদ বলা যায় । আমরা সেই অর্থেই প্রত্যক্ষবাদ শব্দ এই প্রবন্ধে ব্যবহার করিয়াছি ।

সাংখ্যদর্শন ।

—00—

প্রথম পরিচ্ছেদ ।

উপক্রমণিকা ।

এ দেশীয় প্রাচীন দর্শন সকলের মধ্যে বঙ্গদেশে গ্ৰায়ের প্রাধান্য । দেশীয় পণ্ডিতেরা সচরাচর সাংখ্যের প্রতি তাদৃশ মনোযোগ করেন না । কিন্তু ভারতবর্ষে সাংখ্য যে কীর্ত্তি করিয়াছে, তাহা অন্ত দর্শন দূরে থাকুক, অথ কোন শাস্ত্রের দ্বারা হইয়াছে কি না, সন্দেহ । বহুকাল হইল, এই দর্শনের প্রকাশ হয় । কিন্তু অথ্যাপি হিন্দুসমাজের হৃদয়মধ্যে ইহার নানা মূর্ত্তি বিরাজ করিতেছে । যিনি হিন্দুদিগের পুরাত্ত্ব অধ্যয়ন করিতে চাহেন, সাংখ্যদর্শন না বুঝিলে তাঁহার সম্যক জ্ঞান জন্মিবে না ; কেন না হিন্দুসমাজের পূর্বকালীয় গতি অনেক দূর সাংখ্যপ্রদর্শিত পথে হইয়াছিল । যিনি বর্তমান হিন্দুসমাজের চরিত্র বুঝিতে চাহেন, তিনি সাংখ্য অধ্যয়ন করুন । সেই চরিত্রের মূল সাংখ্যে অনেক দেখিতে পাইবেন । সংসার যে দুঃখময়, দুঃখ নিবারণমাত্র আত্মাঙ্গিরের পুরুষার্থ, একথা যেমন হিন্দুজাতির হাড়ে হাড়ে প্রবেশ করিয়াছে, এমন, বোধ হয়, পৃথিবীর আর কোন জাতির মধ্যে হয় নাই । তাহার বীজ সাংখ্যদর্শনে । তন্নিবন্ধন, ভারতবর্ষে যে পরিমাণে বৈরাগ্য

বহুকাল হইতে প্রবল, তেমন আর কোন দেশেই নহে । সেই বৈরাগ্য প্রাবল্যের ফল বর্তমান হিন্দুচরিত্র । যে কার্য্যপরতন্ত্রতার অভাব আমাদিগের প্রধান লক্ষণ বলিয়া বিদেশীয়েরা নির্দেশ করেন, তাহা সেই বৈরাগ্যের সাধারণতা মাত্র । যে অদৃষ্টবাদিত্ব আমাদিগের দ্বিতীয় প্রধান লক্ষণ, তাহা সাংখ্যজাত বৈরাগ্যের ভিন্নমূর্ত্তি মাত্র । এই বৈরাগ্যসাধারণতা এবং অদৃষ্টবাদিত্বের রূপাতেই ভারতবর্ষীয়দিগের অসীম বাহুবল সত্ত্বেও আর্য্যভূমি মুসলমান-পদানত হইয়াছিল । সেই জন্ত অত্যাপি ভারতবর্ষ পরাধীন । সেই জন্তই বহুকাল হইতে এ দেশে সমাজোন্নতি গন্দ হইয়া শেষে অবরুদ্ধ হইয়াছিল ।

আবার সাংখ্যের প্রকৃতি পুরুষ লইয়া তন্ত্রের সৃষ্টি । সেই তান্ত্রিককাণ্ডে দেশ ব্যাপ্ত হইয়াছে । সেই তন্ত্রের রূপায় বিক্রমপুরে বসিয়া নিষ্ঠ ব্রাহ্মণ ঠাকুর অপরিমিত মদিরা উদরস্থ করিয়া, ধর্ম্মাচরণ করিলাম বলিয়া, পরম পরিতোষ লাভ করিতেছেন । সেই তন্ত্রের প্রভাবে, প্রায় শত যোজন দূরে, ভারতবর্ষের পশ্চিমাংশে কাণকোঁড়া যোগী উলঙ্গ হইয়া কদম্বা উৎসব করিতেছে । সেই তন্ত্রের প্রসাদে আমরা ছুর্গোৎসব করিয়া এই বাঙ্গালা দেশের ছয় কোটি লোক জীবন সার্থক করিতেছি । যখন গ্রামে গ্রামে, নগরে মাঠে জঙ্গলে শিবালয়, কালীর মন্দির দেখি, আমাদের সাংখ্য মনে পড়ে ; যখন ছুর্গা কালী জগদ্ধাত্রী পূজার বাতুল গুনি, আমাদের সাংখ্যদর্শন মনে পড়ে ।

সহস্র বৎসর কাল বৌদ্ধধর্ম্ম ভারতবর্ষের প্রধান ধর্ম্ম ছিল । ভারতবর্ষের পুরাতত্ত্ব মধ্যে যে সময়টি সন্ধ্যাপেক্ষা বিচিত্র এবং

সৌষ্টব-লক্ষণযুক্ত, সেই সময়টিতেই বৌদ্ধধর্ম এই ভারতভূমির প্রধান ধর্ম ছিল। ভারতবর্ষ হইতে দূরীকৃত হইয়া, সিংহলে, নেপালে, তিব্বতে, চীনে, ব্রহ্মে, শ্রামে, এই ধর্ম অদ্যাপি ব্যাপিয়া রহিয়াছে। সেই বৌদ্ধধর্মের আদি এই সাংখ্যদর্শনে। বেদে অবজ্ঞা, নিষ্কাণ, এবং নিবীধরতা বৌদ্ধধর্মে এই তিনটি নূতন; এই তিনটিই ঐ ধর্মের কলেবর। উপস্থিত লেখক কর্তৃক ১০৬ সংখ্যক কলিকাতা রিবিউতে “বৌদ্ধধর্ম এবং সাংখ্য দর্শন” ইতি প্রবন্ধে প্রতিপন্ন করা হইয়াছে যে, এই তিনটিরই মূল সাংখ্যদর্শনে। নিষ্কাণ, সাংখ্যের মুক্তির পরিমাণ মাত্র। বেদের অবজ্ঞা সাংখ্যে প্রকাশে কোথাও নাই, বরং বৈদিকতার আড়ম্বর অনেক। কিন্তু সাংখ্যপ্রবচনকার বেদের দোহাই দিয়া শেষে বেদের মূলোচ্ছেদ করিয়াছেন। *

কথিত হইয়াছে যে, যত লোক বৌদ্ধধর্মাবলম্বী তত সংখ্যক অগ্নি কোন ধর্মাবলম্বী লোক পৃথিবীতে নাই। সংখ্যা সম্বন্ধে খ্রীষ্ট ধর্মাবলম্বীরা তৎপরবর্তী। সুতরাং যদি কেহ জিজ্ঞাসা করে, পৃথিবীতে অধর্ষণ মনুষ্যমধ্যে কে সর্বাধিক অধিক লোকের জীবনের উপর প্রভূত করিয়াছেন, তখন আমরা প্রথমে শাক্যসিংহের, তৎপরে খ্রীষ্টের নাম করিব। কিন্তু শাক্যসিংহের সম্বন্ধে সঙ্গ কপিলেরও নাম করিতে হইবে।

* বৌদ্ধধর্ম যে সাংখ্যমূলক, তাহার প্রমাণ সবিস্তারে দিবার স্থান এ নহে।

অতএব স্পষ্টাক্ষরে বলা যাইতে পারে যে, পৃথিবীতে যে সকল দর্শনশাস্ত্র অবতীর্ণ হইয়াছে, সাংখ্যের গ্ৰায় কেহ বহু ফলোৎপাদক হয় নাই ।

সাংখ্যের প্রথমোৎপত্তি কোন্ কালে হইয়াছিল, তাহা স্থির করা অতি কঠিন । সম্ভবতঃ উহা বৌদ্ধধর্মের পূর্বে প্রচারিত হইয়াছিল । কিম্বদন্তী আছে যে, কপিল উহার প্রণেতা । এ কিম্বদন্তীর প্রতি অবিশ্বাস করিবার কোন কারণ নাই । কিন্তু তিনি কে, কোন্ কালে জন্মগ্রহণ করিয়াছিলেন, তাহা জানিবার কোন উপায় নাই । কেবল ইহাই বলা যাইতে পারে যে, তাদৃশ বুদ্ধিশালী ব্যক্তি পৃথিবীতে অল্পই জন্মগ্রহণ করিয়াছেন । পাঠক স্মরণ রাখিবেন, যে আমরা “নিরীশ্বর সাংখ্যকেই” সাংখ্য বলিতেছি । পতঞ্জলি প্রণীত যোগশাস্ত্রকে সেখর সাংখ্য বলিয়া থাকে । এ প্রবন্ধে তাহার কোন কথা নাই ।

সাংখ্য দর্শন অতি প্রাচীন হইলেও, বিশেষ প্রাচীন সাংখ্য গ্রন্থ দেখা যায় না । সাংখ্য প্রবচনকে অনেকেই কাপিলসূত্র বলেন, কিন্তু তাহা কখনই কপিলপ্রণীত নহে । উহা যে বৌদ্ধ, গ্ৰায়, মীমাংসা প্রভৃতি দর্শনের প্রচারের পরে প্রণীত হইয়াছিল, তাহার প্রমাণ ঐ গ্রন্থমধ্যে আছে । ঐ সকল দর্শনের মত সাংখ্যপ্রবচনে খণ্ডন করা দেখা যায় । তন্নিম্ন সাংখ্যকারিকা, তত্ত্ব, সমাস, ভোজবার্ত্তিক, সাংখ্যসার, সাংখ্য-প্রদীপ, সাংখ্যতত্ত্বপ্রদীপ ইত্যাদি গ্রন্থ, এবং এই সকল গ্রন্থের ভাষ্য টীকা প্রভৃতি বহুল গ্রন্থ অপেক্ষাকৃত অভিনব । কপিল, অর্থাৎ সাংখ্য দর্শনের প্রথম অধ্যাপকের যে মত, তাহাই

আমাদিগের আদরণীয় ও সমালোচ্য; এবং যাহা কাপিল-সূত্র বলিয়া চলিত, তাহাই আমরা অবলম্বন করিয়া, অতি সংক্ষেপে সাংখ্য দর্শনের স্কুল উদ্দেশ্য বুঝাইয়া দিবার যত্ন করিব। আমরা যাহা কিছু বলিতেছি, তাহাই যে সাংখ্যের মত, এমত বিবেচনা কেহ না করেন। যাহা কিছু বলিলে সাংখ্যের মত ভাল করিয়া বুঝা যায়, আমরা তাহাই বলিব।

কতকগুলি বিজ্ঞ লোকে বলেন, এ সংসার সুখের সংসার। আমরা সুখের জন্ত এ পৃথিবীতে প্রেরিত হইয়াছি। যাহা কিছু দেখি, জীবের সুখের জন্ত সৃষ্ট হইয়াছে। জীবের সুখ বিধান করিবার জন্তই সৃষ্টিকর্তা জীবকে সৃষ্ট করিয়াছেন। সৃষ্ট জীবের মঙ্গলার্থ সৃষ্টিমধ্যে কত কৌশল কে না দেখিতে পায়?

আবার কতকগুলি লোক আছেন, তাঁহারাও বিজ্ঞ—তাঁহারা বলেন, সংসারে সুখ ত কই দেখি না—দুঃখেরই প্রাধান্য। সৃষ্টিকর্তা কি অভিপ্রায়ে জীবের সৃষ্টি করিয়াছেন তাহা বলিতে পারি না—তাহা মনুষ্যবুদ্ধির বিচার্য্য নহে—কিন্তু সে অভিপ্রায় যাহাই হউক, সংসারে জীবের সুখের অপেক্ষা অসুখ অধিক। তুমি বলিবে, ঈশ্বর যে সকল নিয়ম অবধারিত করিয়া দিয়াছেন, সে গুলি রক্ষা করিয়া চলিলেই কোন দুঃখ নাই, নিয়মের লঙ্ঘনপৌনঃপুত্রেই এত দুঃখ। আমি বলি, যেখানে ঈশ্বর এমন সকল নিয়ম করিয়াছেন যে, তাহা অতি সহজেই লঙ্ঘন করা যায়, এবং তাহা লঙ্ঘনের প্রবৃত্তিও অতি বলবতী করিয়া দিয়াছেন, তখন নিয়ম লঙ্ঘন ব্যতীত নিয়ম রক্ষা যে তাঁহার

অভিপ্রায়, এ কথা কে বলিবে ? মাদক সেবন পরিণামে :
 মনুষ্যের অত্যন্ত দুঃখদায়ক—তবে মাদক সেবনের প্রবৃত্তি
 মনুষ্যের হৃদয়ে যেমন পিত হইয়াছে কেন ? এবং মাদক-
 সেবন এত সুসাধ্য এবং আশুসুখকর কেন ? কতকগুলি
 নিয়ম এত সহজে লঙ্ঘনীয় যে, তাহা লঙ্ঘন করিবার সমর
 কিছুই জানিতে পারা যায় না। ডাক্তার আঙ্গস স্মিথের
 পরীক্ষার সপ্রমাণ হইয়াছে যে, অনেক সময়ে মহৎ অনিষ্ট-
 কারী কার্বনিক অ্যাসিড-প্রধান বায়ু নিশ্বাসে গ্রহণ করিলে
 আমাদের কোন কষ্ট হয় না। বসন্তাদি রোগের বিষবীজ
 কখন আমাদের শরীরে প্রবেশ করে, তাহা আমরা জানি-
 তেও পারি না। অনেকগুলি নিয়ম এমন আছে যে,
 তাহার উল্লঙ্ঘনে আমরা সর্বদা কষ্ট পাইতেছি ; কিন্তু সে
 নিয়ম কি, তাহা আমাদের জানিবার শক্তি নাই। ওলা-
 উঠা রোগ কেন জন্মে, তাহা আমরা এ পর্য্যন্ত জানিতে
 পারিলাম না। অথচ লক্ষ লক্ষ লোক প্রতি বৎসর ইহাতে
 কত দুঃখ পাইতেছে। যদি নিয়মটি লঙ্ঘনের ক্ষমতা দিয়া
 নিয়মটি জানিতে দেন নাই, তবে জীবের মঙ্গল কামনা
 কোথা ? পণ্ডিত পিতার পুত্র গণ্ডমূর্খ ; তাহার মূর্খতার
 যন্ত্রণার পিতা রাত্রি দিন যন্ত্রণা পাইতেছেন। মনে কর,
 শিক্ষার অভাবে সে মূর্খতা জন্মে নাই। পুত্রটি স্থূলবুদ্ধি
 লইয়াই ভূমিষ্ঠ হইয়াছিল। কোন্ নিয়ম লঙ্ঘন করায়
 পুত্রের মস্তিষ্ক অসম্পূর্ণ, এ নিয়ম কি কখন মনুষ্যবুদ্ধির
 আয়ত্ত হইবে ? মনে কর ভবিষ্যতে হইবে। তবে যত
 দিন সে নিয়ম আবিষ্কৃত না হইল, তত দিন যে মনুষ্য-

জাতি হুঃখ পাইবে, ইহা সৃষ্টিকর্তার অভিপ্রেত নহে, কেমন করিয়া বলিব ?

আবার, আমরা সকল নিয়ম রক্ষা করিতে পারিলেও হুঃখ পাইব না, এমত দেখি না। একজন নিয়ম লঙ্ঘন করিতেছে, আর এক জন হুঃখভোগ করিতেছে। আমার শ্রিয়বন্ধু আপনার কর্তব্য সাধনার্থ রণক্ষেত্রে গিয়া প্রাণ-ত্যাগ করিলেন, আমি তাঁহার বিরহযন্ত্রণা ভোগ করিলাম। আমার জন্মিবার পঞ্চাশ বৎসর পূর্বে যে মন্দ আইন বা মন্দ রাজশাসন হইয়াছে আমি তাহার ফলভোগ করিতেছি। কাহারও পিতামহ ব্যাধিগ্রস্ত ছিলেন, পৌত্র কোন নিয়ম লঙ্ঘন না করিয়াও ব্যাধিগ্রস্ত হইতে পারে।

আবার গোটাকত এমন গুরুতর বিষয় আছে, যে স্বাভাবিক নিয়মানুবর্তী হওয়াতেও হুঃখ। লোকসংখ্যাবৃদ্ধি বিষয়ে মাল্খমের মত, ইহার একটি প্রমাণ। এক্ষণে সুবিবেচকেরা সকলেই স্বীকার করেন যে, মনুষ্য সাধারণতঃ নৈসর্গিক নিয়মানুসারে আপন আপন স্বভাবের পরিতোষ করিলেই লোকসংখ্যা বৃদ্ধি হইয়া মহৎ অনিষ্ট ঘটয়া থাকে।

অতএব সংসার কেবল হুঃখময়, ইহা বলিবার যথেষ্ট কারণ আছে। সাংখ্যকারও তাহাই বলেন। সেই কথাই সাংখ্য-দর্শন ও বৌদ্ধধর্মের মূল।

কিন্তু পৃথিবীতে যে কিছু সুখ আছে, তাহাও অস্বীকার্য্য নহে। সাংখ্যকার বলেন যে, সুখ^১ অন্ন। কদাচ কেহ সুখী, (৬ অধ্যায় ৭ সূত্র) এবং সুখ, হুঃখের সহিত একরূপ মিশ্রিত যে বিবেচকেরা তাহা হুঃখপক্ষে নিক্ষেপ করেন। (ঐ, ৮)

দুঃখ হইতে তাদৃশ সুখাকাজ্জা জন্মে না । (ঐ, ৬) অতএব দুঃখেরই প্রাধান্য ।

সুতরাং মনুষ্যজীবনের প্রধান উদ্দেশ্য দুঃখমোচন । এই জগৎ সাংখ্যপ্রবচনের প্রথম সূত্র “অথ ত্রিবিধদুঃখাত্যন্তনিবৃত্তি-
রত্যন্তপুরুষার্থঃ ।”

এই পুরুষার্থ কি প্রকারে সিদ্ধ হয়, তাহারই পর্যালোচনা সাংখ্যদর্শনের উদ্দেশ্য । দুঃখে পড়িলেই লোকে তাহার একটা নিবারণের উপায় করে । ক্ষুধায় কষ্ট পাইতেছে, আহার কর । পুত্রশোক পাইয়াছে, অগ্নি বিষয়ে চিন্তা নিবৃত্তি কর । কিন্তু সাংখ্যকার বলেন যে, এ সকল উপায়ে দুঃখ নিবৃত্তি নাই ; কেন না আবার সেই সকল দুঃখের অনুবৃত্তি আছে । তুমি আহার করিলে, তাহাতে তোমার আজিকার ক্ষুধা নিবৃত্তি হইল, কিন্তু আবার কালি ক্ষুধা পাইবে । বিষয়ান্তরে চিন্তা রত করিয়া, তুমি এবার পুত্রশোক নিবারণ করিলে, কিন্তু আবার অগ্নি পুত্রের জগ্ন তোমাকে হয় ত সেইরূপ শোক পাইতে হইবে । পরন্তু এরূপ উপায় সর্বত্র সম্ভবে না । তোমার হস্ত পদ ছিন্ন হইলে, আর লগ্ন হইবে না । যেখানে সম্ভবে, সেখানেও তাহা সতুপায় বলিয়া গণ্য হইতে পারে না । অগ্নি বিষয়ে নিরত হইলেই পুত্রশোক বিস্মৃত হওয়া যায় না । (১ অধ্যায় ৪ সূত্র) •

তবে এ সকল দুঃখ নিবারণের উপায় নহে । অধুনিক বিজ্ঞানবিৎ কোম্ব্তের শিষ্য বলিবেন, তবে আর দুঃখ নিবারণের কি উপায় আছে ? আমরা জানি যে, জলসেক

করিলেই অগ্নি নির্ঝাণ হয়, কিন্তু শীতল ইন্ধন পুনর্জ্জ্বলিত হইতে পারে বলিয়া তুমি যদি জলকে অগ্নিনাশক না বল, তবে কথা ফুরাইল। তাহা হইলে দেহধ্বংস ভিন্ন আর জীবের দুঃখনিবৃত্তি নাই।

সাংখ্যকার তাহাও মানেন না। তিনি জন্মান্তর মানেন, এবং লোকান্তরে জন্ম পোনঃপুত্র আছে ভাবিয়া, এবং জন্ম-মরণাদিহু দুঃখ সমান ভাবিয়া তাহাও দুঃখনিবারণের উপায় বলিয়া গণ্য করেন না। (৩ অধ্যায়, ৫২—৫৩ সূত্র) আত্মা, বিশ্বকারণে বিলীন হইলেও তদবস্থাকে দুঃখনিবৃত্তি বলেন না, কেন না যে জলমগ্ন, তাহার আবার উত্থান আছে। (ব্রৈ, ৫৪)

তবে দুঃখ নিবারণ কাহাকে বলি ? অপবর্গই দুঃখনিবৃত্তি।

অপবর্গই বা কি ? “দ্বয়োরেকতরশ্চ বোদাসীন্যমপবর্গঃ।” (তৃতীয় অধ্যায় ৬৫ সূত্র) সেই অপবর্গ কি, এবং কি প্রকারে তাহা প্রাপ্ত হওয়া যায়, তাহা পর পরিচ্ছেদে সবিশেষ বলিব। “অপবর্গ” ইত্যাদি প্রাচীন কথা শুনিয়া পাঠক ঘৃণা করিবেন না। যাহা প্রাচীন, তাহাই যে উপধর্ম্মকলঙ্কিত, বা সর্বজন-পরিজ্ঞাত, এমন মনে করিবেন না। বিবেচক দেখিবেন, সাংখ্যদর্শনে একটু সারও আছে। অসার বৃক্ষে এমন স্থায়ী ফল ফলিবে কেন ?

দ্বিতীয় পরিচ্ছেদ i—বিবেক ।

আমি যত দুঃখ ভোগ করি—কিন্তু আমি কে ? বাহ্য-প্রকৃতি ভিন্ন আর কিছুই আমাদের ইন্দ্রিয়ের গোচর নহে । তুমি বলিতেছ, আমি বড় দুঃখ পাইতেছি—আমি বড় সুখী । কিন্তু একটি মনুষ্যদেহ ভিন্ন, “তুমি” বলিব, এমন কোন সামগ্রী দেখিতে পাই না । তোমার দেহ এবং দৈহিক প্রক্রিয়া, ইহাই কেবল আমার জ্ঞানগোচর । তবে কি তোমার দেহেরই এই সুখ দুঃখ ভোগ বলিব ?

তোমার মৃত্যু হইলে, তোমার সেই দেহ পড়িয়া থাকিবে ; কিন্তু তৎকালে তাহার সুখ দুঃখ ভোগের কোন লক্ষণ দেখা যাইবে না । আবার মনে কর, কেহ তোমাকে অপমান করিয়াছে ; তাহাতে দেহের কোন বিকার নাই, তথাপি তুমি দুঃখী । * তবে তোমার দেহ দুঃখভোগ করে না । যে দুঃখ ভোগ করে, সে স্বতন্ত্র । সেই তুমি । তোমার দেহ তুমি নহে ।

এইরূপ সকল জীবের । অতএব দেখা যাইতেছে যে, এই জগতের কিসদংশ অনুমেয় মাত্র, ইন্দ্রিয়গোচর নহে, এবং সুখ দুঃখাদির ভোগকর্তা । যে সুখ দুঃখাদির ভোগকর্তা, সেই আত্মা । সাংখ্যে তাহার নাম পুরুষ । পুরুষ ভিন্ন জগতে আর যাহা কিছু আছে, তাহা প্রকৃতি ।

আধুনিক মনস্তত্ত্ববিদেরা কহেন, যে আমাদের সুখ দুঃখ মানসিক বিকারমাত্র। সেই সকল মানসিক বিকার কেবল মস্তিষ্কের ক্রিয়া মাত্র। তুমি আমার সঙ্গে কষ্টক বিদ্ধ করিলে, বিদ্ধ স্থানস্থিত স্নায়ু তাহাতে বিচলিত হইল—সেই বিচলন মস্তিষ্ক পর্য্যন্ত গেল। তাহাতে মস্তিষ্কের যে বিকৃতি হইল, তাহাই বেদনা। সাংখ্য-মতাবলম্বীরা বলিতে পারেন, “মানি, তাহাই ব্যথা। কিন্তু ব্যথা ভোগ করিল, সেই আত্মা।” এক্ষণকার অন্ত সম্প্রদায়েব মনস্তত্ত্ববিদেরাও প্রায় সেইরূপ বলেন। তাঁহারা বলেন, মস্তিষ্কের বিকারই সুখ দুঃখ বটে, কিন্তু মস্তিষ্ক আত্মা নহে। ইহা আত্মার ইন্দ্রিয় মাত্র। এ দেশীয় দার্শনিকেরা যাহাকে অন্তঃপ্রক্রিয়া বলেন, উঁহারা মস্তিষ্ককে তাহাই বলেন।

শরীরাদি ব্যতিরিক্ত পুরুষ। কিন্তু দুঃখ ত শরীরাদিক। শরীরাদিতে যে দুঃখের কারণ নাই, এমন দুঃখ নাই। যাহাকে মানসিক দুঃখ বলি, বাহ্য পদার্থই তাহার মূল। আমার বাক্যে তুমি অপমানিত হইলে; আমার বাক্য প্রাকৃতিক পদার্থ। তাহা শ্রবণেন্দ্রিয়ের দ্বারা তুমি গ্রহণ করিলে, তাহাতে তোমার দুঃখ। অতএব প্রকৃতি ভিন্ন কোন দুঃখ নাই। কিন্তু প্রকৃতি ঘটিত দুঃখ পুরুষকে বর্ড়ে কেন? “অসঙ্কায়ম্পুরুষঃ।” পুরুষ একা, কাহারও সংসর্গবিশিষ্ট নহে। (১ অধ্যায় ১৫ সূত্র) অবস্থাাদি, সকল শরীরের, আত্মার নহে। (ঐ, ১৪ সূত্র) “ন বাহ্য- স্তরয়ো রূপরজ্যোপিরঞ্জক ভাবোহপি দেশব্যবধানাৎ স্তরহুপাটলিপুল্লশ্চয়োয়িব।” বাহ্য এবং আন্তরিকের মধ্যে উপরজ্য এবং উপরঞ্জক ভাব নাই, কেন

না তাহা পরস্পর সংলগ্ন নহে ; দেশ ব্যবধানবিশিষ্ট । যেমন একজন পাটলীপুত্রনগরে থাকে, আর একজন শ্রম্ভনগরে থাকে, ইহাদিগের পরস্পরের ব্যবধান তদ্রূপ । তবে পুরুষের দুঃখ কেন ?

• প্রকৃতির সহিত সংযোগই পুরুষের দুঃখের কারণ । বাহ্যে আন্তরিকে, দেশব্যবধান আছে বটে, কিন্তু কোন প্রকার সংযোগে নাই, এমত নহে । যেমন স্ফটিকপাত্রের নিকট জ্বা কুহুম রাখিলে, পাত্র পুষ্পের বর্ণবিশিষ্ট হয় বলিয়া, পুষ্প এবং পাত্রে একপ্রকার সংযোগ আছে বলা যায়, এ সেইরূপ সংযোগ । পুষ্প এবং পাত্রमध्ये ব্যবধান থাকিলেও পাত্রের বর্ণ বিকৃত হইতে পারে, ইহাও সেইরূপ । এ সংযোগ নিত্য নহে, দেখা যাইতেছে । সুতরাং তাহার উচ্ছেদ হইতে পারে । সেই সংযোগ উচ্ছেদ হইলেই, দুঃখের কারণ অপনীত হইল । অতএব এই সংযোগের উচ্ছিন্নিই দুঃখনিবারণের উপায় । সুতরাং তাহাই পুরুষার্থ । “যদ্বা তদ্বা তদুচ্ছিন্নিঃ পুরুষার্থস্তদুচ্ছিন্নিঃ পুরুষার্থঃ । (৬, ৭০)

সাংখ্যের মত এই । যদি আত্মা শরীর হইতে পৃথক হয়, যদি আত্মাই সুখ দুঃখভোগী হয়, যদি আত্মা দেহনাশের পথেও থাকে, যদি দেহ হইতে বিযুক্ত আত্মার সুখ দুঃখাদি ভোগের সম্ভাবনা থাকে, তবে সাংখ্যদর্শনের এ সকল কথা যথার্থ বলিয়া স্বীকার করিতে হইবে । কিন্তু এই “ যদি ” গুলিন অনেক । আধুনিক পুঞ্জিটিবিশিষ্ট এখনই বলিবেন,—

১ম। আত্মা শরীর হইতে পৃথক্ কিসে জানিতেছ ? শরীরতত্ত্বে প্রতিপন্ন হইতেছে যে, শরীরই বা শরীরের অংশ বিশেষই আত্মা।

২য়। আত্মাই যে সুখ দুঃখভোগী, তাহারই বা প্রমাণ কি ? প্রকৃতি সুখ দুঃখভোগী নহে কেন ?

৩য়। দেহনাশের পর যে আত্মা থাকিবে, তাহা ধর্ম-পুস্তকে বলে ; কিন্তু তদ্ভিন্ন অণুমাত্র প্রমাণ নাই। আত্মার নিত্যত্ব যদি মানিতে হয়, তবে ধর্মপুস্তকের আচ্ছাদনসারে ; দর্শনশাস্ত্রের আচ্ছাদনসারে মানিব না।

৪র্থ। দেহধ্বংসের পর আত্মা থাকিলে, তাহার যে আবার জরামরণাদি জ দুঃখের সম্ভাবনা আছে, তাহার কিছু-মাত্র প্রমাণ নাই।

অতএব বাহারা আত্মার পার্থক্য ও নিত্যত্ব মানেন, তাহারাও সাংখ্য মানিবেন না। এবং এ সকল মত যে এ কালে গ্রাহ্য হইবে, এমন বিবেচনার আমরা সাংখ্যদর্শন বুঝাইতে প্রবৃত্ত হই নাই। কিন্তু এক্ষণে যাহা অগ্রাহ্য. দুই সহস্র বৎসর পূর্বে তাহা আশ্চর্য্য আবিষ্কৃত। সেই আশ্চর্য্য আবিষ্কৃত কি, ইহাই বুঝান আমাদের অভিপ্রায়।

প্রকৃতি পুরুষের সংযোগের উচ্ছিত্তিই অপবর্গ বা মোক্ষ। তাহা কি প্রকারে প্রাপ্ত হওয়া যায় ?

সাংখ্যকার বলেন, বিবেকের দ্বারা। কিন্তু কোন্ প্রকার বিবেকের দ্বারা মোক্ষ লাভ হয় ? প্রকৃতি বিষয়ে যে অবিবেক সকল অবিবেক তাহার অন্তর্গত। অতএব প্রকৃতি পুরুষ সম্বন্ধীয় জ্ঞানদ্বারাই মোক্ষ লাভ হয়।

অতএব জ্ঞানেই মুক্তি। পাশ্চাত্য সভ্যতার মূল কথা, “জ্ঞানেই শক্তি” (Knowledge is Power) ; হিন্দুসভ্যতার মূল কথা, “জ্ঞানেই মুক্তি।” দুই জাতি, দুইটি পৃথক উদ্দেশ্যানুসন্ধানে একপথেই যাত্রা করিলেন। পাশ্চাত্যেরা শক্তি পাইয়াছেন—আমরা কি মুক্তি পাইয়াছি? বস্তুতঃ এক যাত্রার যে পৃথক ফল হইয়াছে, তাহাতে সন্দেহ নাই।

ইউরোপীয়েরা শক্তির অনুসারী, ইহাই তাঁহাদিগের উন্নতির মূল। আমরা শক্তির প্রতি যত্নহীন, ইহাই আমাদের অবনতির মূল। ইউরোপীয়দিগের উদ্দেশ্য ঐহিক; তাঁহারা ইহকালে জয়ী। আমাদের উদ্দেশ্য পারাত্মিক—তাই ইহকালে আমরা জয়ী হইলাম না। পরকালে হইব কি না, তদ্বিষয়ে মতভেদ আছে।

কিন্তু জ্ঞানই মুক্তি, এ কথা সত্য হইলেও ইহার দ্বারা ভারতবর্ষের পরম লাভ হইয়াছে বলিতে হইবে। প্রাচীন বৈদিক ধর্ম ক্রিয়াত্মক; প্রাচীন আর্যেরা প্রাকৃতিক শক্তির পূজা একমাত্র মঙ্গলোপায় বলিয়া জানিতেন। প্রাকৃতিক শক্তি সকল অতি প্রবল, হির, অশাসনীয়, কখন মহামঙ্গলকর, কখন মহৎ অমঙ্গলের কারণ, দেখিয়া প্রথম জ্ঞানীরা তাহাদিগকে ইন্দ্র, বরুণ, মরুৎ, অগ্নি প্রভৃতি দেবতা করিয়া তাঁহাদিগের স্তুতি এবং উপাসনা করিলেন। ক্রমে তাঁহাদিগের প্রীত্যর্থ যাগ যজ্ঞাদির বড় প্রবলতা হইল। অবশেষে সেই সকল যাগ যজ্ঞাদিই মনুষ্যের প্রধান কার্য এবং পারাত্মিক সুখের একমাত্র উপায় বলিয়া, লোকের একমাত্র অনুষ্ঠেয় হইয়া পড়িল। শাস্ত্র

সকল কেবল তৎসমুদায়ের আলোচনার্থ সৃষ্ট হইল—প্রকৃত জ্ঞানের প্রতি আর্ষাজ্ঞাতির তাদৃশ মনোযোগ হইল না। বেদের সংহিতা, ব্রাহ্মণ, উপনিষৎ, আর্য্যক, এবং সূত্রগ্রন্থ সকল কেবল ক্রিয়াকলাপের কথায় পরিপূর্ণ। যে কিছু প্রকৃত জ্ঞানের চর্চা হইত, তাহা কেবল বেদের আনুসঙ্গিক বলিয়াই। সে সকল শাস্ত্র বেদান্ত বলিয়া খ্যাত হইল। জ্ঞান এইরূপে ক্রিয়ার দাসত্বশৃঙ্খলে বদ্ধ হওয়াতে, তাহার উন্নতি হইল না। কৰ্ম্মজগু মোক্ষ, এই বিশ্বাস ভারতভূমে অপ্রতিহত থাকাতেই এরূপ ঘটিয়াছিল। প্রকৃত জ্ঞানের আলোচনার অভাবে বেদভক্তি আরও প্রবলা হইল। মনুষ্যচিত্তের স্বাধীনতা, একবারে লুপ্ত হইতে লাগিল। মনুষ্য বিবেকশূণ্য মন্ত্রমুগ্ধ শৃঙ্খলবদ্ধ পশুবৎ হইয়া উঠিল।

সাংখ্যকার বলিলেন, কৰ্ম্ম অর্থাৎ হোম যাগাদির অনুষ্ঠান পুরুষার্থ নহে। জ্ঞানই পুরুষার্থ। জ্ঞানই মুক্তি। কৰ্ম্ম পীড়িত ভারতবর্ষ সে কথা শুনিল।

তৃতীয় পরিচ্ছেদ ।—সৃষ্টি ।

• অতি প্রাচীন কাল হইতে দর্শন শাস্ত্রের উদ্দেশ্য, জগতের আদি কি, তাহা নিরূপিত হয় । আধুনিক ইউরোপীয় দার্শনিকেরা সে তত্ত্ব নিরূপণীয় নহে বলিয়া এক প্রকার ত্যাগ করিয়াছেন ।

জগতের আদি সম্বন্ধে প্রথম প্রশ্ন এই যে, জগৎ সৃষ্ট, কি নিত্য । অনাদিকাল এইরূপ আছে, না কেহ তাহার সৃজন করিয়াছেন ?

অধিকাংশ লোকের মত এই যে, জগৎ সৃষ্ট, জগৎকর্তা একজন আছেন । সামান্য ঘট পটাদি একটি কর্তা ব্যতীত হয় না ; তবে এই অসীম জগতের কর্তা নাই ইহা কি সম্ভবে ?

আর এক সম্প্রদায়ের লোক আছেন ; তাঁহারা বলেন যে, এই জগৎ যে সৃষ্ট বা ইহার কেহ কর্তা আছেন, তাহা বিবেচনা করিবার কারণ নাই । ইহাদের সচরাচর নাস্তিক বলে, কিন্তু নাস্তিক বলিলেই মূঢ় বুঝায় না । তাঁহারা বিচারের দ্বারা আপন পক্ষ সমর্থন করিতে চেষ্টা করেন । সেই বিচার অন্ত্যস্ত দুর্বল, এবং এ স্থলে তাহার পরিচয় দিবার কোন প্রয়োজন নাই ।

তবে একটি কথা মনে রাখিতে হইবে, যে ঈশ্বরের অস্তিত্ব একটি পৃথক তত্ত্ব সৃষ্টি প্রক্রিয়া আর একটি পৃথক তত্ত্ব । ঈশ্বর-

বাদীও বলিতে পারেন যে, “আমি ঈশ্বর মানি, কিন্তু সৃষ্টিক্রিয়া মানি না। ঈশ্বর জগতের নিয়ন্তা, তাঁহার কৃত নিয়ম দেখিতেছি, নিয়মতিরিক্ত সৃষ্টির কথা আমি বলিতে পারি না।”

এক্ষণকার কোন কোন খৃষ্টীয়ান এই মতাবলম্বী। ইহার মধ্যে কোন মত অযথার্থ, কোন মত যথার্থ, তাহা আমরা কিছুই বলিতেছি না। যাহার যাহা বিশ্বাস, তদ্বিরুদ্ধ আমাদের কিছুই বক্তব্য নাই। আমাদের বলিবার কেবল এই উদ্দেশ্য যে, সাক্ষ্যকারকে প্রায় এই মতাবলম্বী বলিয়া বোধ হয়। সাক্ষ্যকার ঈশ্বরের অস্তিত্ব মানেন না, তাহা পশ্চাৎ বলিব। কিন্তু তিনি “সর্ববিৎ সর্বকর্তা” পুরুষ মানেন, এইরূপ পুরুষ মানিয়াও তাঁহাকে সৃষ্টিকর্তা বলেন না; সৃষ্টিই মানেন না। এই জগৎ প্রাকৃতিক ক্রিয়া মাত্র বলিয়া স্বীকার করেন।

(ক)র কারণ (খ); (খ)র কারণ (গ); (গ)র কারণ (ঘ), এইরূপ কারণ পরস্পরা অনুসন্ধান করিতে করিতে অবশ্য একস্থানে অন্ত পাওয়া যাইবে; কেন না কারণ শ্রেণী কখন অনন্ত হইতে পারেনা। আমি যে ফলটি ভোজন করিতেছি, ইহা অনুক বৃক্ষে জন্মিয়াছে; সেই বৃক্ষ একটি বীজে জন্মিয়াছে; সেই বীজ অশুবৃক্ষের ফলে জন্মিয়াছিল; সেই বৃক্ষও আর একটি বীজে জন্মিয়াছিল। এইরূপে অনন্তানুসন্ধান করিলেও অবশ্য একটি আদিম বীজ মানিতে হইবে। এইরূপ জগতে যাহা আদিম বীজ, যেখানে কারণানুসন্ধান বন্ধ হইবে, সাক্ষ্যকার সেই আদিম কারণকে মূল প্রকৃতি বলেন। (১৭৪)

জগৎপত্তি শব্দকে দ্বিতীয় প্রশ্ন এই, যে মূল কারণ হাহাই হউক, সেই কারণ হইতে এই বিশ্ব সৎসার কি

প্রকারে এই রূপাবয়বাদি প্রাপ্ত হইল ? সাধ্যকারের উত্তর এই ;—

এই জাগতিক পদার্থ পঞ্চবিংশতি প্রকার,—

১। পুরুষ ।

২। প্রকৃতি ।

৩। মহৎ ।

৪। অহঙ্কার ।

৫, ৬, ৭, ৮, ৯। পঞ্চতন্মাত্র ।

১০, ১১, ১২, ১৩, ১৪, ১৫, ১৬, ১৭, ১৮, ১৯, ২০।

একাদশেন্দ্রিয় ।

২১, ২২, ২৩, ২৪, ২৫। সূক্ষ্ণভূত ।

ক্ষিতি, জল, তেজ, মরুৎ এবং আকাশ সূক্ষ্ণভূত । পাঁচটি কর্মেন্দ্রিয়, পাঁচটি জ্ঞানেন্দ্রিয়, এবং অন্তরিন্দ্রিয়, এই একাদশ ইন্দ্রিয় । শব্দ স্পর্শ রূপ রস গন্ধ পাঁচটি তন্মাত্র । “আমি” জ্ঞান, অহঙ্কার । মহৎ মন । *

সূক্ষ্ণভূত হইতে পঞ্চতন্মাত্রের জ্ঞান । আমরা শুনিতে পাই, এজন্ম শব্দ আছে । আমরা দেখিতে পাই, এজন্ম দৃশ্য অর্থাৎ রূপ আছে ইত্যাদি ।

অতএব শব্দস্পর্শাদির অস্তিত্ব নিশ্চিত, কিন্তু শব্দ আমি শুনি, রূপ আমি দেখি । তবে “আমিও” আছি । অতএব তন্মাত্র হইতে অহঙ্কারের অস্তিত্ব অনুভূত হইল ।

আমি আছি কেন বলি ? আমার মনে ইহা উদয় হই-

* Mind নহে ; Consciousness.

রাছে, সেই জন্তু । তবে মনও আছে (Cogito ergo sum.)
অতএব অহঙ্কার হইতে মনের অস্তিত্ব স্থিরীকৃত হইল ।

মনের সূখ দুঃখ আছে । সূখ দুঃখের কারণ আছে । অত-
এব মূল কারণ প্রকৃতি আছে ।

সাম্ব্যাকার বলেন, প্রকৃতি হইতে মহৎ, মহৎ হইতে
অহঙ্কার, অহঙ্কার হইতে পঞ্চতন্মাত্র এবং একাদশেন্দ্রিয়, পঞ্চ-
তন্মাত্র হইতে সূলভূত ।

এ তত্ত্বের আর বিস্তারের আবশ্যক নাই । একালে ইহা
বড় সঙ্গত বা অর্থযুক্ত বলিয়া বোধ হয় না । কিন্তু অশ্ব-
দেণীর পুরাণ সকলে যে সৃষ্টিক্রিয়া বর্ণিত আছে তাহা এই
সাম্ব্যাকার মতে ব্রহ্মাণ্ডের কথার সংযোগ মাত্র ।

বেদে কোথাও সাম্ব্যাকার দর্শনানুসারী সৃষ্টি কথিত হয় নাই ।
ঋগ্বেদে, অথর্ববেদে, শতপথব্রাহ্মণে সৃষ্টি কথন আছে, কিন্তু
তাহাতে মহাদাদির কোন উল্লেখ নাই । মনুতেও সৃষ্টি কথন
আছে, তাহাতেও নাই, রামায়ণেও ঐরূপ । কেবল পুরাণে
আছে । অতএব বেদ, মনু, রামায়ণের পরেও অন্ততঃ বিষ্ণু,
ভাগবত এবং লিঙ্গ পুরাণের পূর্বে সাম্ব্যাকার দর্শনের সৃষ্টি । মহা-
ভারতেও সাম্ব্যাকার উল্লেখ আছে, কিন্তু মহাভারতের কোন অংশ
নূতন, কোন অংশ পুরাতন, তাহা নিশ্চিত করা ভার । কুমার-
সম্ভবের দ্বিতীয় সর্গে যে ব্রহ্মসত্তা আছে তাহা সাম্ব্যাকারানুসারী ।

সাম্ব্যাকার-প্রবচনে বিষ্ণু, হরি, রুদ্রাদির উল্লেখ নাই । উপুরাণে
আছে, পৌরাণিকেরা নিরীক্ষর সাম্ব্যাকে আপন মনোমত
করিয়া গড়িয়া লইয়াছেন ।

চতুর্থ পরিচ্ছেদ !—নিরীক্ষরতা ।

—oo—

সাজ্জাদর্শন নিরীক্ষর বলিয়া খ্যাত, কিন্তু কেহ কেহ বলেন, যে সাজ্জা নিরীক্ষর মতে । ডাক্তার হল একজন এই মতাবলম্বী । মক্ষমুলর, এই মতাবলম্বী ছিলেন, কিন্তু এক্ষণে তাঁহার মত পরিবর্তনের লক্ষণ দেখা গিয়াছে । কুসুমাজ্জলিকর্তা উদব-মাচার্য্য বলেন, যে সাজ্জামতাবলম্বীরা আদি বিদ্বানের উপাসক । অতএব তাঁহার মতেও সাজ্জা নিরীক্ষর নহে । সাজ্জাপ্রবচনের ভাষ্যকার বিজ্ঞানভিক্ষুও বলেন, যে ঈক্ষর নাই, এ কথা বলা কাপিল সূত্রের উদ্দেশ্য নহে । অতএব সাজ্জাদর্শনকে কেন নিরীক্ষর বলা যায়, তাহার কিছু বিস্তারিত লেখা যাউক ।

সাজ্জাপ্রবচনের প্রথমাধ্যায়ের বিখ্যাত ৯২ সূত্র এই কথার মূল । সে সূত্র এই ; “ঈক্ষরাসিক্কেঃ ।” প্রথম এই সূত্রটি স্মৃষ্টিব ।

সূত্রকার প্রমাণের কথা বলিতেছিলেন । তিনি বলেন প্রমাণ ত্রিবিধ ; প্রত্যক্ষ, অনুমান এবং শব্দ । ৮৯ সূত্রে প্রত্যক্ষের লক্ষণ বলিলেন, “যৎ সম্বন্ধং সত্তদাকারোল্লৈখিবিজ্ঞানং তৎ প্রত্যক্ষম্ ।” অতএব যাহা সম্বন্ধ মতে, তাহা প্রত্যক্ষ হইতে পারে না । এই লক্ষণ প্রতি দুইটি দোষ পড়ে । যোগিগণ যোগবলে অসম্বন্ধও প্রত্যক্ষ করিতে পারেন । ৯০-৯১ সূত্রে

সূত্রকার সে দোষ অপনীত করিলেন । দ্বিতীয় দোষ, ঈশ্বরের প্রত্যক্ষ নিত্য, তৎসম্বন্ধে সম্বন্ধ কথাটি ব্যবহার হইতে পারে না । সূত্রকার তাহার এই উত্তর দেন, যে ঈশ্বরই সিদ্ধ নহেন—ঈশ্বর আছেন, এমত কোন প্রমাণ নাই—অতএব তাহার প্রত্যক্ষ সম্বন্ধে না বর্তিলে এই লক্ষণ দুঃ হইল না । তাহাতে ভাষ্যকার বলেন যে দেখ, ঈশ্বর অসিদ্ধ ইহা উক্ত হইয়াছে, কিন্তু ঈশ্বর নাই, এমত কথা বলা হইল না ।

না হউক, তথাপি এই দর্শনকে নিরীশ্বর বলিতে হইবে । এমত নাস্তিক বিরল, যে বলে যে ঈশ্বর নাই । যে বলে যে ঈশ্বর আছেন, এমত কোন প্রমাণ নাই, তাহাকেও নাস্তিক বলা যায় ।

যাহার অস্তিত্বের প্রমাণ নাই, এবং যাহার অনস্তিত্বের প্রমাণ আছে, এই দুইটি পৃথক বিষয় । রক্তবর্ণ কাকের অস্তিত্বের কোন প্রমাণ নাই, কিন্তু তাহার অনস্তিত্বেরও কোন প্রমাণ নাই । কিন্তু গোলাকার ও চতুর্কোণের অনস্তিত্বের প্রমাণ আছে । গোলাকার চতুর্কোণ মানিব না ইহা নিশ্চিত ; কিন্তু রক্তবর্ণ কাক মানিব কি না ? তাহার অনস্তিত্বেরও প্রমাণ নাই বটে, কিন্তু তাহার অস্তিত্বেরও প্রমাণ নাই । যেখানে অস্তিত্বের প্রমাণ নাই, সেখানে মানিব না । অনস্তিত্বের প্রমাণ নাই থাক, যতক্ষণ অস্তিত্বের প্রমাণ না পাইব, ততক্ষণ মানিব না । অস্তিত্বের প্রমাণ পাইলে তখন মানিব । ইহাই প্রত্যয়ের প্রকৃত নিয়ম । ইহার ব্যত্যয়ে যে বিশ্বাস তাহা ভ্রান্তি । “কোন পদার্থ আছে এমত প্রমাণ নাই বটে,” কিন্তু থাকিলে থাকিতে পারে,” ইহা ভাবিলা যে সেই পদার্থের অস্তিত্ব কল্পনা করে সে ভ্রান্ত ।

অতএব নাস্তিকেরা ছই শ্রেণীতে বিভক্ত হইলেন । তাহারা কেবল ঈশ্বরের অস্তিত্বের প্রমাণাতাববাদী,—তাহারা বলেন ঈশ্বর থাকিলে থাকিতে পারেন,—কিন্তু আছেন এমন কোন প্রমাণ নাই ।

অপর শ্রেণীর নাস্তিকেরা বলেন, যে ঈশ্বর আছেন, শুধু ইহারই প্রমাণাতাব, এমন নহে, ঈশ্বর যে নাই তাহারও প্রমাণ আছে । আধুনিক ইউরোপীয়েরা কেহ কেহ এই মতাবলম্বী । একজন ফরাসিস লেখক বলিয়াছেন, তোমরা বল ঈশ্বর নিরাকার, অথচ চেতনাদি মানসিক বৃত্তিবিশিষ্ট । কিন্তু কোথায় দেখিয়াছ যে চেতনাদি মানসিক বৃত্তি সকল শরীর হইতে বিযুক্ত ? যদি তাহা কোথাও দেখ নাই, তবে হয় ঈশ্বর সাকার, নয় তিনি নাই । সাকার ঈশ্বর, এ কথা তোমরা মানিবে না, অতএব ঈশ্বর নাই, ইহা মানিতে হইবে । ইনি দ্বিতীয় শ্রেণীর নাস্তিক ।

“ঈশ্বরাসিদ্ধেঃ ।” শুধু এই কথার উপরে নির্ভর করিলে, সাক্ষ্যকারকে প্রথম শ্রেণীর নাস্তিক বলা যাইত । কিন্তু তিনি অত্যাশ্রয় প্রমাণের দ্বারা প্রতিপন্ন করিতে যত্ন করিয়াছেন, যে ঈশ্বর নাই ।

সে প্রমাণ কোথায়ও ছই একটি সূত্রের মধ্যে নাই । অনেকগুলি সূত্র একত্র করিয়া, সাক্ষ্যপ্রবচনে ঈশ্বরের অনস্তিত্বসম্বন্ধে যাহা কিছু পাওয়া যায় তাহার মর্ম্ম সবিস্তারে বুঝাইতেছি ।

তিনি বলেন যে ঈশ্বর অসিদ্ধ (১, ৯২) প্রমাণ নাই বলিয়াই অসিদ্ধ (প্রমাণাতাবাত্মন তৎসিদ্ধিঃ । ৫, ১০) । সাক্ষ্যমতে প্রমাণ তিন প্রকার, প্রত্যক্ষ, অনুমান, শব্দ । প্রত্য

কেবল ত কথাই নাই । কোন বস্তুর সঙ্গে যদি অন্য বস্তুর নিত্য সম্বন্ধ থাকে, তবে একটিকে দেখিলে আর একটিকে অনুমান করা যায় । কিন্তু কোন বস্তুর সঙ্গে ঈশ্বরের কোন নিত্য সম্বন্ধ দেখা যায় নাই ; অতএব অনুমানের দ্বারা ঈশ্বরের সিদ্ধি হয় না । (সম্বন্ধাভাবানুমানম্ । ৫, ১১) ।

যদি এই সূত্র পাঠক না বুঝিয়া থাকেন, তবে আর একটু বুঝাই । পর্বতে ধূম দেখিয়া তুমি সিদ্ধ কর, যে তথায় অগ্নি আছে । কেন এ সিদ্ধান্ত কর ? তুমি যেখানে যেখানে ধূম দেখিয়াছ, সেইখানে সেইখানে অগ্নি দেখিয়াছ বলিয়া । অর্থাৎ অগ্নির সহিত ধূমের নিত্য সম্বন্ধ আছে বলিয়া ।

যদি তোমায় জিজ্ঞাসা করি, তোমার প্রপিতামহের প্রপিতামহের করাটি হাত ছিল, তুমি বলিবে দুইটি । তুমি তাঁহাকে কখন দেখ নাই—তবে কি প্রকারে জানিলে তাঁহার দুইটি হাত ছিল ? বলিবে মানুষমাত্রেয়ই দুই হাত এই জন্ত । অর্থাৎ মানুষদের সহিত দ্বিবুজতার নিত্য সম্বন্ধ আছে, এই জন্ত ।

এই নিত্য সম্বন্ধ বা ব্যাপ্তিই অনুমানের একমাত্র কারণ । যেখানে এ সম্বন্ধ নাই, সেখানে পদার্থান্তর অনুমিত হইতে পারে না । এক্ষণে, জগতে কিসের সঙ্গে ঈশ্বরের নিত্য সম্বন্ধ আছে, যে তাহা হইতে ঈশ্বরানুমান করা যাইতে পারে ? সাধ্যকার বলেন কিছুই সঙ্গে না ।

তৃতীয় প্রমাণ, শব্দ । আগু বাক্য শব্দ । কেউদেই আগুপ-
দেশ । সাধ্যকার বলেন, বেদে ঈশ্বরের কোন প্রসঙ্গ নাই,
বরং বেদে ইহাই আছে যে সৃষ্টি প্রকৃতিরই ক্রিয়া, ঈশ্বররূত

নহে (শ্রুতিরপি প্রধান কার্যত্বশ্চ । ৫, ১২) কিন্তু যিনি বেদ পাঠ করিবেন তিনি দেখিবেন, এ অতি অসঙ্গত কথা । এই আশঙ্কায় সাক্ষ্যকার বলেন যে বেদে ঈশ্বরের যে উল্লেখ আছে, তাহা হয় মুক্তাঙ্গার প্রশংসা, নয় প্রামাণ্য দেবতার (সিদ্ধশ্চ) উপাসনা (মুক্তাঙ্গনঃ প্রশংসা উপাসা সিদ্ধশ্চ বা । ১, ১৫) ।

ঈশ্বরের অস্তিত্বের প্রমাণ নাই, এইরূপে দেখাইয়াছেন । ঈশ্বরের অনস্তিত্ব সম্বন্ধে যে প্রমাণ দেখাইয়াছেন, নিম্নে তাহার সম্প্রসারণ করা গেল ।

ঈশ্বর কাহাকে বল ? যিনি সৃষ্টিকর্তা এবং পাপপুণ্যের ফলবিধাতা । যিনি সৃষ্টিকর্তা তিনি মুক্ত না বদ্ধ ? যদি মুক্ত হইলেন, তবে তাঁহার সৃষ্টির প্রবৃত্তি হইবে কেন ? আর যিনি মুক্ত নহেন বদ্ধ,—তাঁহার পক্ষে অনন্তজ্ঞান ও শক্তি সম্ভবে না । অতএব একজন সৃষ্টিকর্তা আছেন ইহা অসম্ভব । মুক্তবদ্ধয়ের তরাভাবান্ন তৎসিদ্ধিঃ (১, ১৩) উভয়থাপ্যসৎকরত্বম্ (১, ১৭) ।

সৃষ্টিকর্তৃত্ব সম্বন্ধে এই । পাপপুণ্যের দণ্ডবিধাতৃত্ব সম্বন্ধে মীমাংসা করেন, যে যদি ঈশ্বর কৰ্ম্মফলের বিধাতা হইলেন, তবে তিনি অবশ্য কৰ্ম্মানুযায়ী ফলনিষ্পত্তি করিবেন, পুণ্যের শুভ ফল পাপের অশুভ ফল অবশ্য প্রদান করিবেন । যদি তিনি তাহা না করেন, স্বেচ্ছায়ত ফলনিষ্পত্তি করেন, তবে কি প্রকারে ফলবিধান করিতে পারেন ? যদি সুবিচার করিয়া ফলবিধান না করেন, তবে আত্মোপকারের জন্ত কৰ্ম্মই সম্ভব । তাহা হইলে তিনি সামান্ত লৌকিক রাজার স্থায় আত্মোপকারী, এবং সুখ দুঃখের অধীন । যদি 'তাহা না

হইয়া কর্ম্মানুযায়ীই ফলনিষ্পত্তি করেন, তবে কেন কর্ম্মকেই ফলবিধাতা বল না ? ফলনিষ্পত্তির জন্ত আবার কর্ম্মের উপর ঈশ্বরানুমামের প্রয়োজন কি ?

অতএব সাজ্যাকার দ্বিতীয় শ্রেণীর ঘোরতর নাস্তিক। অথচ তিনি বেদ মানেন ।

ঈশ্বর না মানিয়াও কেন বেদ মানেন, তাহা আমরা পর পরিচ্ছেদে দেখাইব । সাজ্য্যের এই নিরীশ্বরতা বৌদ্ধধর্ম্মের পূর্বসূচনা বলিয়া বোধ হয় ।

ঈশ্বরতত্ত্ব সম্বন্ধে সাজ্য্যদর্শনের একটি কথা বাকি রহিল । পূর্বেই বলিয়াছি অনেকে বলেন কাপিল দর্শন নিরীশ্বর নহে । এ কথা বলিবার কিছু একটু কারণ আছে । তু, জ, ৫৭ সূত্রে সূত্রকার বলেন, “ঈদৃশেশ্বর সিদ্ধিঃ সিদ্ধা” । সে কি প্রকার ঈশ্বর ? “সহি সর্ব্ববিৎ সর্ব্বকর্ত্তা,” ৩, ৫৬ । তবে সাজ্য্য নিরীশ্বর হইল কই ?

বাস্তবিক এ কথা ঈশ্বর সম্বন্ধে উক্ত হয় নাই । সাজ্য্য-কার বলেন জ্ঞানেই মুক্তি আর কিছুতেই মুক্তি নাই । পুণ্যে, অথবা সত্ববিশাল উর্দ্ধলোকেও মুক্তি নাই, কেননা তথা হইতে পুনর্জন্ম আছে, এবং জরামরণাদি ছঃখ আছে । শেষ এমনও বলেন, যে জগৎ কারণে লয় প্রাপ্ত হইলেও মুক্তি নাই. কেন না তাহা হইতে জলমগ্নের পুনরুত্থানের গ্ৰাম পুনরুত্থান আছে (৩, ৫৪) । সেই লয়প্রাপ্ত আত্মা সম্বন্ধে তিনি বলিয়াছেন, যে তিনি “সর্ব্ববিৎ এবং সর্ব্বকর্ত্তা ।” ইহাকে যদি ঈশ্বর বলিতে চাও, তবে ঈদৃশেশ্বর সিদ্ধ । কিন্তু ইনি জগৎস্রষ্টা বা বিধাতা নহেন । “সর্ব্বকর্ত্তা” অর্থে সর্ব্বশক্তিমান, সর্ব্বসৃষ্টিকারক নহে ।

পঞ্চম পরিচ্ছেদ—বেদ ।

আমরা পূর্বে বলিয়াছি, সাংখ্য প্রবচনকার ঈশ্বর মানেন না, বেদ মানেন । বোধ হয় পৃথিবীতে আর কোন দর্শন বা অগ্র শাস্ত্র নাই, যাহাতে ধর্ম পুস্তকের প্রামাণ্য স্বীকার করে অথচ ধর্ম পুস্তকের বিষয়ীভূত এবং প্রণেতা জগদীশ্বরের অস্তিত্ব স্বীকার করে না । এই বেদভক্তি ভারতবর্ষে অতিশয় বিশ্বাস-কর পদার্থ । আমরা এবিষয়টি কিঞ্চিৎ সবিস্তারে লিখিতে ইচ্ছা করি ।

মনু বলেন, বেদ শব্দ হইতে সকলের নাম, কर्म, এবং অবস্থা নির্মিত হইয়াছিল । বেদ: পিতৃ, দেবতা এবং মনুষ্যের চক্ষু ; অশক্য, অপ্রমেয় ; যাহা বেদ হইতে ভিন্ন তাহা পরকালে নিষ্ফল, বেদ ভিন্ন গ্রন্থ মিথ্যা । ভূত ভবিষ্যৎ বর্তমান, শব্দ স্পর্শ রূপ গন্ধ, চতুর্কর্ণ, ত্রিলোক, চতুরাশ্রম, সকলই বেদ হইতে প্রকাশ ; বেদ মনুষ্যের পরম সাধন ; যে বেদজ্ঞ সেই, সৈন্যপত্য, রাজ্য, দণ্ডনেতৃত্ব এবং সর্বলোকাধিপত্যের যোগ্য । যে বেদজ্ঞ সে যে আশ্রমেই থাকুকনা কেন, সেই ব্রহ্মে লীন হওয়ার যোগ্য । যাহারা ধর্ম জিজ্ঞাসু, বেদই তাহাদের পক্ষে পরম প্রমাণ । বেদ অজ্ঞের শরণ, জ্ঞানীদিগেরও শরণ । যাহারা স্বর্গ বা আনন্ত্য কামনা করে, ইহাই তাহাদিগের শরণ । যেবাঙ্গণ তিন লোক হৃত্যা করে, যেখানে সেখানে ধার,

তাহার যদি ঋগ্বেদ মনে থাকে, তবে তাহার কোন পাপ হয় না।

শতপথ ব্রাহ্মণ ~~কিন~~, বেদান্তর্গত সর্কভূত। বেদ, সকল হ্রদঃ, স্তোম, প্রাণ, এবং দেবতাগণের আত্মা। বেদই আছে। বেদ অমৃত। যাহা সত্য তাহাও বেদ।

বিষ্ণু পুরাণে আছে, দেবাদির রূপ, নাম, কর্ম, প্রবর্তন, বেদশব্দ হইতে সৃষ্ট হইয়াছিল। অথত্র ঐ পুরাণে বিষ্ণুকে বেদময়, ও ঋগ্ যজুঃ সামাঙ্ক বলা হইয়াছে।

মহাভারতে শান্তিপর্কেও আছে, যে বেদশব্দ হইতে সর্কভূতের রূপ নাম কর্মাতির উৎপত্তি।

ঋকসংহিতার ও তৈত্তিরীর সংহিতার মঙ্গলাচরণে সায়নাচার্য্য ও মাধবাচার্য্য লিখিয়াছেন, “বেদ হইতে অখিল জগতের নিৰ্ম্মাণ হইয়াছে।”

এইরূপ সর্কভূত বেদের মাহাত্ম্য। কোন দেশে কোন ধর্ম গ্রন্থের, বাইবেল, কোরাণ প্রভৃতি কিছুই, ঈদৃশ মহিমা কীর্তিত হয় নাই।

এখন জিজ্ঞাস্য এই যে, যে বেদ এইরূপ সকলের পূর্ব-গামী বা উৎপত্তির মূল, তাহা কোথা হইতে আসিল। এ বিষয়ে মত ভেদ আছে। কেহ কেহ বলেন, বেদের কর্তা কেহ নাই।—এ গ্রন্থ কাহারও প্রণীত নহে, ইহা নিত্য এবং অপৌ-রুষেয়। অন্তে বলেন যে ইহা ঈশ্বরপ্রণীত স্মৃতি এবং পৌরুষেয়। কিন্তু হিন্দুশাস্ত্রের কি আশ্চর্য্য বৈচিত্র্য! সকলেই বেদ মানেন কিন্তু ‘বেদের উৎপত্তি সম্বন্ধে কোন জুই খানি শাস্ত্রীয় গ্রন্থের ঐক্য নাই। যথা—

(১) ঋগ্বেদের পুরুষ সৃষ্টি আছে, বেদ পুরুষ যজ্ঞ হইতে উৎপন্ন ।

(২) অথর্ক বেদে আছে স্তম্ভ হইতে ঋগ্ বজুব সাম অপাক্রিত হইয়াছিল ।

(৩) অথর্ক বেদে অগ্নিত্র আছে যে ইন্দ্র হইতে বেদের জন্ম ।

(৪) ঐ বেদের অগ্নিত্র আছে, ঋগ্বেদ কাল হইতে উৎপন্ন ।

(৫) ঐ বেদে অগ্নিত্র আছে, বেদ গান্ধারীমধ্যে নিহিত ।

(৬) শতপথ ব্রাহ্মণে আছে যে অগ্নি হইতে ঋক্, বায়ু হইতে যজুস, এবং সূর্য্য হইতে সাম বেদের উৎপত্তি ; ছান্দোগ্য উপনিষদেও ঐরূপ আছে । এবং মনুতেও তদ্রূপ আছে ।

(৭) শতপথ ব্রাহ্মণের অগ্নিত্র আছে, বেদ প্রজাপতি কর্তৃক সৃষ্ট হইয়াছিল ।

(৮) শতপথ ব্রাহ্মণের সেই স্থানেই আছে যে প্রজাপতি বেদসহিত জলমধ্যে প্রবেশ করেন । জল হইতে অণুর উৎপত্তি হয় । অণু হইতে প্রথমে তিন বেদের উৎপত্তি ।

(৯) শতপথ ব্রাহ্মণের অগ্নিত্র আছে যে বেদ মহাত্মতের (ব্রহ্মার) নিষ্কাশ ।

(১০) তৈত্তিরীয় ব্রাহ্মণে আছে প্রজাপতি সোমকে সৃষ্টি করিয়া তিন বেদের সৃষ্টি করিয়াছেন ।

(১১) বৃহদারণ্যক উপনিষদে আছে, প্রজাপতি বাক্ সৃষ্টি করিয়া তদ্বারা বেদাদি সকল সৃষ্টি করিয়াছেন ।

(১২) শতপথ ব্রাহ্মণে পুনশ্চ আছে, যে মনঃসরু হইতে

বাক্য রূপ সাবলের দ্বারা দেবতার বেদ খুঁড়িয়া উঠাইয়া ছিলেন।

(১৩) তৈত্তিরীয় ব্রাহ্মণে আছে, কে বেদ প্রজাপতির স্রষ্টা।

(১৪) উক্ত ব্রাহ্মণে পুনশ্চ আছে, বাগ্‌দেবী বেদমাতা।

(১৫) বিষ্ণুপুরাণে আছে, বেদ ব্রহ্মার মুখ হইতে উৎপন্ন। ভাগবত পুরাণে ও মার্কণ্ডেয় পুরাণেও ঐরূপ।

(১৬) হরিবংশে আছে, গারভ্রীসমুত ব্রহ্মতেজোময় পুরুষের নেত্র হইতে ঋচ্ ও যজুস; জিহ্বাগ্র হইতে সাম, এবং মূক্কা হইতে অথর্কের সৃজন হইয়াছিল।

(১৭) মহাভারতের ভীষ্মপর্বে আছে যে সরস্বতী এবং বেদ বিষ্ণু মন হইতে সৃজন করিয়াছিলেন। শান্তিপর্বে সরস্বতীকে বেদমাতা বলা হইয়াছে।

(১৮) অথর্ক বেদাস্তর্গত আয়ুর্বেদে আছে, যে আয়ুর্বেদ ব্রহ্মা মনে মনে জানিয়াছিলেন। আয়ুর্বেদ অথর্কবেদাস্তর্গত বলিয়া অথর্কবেদের ঐরূপ উৎপত্তি বুঝিতে হইবে।

বেদের মন্ত্র, ব্রাহ্মণ, উপনিষদ এবং আরণ্যকে, এবং স্মৃতি, পুরাণ ও ইতিহাসে বেদোৎপত্তি বিষয়ে এইরূপ আছে। দেখা যাইতেছে যে এ সকলে বেদের সৃষ্ট এবং পৌরুষেয়ত্ব প্রায় সর্বত্র স্বীকৃত হইয়াছে—কদাচিত্ অপৌরুষেয়ত্বও কথিত হইয়াছে। কিন্তু পরবর্তী টীকাকার ও দার্শনিকের প্রায় অপৌরুষেয়ত্ব-বাদী। তাঁহাদিগের মত নিয়ে লিখিত হইতেছে।

(১৯) সায়নাচার্য্য বেদার্থপ্রকাশ নামে অথর্কের টীকা

করিয়াছেন। তাহাতে তিনি বলেন যে বেদ অপৌরুষেয়। কিন্তু বেদ মনুষ্যকৃত নহে বলিয়াই অপৌরুষেয় বলেন।

(২০) সায়নাচার্যের ভ্রাতা মাধবাচার্যও বেদার্থ প্রকাশ নামে তৈত্তিরীয যজুর্বেদের টীকা কবিয়াছেন। তিনি বলেন বেদ নিত্য। তবে তিনি এই অর্থে নিত্য বলেন যে কাল আকাশাদি যেমন নিত্য সেইরূপ বেদ। ব্যবহার কালে কালিদাসাদি বাক্যব্যং পুরুষবিবচিত্ত নহে বলিয়া নিত্য। এবং তিনি ব্রহ্মাকে বেদবক্তা বলিয়া স্বীকার কবিয়াছেন।

(২১) মীমাংসকেবা বলেন বেদ নিত্য এবং অপৌরুষেয়। শব্দ নিত্য বলিয়া বেদ নিত্য। শঙ্করাচার্য এই মতাবলম্বী।

(২২) নৈয়ায়িকেবা তাহার প্রতিবাদ কবিয়া বলেন, বেদ পৌরুষেয় — মন্ত্র ও আধুর্বেদের গ্ৰাঘ, জ্ঞানী ব্যক্তির কথা প্রামাণ্য বলিয়াই বেদও প্রামাণ্য বোধ হয়। গোতমমন্ত্রের ভাবে বেদকে মনুষ্য প্রণীত বলিয়াই নির্দেশ করা তাহার ইচ্ছা কিনা, নিশ্চিত বুঝা যায় না।

(২৩) বৈশেষিকেবা বলেন, বেদ ঈশ্বর প্রণীত। কুসুমাজলি কর্তা উদয়নাচার্যের এই মত।

এই সমস্ত শাস্ত্রের আলোচনা করিয়া দেখা যায় যে, কেহ বলেন বেদ নিত্য এবং অপৌরুষেয়, কেহ বলেন বেদ সৃষ্ট এবং ঈশ্বর প্রণীত। ইহা ভিন্ন তৃতীয় সিদ্ধান্ত হইতে পারে না। কিন্তু মাংখ্য প্রবচনকারের মত সৃষ্টি ছাড়া। তিনি প্রথমতঃ বলেন, যে বেদ কদাপি নিত্য হইতে পারে না, কেন না, বেদেই তাহার কার্যত্বের প্রমাণ আছে—যথা “সতপোহিত-পাত ত্বয়াঃ তুপশ্চৈপান্ম অয়ো বেনা অজারন্ত” যেখানে

বেদেই বলে যে এই এই রূপে বেদের জন্ম হইয়াছিল, সেখানে বেদ কদাপি নিত্য বা অপৌরুষেয় হইতে পারে না। কিন্তু যাহা অপৌরুষেয় নহে, তাহা অবশ্য পৌরুষেয় হইবে। কিন্তু সাংখ্যকারের মতে বেদ অপৌরুষেয় নহে, পৌরুষেয়ও নহে। পুরুষ, অর্থাৎ ঈশ্বর নাই বলিয়া তাহা পৌরুষেয় নহে। সাংখ্যকার আরও বলেন যে বেদ করিতে যোগ্য যে পুরুষ তিনি হয় মুক্ত নয় বন্ধ। যিনি মুক্ত তিনি প্রকৃতির অভাবে বেদ-সৃজন করিবেননা; যিনি বন্ধ তিনি অসর্বজ্ঞ বলিয়া তৎপক্ষে অক্ষম।

তবে পৌরুষেয় নহে, অপৌরুষেয়ও নহে। তাহা কি কখন হইতে পারে? সাংখ্যকার বলেন হইতে পারে নথা অঙ্কুরাদি (৫, ৮৪)। যাহারা হিন্দু দর্শনশাস্ত্রের নাম শুনিলেই মনে করেন, তাহাতে সর্বত্রই আশ্চর্য্য বুদ্ধির কোশল, তাহা-দিগের ভ্রম নিবারণার্থ এই কথাই বিশেষ উল্লেখ করিলাম। সাংখ্যকারের বুদ্ধির তীক্ষ্ণতাও বিচিত্রা, ভ্রান্তিও বিচিত্রা। সাংখ্যকার যে এমন রহস্যজনক ভ্রান্তিতে অনবধানতা প্রযুক্ত পতিত হইয়াছিলেন, আমরা এমন বিবেচনা করি না। আমরা দিগের বিবেচনার সাংখ্যকার অন্তরে বেদ মানিতেন না, কিন্তু তাৎকালিক সমাজে ব্রাহ্মণে এবং দার্শনিকে কেহ সাহস করিয়া বেদে অবজ্ঞা করিতে পারিতেন না। এজন্য তিনি মৌখিক বেদ ভক্তি প্রকাশ করিয়াছিলেন এবং যদি বেদ মানিতেন হইত তবে আবশ্যিক মত প্রতিবাদীদিগকে নিরস্ত করিবার জন্য স্থানে স্থানে বেদের দোহাই দিয়াছেন। কিন্তু তিনি অন্তরে বেদ মানিতেন বোধ হয় না। বেদ পৌরুষেয় নহে, অপৌরু-

যেও নহে, একথা কেবল ব্যঙ্গ মাত্র। সূত্রকারের এই কথা বলিবার অতি প্রায় বুঝা যায়; যে “দেখ, তোমরা যদি বেদকে সর্বজ্ঞানযুক্ত বলিতে চাহ, তবে বেদ না পৌরুষের, না অপৌরুষের হইয়া উঠে। বেদ অপৌরুষের নহে, ইহার প্রমাণ বেদে আছে। তবে ইহা যদি পৌরুষের হয়, তবে ইহাও বলিতে হইবে, যে ইহা মনুষ্যকৃত, কেন না সর্বজ্ঞ পুরুষ কেহ নাই তাহা প্রতিপন্ন করা গিয়াছে।” যদি এ সকল সূত্রের এরূপ অর্থ করা যায়, তবে অদ্বিতীয় দূরদর্শী দার্শনিক সাংখ্যকারকে অল্পবুদ্ধি বলিতে হয়। তাহা কদাপি বলা যাইতে পারে না।

বেদ যদি পৌরুষের নহে, অপৌরুষেরও নহে, তবে বেদ মানিব কেন? সাংখ্যকার এ প্রশ্নের উত্তর দেওয়া আবশ্যক বিবেচনা করিয়াছিলেন। আজি কালিকার কথা ধরিতে গেলে বোধ হয় এত গুরুতর প্রশ্ন ভারতবর্ষে আর কিছুই নাই। একদল বলিতেছেন, সনাতন ধর্ম বেদমূলক, তোমরা এ সনাতন ধর্মে ভক্তিহীন কেন? তোমরা বেদ মান না কেন? আর এক দল বলিতেছেন, আমরা বেদ মানিব কেন? সমুদায় ভারতবর্ষ এই দুই দলে বিভক্ত। এই দুই প্রশ্নের উত্তর লইয়া বিবাদ হইতেছে। ভারতবর্ষের ভাবী মঙ্গলামঙ্গল এই প্রশ্নের মীমাংসার উপর নির্ভর করে। হিন্দুগণ সকলেরই কি স্বধর্মে থাকি উচিত? না সকলেরই স্বধর্ম ত্যাগ করা উচিত? অর্থাৎ আমরা বেদ মানিব? না মানিব না? যদি মানি তবে কেন মানিব?

আর একবার এই প্রশ্ন উত্থাপিত হইয়াছিল। যখন ধর্মশাস্ত্রের অত্যাচারে পীড়িত হইয়া ভারতবর্ষ ত্রাহি ত্রাহি

করিয়া ডাকিতেছিল, তখন শাক্যসিংহ বুদ্ধদেব বলিয়াছিলেন, “তোমরা বেদ মানিবে কেন? বেদ মানিও না।” এই কথা শুনিয়া বেদবিৎ, বেদভক্ত, দার্শনিকমণ্ডলী এই প্রশ্নের উত্তর দিয়াছিলেন। জৈমিনি, বাদরায়ণ, গোতম, কণাদ, কপিল ঋহা হার যেমন ধারণা তিনি তেমন উত্তর দিয়াছিলেন। অতএব প্রাচীন দর্শন শাস্ত্রে এই প্রশ্নের উত্তর থাকতে দুইটি কথা জানা যাইতেছে। প্রথম, আজি কালি ইংরেজি শিক্ষার দোষেই লোকে বেদের অলঙ্ঘনীয়তার প্রতি নূতন সন্দেহ করিতেছে, এমত নহে। এ সন্দেহ অনেক দিন হইতে। প্রাচীন দার্শনিকদিগের পরে শঙ্করাচার্য, মাধবাচার্য, মায়নাচার্য প্রভৃতি নবো-রাও ঐ প্রশ্নের উত্তর দিবার জন্ত ব্যস্ত হইয়াছিলেন। দ্বিতীয়, দেখা যায় যে এ প্রশ্ন বৌদ্ধেরা প্রথম উত্থাপিত করেন, এবং প্রাচীন দার্শনিকেরা প্রথম তাহার উত্তর দান করেন। অতএব বৌদ্ধধর্ম ও দর্শনশাস্ত্রের উৎপত্তি সমকালিক বলা যাইতে পারে।

বেদ মানিব কেন? এই প্রশ্নের বিচার সময়ে মহারগী মীমাংসক জৈমিনি। তাহার প্রতিদ্বন্দ্বী নৈয়ায়িক গোতম। নৈয়ায়িকেরা বেদ মানেন না, এমত নহে। কিন্তু যে সকল কারণে মীমাংসকেরা বেদ মানেন, নৈয়ায়িকেরা তাহা অগ্রাহ করেন। মীমাংসকেরা বলেন, বেদ নিত্য এবং অপৌকুষেয়। নৈয়ায়িকেরা বলেন, বেদ আপ্তবাক্য মাত্র। নৈয়ায়িকেরা, মীমাংসকের মত ঋগ্বেদ জন্ত যে সকল আপত্তি উত্থাপন করিয়াছেন, মাধবাচার্য-প্রণীত সর্বদর্শনসংগ্রহ হইতে তাহার সারমর্ম নিয়ে সংক্ষেপে লেখা গেল।

মীমাংসকেরা বলেন, যে সম্প্রদায়বিচ্ছেদে বেদকর্তা, অস্বীকৃত। সকল কথা লোক পরম্পরা স্মৃত হইয়া আসিতেছে কিন্তু কাহারও স্মরণ নাই যে কেহ বেদ করিয়াছেন। ইহাতে নৈয়ায়িকেরা আপত্তি করেন যে, প্রলয়কালে সম্প্রদায় বিচ্ছিন্ন হইয়াছিল। এক্ষণে যে বেদ প্রণয়ন স্মরণে নাই ; ইহাতে এমত প্রমাণ হইতেছে না যে প্রলয়পূর্বে বেদ প্রণীত হয় নাই। আর ইহাও তোমরা প্রমাণ করিতে পারিবে না, যে বেদকর্তা কাহা কর্তৃক কখন স্মৃত ছিলেন না। নৈয়ায়িকেরা আরও বলেন যে বেদবাক্য সকল যেমন কালিদাসাদি বাক্য তেমনি বাক্য, অতএব বেদবাক্যও পৌরুষের বাক্য। বাক্য হেতু, মন্যাদির বাক্যের ন্যায়, বেদবাক্যকেও পৌরুষের বলিতে হইবে। আর মীমাংসকেরা বলিয়া থাকেন, যে যেই বেদাধ্যয়ন করে, তাহার পূর্বে তাহার গুরু অধ্যয়ন করিয়াছিলেন, তাঁহার পূর্বে তাঁহার গুরু অধ্যয়ন করিয়াছিলেন, তাঁহার পূর্বে তাঁহার গুরু ; এইরূপ যেখানে অনন্ত পারম্পর্য আছে, সেখানে বেদ অন্যাদি। নৈয়ায়িক বলেন, যে মহাভারতাদি সঙ্কেও ঐ রূপ বলা যাইতে পারে। যদি বল, যে মহাভারতের কর্তা যে ব্যাস ইহা স্বীকৃত, তবে বেদ সঙ্কেও বলা যাইতে পারে, যে “ঋচঃ সামানি যজ্ঞিরে। ছন্দাংসি যজ্ঞিরে তস্মাৎ যজুস্তস্মাদজারত।” ইতি পুরুষসঙ্কে বেদকর্তাও নির্দিষ্ট আছে। আর মীমাংসকেরা বলেন, যে শব্দ নিত্য, এজন্য বেদ নিত্য। কিন্তু শব্দ নিত্য নহে, কেন না শব্দ সামুদ্রিক বশতঃ ঘটবৎ অক্ষরাদির বাহে প্রিয়গ্রাহ। মীমাংসকেরা উত্তর করেন, যে গকারাদির শব্দ গুণিতে পাইলেই আক্ষরাদিগের

প্রত্যভিজ্ঞান জন্মে যে ইহা গকার অতএকশব্দ নিত্য । নৈয়া-
য়িক বলেন যে সে প্রত্যভিজ্ঞান সামান্য বিষয়ত্ব বশতঃ যেমন
ছিন্ন তৎপরে পুনঃজাত কেশ, এবং দলিত্ব কুন্দ । মীমাং-
সকেরা আরও বলিয়া থাকেন যে বেদ অপৌরুষেয় তাহার এক
কারণ যে পরমেশ্বর অশরীরী, তাহার তাহাদি বর্ণোচ্চারণ স্থান
নাই । নৈয়ায়িকেরা উত্তর করেন যে পরমেশ্বর স্বভাবতঃ
অশরীরী হইলেও ভক্তানুগ্রহার্থ তাহার শরীর গ্রহণ অসম্ভব
নহে ।

মীমাংসকেরা এ সকল কথা উত্তর দিয়াছেন, কিন্তু তাহার
বিবরণ লিখিতে গেলে প্রবন্ধ বড় দীর্ঘ এবং কটমট হইয়া
উঠে । ফলে বেদ মানিব কেন ? এই তর্কের তিনটি মাত্র
উত্তর প্রাচীন দর্শন শাস্ত্র হইতে পাওয়া যায়—

প্রথম বেদ নিত্য এবং অপৌরুষেয়, সুতরাং ইহা মাতৃ ।
কিন্তু বেদেই আছে যে ইহা অপৌরুষেয় নহে । যথা “ঋঃ
সামানি যজ্ঞিরে” ইত্যাদি ।

দ্বিতীয় । বেদ ঈশ্বরপ্রণীত এই জন্ত মাতৃ । প্রতিবাদীরা
বলিবেন যে, বেদ যে ঈশ্বরপ্রণীত তাহার বিশিষ্ট প্রমাণ নাই ।
বেদে আছে, বেদ ঈশ্বরসম্মত, কিন্তু যেখানে তাহার বেদ
মানিতেছেন না তখন তাহারা বেদের কোন কথা মানিবেন
না । এবিনয়ে যে বাদান্তবাদ হইতে পারে, তাহা সহজেই
অনুমেয়, এবং তাহা সর্বিস্তারে লিখিবার আবশ্যকতা নাই ।
যাহারা ঈশ্বর মানেন না, তাহারা বেদ ঈশ্বরপ্রণীত বলিয়া
স্বীকার করিবেন না, তাহা বলা বাহুল্য ।

তৃতীয় । বেদের নিজ শক্তির অভিব্যক্তির দ্বারা ই বেদের

প্রমাণ্য সিদ্ধ হইতেছে । সাংখ্যকার এই উত্তর দিয়াছেন ।
 সায়নাচার্য্য বেদার্থপ্রকাশে এবং শঙ্করাচার্য্য ব্রহ্মসূত্রের ভাষ্যে
 ঐরূপ নির্দেশ করিয়াছেন । এ সম্বন্ধে কেবল ইহাই বক্তব্য
 যে যদি বেদের এরূপ শক্তি থাকে, তবে বেদ অবশ্য মান্য ।
 কিন্তু সে শক্তি আছে কি না, এই এক স্বতন্ত্র বিচার আবশ্যক
 হইতেছে । অনেকে বলিবেন যে আমরা এরূপ শক্তি দেখি-
 তেছি না । বেদের অগৌরব হিন্দুশাস্ত্রেও আছে । বেদ
 মানিতে হইবে কি না, তাহা সকলেই আপনাপন বিবেচনামত
 মীমাংসা করিবেন, কিন্তু আমরা পক্ষপাতশূন্য হইয়া যেখানে
 লিখিতে প্রবৃত্ত হইয়াছি, এবং যখন বেদের গৌরব নির্ধারণ করিয়া
 তদ্ব লিখিয়াছি, তখন হিন্দুশাস্ত্রে কোথায় কোথায় বেদের
 অগৌরব আছে তাহাও আমাদিগকে নির্দেশ করিতে হয় ।

১ । মুণ্ডকোপনিষদের আরম্ভে “দে বিদো বেদিতব্যে
 উতি হস্ম যদ্ ব্রাহ্মবিদো বদন্তি পরা চৈবা পরাচ । তত্রাপরা
 ঋগ্বেদো যজুর্বেদঃ সামবেদোহপর্ববেদঃ শিক্ষাকল্প ব্যাকরণং
 নিকৃৎসং ছন্দো জ্যোতিষমিতি । অথ পরা যয়া তদক্ষ-
 যমগিগমতে ।”

অর্থাৎ বেদাদি শ্রেষ্ঠতর বিদ্যা ।

২ । শ্রীমদ্ভগবদ্গীতার, ২ । ৪২, বেদপরায়ণদিগের নিন্দা
 আছে, যথা

যস্মিমাং পুস্পিতাং বাচস্প্রবদন্ত্যবিপশ্চিতঃ ।

ষেদবাদরতাঃ পার্থ নাশ্রুদন্তীতি বাদিনঃ ॥

কামায়নঃ স্বর্গপরাঃ ক্রমকর্মফলপ্রদম ॥ •

ক্রিয়াবিশেষবহুলাং ভোগৈশ্বর্য্যগতিং প্রতি ।

ভোগৈশ্বর্য্যপ্রসক্তানাং ভয়াপহৃতচেতসাম্ ।

ব্যবসায়াত্মিকাবুদ্ধিঃ সমাধোন বিধিরতে ।

ত্রৈগুণ্যবিষয়াঃ বেদাঃ িত্বৈশ্বৰ্য্যে ভবৎজ্জুন ॥

৩। ভাগবৎ পুঁবাণে নারদ বলিতেছেন যে পরমেশ্বর
যাহাকে অনুগ্রহ করেন সে বেদ ত্যাগ করে । ৪ । ২৯, ৪২ ।

শব্দব্রহ্মণি ছুপ্যরে চরন্ত উৰুবিস্তরে ।

মন্ত্রলিঙ্গ ব্যবচ্ছিন্নং ভজন্তো ন বিদুঃ পরম্ ।

যদা বস্যানুগ্রহাতি ভগবানাঅভাবিতঃ ।

স জহাতি মতিং লোকে বেদে চ পরিনিষ্ঠিতম্ ॥

৪। কঠোপনিষদে আছে যে বেদের দ্বারা আত্মা লভা

হয় না—যথা

“নারমাত্মা প্রবচনেন লভ্যো ন মেধয়া বহনা ক্রতেন ।”

শাস্ত্রানুসন্ধান করিলে এরূপ কথা আরও পাওয়া যায় ।

পাঠক নৌগবেন, বেদ মানিব কেন ? এ প্রশ্নের আমরা কোন
উত্তর দিই নাই । দিব্যরও আমাদের ইচ্ছা নাই । যাহারা
সক্ষম তাহারা সে মীমাংসা করিবেন । আমরা পৃর্কগামী
পণ্ডিতদিগের প্রদর্শিত পথে পরিভ্রমণ করিয়া যাহা দেখিয়াছি,
তাহাই পাঠকের নিকট নিবেদিত হইল ।*

* এই প্রবন্ধে বেদ পুরাণাদি হইতে যাহা উদ্ধৃত করিয়াছি, তাহা মুখ
সাহেব কৃত বিখ্যাত সংগ্রহ হইতে নীত হইয়াছে ।

ভারত-কলঙ্ক ।

ভারতবর্ষ পরাধীন কেন ?

ভারতবর্ষ এতকাল পরাধীন কেন ? এ প্রশ্নের উত্তরে সকলে বলিয়া থাকেন, ভারতবর্ষীয়েরা হীনবল এইজন্য । “Effeminate Hindoos” ইউরোপীয়দিগের মুখাঙ্গে সর্বদাই আছে । ইগাই ভারতের কলঙ্ক । কিন্তু আবার ইউরোপীয়দিগের মুখেই ভারতবর্ষীয় সিপাহীদিগের বল ও সাহসের প্রশংসা শুনা যায় । সেই স্ত্রীস্বভাব হিন্দুদিগের বাহুবলেই কাবুল জিত হইল । বলিতে গেলে সেই স্ত্রীস্বভাব হিন্দুদিগের সাহায্যেই তাঁহারা ভারতবর্ষ জয় করিয়াছেন । তাঁহারা স্বীকার করুন বা না করুন, সেই স্ত্রীস্বভাব হিন্দুদিগের কাছে—মহারাষ্ট্রে এক শিকের কাছে অনেক অগশ্বেত্রে তাঁহারা পরাস্ত হইয়াছেন ।

আধুনিক হিন্দুদিগের বলবীৰ্য্য এখন যাহাই হউক প্রাচীন হিন্দুদিগের অপেক্ষা যে তাহা নূন তদ্বিষয়ে সংশয় নাই । শত শত বৎসরের অধীনতার তাহার হ্রাস অবশ্য ঘটয়া থাকিবে । প্রাচীন ভারতবর্ষীয়গণ পরজাতি কর্তৃক বিজিত হইবার পূর্বে যে বিশেষ বলশালী ছিলেন, এমত বিবেচনা করিবার অনেক কারণ আছে—দুর্বল বলিয়া তাঁহারা পরাধীন হইয়েন নাই ।

আমরা স্বীকার করি, যে এই পক্ষ সমর্থন করা সহজ নহে, এবং এতদ্বিষয়ে পর্যাপ্ত প্রমাণপ্রাপ্তি হুঃসাধ্য। এই তর্ক কেবল পুরাবৃত্ত অবলম্বন করিয়া মীমাংসা করা সম্ভব, কিন্তু দুর্ভাগ্যক্রমে অতীত জাতীয়দিগের স্থায় ভারতবর্ষীয়েরা আপনাদিগের কীর্তিকলাপ লিপিবদ্ধ করিয়া রাখেন নাই। প্রাচীন ভারতবর্ষীয় পুরাবৃত্ত নাই। সুতরাং ভারতবর্ষীয়দিগের যে শ্লাঘনীয় সময়-কীর্তি ছিল, তাহাও লোপ হইয়াছে। যে গ্রন্থগুলি “পুরাণ” বলিয়া খ্যাত আছে, তাহাতে প্রকৃত পুরাবৃত্ত কিছুই নাই। বাহা কিছু আছে তাহা অনৈসর্গিক এবং অতিমানুষ উপস্থাসে একরূপ আচ্ছন্ন, যে প্রকৃত ঘটনা কি, তাহা কোন রূপেই নিশ্চিত হয় না।

ভাগ্যক্রমে, ভিন্নদেশীয় ইতিহাস-বেত্তাদিগের গ্রন্থে দুই স্থানে প্রাচীন ভারতবর্ষীয়দিগের যুদ্ধাদির উল্লেখ দেখিতে পাওয়া যায়। প্রথম, মাকিদনীয় আলেকজান্ডার বা সেকন্দর দিখিজয়ে যাত্রা করিয়া ভারতবর্ষে আসিয়া যুদ্ধ করিয়াছিলেন। রচনাকুশল যবনলেখকেরা তাহা পরিকীর্তিত করিয়াছেন। দ্বিতীয়, মুসলমানেরা ভারতবর্ষ জয়ার্থে যে সকল উদ্ভম করিয়াছিলেন, তাহা মুসলমান ইতিবৃত্ত-লেখকেরা বিবরিত করিয়াছেন। কিন্তু প্রথমেই বক্তব্য যে, একরূপ সাক্ষীর পক্ষপাতিত্বের গুরুতর সম্ভাবনা। মনুষ্য চিত্রকর বলিয়াই চিত্রে সিংহ পরাজিত স্বরূপ লিখিত হয়। যে সকল ইতিহাসবেত্তা আত্ম-জাতির লাঘব স্বীকার করিয়া, সত্যের অনুরোধে শত্রুপক্ষের যশঃকীর্তন করেন, তাহারা অতি অল্পসংখ্যক। অপেক্ষাকৃত মূঢ়, আশ্চর্যগরিমাপরায়ণ মুসলমানদিগের কথা দূরে থাকুক,

কৃতবিদ্য, সত্যনিষ্ঠাভিমানী ইউরোপীয় ইতিহাসবেত্তারা এই দোষে একরূপ কলঙ্কিত, যে তাঁহাদের রচনা পাঠ করিতে কখন কখন ঘৃণা করে। এই জন্তু দেশীয় এবং বিপক্ষদেশীয়, উভয়-বিধ ইতিহাসবেত্তাদিগের লিপির সাহায্য না পাইলে, কোন ঘটনারই দ্ব্যর্থার্থ্য নির্ণীত হয় না। কেবল আত্মগরিমাপরবশ, পর-ধর্মঘোষী, সত্যভীত মুসলমান লেখকদিগের কথার উপর নির্ভর করিয়া, প্রাচীন ভারতবর্ষীয়দিগের রণনৈপুণ্য মীমাংসা করা যাইতে পারে না। সে যাহাই হউক, নিম্নলিখিত দুইটি কথা মুসলমান পুরাবৃত্ত হইতেই বিচারের দ্বারা সিদ্ধ হইতেছে।

প্রথম, আরব-দেশীয়েরা এক প্রকার দিগ্বিজয়ী। যখন বে দেশ আক্রমণ করিয়াছে, তখনই তাহারা সেই দেশ জয় করিয়া পৃথিবীতে অতুল সাম্রাজ্য স্থাপন করিয়াছিল। তাহারা কেবল দুই দেশ হইতে পরাভূত হইয়া বহিষ্কৃত হয়। পশ্চিমে ফ্রান্স, পূর্বে ভারতবর্ষ। আরব্যেরা মিশর ও শিরিয় দেশ মহম্মদের মৃত্যুর পর ছয় বৎসর মধ্যে, পারস্ত দশ বৎসরে, আফ্রিকা ও স্পেন এক এক বৎসরে, কাবুল অষ্টাদশ বৎসরে, তুর্কস্থান আট বৎসরে, সম্পূর্ণরূপে অধিকৃত করে। কিন্তু তাহারা ভারতবর্ষ জয়ের জন্ত তিন শত বৎসর পর্য্যন্ত যত্ন করিয়াও ভারতবর্ষ হস্তগত করিতে পারে নাই। মহম্মদ বিন কাসিম সিন্ধুদেশ অধিকৃত করিয়াছিলেন বটে, কিন্তু তিনি রাজপুতানা হইতে পরাভূত হইয়া বহিষ্কৃত হইয়াছিলেন এবং তাহার মৃত্যুর কিছু কাল পরে সিন্ধু রাজপুতগণ কর্তৃক পুনরধিকৃত হইয়াছিল। ভারত জয় দিগ্বিজয়ী আরব্যদিগের

সাধ্য হয় নাই । এলফিনষ্টোন বলেন যে হিন্দুদিগের দেশীয় ধর্মের প্রতি দৃঢ়ানুরাগই এই অজেরতার কারণ । আমরা বলি রণনৈপুণ্য,—যোদ্ধাশক্তি । হিন্দুদিগের আত্মধর্ম্মানুরাগ অদ্যাপি ত বলবৎ । তবে কেন হিন্দুরা সাত শত বৎসর পরজাতি-পদানত ?

দ্বিতীয়, যখন কোন প্রাচীন দেশের নৈকট্যে নবাব্যাদয়-বিশিষ্ট এবং বিজরাভিলাষী জাতি অবস্থিতি করে, তখন প্রাচীন জাতি প্রায় নবীনের প্রভুত্বাধীন হইয়া যায় । এইরূপ সর্বান্তকারী বিজরাভিলাষী জাতি প্রাচীন ইউরোপে রোমকেরা, আসিয়ায় আরব্য ও তুরকীয়েরা । যে যে জাতি ইহাদিগের সংস্রবে আসিয়াছে, তাহারাই পরাভূত হইয়া ইহাদিগের অধীন হইয়াছে । কিন্তু তন্মধ্যে হিন্দুরা যত দূর দুর্জেয় হইয়াছিল, ততদূর আর কোন জাতিই হয় নাই । আরব্যগণ কর্তৃক যত অল্পকালমধ্যে মিশর, উত্তর আফ্রিকা, স্পেন, পারস্ত, তুরক, এবং কাবুলরাজ্য উচ্ছিন্ন হইয়াছিল, তাহা পূর্বেই কথিত হইয়াছে । তদপেক্ষা সুবিখ্যাত কতিপয় সাম্রাজ্যের উদাহরণ দেওয়া বাইতে পারে । রোমকেরা প্রথম ২৭০ খ্রীষ্ট পূর্বাব্দে গ্রীস আক্রমণ করে । তদবধি ৫২ বৎসর মধ্যে ঐ রাজ্য একেবারে নিঃশেষ বিজিত হয় । সুবিখ্যাত কার্থেজ রাজ্য ২৬৪ খৃষ্ট-পূর্বাব্দে প্রথম রোমকদিগের সহিত সংগ্রামে প্রবৃত্ত হয় । ২৪৬ খ্রীষ্ট-পূর্বাব্দে, অর্থাৎ এক শত বিশ বৎসর মধ্যে সেই রাজ্য রোমকগণ কর্তৃক ধ্বংসিত হয় । পূর্ব রোমক বা গ্রীক সাম্রাজ্য চতুর্দশ শতাব্দীর প্রথম ভাগে তুরকীয়গণ কর্তৃক আক্রান্ত হইয়া ১৪৫৩ খ্রীষ্টাব্দে, অর্থাৎ পঞ্চাশৎ বৎসর

মধ্যে তুরকী দ্বিতীয় মহম্মদের হস্তে বিনুশ্ত হয়। পশ্চিম রোমক, যাহার নাম অত্য়পি জগতে বীরদর্পের পতাকাশ্বরূপ, তাহাই ২৮৬ খ্রীষ্টাব্দে উত্তরীয় বর্ষরজ্জাতি কর্তৃক প্রথম আক্রান্ত হইয়া ৪৭৬ খ্রীষ্টাব্দে, অর্থাৎ প্রথম বর্ষর বিপ্লবের ১৯০ বৎসর মধ্যে ধ্বংসপ্রাপ্ত হয়। ভারতবর্ষ ৬৬৪ খ্রীষ্টাব্দে আরব্য মুসলমানগণ কর্তৃক প্রথম আক্রান্ত হয়। তদনু হইতে পাঁচশত উনত্রিশ বৎসর পরে শাহাবুদ্দীন ঘোরী কর্তৃক উত্তর ভারত অধিকৃত হয়। শাহাবুদ্দীন বা তাঁহার অনুচরেরা আরব্য জাতির ছিলেন না। আরব্যেরা যেরূপ বিফলযত্ন হইয়াছিল, গজনী নগরাধিষ্ঠাতা তুরকীয়েরা তদ্রূপ। যাহাবা পৃথ্বীরাজ, জয়চন্দ্র এবং সেনরাজা প্রভৃতি হইতে উত্তর ভারত-রাজ্য অপহরণ করে, তাহারা পাঠান বা আফগান। আরব্য-দিগের প্রথম ভারতাক্রমণের ৫২৯ বৎসর ও তুরকীদিগের প্রথম ভারতাক্রমণের ২১৩ বৎসর পরে, তৎস্থানীয় পাঠানেরা ভারতরাজ্যাধিকার করিয়াছিল। পাঠানেরা কখনই আরব্য বা তুরকীবংশীয়দিগের ন্যায়, সমৃদ্ধিসম্পন্ন বা প্রতাপান্বিত নহে। তাহারা কেবল পূর্বগত আরব্য ও তুরকীদিগের সূচিত কার্য সম্পন্ন করিয়াছিল। আরব্য, তুরকী, এবং পাঠান, এই তিন জাতির যত্ন-পারস্পর্যে মার্ধি পাঁচ শত বৎসরে ভারতবর্ষের স্বাধীনতা লুপ্ত হয়।*

* পশ্চিমাংশে আরব্য ও তুরকীয়েরা কিছু ভূমি অধিকার করিয়াছিল মাত্র।

মুসলমান সাক্ষীরা এইরূপ বলে। ইহাও স্বরণ রাখা কর্তব্য যে, ইহাদের নিকট হিন্দুরা যখন পরিচিত হইয়াছিলেন, তখন হিন্দুদিগের সুসময় প্রায় অতীত হইয়াছিল,—রাজলক্ষ্মী ক্রমে ক্রমে মলিনা হইয়া আসিয়াছিলেন। খৃষ্টীয় অন্ধের পূর্বেগত হিন্দুরা অধিকতর বলবান্ ছিলেন, তদ্বিষয়ে সন্দেহ নাই।

সেই সময়ে গ্রীকদিগের সহিত পরিচয়। তাহারা নিজে অদ্বিতীয় বলবান্। তাহারা ভূয়োভূয়ঃ ভারতবর্ষীয়দিগের সাহস ও রণনৈপুণ্যের প্রশংসা করিয়াছে। মাকিদনীয় বিপ্লব বর্গন কালে, তাহারা এইরূপ পুনঃ পুনঃ নির্দেশ করিয়াছে যে, আসিয়া প্রদেশে এইরূপ রণপণ্ডিত দ্বিতীয় জাতি তাহারা দেখে নাই। এবং হিন্দুগণ কর্তৃক বেরূপ গ্রীক সৈন্যহানি হইয়াছিল, এরূপ অণু কোন জাতি কর্তৃক হয় নাই। প্রাচীন ভারতবর্ষীয়দিগের রণদক্ষতা সম্বন্ধে যদি কাহারও সংশয় থাকে, তবে তিনি ভারতবর্ষের বৃত্তান্তলেখক গ্রীকদিগের গ্রন্থ পাঠ করিবেন।

ভারতভূমি সর্বরত্নপ্রসবিনী, পররাজগণের নিতান্ত লোভের পাত্রী। এই জন্ত সর্বকালে নানাজাতি আসিয়া উত্তর পশ্চিমে পার্শ্বতঃদ্বারে প্রবেশ লাভ পূর্বক ভারতাদিকারের চেষ্টা পাইয়াছে। পারসীক, যোন, বাহ্লিক, শক, ছন, আরব্য, তুরকী সকলেই আসিয়াছে, এবং সিন্ধু পারে বা তদুত্তর তীরে স্বল্প প্রদেশ কিছু দিনের জন্ত অধিকৃত করিয়া, পরে বহিষ্কৃত হইয়াছে। পঞ্চদশ শতাব্দী কাল পর্য্যন্ত, আর্যোরা সকল জাতিকে শীঘ্র বা বিলম্বে দূরীকৃত করিয়া আত্মদেশ রক্ষা করিয়াছিল।

পঞ্চদশ শত বৎসর পর্য্যন্ত প্রবল জাতি মাত্রেরই আক্রমণস্থলী-

হৃত হইয়া এতকাল যে স্বতন্ত্রতা রক্ষা করিয়াছে, এরূপ অল্প কোন জাতি পৃথিবীতে নাই, এবং কখন ছিল কি না সন্দেহ। অতি দীর্ঘকাল পর্য্যন্ত বে হিন্দুদিগের সমৃদ্ধি অক্ষয় হইয়াছিল, তাহাদিগের বাহুবলই ইহার কারণ, সন্দেহ নাই। অল্প কারণ দেখা যায় না।

এই সকল প্রমাণ সত্ত্বেও সর্বদা শুনা যায় যে, হিন্দুরা চিরকাল রণে অপারগ। অদূরদর্শীদিগের নিকট ভারতবর্ষের এই চিরকালকের তিনটি কারণ আছে।

প্রথম,—হিন্দু ইতিবৃত্ত নাই ;—আপনার গুণগান আপনি না গায়িলে কে গায় ? লোকের ধর্ম এই যে, যে আপনাকে মহাপুরুষ বলিয়া পরিচিত না করে, কেহ তাহাকে মানুষের মধ্যে গণ্য করে না। কোন্ জাতির সুখ্যাতি কবে অপর জাতি কর্তৃক প্রচারিত হইয়াছে ? রোমকদিগের রণ-পাণ্ডিত্যের প্রমাণ—রোমকলিখিত ইতিহাস। গ্রীকদিগের যোদ্ধা-গুণের পরিচয়,—গ্রীক লিখিত গ্রন্থ। মুসলমানেরা যে মহারণকুশল, ইহাও কেবল মুসলমানের কথাতেই বিশ্বাস করিয়া জানিতে পারিতেছি। কেবল সে গুণে হিন্দুদিগের গৌরব নাই—কেন না সে কথার হিন্দু সাক্ষী নাই।

দ্বিতীয় কারণ,—যে সকল জাতি পররাজ্যাপহারী, প্রায় তাহারাই রণপণ্ডিত বলিয়া অপর জাতির নিকট পরিচিত হইয়াছে। যাহারা কেবল আত্মরক্ষা মাত্রে সন্তুষ্ট হইয়া, পররাজ্য লাভের কখন ইচ্ছা করে নাই, তাহার কখনই বীরগৌরব লাভ করে নাই। ঞায়নিষ্ঠা এবং বীরগৌরব একাধারে সচরাচর ঘটে না। অদ্যাপি এ দেশীয় ভাষায় “ভাল

মানুষ" শব্দের অর্থ ভীকৃষ্ণভাবের লোক—অকর্মা। “হরি নিতান্ত ভাল মানুষ।” অর্থ—হরি নিতান্ত অপদার্থ!

হিন্দুরাজগণ যে একেবারে পররাজ্যে লোভশূন্য ছিলেন, এমত আমরা বলি না। তাঁহারা পরস্পরকে আক্রমণ করিতে কখন ক্রটি করিতেন না। কিন্তু ভারতবর্ষ, হিন্দুরাজ্যকালে ক্ষুদ্র ক্ষুদ্র মণ্ডলে বিভক্ত ছিল। ভারতবর্ষ এতাদৃশ বিস্তৃত প্রদেশ যে, ক্ষুদ্র মণ্ডলাধিকারী রাজগণ কখন কেহ তাহার বাহিরে দেশজয়ে যাইবার বাসনা করিতেন না; কোন হিন্দু রাজা কখনই সমগ্র ভারত সাম্রাজ্যভুক্ত করিতে পাবেন নাই। দ্বিতীয়তঃ, হিন্দুরা যবন য়েচ্ছ প্রভৃতি অপর ধর্মাবলম্বী জাতিগণকে বিশেষ ঘৃণা করিতেন; তাহাদিগের উপর প্রভুত্ব করিবার কোন প্রয়াস করিতেন, এমত সম্ভাবনা নহে; বরং তদ্দেশ জয়ে বাত্রা করিলে আপন জাতি ধর্ম বিনাশের শঙ্কা করিবারই সম্ভাবনা। অতএব সক্ষম হইলেও হিন্দুরা ভারতবর্ষের বাহিরে বিজয়াকাঙ্ক্ষায় যাইবার কোন সম্ভাবনা ছিল না। সত্য বটে, এফ্রিকা কাবুল রাজ্যের অধিকাংশ পূর্বকালে হিন্দুরাজ্যভুক্ত ছিল, কিন্তু সে প্রদেশ তৎকালে ভারতবর্ষের একাংশ বলিয়া গণ্য হইত।

প্রাচীন হিন্দুদিগের এ কলঙ্কের তৃতীয় কারণ—হিন্দুরা বহুদিন হইতে পরাধীন। যে জাতি বহুকাল পরাধীন, তাহাদিগের আবার বীরগৌরব কি? কিন্তু এফ্রিকার হিন্দুদিগের বীর্য লাঘব, প্রাচীন হিন্দুদিগের অবমাননার উৎসূক্ত কারণ নহে। প্রায় অনেক দেশেই দেখা যায় যে, প্রাচীন এবং আধুনিক লোকের মধ্যে চরিত্রগত সাদৃশ্য অধিক নহে।

ইটালি ও গ্রীস, ভারতবর্ষের ঞায় এই কথার উদাহরণস্থল । মধ্যকালিক ইটালীয়, এবং বর্তমান গ্রীকদিগের চরিত্র হইতে প্রাচীন রোমক ও গ্রীকদিগকে কাপুরুষ বলিয়া সিদ্ধ করা যাদৃশ অন্য়, আধুনিক ভারতবর্ষীয়দিগের পরাধীনতা হইতে প্রাচীনদিগের বললাঘব সিদ্ধ করা তাদৃশ অন্য় ।

আমরা এমতও বলি না যে, আধুনিক ভারতবর্ষীয়েরা নিতাশু কাপুরুষ, এবং সেই জন্ম এত কাল পরাধীন । এ পরাধীনতার অন্য় কারণ আছে । আমরা তাহার দুইটি কারণ সবিস্তারে এ স্থলে নির্দিষ্ট করি ।

প্রথম, ভারতবর্ষীয়েরা স্বভাবতই স্বাধীনতার আকাঙ্ক্ষা-রহিত । স্বদেশীয়, স্বজাতীয় লোকে আমাদিগকে শাসিত করুক, পরজাতীয়দিগের শাসনাধীন হইব না, একরূপ অভিপ্রায় ভারতবর্ষীয়দিগের মনে আইসে না । স্বজাতীয়ের রাজশাসন মঙ্গলকর বা সুখের আকর, পরজাতীয়ের রাজদণ্ড পীড়াদায়ক বা লাঘবের কারণ, এ কথা তাহাদের বড় হৃদয়ঙ্গত নহে । পরতন্ত্রতা অপেক্ষা স্বতন্ত্রতা ভাল, একরূপ একটা তাহাদিগেব বোধ থাকিলে থাকিতে পারে, কিন্তু সেটি বোধমাত্র—সে জ্ঞান আকাঙ্ক্ষায় পরিণত নহে । অনেক বস্তু আমাদিগের ভাল বলিয়া জ্ঞান থাকিতে পারে, কিন্তু সে জ্ঞানে তৎপ্রতি সকল স্থানে আকাঙ্ক্ষা জন্মে না । কে না হরিশ্চন্দ্রের দাতৃত্ব বা কার্শিয়সের দেশবাৎসল্যের প্রশংসা করে ? কিন্তু তাহার মঞ্চেকর জন হরিশ্চন্দ্রের ন্যায় সৰ্বত্যাগী বা কার্শিয়সের ঞায় আত্মঘাতী হইতে প্রস্তুত ? প্রাচীন বা আধুনিক ইউরোপীয় জাতীয়দিগের মধ্যে স্বাভিন্য়প্রিয়তা বলবতী

আকাজ্জার পরিণত। তাঁহাদিগের বিশ্বাস যে স্বতন্ত্রতা ত্যাগের অগ্রে প্রাণ এবং সর্বস্ব ত্যাগ কর্তব্য। হিন্দুদের মধ্যে তাহা নহে। তাঁহাদিগের বিবেচনা “যে ইচ্ছা স্বজা হউক, আমাদের কি? স্বজাতীয় রাজা, পরজাতীয় রাজা, উভয় সমান। স্বজাতীয় হউক পরজাতীয় হউক, সুশাসন করিলে ছই সমান। স্বজাতীয় রাজা সুশাসন করিবে, পরজাতীয় সুশাসন করিবে না, তাহার স্থিরতা কি? যদি তাহার স্থিরতা নাই, তবে কেন স্বজাতীয় রাজার জন্ত প্রাণ দিব? রাজ্য রাজার সম্পত্তি। তিনি রাখিতে পারেন রাখুন। আমরাদিগের পক্ষে উভয় সমান। কেহই আমাদের ষষ্ঠ ভাগ ছাড়িবে না, কেহই চোরকে পুরস্কৃত করিবে না। যে রাজা হয় হউক, আমরা কাহারও জন্ত অশুলি ক্ষত করিব না।*

* আমরা এমত বলি না, যে ভারতবর্ষে কখন কোন স্বাতন্ত্র্যভুক্ত জাতি ছিল না। মৌবার-রাজপুতদিগের অপূর্ব কাহিনী ধাহারা টুডের গ্রন্থে অবগত হইয়াছেন, তাহার। জানেন, যে ঐ রাজপুতগণ হইতে স্বাতন্ত্র্যভুক্ত জাতি কখন পৃথিবীতে দেখা দেয় নাই। সেই স্বাতন্ত্র্যপ্রিয়তার ফলও চমৎকার। মৌবার ক্ষত্র রাজ্য হইয়াও ছয় শত বৎসর পবাস্তু মুসলমান সাম্রাজ্যের মধ্যস্থলে স্বাধীন হিন্দু রাজপতাকা উড়াইয়াছে। আকবর, বাদশাহের বাহুবলও মৌবার ধ্বংসে সক্ষম হয় নাই। অদ্যাপি উর্দুপূর্বের রাজবংশ পৃথিবীর মধ্যে প্রাচীন রাজবংশ বলিয়া বিখ্যাত। কিন্তু ঐক্কেণে আর সে দিন নাই। সে রামও মাই সে অযোধ্যাও নাই। উপরে আমরা বাহা বলিয়াছি, তাহা সাধারণ হিন্দুসম্বন্ধে মথার্থ।

আমরা এক্ষণে স্বাভাবিক পর ইংরেজদিগের নিকট শিক্ষাপ্রাপ্ত হইয়া এই সকল কথাই ভ্রম দেখিতে পাইতেছি। কিন্তু ইহা অস্বাভাবিক নহে, এবং ইহার ভ্রান্তি সহজে অনুমেয়ও নহে। স্বভাববশতঃ কোন জাতি অসভ্যকাল হইতেই স্বাভাবিকপ্রিয় ; স্বভাববশতঃ কোন জাতি সুসভ্য হইয়াও তৎপ্রতি আস্থাশূন্য। এই সংসারে অনেকগুলি স্পৃহনীয় বস্তু আছে ; তন্মধ্যে সকলেই সকল বস্তুর জগৎ যত্নবান হয় না। ধন এবং যশঃ উভয়ই স্পৃহনীয়। কিন্তু আমরা সচরাচর দেখিতে পাই, এক ব্যক্তি ধনসঞ্চয়েই রত, যশের প্রতি তাহার অনাদর ; অন্য ব্যক্তি যশোনিপু, ধনে হতাদর। রাম, ধনসঞ্চয়ে একব্রত হইয়া, কার্পণ্য, নীচাশয়তা প্রভৃতি দোষে যশোহানি করিতেছে ; যত্ন, অমিত ধনরাশি নষ্ট করিয়া, দাতৃত্বাদি গুণে যশঃ সঞ্চয় করিতেছে। রাম ভ্রান্ত কি যত্ন ভ্রান্ত, তাহার মীমাংসা নিতান্ত সহজ নহে। অন্ততঃ ইহা স্থির যে উভয়মধ্যে কাহারও কার্য স্বভাববিরুদ্ধ নহে। সেইরূপ গ্রাকেরা স্বাধীনতাপ্রিয় ; হিন্দুরা স্বাধীনতাপ্রিয় নহে, শান্তিসুখের অভিলাষী ; ইহা কেবল জাতিগত স্বভাববৈচিত্র্যের ফল, বিশ্বয়ের বিষয় নহে।

কিন্তু অনেকে এ কথা মনে করেন না। হিন্দুরা যে পরাধীন, স্বাধীনতালাভের জগৎ উৎসুক নহে, ইহাতে তাঁহারা অনুমান করেন যে হিন্দুরা দুর্বল, রণভীরু, স্বাধীনতালাভে অক্ষম ; এ কথা তাঁহাদের মনে পড়ে না যে, হিন্দুরা সাধারণতঃ স্বাধীনতা লাভে অভিলাষী বা যত্নবান্ নহে। অভিলাষী বা যত্নবান হইলেই লাভ করিতে পারে।

স্বাভাবিক অনাস্থা, কেবল আধুনিক হিন্দুদিগের স্বভাব এমত

আমরা বলি না ; ইহা হিন্দুজাতির চিরস্থাবর বোধ হয় । যিনি এমত বিবেচনা করেন যে, হিন্দুরা সাত শত বৎসর স্বাভাবিক হইয়া, এক্ষণে তদ্বিষয়ে আকাঙ্ক্ষাশূন্য হইয়াছে, তিনি অযথার্থ অনুমান করেন । সংস্কৃত সাহিত্যাদিতে কোথাও এমন কিছু পাওয়া যায় না যে তাহা হইতে পূর্বতন হিন্দুগণকে স্বাধীনতা-প্রয়াসী বলিয়া সিদ্ধ করা যাইতে পারে । পুরাণোপপুরাণ কাব্য নাটকাদিতে কোথাও স্বাধীনতার গুণগান নাই । মৌবার ভিন্ন কোথাও দেখা যায় না যে, কোন হিন্দুসমাজ স্বাভাবিক আকাঙ্ক্ষার কোন কার্যে প্রবৃত্ত হইয়াছে । রাজার রাজ্য সম্পত্তি রক্ষায় বহু বীরের বীরদর্প, ক্ষত্রিয়ের যুদ্ধপ্রয়াস, এ সকলের ভূরি ভূরি উল্লেখ দেখিতে পাওয়া যায় । কিন্তু স্বাভাবিক আকাঙ্ক্ষা সে সকলের মধ্যগত নহে । স্বাভাবিক, স্বাধীনতা, এ সকল নূতন কথা ।

ভারতবর্ষীয়দিগের এইরূপ স্বভাবসিদ্ধ স্বাভাবিক অনাস্থার কারণানুসন্ধান করিলে তাহাও উদ্ভূত নহে । ভারতবর্ষের ভূমির উর্বরতাশক্তি এবং বায়ুর তাপাতিশয্য প্রভৃতি ইহার গৌণ কারণ । ভূমি উর্বরা, দেশ সর্বসামগ্রী পরিপূর্ণ, অন্নায়সে জীবনযাত্রা নির্বাহ হয় । লোককে অধিক পরিশ্রম করিতে হয় না, এজন্য অবকাশ যথেষ্ট । শারীরিক পরিশ্রম হইতে অধিক অবকাশ হইলে, সহজেই মনের গতি আভ্যন্তরিক হয় ; ধ্যানের বাহ্য ও চিন্তার বাহ্য হয় । তাহার এক কল কবিত্ব, জগত্তদে পাণ্ডিত্য । এইজন্য হিন্দুরা অল্পকালে অদ্বিতীয় কবি এবং দার্শনিক হইয়াছিলেন । কিন্তু মনের আভ্যন্তরিক গতির দ্বিতীয় কল বাহ্যস্থে অনাস্থা । বাহ্যস্থে

অনাস্থা হইলে স্মৃতির নিশ্চেষ্টতা জন্মিবে। স্বাতন্ত্র্যে অনাস্থা এই স্বাভাবিক নিশ্চেষ্টতার এক অংশ মাত্র। আৰ্য্য ধর্মতত্ত্বে, আৰ্য্য-দর্শনশাস্ত্রে এই অচেষ্টা-পরতা সর্বত্র বিদ্যমান। কি বৈদিক, কি বৌদ্ধ, কি পৌরাণিক ধর্ম, সকলেই এই নিশ্চেষ্টতারই সম্বন্ধনা পরিপূর্ণ। বেদ হইতে বেদান্ত সাংখ্যাদি দর্শনের উৎপত্তি ; তদনুসারে লয় বা ভোগক্ষান্তিই মোক্ষ ; নিকামত্বই পুণ্য। বৌদ্ধধর্মের সার,—নির্বাণই মুক্তি।

এক্ষণে জিজ্ঞাস্য হইতে পারে যে, হিন্দুজাতি যদি চিরকাল স্বাতন্ত্র্যে হতাদর, তবে মুসলমানকৃত জয়ের পূর্বে সর্দ্ধি সহস্র বৎসর তাহারা কেন যত্ন করিয়া পুনঃ পুনঃ পরজাতি বিমুখ পুরুক স্বাধীনতা রক্ষা করিয়াছিল? পরজাতিগণ সহজে কখন বিমুখ হয় নাই, অনেক কষ্টে হইয়া থাকিবে। যে স্মৃতির প্রতি আস্থা নাই, সে স্মৃতির জন্ত হিন্দুসমাজ কেন এত কষ্ট স্বীকার করিয়াছিল?

উত্তর, হিন্দুসমাজ যে কখন শক যবনপ্রভৃতিকে বিমুখীকরণ জন্ত বিশেষ যত্নবান্ হইয়াছিল, তাহার প্রমাণ কোথাও নাই। হিন্দুরাজগণ আপনার রাজ্যসম্পত্তি রক্ষার জন্ত যত্ন করিয়াছিলেন, তাঁহাদিগের সংগৃহীত সেনায় যুদ্ধ করিত; যখন পারিত শত্রু বিমুখ করিত, তাহাতেই দেশের স্বাতন্ত্র্য রক্ষা হইত; তদ্বিন্ন যে “আমাদের দেশে ভিন্ন জাতীয় রাজা হইতে দিব না” বন্ধিয়া সাধারণ জনগণ কখন উৎসাহযুক্ত বা উত্তমশালী হইয়াছিল, ইহার প্রমাণ কোথাও নাই। বরং তদ্বিপরীতই প্রকৃত বলিয়া বিবেচনা হয়। যখনই সমরলক্ষ্মীর কোপদৃষ্টি-প্রভাবে হিন্দু রাজা বা হিন্দু সেনাপতি রূপে হত হইয়াছেন,

তখনই হিন্দুসেনা রণে ভঙ্গ দিয়া পলায়ন করিয়াছে, আর যুদ্ধে সমবেত হয় নাই। কেননা আর কাহার জন্ত যুদ্ধ করিবে? যখনই রাজা নিধনপ্রাপ্ত, বা অন্য কারণে রাজ্য রক্ষায় নিশ্চেষ্ট হইয়াছেন, তখনই হিন্দুযুদ্ধ সমাধা হইয়াছে। আর কেহ তাহার স্থানীয় হইয়া স্বাতন্ত্র্য পালনের উপায় করে নাই; সাধারণ সমাজ হইতে অরক্ষিত রাজ্যরক্ষার কোন উদ্যম হয় নাই। যখন বিধির বিপাকে যবন বা পারসিক, শক বা বাহ্লিক, কোন প্রদেশ খণ্ডের রাজাকে রণে পরাজিত করিয়া তাঁহার সিংহাসনে বসিয়াছে, প্রজাগণ তখনই তাহাকে পূর্ব-প্রভুর তুল্য সমাদর করিয়াছে, রাজ্যাপহরণে কোন আপত্তি করে নাই। তিন সহস্র বৎসরের অধিক কাল ধরিয়া, আৰ্য্যের সঙ্গে আৰ্য্যজাতীয়, আৰ্য্যজাতীয়ের সঙ্গে ভিন্ন জাতীয়, ভিন্ন জাতীয়ের সঙ্গে ভিন্ন জাতীয়;—মগধের সঙ্গে কাণ্ডকুজ, কাণ্ডকুজের সঙ্গে দিল্লী, দিল্লীর সঙ্গে লাহোর, হিন্দুর সঙ্গে পাঠান, পাঠানের সঙ্গে মোগল, মোগলের সঙ্গে ইংরেজ;—সকলের সঙ্গে সকলে বিবাদ করিয়া, চিরপ্রজ্বলিত সমরানলে দেশ দগ্ধ করিয়াছে। কিন্তু সে সকল কেবল রাজায় রাজায় যুদ্ধ; সাধারণ হিন্দুসমাজ কখন কাহারও হইয়া কাহারও সহিত যুদ্ধ করে নাই। হিন্দুরাজগণ অথবা হিন্দুস্থানের রাজগণ, ভূয়োভূয়ঃ ভিন্ন জাতি কর্তৃক জিত হইয়াছে, কিন্তু সাধারণ হিন্দুসমাজ যে কখন কোন পরজাতি কর্তৃক পরাজিত হইয়াছে, ঐমত বলা যাইতে পারে না; কেননা সাধারণ হিন্দুসমাজ কখন কোন পরজাতির সঙ্গে যুদ্ধ করে নাই।

এই বিচারে হিন্দুজাতির দীর্ঘকালগত পরাধীনতার দ্বিতীয়

কারণ আসিয়া পড়িল। সে কারণ,—হিন্দুসমাজের অনৈক্য, সমাজমধ্যে জাতি-প্রতিষ্ঠার অভাব, জাতি-হিতৈষিতার অভাব, অথবা অশু যাহাই বলুন। আমরা সবিস্তারে তাহা বুঝাইতেছি।

আমি হিন্দু, তুমি হিন্দু, রাম হিন্দু, যত্ন হিন্দু, আরও লক্ষ লক্ষ হিন্দু আছে। এই লক্ষ লক্ষ হিন্দু মাত্রেরই যাহাতে মঙ্গল, তাহাতেই আমার মঙ্গল। যাহাতে তাহাদের মঙ্গল নাই, আমারও তাহাতে মঙ্গল নাই। অতএব সকল হিন্দুর যাহাতে মঙ্গল হয়, তাহাই আমার কর্তব্য। যাহাতে কোন হিন্দুর অমঙ্গল হয়, তাহা আমার অকর্তব্য। যেমন আমার এইরূপ কর্তব্য, আর এইরূপ অকর্তব্য, তোমারও তদ্রূপ, রামের তদ্রূপ, যত্নেরও তদ্রূপ, সকল হিন্দুরই তদ্রূপ। সকল হিন্দুরই যদি এক রূপ কার্য্য হইল, তবে সকল হিন্দুর কর্তব্য যে এক পরামর্শী, এক মতাবলম্বী, একত্র মিলিত হইয়া কার্য্য করে। এই জ্ঞান জাতিপ্রতিষ্ঠার প্রথম ভাগ ; অর্দ্ধাংশ মাত্র।

হিন্দুজাতি ভিন্ন পৃথিবীতে অশু অনেক জাতি আছে। তাহাদের মঙ্গল মাত্রেরই আমাদের মঙ্গল হওয়া সম্ভব নহে। অনেক স্থানে তাহাদের মঙ্গলে আমাদের অমঙ্গল। যেখানে তাহাদের মঙ্গলে আমাদের অমঙ্গল, সেখানে তাহাদের মঙ্গল যাহাতে না হয়, আমরা তাহাই করিব। ইহাতে পরজাতিপীড়ন করিতে হয়, করিব। অপিচ, যেমন তাহাদের মঙ্গলে আমাদের অমঙ্গল ঘটিতে পারে, তেমনি আমাদের মঙ্গলে তাহাদের অমঙ্গল হইতে পারে। হয় হউক, আমরা সে জগৎ আত্মজাতির মঙ্গল সাধনে বিরত হইব না; পরজাতির অমঙ্গল সাধন

করিয়া আত্মমঙ্গল সাধিতে হয় তাহাও করিব । জাতিপ্রতি-
ষ্ঠার এই দ্বিতীয় ভাগ ।

দেখা যাইতেছে যে, এইরূপ মনোবৃত্তি নিষ্পাপ পরিণত
ভাবে বলিয়া স্বীকার করা যাইতে পারে না । ইহার গুরুতর
দোষাবহ বিকার আছে । সেই বিকারে, জাতিসাধারণের একরূপ
ভ্রান্তি জন্মে যে, পরজাতির মঙ্গল মাত্রেই স্বজাতির অমঙ্গল,
পরজাতির অমঙ্গল মাত্রেই স্বজাতির মঙ্গল বলিয়া বোধ হয় ।
এই কুসংস্কারের বশবর্তী হইয়া ইউরোপীয়েরা অনেক দুঃখ
ভোগ করিয়াছে । অনর্থক ইহার জন্মে অনেকবার সমরানলে
ইউরোপ দগ্ধ করিয়াছে ।

স্বজাতি-প্রতিষ্ঠা ভালই হউক বা মন্দই হউক, যে জাতি-
মধ্যে ইহা বশবর্তী হয়, সে জাতি অগ্র জাতি অপেক্ষা প্রবলতা
লাভ করে । আজি কালি এই জ্ঞান ইউরোপে বিশেষ প্রধান,
এবং ইহার প্রভাবে তথায় অনেক বিষম রাজ্যবিপ্লব ঘটিতেছে ।
ইহার প্রভাবে ইটালি এক রাজ্যভুক্ত হইয়াছে । ইহারই
প্রভাবে বিষম প্রতাপশালী নূতন জার্মান সাম্রাজ্য স্থাপিত
হইয়াছে । আরও কি হইবে বলা যায় না ।

এমত বলি না যে, ভারতবর্ষে এই জাতিপ্রতিষ্ঠা কস্মিন্‌কালে
ছিল না । ইউরোপীয় পণ্ডিতেরা সিদ্ধান্ত করিয়াছেন যে,
আর্য্য জাতীয়েরা চিরকাল ভারতবর্ষবাসী নহে । অন্তত হইতে
ভারতবর্ষে আসিয়া, তদেশ অধিকার করিয়াছিল । প্রথম
আর্য্যজয়ের সময়ে বেদাদির সৃষ্টি হয়, এবং সেই সময়েই
পণ্ডিতেরা বৈদিক কাল কহেন । বৈদিক কালে এবং তাহার
অব্যবহিত পরেই জাতিপ্রতিষ্ঠা যে আর্য্যগণের মধ্যে বিশেষ

বলবতী ছিল, তাহার অনেক প্রমাণ বৈদিক মন্ত্রাদি মধ্যে পাওয়া যায়। তাৎকালিক সমাজ-নিয়ন্তা ব্রাহ্মণেরা যে রূপে সমাজ বিধিবদ্ধ করিয়াছিল, তাহাও ঐ জ্ঞানের পরিচয়স্থল। আর্য্য বর্ণে এবং শূদ্রে যে বিষম বৈলক্ষণ্য বিধিবদ্ধ হইয়াছে, তাহাও ইহার ফল। কিন্তু ক্রমে আর্য্যবংশ বিস্তৃত হইয়া পড়িলে আর সে জাতিপ্রতিষ্ঠা রহিল না। আর্য্যবংশীয়েরা বিস্তৃত ভারত-বর্ষের নানা প্রদেশ অধিকৃত করিয়া স্থানে স্থানে এক এক খণ্ড সমাজ স্থাপন করিল। ভারতবর্ষ একরূপ বহুসংখ্যক খণ্ডসমাজে বিভক্ত হইল। সমাজভেদ, ভাষার ভেদ, আচার ব্যবহারের ভেদ, নানা ভেদ, শেষে জাতিভেদে পরিণত হইল। বাহ্লিক হইতে পৌণ্ড্র পর্য্যন্ত, কাশ্মীর হইতে চোলা ও পাণ্ড্রা পর্য্যন্ত সমস্ত ভারত ভূমি মক্ষিকাসমাকুল মধুচক্রের গ্ৰাণ নানা জাতি, নানা সমাজে পরিপূর্ণ হইল। পরিশেষে, কপিলবাস্তুর রাজ-কুমার শাক্যসিংহের হস্তে এক অভিনব ধর্ম্মের সৃষ্টি হইলে, অন্যান্য প্রভেদের উপর ধর্ম্মভেদ জন্মিল। ভিন্ন দেশ, ভিন্ন ভাষা, ভিন্ন রাজ্য, ভিন্ন ধর্ম্ম ; আর এক জাতীয়ত্ব কোথায় থাকে ? সাগরমধ্যস্থ গীনদলবৎ ভারতবর্ষীয়েরা একতানু হইল। পরে আবার মুসলমান আসিল। মুসলমানদিগের বংশবৃদ্ধি হইতে লাগিল। কালে, সাগরোশ্মির উপর সাগরোশ্মিবৎ নূতন নূতন মুসলমান সম্প্রদায়, পাশ্চাত্যপর্কতপার হইতে আসিতে লাগিল। দেশীয় লোকে সহস্রে সহস্রে রাজানুকম্পার লোভে বা রাজপীড়নে মুসলমান হইতে লাগিল। অতএব ভারতবর্ষ বাসিগণ মুসলমান হিন্দু মিশ্রিত হইল। হিন্দু, মুসলমান, মোগল, পাঠান, রাজপুত, মহারাষ্ট্র, একত্র কর্ম্ম করিতে

লাগিল। তখন জাতির ঐক্য কোথায়? ঐক্যজ্ঞান কিসে থাকিবে?

এই ভারতবর্ষে নানা জাতি। বাসস্থানের প্রভেদে, ভাষার প্রভেদে, বংশের প্রভেদে, ধর্মের প্রভেদে, নানা জাতি। বাঙ্গালি, পঞ্জাবী, তৈলঙ্গী, মহারাষ্ট্রী, রাজপুত, জাঠ, হিন্দু, মুসলমান, ইহার মধ্যে কে কাহার সঙ্গে একতায়ুক্ত হইবে? ধর্মগত ঐক্য থাকিলে বংশগত ঐক্য নাই, বংশগত ঐক্য থাকিলে ভাষাগত ঐক্য নাই, ভাষাগত ঐক্য থাকিলে নিবাসগত ঐক্য নাই। রাজপুত জাঠ, এক ধর্মাবলম্বী হইলে, ভিন্ন বংশীয় বলিয়া ভিন্ন জাতি; বাঙ্গালি বেহারী এক বংশীয় হইলে, ভাষাভেদে ভিন্ন জাতি; মৈথিলি কনৌজী একভাষী হইলে, নিবাসভেদে ভিন্ন জাতি। কেবল ইহাই নহে। ভারতবর্ষের এমনই অদৃষ্ট, যেখানে কোন প্রদেশীয় লোক সর্ব্বাংশে এক; যাহাদের এক ধর্ম, এক ভাষা, এক জাতি, এক দেশ, তাহাদের মধ্যেও জাতির একতাজ্ঞান নাই। বাঙ্গালির মধ্যে বাঙ্গালিজাতির একতা বোধ নাই, শীকের মধ্যে শীকজাতির একতা বোধ নাই। ইহারও বিশেষ কারণ আছে। বহুকাল পর্য্যন্ত বহুসংখ্যক ভিন্ন জাতি এক বৃহৎ সাম্রাজ্যভুক্ত হইলে ক্রমে জাতিজ্ঞান লোপ হইতে থাকে। ভিন্ন ভিন্ন নদীর মুখনির্গত জলরাশি যেমন সমুদ্রে আসিয়া পড়িলে, আর তন্মধ্যে ভেদ জ্ঞান করা যায় না, বৃহৎ সাম্রাজ্যভুক্ত ভিন্ন জাতিগণের সেইরূপ ঘটে। তাহা-দিগের পার্থক্য যায়, অথচ ঐক্য জন্মে না। রোমক সাম্রাজ্য-মধ্যগত জাতিদিগের এইরূপ দশা ঘটিয়াছিল। হিন্দুদিগেরও তাহাই ঘটিয়াছে। জাতি প্রতিষ্ঠা নানা কারণে ভারতবর্ষে

অনেক দিন হইতে লোপ হইয়াছে। লোপ হইয়াছে বলিয়া কখন হিন্দু সমাজ কর্তৃক কোন জাতীয় কার্য সমাধা হয় নাই। লোপ হইয়াছে বলিয়া, সকল জাতীয় রাজাই হিন্দু রাজ্যে বিনা বিবাদে সমাজ কর্তৃক অভিষিক্ত হইয়াছেন। এই জন্মই স্বাভাবিকতার কারণ হিন্দুসমাজ কখন তর্জনির বিক্রেপও করে নাই।

ইতিহাসকীর্তিত কালমধ্যে কেবল দুইবার হিন্দুসমাজ মধ্যে জাতিপ্রতিষ্ঠার উদয় হইয়াছিল। একবার, মহারাষ্ট্রে শিবজী এই মহামন্ত্র পাঠ করিয়াছিলেন। তাঁহার সিংহনাদে মহারাষ্ট্রে জাগ্রিত হইয়াছিল। তখন মহারাষ্ট্রীয়ে মহারাষ্ট্রীয়ে ভ্রাতৃত্বাব হইল। এই আশ্চর্য্য মন্ত্রের বলে অজিতপূর্ব্ব গোগল সাম্রাজ্য মহারাষ্ট্রীয় কর্তৃক বিনষ্ট হইল। চিরজয়ী মুসলমান হিন্দু কর্তৃক বিজিত হইল। সমুদায় ভারতবর্ষ মহারাষ্ট্রের পদাবনত হইল। অস্ত্রাপি মাহাট্টা, ইংরেজের সঙ্গে ভারতবর্ষ ভাগে ভাগ করিতেছে।

• দ্বিতীয়বারের ঐন্দ্রজালিক রণজিৎ সিংহ; ইন্দ্রজাল খালসা। জাতীয় বন্ধন দূত হইলে পাঠানদিগের স্বদেশেরও কিয়দংশ হিন্দুর হস্তগত হইল। শতদ্রু পারে সিংহনাদ শুনিয়া, নিভীক ইংরেজও কম্পিত হইল। ভাগ্যক্রমে ঐন্দ্রজালিক মরিল। পটু-তুর ঐন্দ্রজালিক ডালহৌসির হস্তে খালসা ইন্দ্রজাল ভাঙ্গিল। কিন্তু রামনগর এবং চিলিয়ানওয়ালী ইতিহাসে লেখা রহিল।

যদি কদাচিৎ কোন প্রদেশখণ্ডে জাতিপ্রতিষ্ঠার উদয়ে এত-দূর ঘটিয়াছিল, তবে সমুদায় ভারত এক জাতীয় বন্ধনে বন্ধ হইলে কি না হইতে পারিত ?

ইংরেজ ভারতবর্ষের পরমোপকারী। ইংরেজ আমাদের নতন কথা শিখাইতেছে। যাহা আমরা কখন জানিতাম না, তাহা জানাইতেছে; যাহা কখন দেখি নাই, শুনি নাই, বুঝি নাই, তাহা দেখাইতেছে, শুনাইতেছে, বুঝাইতেছে; যে পথে কখন চলি নাই, সে পথে কেমন করিয়া চলিতে হয়, তাহা দেখাইয়া দিতেছে। সেই সকল শিক্ষার মধ্যে অনেক শিক্ষা অমূল্য। যে সকল অমূল্য বস্তু আমরা ইংরেজের চিত্তভাণ্ডার হইতে লাভ করিতেছি, তাহার মধ্যে দুইটির আমরা এই প্রবন্ধে উল্লেখ করিলাম—স্বাভ্যপ্রিয়তা এবং জাতিপ্রতিষ্ঠা*। ইহা কাহাকে বলে তাহা হিন্দু জানিত না।

* এই প্রবন্ধে জাতি শব্দে Nationality বা Nation বুঝিত হইবে।

ভারতবর্ষের স্বাধীনতা এবং পরাদীনতা ।

— ০০ —

মানুষের এমন ছরবস্থা কখন হইতে পারে না, যে তাহাতে শুভ কিছুই দেখা যায় না । আমাদের গুরুতর দুর্ভাগ্যেও কিছু না কিছু মঙ্গল খুঁজিয়া পাওয়া যায় । যে অশুভের মধ্যে শুভের অনুসন্ধান করিয়া তাহার আলোচনা করে সেই বিদ্ব । দুঃখও যে কেবল দুঃখ নহে দুঃখের দিনে এ কথার আলোচনাও কিছু সুখ আছে ।

ভারতবর্ষ পূর্বে স্বাধীন ছিল—এখন অনেক শত বৎসর হইতে পরাধীন । নব্য ভারতবর্ষীয়েরা ইহা ঘোরতর দুঃখ মনে করেন । আমাদের ইচ্ছা যে সেই প্রাচীন স্বাধীনতায় এবং আধুনিক পরাধীনতায় একবার তুলনা করিয়া দেখি । দেখি যে দুঃখই বা কি সুখ কি ।

কিন্তু স্বাধীনতা ও পরাধীনতা এই সকল কথার তাৎপর্য কি, তাহা একবার বিবেচনা করা আবশ্যিক হইতেছে । আমরা প্রাচীন ভারতবর্ষের সঙ্গে আধুনিক ভারতবর্ষের তুলনায় প্রবৃত্ত হইয়াছি । তুলনার উদ্দেশ্যে ভারতম্য নির্দেশ । কিন্তু কোন্ বিষয়ের ভারতম্য আমাদের অনুসন্ধানের বিষয়? প্রাচীন

ভারত স্বাধীন, আধুনিক ভারত পরাধীন, একথা বলিয়া কি উপকার ? আমাদের বিবেচনায়, এরূপ তুলনায় একটি মাত্র উদ্দেশ্য এই হওয়া আবশ্যিক, যে প্রাচীন ভারতে মনুষ্য সুখী ছিল, কি আধুনিক ভারতবর্ষে অধিক সুখী ?

এতক্ষণে অনেকে আমাদের প্রতি খড়াহস্ত হইয়াছেন । স্বাধীনতায় যে সুখ তাহাতে সংশয় কি ? যে সংশয় করে সে পাবও, নরাদম, ইত্যাদি । স্বীকার করি । কিন্তু স্বাধীনতা পরাধীনতা অপেক্ষা কিসে ভাল, তাহা জিজ্ঞাসা করিলে, ইহার সহজ পায়ের পাওয়া ভার ।

বান্দালি ইংরেজি পড়িয়া এ বিষয়ে দুইটি কথা শিখিয়াছেন — “ Liberty ” “ Independence, ” তাহার অনুবাদে আমরা স্বাধীনতা এবং স্বতন্ত্রতা দুইটি কথা পাইয়াছি । অনেকেরই মনে বোধ আছে যে দুইটি শব্দে এক পদার্থকে বুঝায় । স্বজাতির শাসনাধীন অবস্থাকেই ইহা বুঝায়, এইটি সাধারণ প্রতীতি । রাজা যদি ভিন্নদেশীয় হইলেন, তবে তাহার প্রজাগণ পরাধীন, এবং সেই রাজ্য পরতন্ত্র । এই হেতু, এক্ষণে ইংরেজের শাসনাধীন ভারতবর্ষকে পরাধীন ও পরতন্ত্র বলা গিয়া থাকে । এইজন্য মোগলদিগের শাসিত ভারতবর্ষকে, বা সেরাজ-উদৌলার শাসিত বাঙ্গালাকে পরাধীন বা পরতন্ত্র বলা গিয়া থাকে । এইরূপ সংস্কারের সমূলকতা বিবেচনা করা যাউক ।

মহারানী বিষ্টোরিয়াকে ইংরেজকন্যা বলা বাইতে পারে, কিন্তু তাহার পূর্বপুরুষ প্রথম বা দ্বিতীয় জর্জ ইংরেজ ছিলেন না । তাহার জর্জান । তৃতীয় উইলিয়াম ওলন্দাজ ছিলেন । বোনাপার্ট কসিকার ইতালীয় ছিলেন । স্পেনের ভূতপূর্ব

প্রাচীন বুর্ভোবংশীয় রাজারা করানী ছিলেন । রোম সাম্রাজ্যের সিংহাসনে অনেক বর্ষের জাতীয় সম্রাট আরোহণ করিয়াছিলেন । এইরূপ শত শত ঘটনার উল্লেখ করা যাইতে পারে । দেখা যাইতেছে এই সকল রাজ্যে তত্তদবস্থায় রাজা ভিন্নজাতীয় ছিলেন । ঐ সকল রাজ্য তৎকালে পরাধীন বা পরতন্ত্র ছিল, বলা যাইতে পারে কি না ? কেহই বলিবেন না, বলা যাইতে পারে । যদি প্রথম জর্জ শাসিত ইংলণ্ডকে, বা ত্রেজান-শাসিত রোমকে পরাধীন বলা না গেল, তবে শাহ জাঁহা শাসিত ভারতবর্ষকে বা আলীবর্দ্ধি-শাসিত বাঙ্গালাকে পরাধীন বলি কেন ?

দেখা যাইতেছে, যে শাসনকর্তা ভিন্নজাতীয় হইলেই, রাজ্য পরতন্ত্র হইল না । পক্ষান্তরে, শাসনকর্তা স্বজাতীয় হইলেই রাজ্য যে স্বতন্ত্র হয় না, তাহারও অনেক উদাহরণ দেওয়া যাইতে পারে । ওয়াশিংটনের কৃত যুদ্ধের পূর্বে আমেরিকার শাসনকর্তৃগণ, স্বজাতীয় ছিল । উপনিবেশ মাত্রেরই প্রথমাবস্থায় শাসনকর্তা স্বজাতীয় হইয়া থাকে, কিন্তু সে অবস্থায় উপনিবেশ সকলকে কদাচ স্বতন্ত্র বলা যায় না ।

তবে পরতন্ত্র কাহাকে বলি ?

ইহা নিশ্চিত যে ইংরেজের অধীন আধুনিক ভারত পরতন্ত্র রাজ্য বটে । রোমক-জিত, ব্রিটেন হইতে সিরিয়া পর্য্যন্ত রাষ্ট্র সকল পরতন্ত্র ছিল-বটে । আলজিয়ার্স বা জামেকা পরতন্ত্র রাজ্য বটে । কিসে এই সকল রাজ্য পরতন্ত্র ? এ সকল এক একটি পৃথক রাজ্য নহে, ভিন্নদেশবাসী রাজার রাজ্যের অংশ মাত্র । ভারতেশ্বরী ভারতবর্ষে থাকেন না—ভারতবর্ষের রাজা ভারত-

বর্ষে নাই। অন্তর্দেশে। যে দেশের রাজা অন্য দেশের সিংহাসনারূঢ় এবং অন্তর্দেশবাসী, সেই দেশ পরতন্ত্র।

দুইটি রাজ্যের এক রাজা হইলে তাহার একটি পরতন্ত্র একটি স্বতন্ত্র। যে দেশে রাজা বাস করেন, সেইটী স্বতন্ত্র, যে দেশে বাস করেন না সেইটি পরতন্ত্র।

এইরূপ পরিভাষার কতকগুলি আপত্তি উত্থাপিত হইতে পারে। ইংলণ্ডের প্রথম জেম্‌স্‌, স্কটলণ্ড ও ইংলণ্ড দুই রাজ্যের অধাশ্বর হইয়া, স্কটলণ্ড ত্যাগ করিয়া ইংলণ্ডে বাস করিলেন। স্কটলণ্ড কি ইংলণ্ডকে রাজ্য দিয়া পরতন্ত্র হইল? বাবরশাহ, ভারত জয় করিয়া, দিল্লীতে সিংহাসন স্থাপন পূর্বক, তথা হইতে পৈতৃক রাজ্য শাসিত করিতে লাগিলেন—তাঁহার স্বদেশ কি ভারতবর্ষের অধীন হইল? প্রথম জর্জ ইংলণ্ডের সিংহাসন প্রাপ্ত হইয়া তথায় অধিষ্ঠান করিয়া, পৈতৃক রাজ্য হানোবর শাসিত করিতে লাগিলেন;—হানোবর কি তখন পরতন্ত্র হইয়াছিল?

পরিভাষার অনুরোধে আমাদিগকে বলিতে হইবে যে প্রথম জেম্‌স্‌ বা প্রথম জর্জ বা প্রথম মোগলের পূর্বরাজ্যের পরতন্ত্রতা ঘটিয়াছিল। কিন্তু পারতন্ত্র্য ঘটিয়াছিল মাত্র, পরাধীনতা ঘটে নাই। আমরা Independence শব্দের পরিবর্তে স্বতন্ত্রতা, এবং Liberty শব্দের স্থানে স্বাধীনতা শব্দ এবং তত্তদভাব স্থানে তত্তদভাব সূচক শব্দ ব্যবহার করিতেছি।

তবে পারতন্ত্র্য এবং পরাধীনতার প্রভেদ কি? অথবা, স্বাধীনতা এবং স্বাধীনতার প্রভেদ কি?

ইংলণ্ডে রাজনৈতিক স্বাধীনতার একটি বিশেষ প্রয়োগ প্রচলিত আছে, আমরা সে অর্থ অবলম্বন করিতে বাধ্য নহি। কেননা, সে অর্থ এই উপস্থিত বিচারের উপযোগী নহে। যে অর্থ ভারতবর্ষীয়েরা বুঝেন, আমরাও সেই অর্থ বুঝাইব।

ভিন্নদেশীয় লোক, কোন দেশে রাজা হইলে একটি অত্যাচার ঘটে। যাহারা রাজার স্বজাতি, দেশীয় লোকপেক্ষা তাহাদিগের প্রাধান্য ঘটে। তাহাতে প্রজা পরজাতিপীড়িত হয়। যেখানে দেশীয় প্রজা, এবং রাজার স্বজাতীয় প্রজার এইরূপ ভারতম্য, সেই দেশকে পরাধীন বলিব। যে রাজ্য পরজাতিপীড়নশূন্য তাহা স্বাধীন।

অতএব পরতন্ত্র রাজ্যকেও কখন স্বাধীন বলা যাইতে পারে। যথা প্রথম জর্জের সময়ে হানোবর, মোগলদিগের সময়ে কাবুল। পক্ষান্তরে কখন স্বতন্ত্র রাজ্যকেও পরাধীন বলা যাইতে পারে, যথা নর্ম্মানদিগের সময়ে ইংলণ্ড, ওরঙ্গজেবের সময়ে ভারতবর্ষ। আমরা কুতবউদ্দিনের অধীন উত্তর ভারতবর্ষকে পরতন্ত্র ও পরাধীন বলি, আকবরের শাসিত ভারতবর্ষকে স্বতন্ত্র ও স্বাধীন বলি।

সে যাহাই হউক, প্রাচীন ভারত স্বতন্ত্র ও স্বাধীন; আধুনিক ভারতবর্ষ পরতন্ত্র ও পরাধীন। প্রথমে স্বাভাব্য পারতন্ত্র্য জন্ম যে বৈষম্য ঘটিতেছে, তাহার আলোচনা করা যাউক—
পশ্চাৎ স্বাধীনতা ও পরাধীনতার কথা বিবেচনা করা যাইবে। রাজা অত্র দেশবাসী হইলে দুইটি অনিষ্টাপাতের সম্ভাবনা; প্রথম, রাজা দূরে থাকিলে সুশাসনের বিঘ্ন হয়। দ্বিতীয়, রাজা যে দেশে অধিষ্ঠান করেন সেই সেই দেশের প্রতি তাহার

অধিক আদর হয়, তাহার মঙ্গলার্থ দূরস্থ রাজ্যের অমঙ্গলও করিয়া থাকেন । এই দুইটি দোষ যে আধুনিক ভারতবর্ষে ঘটিতেছে না, এমত নহে । মহারাজী বিক্তোরিয়ার সিংহাসন দিল্লী বা কলিকাতায় স্থাপিত হইলে, ভারতবর্ষের শাসনপ্রণালী উৎকৃষ্টতর হইত তাহার সন্দেহ নাই, কেননা বাহা রাজার নিকটবর্তী তাহার প্রতি রাজপুরুষদিগের অধিক মনোমোগ হয় । দ্বিতীয় দোষটিও ঘটিতেছে । ইংলণ্ডের গোরবার্থ আভিসিনিয়ার যুদ্ধ হইল, ব্যয়ের দায়ী ভারতবর্ষ । “হোমচার্জেস” বলিয়া যে ব্যয় বজেটভুক্ত হয়, তাহার মধ্যে অনেকগুলিই এইরূপ ইংলণ্ডের মঙ্গলের জন্য ভারতবর্ষের ক্ষতি স্বীকার । এইরূপ অনেক আছে ।

রাজা দূরস্থিত বলিয়া আধুনিক ভারতবর্ষের সুশাসনের বিষয় ঘটে বটে, কিন্তু তেমন, রাজা স্বেচ্ছাচারী বলিয়া সুশাসনের যে সকল বিষয় ঘটিবার সম্ভাবনা, তাহা ঘটে না । কোন রাজা, ইচ্ছিন্নপরতন্ত্র,—অন্তঃপুরেই বাস করেন, রাজ্য হৃদশাগ্রস্ত হইল । কোন রাজা নির্ধুর, কোন রাজা অর্থগৃধু । প্রাচীন ভারতবর্ষে এ সকলে গুরুতর ক্ষতি জন্মিত । আধুনিক ভারতবর্ষে দূরস্থিত রাজা বা রাজ্যীর কোন প্রকার দোষ ঘটিলে তাহার ফল, ভারতবর্ষে ফলিবার সম্ভাবনা নাই ।

দ্বিতীয়, যেমন আধুনিক ভারতবর্ষে ইংলণ্ডের মঙ্গলের জন্য ভারতবর্ষের মঙ্গল কখন কখন নষ্ট হয়, তেমনি প্রাচীন ভারতে রাজার আত্মসুখের জন্য রাজ্যের মঙ্গল নষ্ট হইত । পৃথীরাজ, জয়চন্দ্রের কস্তা হরণ করিয়া আত্মসুখ বিধান করিলেন, তাহাতে উভয়মধ্যে সমরাগ্নি প্রজ্জ্বলিত হইয়া, উভয়ের অপ্রীতি ও তেজোহানি ঘটিতে লাগিল । তন্নিবন্ধন উভয়েই মুসলমানের

হস্তে পতিত হইলেন । আধুনিক ভারতবর্ষে দূরবাসী রাজার আশ্রয়স্থলের অনুরোধে কোন অনিষ্টাপাতের সম্ভাবনা নাই ।

কিন্তু এটি কেবল পরতন্ত্রতা সম্বন্ধে উক্ত হইল, আমরা পরাধীনতা ও পরতন্ত্রতার প্রভেদ করিয়াছি । ভারতবর্ষে ইংরেজের প্রাধান্য, এবং দেশীয় প্রজা সকল তাঁহাদিগের নিকট অবনত, তাঁহাদিগের সুখের জন্য কিয়দংশে যে ভারতবাসীদিগের সুখের লাঘব ঘটয়া থাকে, তাহা এ দেশীয় কোন লোকেই অস্বীকার করিবেন না । একপ জাতির উপর জাতির প্রাধান্য প্রাচীন ভারতে ছিল না । ছিল না বটে কিন্তু তত্বূন্য বর্ণপীড়ন ছিল । ইহা কেহই অস্বীকার করিবেন না, যে চিরকালই ভারতবর্ষের সাধারণ প্রজা শূদ্র ; উৎকৃষ্ট বর্ণত্রয় শূদ্রের তুলনায় অল্পসংখ্যক ছিলেন । সেই বর্ণত্রয়ের মধ্যে, ব্রাহ্মণ ও ক্ষত্রিয় দেশের শাসনকর্তা । কিন্তু এ সকল কথা একটু সবিস্তারে লেখা আবশ্যক হইল ।

লোকের বিশ্বাস আছে যে প্রাচীন ভারতে কেবল ক্ষত্রিয়ই রাজা ছিলেন । বাস্তবিক তাহা নহে, রাজকার্য্য দুই অংশে বিভক্ত ছিল । যুদ্ধাদির ভার ক্ষত্রিয় জাতির প্রতি ছিল ; রাজবাবস্থা নির্বাচন, বিচার ইত্যাদি কার্য্যের ভার ব্রাহ্মণের উপর ছিল । এক্ষণে যেমন সিবিল ও মিলিটারি এই দুই অংশে রাজকার্য্য বিভক্ত, তখনকার কৰ্ম্মভাগ কতকটা সেইরূপই ছিল । ব্রাহ্মণেরা সিবিল কৰ্ম্মচারী, ক্ষত্রিয়েরা মিলিটারি । এখনও যেমন মিলিটারি অপেক্ষা সিবিল কৰ্ম্মচারীদিগের প্রাধান্য, তখনও সেইরূপ ছিল ; রাজপুরুষদিগের মধ্যে, ক্ষত্রিয়েরাই রাজা নাম ধারণ করিতেন, কিন্তু কার্য্যতঃ তাঁহাদিগের উপরেও

ব্রাহ্মণের প্রাধান্য ছিল। প্রাচীন ভারতে ক্ষত্রিয়েরাই সর্বদা রাজা ছিলেন এমন নহে। বোধ হয় আশ্চক্যকালে ক্ষত্রিয়েরাই রাজা ছিলেন, কিন্তু বৌদ্ধকালে যৌধ্য প্রভৃতি সঙ্করজাতীয় রাজবংশ দেখা যায়। চীনপরিব্রাজক হোয়েন্থ সাঙ সিন্ধুপারে ব্রাহ্মণ রাজা দেখিয়া গিয়াছিলেন। অশ্বত্থও ব্রাহ্মণেরা রাজা নাম ধারণ করিয়াছিলেন। মধ্যকালে অধিকাংশ রাজাই রাজপুত্র। রাজপুত্রেরা ক্ষত্রিয়বংশস্থ সঙ্করজাতি মাত্র। ক্ষত্রিয়দিগের প্রাধান্য, প্রাচীন ভারতে চিরকাল অপ্রতিহত ছিল না, ব্রাহ্মণদিগের গৌরব এক দিনের জন্ত লঘু হয় নাই। বেনহেমো বৌদ্ধদিগের সময়েও রাজকার্য্য ব্রাহ্মণদিগের হস্ত হইতে অন্ত হস্তে যায় নাই—কেন না তাঁহারা ই পণ্ডিত, স্মারকিত, এবং কার্য্যক্ষম। অতএব প্রাচীন ভারতে ব্রাহ্মণেরাই প্রকৃত রূপে রাজপুরুষ পদে বাচ্য। সুবিজ্ঞ লেখক, বাবু তারা-প্রসাদ চট্টোপাধ্যায়, বেঙ্গল মাগাজিনে একটি প্রবন্ধে যথার্থই লিখিয়া ছিলেন, যে ব্রাহ্মণেরাই প্রাচীন ভারতের ইংরেজ ছিলেন।

এক্ষণে জিজ্ঞাস্য যে আধুনিক ভারতবর্ষে দেশী বিঘাতিতে যে বৈষম্য, তাহা প্রাচীন ভারতে ব্রাহ্মণ শূদ্রের বৈষম্যের অপেক্ষা কি গুরুতর ?

রাজ্য ভিন্নজাতীয় হইলে যে জাতিপীড়া জন্মে, তাহা দুই প্রকারে ঘটে। এক রাজ্যব্যবস্থাজনিত ; আইনে বিধি থাকে যে ব্রাহ্মণ স্বজাতীয়গণের পক্ষে এই এই রূপ ঘটিবেক, দেশীয় লোকের পক্ষে অন্য প্রকার ঘটিবেক। দ্বিতীয়, স্বজাতিপক্ষ-পাতা রাজ্যের ইচ্ছাজনিত ; রাজ্য সমাদ, রাজ্য স্বজাতিকে দিয়া

থাকেন এবং তিনি স্বভ্রাতৃপক্ষপাতী বলিয়া রাজ্যের কার্যে স্বভ্রাতৃকেই নিযুক্ত করিয়া থাকেন । ইংরেজ শাসিত ভারতে, এবং ব্রাহ্মণশাসিত ভারতে এই দুইটি দোষ কি প্রকার বর্তমান ছিল দেখা যাউক ।

১ম । ইংরেজদিগের কৃত রাজব্যবস্থানুসারে, দেশী অপরাধীর জন্য এক বিচারালয়, বিলাতি অপরাধীর জন্য অন্য বিচারালয় । দেশী লোক ইংরেজ কর্তৃক দণ্ডিত হইতে পারে, কিন্তু ইংরেজ দেশী বিচারক কর্তৃক দণ্ডিত হইতে পারে না । ইহা ভিন্ন ব্যবস্থাগত বৈষম্য আর বড় নাই । কিন্তু ইহা অপেক্ষা কত গুরুতর বৈষম্য ব্রাহ্মণরাজ্যে দেখা যায় ! ইংরেজের জন্য পৃথক বিচারালয় হউক, কিন্তু আইন পৃথক নহে । যেমন একজন দেশীয় লোক ইংরেজ বধ করিলে বধাৰ্হ ইংরেজ, দেশী লোককে বধ করিলে, আইন অনুসারে সেইরূপ বধাৰ্হ । কিন্তু ব্রাহ্মণ-রাজ্যে শূদ্রহস্তা ব্রাহ্মণের এবং ব্রাহ্মণহস্তা শূদ্রের দণ্ডের কত বৈষম্য ! কে বলিবে, এ বিষয়ে প্রাচীন ভারতবর্ষ হইতে আধুনিক ভারতবর্ষ নিকৃষ্ট ?

ইংরেজের রাজ্যে যেমন ইংরেজ দেশী লোক কর্তৃক দণ্ডিত হইতে পারে না, প্রাচীন ভারতেও সেইরূপ ব্রাহ্মণ শূদ্র কর্তৃক দণ্ডিত হইতে পারিত না । বাবু দ্বারকানাথ মিত্র, প্রধানতম বিচারালয়ে বসিয়া আধুনিক ভারতবর্ষের মুখোজ্জল করিয়াছেন — “রামরাজ্যে” তিনি কোথা থাকিতেন ?

২য় । ইংরেজের রাজ্যে রাজপ্রসাদ প্রায় ইংরেজেরই প্রাপ্য কিন্তু কিয়ৎপরিমাণে দেশীয়েরাও উচ্চপদে প্রতিষ্ঠিত । ব্রাহ্মণ-রাজ্যে শূদ্রদিগের ততটা ঘটিত কি না সন্দেহ । কিন্তু যখন

শূদ্র, কখন কখন রাজসিংহাসনারোহণ করিতে সক্ষম হইয়াছিল, তখন অন্যান্য উচ্চপদও যে শূদ্রেরা সময়ে সময়ে অধিকৃত করিত তাহার সন্দেহ নাই। এক্ষণে দেখা যাইতেছে যে, আধুনিক ভারতে প্রাথমিক বিচার কার্যা প্রায় দেশীয় লোকের দ্বারাই হইয়া থাকে,—প্রাচীন ভারতে কি প্রাথমিক বিচার কার্যা শূদ্রের দ্বারা হইত? আমরা প্রাচীন ভারতবর্ষ সম্বন্ধে এত অল্পই জানি যে এ কথা স্থির বলিতে পারি না। অনেক বিচার কার্যা গ্রাম্য সমাজের দ্বারা নির্বাহ হইত বোধ হয়। কিন্তু সাধারণতঃ কি বিচার, কি সৈন্যপাল, কি অন্যান্য প্রধান পদ সকল যে ব্রাহ্মণ ও ক্ষত্রিয়ের হস্তে ছিল, তাহা প্রাচীন গ্রন্থাদি পাঠে বোধ হয়।

অনেকেই বলিবেন, ইংরেজের প্রাধান্য এবং ব্রাহ্মণ ক্ষত্রিয়ের প্রাধান্যে সাদৃশ্য কল্পনা সুকল্পনা নহে। কেন না ব্রাহ্মণ ক্ষত্রিয় শূদ্রপীড়ক হইলেও স্বজাতি—ইংরেজেরা ভিন্ন জাতি। ইহার এইরূপ উত্তর দিতে ইচ্ছা করে, যে, যে পীড়িত হয়, তাহার পক্ষে স্বজাতির পীড়ন ও ভিন্ন জাতির পীড়ন উভয়ই সমান। স্বজাতীয়ের হস্তে পীড়া কিছু মিষ্ট, পরজাতীয়ের কৃত পীড়া কিছু তিক্ত লাগে, এমত বোধ হয় না। কিন্তু আমরা সে উত্তর দিতে চাহি না। যদি স্বজাতীয়ের কৃত পীড়ায় কাহারও প্রীতি থাকে তাহাতে আমরা দিগের আপত্তি নাই। আমরা দিগের এই মাত্র বলিবার উদ্দেশ্য, যে আধুনিক ভারতের জাতিপ্রাধান্যের স্থানে প্রাচীন ভারতে বর্ণপ্রাধান্য ছিল। অধিকাংশ লোকের পক্ষে উভয়ই সমান।

তবে ইহা অবশ্য স্বীকার করিতে হইবে, যে পরাধীন

ভারতবর্ষে উচ্চ শ্রেণীস্থ লোকে স্বীয় বুদ্ধি, শিক্ষা, বংশ, এবং মর্যাদানুসারে প্রাধান্য লাভ করিতে পারেন না। যাহার বিদ্যা, এবং বুদ্ধি আছে, তাঁহাকে যদি বুদ্ধি সঞ্চালনের এবং বিদ্যার ফলোৎপত্তির স্থল না দেওয়া যায়, তবে তাহার প্রতি গুরুতর অত্যাচার করা হয়। আধুনিক ভারতবর্ষে এরূপ ঘটিতেছে। প্রাচীন ভারতবর্ষে, বর্ণ বৈষম্য গুণে তাহাও ছিল, কিন্তু এ পরিমাণে ছিল না। আর এক্ষণে রাজকার্যাদি সকল ইংরেজের হস্তে—আমরা পরহস্তরক্ষিত বলিয়া নিজে কোন কার্য করিতে পারিতেছি না। তাহাতে আমাদের রাজ্যরক্ষা ও রাজ্য-পালন বিদ্যা, শিক্ষা হইতেছে না—জাতীয় গুণের ক্ষুতি হইতেছে না। অতএব স্বীকার করিতে হইবে, পরাধীনতা এদিকে উন্নতিরোধক। তেমন, আমরা ইউরোপীয় সাহিত্য ও বিজ্ঞানে শিক্ষালাভ করিতেছি। ইউরোপীয় জাতির অধীন না হইলে আমাদের কপালে এ সুখ ঘটিত না। অতএব আমাদের পরাধীনতায় যেমন একদিকে ক্ষতি, তেমন আর একদিকে উন্নতি হইতেছে।

অতএব ইহাই বুঝা যায় যে আধুনিকপেক্ষা প্রাচীন ভারতবর্ষে উচ্চ শ্রেণীর লোকের স্বাধীনতাজনিত কিছু সুখ ছিল। কিন্তু অধিকাংশ লোকের পক্ষে প্রায় দুই তুলা, বরং আধুনিক ভারতবর্ষ ভাগ।

তুলনীয় আমরা যাহা পাইলাম তাহা সংক্ষেপে পুনরুক্ত করিতেছি, অনেকের বুঝিবার সুবিধা হইবে।

১। ভিন্ন জাতীয় রাজা হইলেই রাজ্য পরিত্যক্ত বা পরাধীন হইল না।

ভিন্ন জাতীয় রাজার অধীন রাজ্যকেও স্বতন্ত্র ও স্বাধীন বলা যাইতে পারে।

২। স্বতন্ত্রতা ও স্বাধীনতা, পরতন্ত্রতা ও পরাধীনতা, ইহার আমরা ভিন্ন ভিন্ন পারিভাষিক অর্থ নির্দেশ করিয়াছি।

বিদেশনিবাসী রাজশাসিত রাজ্য পরতন্ত্র। যেখানে ভিন্ন জাতির প্রাধাণ্য, সেই রাজ্য পরাধীন। অতএব কোন রাজ্য পরতন্ত্র অথচ পরাধীন নহে। কোন রাজ্য স্বতন্ত্র অথচ স্বাধীন নহে। কোন রাজ্য পরতন্ত্র এবং পরাধীন।

৩। কিন্তু তুলনার উদ্দেশ্য উৎকর্ষাপকর্ষ। যে রাজ্যে লোক সুখী তাহাই উৎকৃষ্ট, যে রাজ্যে লোক দুঃখী তাহাই অপকৃষ্ট। স্বাতন্ত্র্যে ও পরাধীনতায় আধুনিক ভারতে প্রজা কি পরিমাণে দুঃখী তাহাই বিবেচ্য।

৪। প্রথমতঃ স্বাতন্ত্র্য ও পরতন্ত্র্য। ইহার অন্তর্গত দুইটি তত্ত্ব। প্রথম, রাজা বিদেশস্থিত বলিয়া ভারতবর্ষের সুশাসনের বিঘ্ন হইতেছে কি না? স্বদেশের মঙ্গলার্থ শাসনকর্তৃগণ এদেশের অমঙ্গল ঘটাইয়া থাকেন কি না? স্বীকার করিতে হইবে যে তত্ত্বৎকারণে সুশাসনের বিঘ্ন ঘটতেছে বটে এবং ভারতবর্ষে অমঙ্গল ঘটতেছে বটে।

কিন্তু রাজার চরিত্র দোষে যে সকল অনিষ্ট ঘটিত, আধুনিক ভারতবর্ষে তাহা ঘটে না। অতএব প্রাচীন বা আধুনিক ভারতবর্ষে এ সম্বন্ধে বিশেষ তারতম্য লক্ষিত হয় না।

৫। দ্বিতীয়তঃ স্বাধীনতা ও পরাধীনতা। আধুনিক ভারতবর্ষ প্রভুগণপীড়িত বটে, কিন্তু প্রাচীন ভারতও বড়

ব্রাহ্মণপীড়িত ছিল । সে বিষয়ে বড় ইতরবিশেষ নাই । তবে, ব্রাহ্মণ ক্ষত্রিয়ের একটু স্মৃতি ছিল ।

৬। আধুনিক ভারতে কার্যগত জাতীয় শিক্ষা লোপ হইতেছে, কিন্তু বিজ্ঞান ও সাহিত্যচর্চার অপূৰ্ণ সৃষ্টি হইতেছে ।

অনেকে রাগ করিয়া বলিবেন, তবে কি স্বাধীনতা পরাধীনতা তুল্য ? তবে পৃথিবীর তাবজ্জাতি স্বাধীনতার জন্ত প্রাণপণ করে কেন ? যাহারা এরূপ বলিবেন, তাঁহাদের নিকট আমাদের এই নিবেদন যে আমরা সে তত্ত্বের মীমাংসায় প্রবৃত্ত নহি । আমরা পরাধীন জাতি—অনেক কাল পরাধীন থাকিব—সে মীমাংসায় আমাদের প্রয়োজন নাই । আমাদের কেবল ইহাই উদ্দেশ্য যে প্রাচীন ভারতবর্ষের স্বাধীনতার হেতু তদ্বাসিগণ সাধারণতঃ আধুনিক ভারতীয় প্রজাদিগের অপেক্ষা সুখী ছিল কি না ? আমরা এই মীমাংসা করিয়াছি, যে আধুনিক ভারতবর্ষে ব্রাহ্মণ ক্ষত্রিয় অর্থাৎ উচ্চশ্রেণীস্থ লোকের অবনতি ঘটিয়াছে, শূদ্র অর্থাৎ সাধারণ প্রজাব একটু উন্নতি ঘটিয়াছে ।

প্রাচীন ভারতবর্ষের রাজনীতি ।

নারদবাক্য ।

মহাভারতের সভাপর্বে, দেবর্ষি নারদ যুধিষ্ঠিরকে প্রশ্নকালে কতকগুলি রাজনৈতিক উপদেশ দিয়াছেন । প্রাচীন ভারতে রাজনীতি কতদূর উন্নতি প্রাপ্ত হইয়াছিল, উহা তাহার পরিচয় । মুসলমানদিগের অপেক্ষা হিন্দুবা যে রাজনীতিতে বিজ্ঞত্ব ছিলেন, উহা পাঠ করিলে সংশয় থাকে না । প্রাচীন রোমক এবং আধুনিক ইউরোপীয়গণ ভিন্ন আর কোন জাতি তাদৃশ উন্নতি লাভ করিতে পারেন নাই । ভারতবর্ষীয় রাজারা যে অন্যান্য সকল জাতির অপেক্ষা অধিক কাল আপনাদিগের গৌরব রক্ষা করিয়াছিলেন, এই রাজনীতিজ্ঞতা তাহার এক কারণ । হিন্দুদিগের ইতিবৃত্ত নাই ; এক একটি শাসনকর্তার গুণগান করিয়া শত শত পৃষ্ঠা লিখিবার উপায় নাই । কিন্তু তাঁহাদিগের কৃত কার্যের যে কিছু পরিচয় পাওয়া যায়, তাহাতেই অনেক কথা বলা বাইতে পারে । চন্দ্রগুপ্ত মৌর্যের সহিত পৃথিবীর যে কোন রাজপুরুষের তুলনা করা যায় । চন্দ্রগুপ্ত আলেকজান্ডরের বিজিত ভারতভাগের পুনরুদ্ধার করিয়া, তৎকালীন হইতে তাম্রলিপি পর্য্যন্ত সাম্রাজ্য সংস্থাপন করিয়া

মহতী কীর্তি স্থাপিতা করিয়াছিলেন । ভুবনবিখ্যাত যবন রাজা-ধিরাজ সিলিউকসকে লাঘব স্বীকার করাইয়া তাঁহার কন্যা বিবাহ করিয়াছিলেন । (হিন্দু হইয়া ঠিক বিবাহ করিয়া-ছিলেন এমনও বোধ হয় না) । ইতিহাসে তিনজন সাম্রাজ্য-নির্মাতা বিশেষ পরিচিত—শার্লমান, দ্বিতীয় ফ্রেডেরিক, প্রথম পিটার । আলেক্জণ্ডর, নাপোলিয়ন, বা ক্রম্বেল সে শ্রেণীমধ্যে আসন পান নাই, কেন না তাঁহাদের কীর্তি তাঁহাদের মৃত্যু পর্য্যন্ত স্থায়ী, বা তাহাও নহে । গজনবী মহম্মদের প্রায় সেইরূপ । আরবসাম্রাজ্য ও মোগল সাম্রাজ্য এক এক জনের নির্মিত রহে । কিন্তু মগধসাম্রাজ্য একা চন্দ্রগুপ্তের নির্মিত । এবং পুরুষানুক্রমে স্থায়ী বটে । তিনি শার্লমান, ফ্রেডেরিক ও পিটারের সঙ্গে উচ্চাসনে বসিতে পারেন ।

নারদের যে উপদেশ বাক্যের কথা উল্লেখ করিয়াছি, তাহাতে এমত তত্ত্ব অনেক আছে, যে রাজনীতিবিদগণ ইংরেজেরও তাহা গ্রহণ করিয়া তদনুসারে চলিলে, তাঁহাদিগের উপকার হয় । এমত কদাচ বক্তব্য নহে যে হিন্দুরা এই সকল নৈতিক উক্তি অনুসারী হইয়া সর্বত্র সর্ব প্রকারে চলিতেন । কিন্তু স্বেচ্ছা নৈতিকতত্ত্ব যে তাঁহাদিগের দ্বারা উদ্ভূত হইয়াছিল, ইহা অল্প প্রশংসার কথা নহে । যেখানে উদ্ভূত হইয়াছিল, সেখানে যে উহা কিয়দংশে কার্যে পরিণত হইয়াছিল, তাহাও সংশয় করা অনায়াস । প্রাচীন ভারতবর্ষের রাজনীতির কতদূর উন্নতি হইয়াছিল, তাহার কিঞ্চিৎ আলোচনা করিলে স্মৃতি নাই । এজন্য আমরা উল্লিখিত নারদবাক্য হইতে কিঞ্চিৎ উদ্ধৃত করিব । ঐ কথা পাঠকেরা অনেকেই পড়িয়াছেন

তথাপি উহার পুনঃপাঠে কষ্ট বোধ হইবে, এমন বিবেচনা হয় না ।

নারদ জিজ্ঞাসা করিতেছেন, “মহারাজ ! কৃষি, বাণিজ্য, হুর্গসংস্কার, সেতুনির্মাণ, আয়ব্যয় শ্রবণ, পৌরকার্য, দর্শন ও জন্মপদ পর্য্যবেক্ষণ প্রভৃতি অষ্টবিধ রাজকার্য ত সম্যক্ প্রকারে সম্পাদিত হয় ?*** নিঃশক্চিক্ত কপট দূতগণ ত তোমার কা তোমার অমাত্যদিগের গৃহমন্ত্রণাসকল ভেদ করিতে পারে না ? মিত্র, উদাসীন ও শত্রুদিগের অভিসন্ধি সমস্ত আপনি ত বুঝিয়া থাকেন ? যথাকালে সন্ধিস্থাপনে ও বিগ্রহবিধানে প্রবৃত্ত হইয়েন ? উদাসীন ও মধ্যমের প্রতি ত মাধাস্থ ভাব অবলম্বন করিয়া থাকেন ? আত্মানুরূপ, বৃদ্ধ, বিগুহস্বভাব, সম্বোধনক্রম, সংকুলজাত, অনুরক্ত ব্যক্তিগণ মন্ত্রিপদে ত অভিষিক্ত হইয়া থাকেন ?”

সর জর্জ কাম্বেল সাহেব “আত্মানুরূপ” ব্যক্তিকে স্বীয় মন্ত্রিত্বে বরণ করিয়াছেন বলিয়া দেশের লোক তাঁহার উপবাস্য করিয়াছিলেন, কিন্তু তিনি বলিতে পারিতেন যে নারদ . বাক্য আমার পক্ষে । আধুনিক ভারতীয় শাসনকর্তাদিগের চবদৃষ্ট এই যে বৃদ্ধ মন্ত্রী তাঁহাদিগের কপালে প্রায় ঘটে না । কিন্তু ইউরোপে নারদীয় বাক্য প্রতিপালিত হইয়া থাকে — বিস্মার্ক, মাডঠোন, ডিস্বেলি, টিরর প্রভৃতি উদাহরণ ।
পরে,—

“একাকী বা বহুজনপরিবৃত্ত হইয়া ত মন্ত্রণা করেন না ? মন্ত্র ত জন্মপদ মধ্যে অপ্রচলিত থাকে ?”

ইংরেজেরা এই নীতির বশবর্তী হইয়া কার্য করেন, কেবল

অতিরিক্ত এই বলেন, যে “মন্ত্রণাবিশেষ জনপদ মধ্যে প্রচার হওয়াই ভাল । অতএব সেই গুলি বাছিয়া বাছিয়া গেজেটে ছাপাই ।” পরে—

“স্বল্পায়সমাধ্য মহোদয় বিষয় সকল ত শীঘ্রই সম্পন্ন করিয়া থাকেন ?”

আমাদিগের অনুরোধ যে প্রাচীন ঋষির এই বাক্য ইংরেজেরা স্বর্ণাক্ষরে লিপিবদ্ধ করিয়া কার্যালয়ে প্রকটিত করুন । তৎপরে,—

“কৃষীবলেরা আপনার পরোক্ষে প্রকৃত ব্যবহার করিয়া থাকে ? কারণ প্রভুর প্রতি অকৃত্রিম স্নেহ না থাকিলে এরূপ হওয়া নিতান্ত অসম্ভব সন্দেহ নাই ।”

বিলাতী শাসনকর্তা কিম্বা তাঁহাদিগের দেশী সমালোচক, কেহই অত্যাধিক এ কথাই মারবস্তা অনুভূত করিতে সক্ষম হইলেন না । তৎপরে—

“অনায়ক কার্যের, পরীক্ষার্থ ধর্ম্মস্ত শাস্ত্রকোবিন বিচক্ষণ পরীক্ষক সকল ত নিযুক্ত করিয়া থাকেন ?”

ইংরেজেরা এই কথাই সম্যকপ্রকারে অনুবর্তী । সকল কার্যের পূর্বেই কমিটি নিযুক্ত হইয়া থাকে । সকল কার্য করিবার পূর্বে ইংরেজেরা এক একটা কমিটি নিযুক্ত করেন কেন ? এ কথা যিনি জিজ্ঞাসা করিবেন, তাঁহাকে দেয় উত্তর উল্লিখিত নারদবাক্যে আছে । তৎপরে—

“সহস্র মূর্খ বিনিময় দ্বারা এক জন পণ্ডিতকে ত ক্রয় করিয়া থাকেন ?”

আমরা এই কথাটির অনুমোদন করি না । মূর্খের দ্বারা

পৃথিবীর কার্য নিৰ্বাহ হইতেছে—পণ্ডিত কোন কাজে লাগে ?
মিল পার্লামেন্টে কৃতকাৰী হইতে পারিলেন না,—ওয়েষ্ট-
মিনষ্টর কর্তৃক পরিত্যক্ত হইলেন । লাপ্লাসকে বোনাপাৰ্টি
পণ্ডিত দেখিয়া উচ্চপদে অভিষিক্ত করিয়াছিলেন—কিন্তু
লাপ্লাস কার্য সম্পাদনে অক্ষম হইয়া দূরীভূত হইলেন ।
প্রবাদ আছে, একজন ভট্টাচার্য্য বন্ধা ভাৰ্ঘ্যার বিনিময়ে দুগ্ধ-
বতী গো লইয়া আসিয়াছিলেন । সেইরূপ রাজপুরুষেরা
অপ্রিয়বাদী, আত্মমতভক্ত, পণ্ডিতের বিনিময়ে আজ্ঞাকারী
মুগ্ধই গ্রহণ করিয়া থাকেন । নারদ বলিয়াছেন বটে, যে
“কোন প্রকার বিপদ উপস্থিত হইলে পণ্ডিত ব্যক্তি অনায়াসে
তাহার প্রতিবিধান করিতে সমর্থ হইবেন ।” এ কথা সত্য
বটে, অতএব বিপদকালে পণ্ডিতের আশ্রয় লইবে । সুখের
দিনে মুগ্ধ ;—দুঃখের দিনে পণ্ডিত ।

পরে নারদ বলিতেছেন, ‘দুর্গ সকল ত ধন ধাতু উদক যন্ত্রে
পরিপূর্ণ থাকিয়াছেন । তথায় শিল্পীগণ ও ধনুর্দ্ধর পুরুষ সকল
ত সৰ্ব্বদা সতকতা পূৰ্ব্বক কালযাপন করে ?’

মিউটিনির পূৰ্বে ইংরেজেরা যদি এই কথা স্মরণ রাখিতেন
তবে তাদৃশ বিপদ ঘটিত না । সর হেনরি লরেন্স এই কথা
বুঝিতেন বলিয়া লাক্সোর বেসিডেন্সির রক্ষা হইয়াছিল ।

“প্রচণ্ড দণ্ড বিধান দ্বারা প্রজাদেয়গণকে ত অত্যন্ত উদ্বেজিত
করেন না ?

ইউরোপীয়েরা অতি অল্পকাল হইল, এ কথা শিখিয়াছেন ।
এক পয়সা চুবীর জন্য প্রাণদণ্ড প্রভৃতি প্রচণ্ড দণ্ড, অতি
অল্পকাল হইল, ইংলণ্ড হইতে অমুহিত হইয়াছে ।

“নির্দিষ্ট সময়ে সেনাদিগের বেতনাদি প্রদানে ত বিমুখ হইলেন না ? তাহা হইলে স্চারুক্রমে কার্য্য নির্বাহ হওয়া দুবে থাকুক, প্রত্যুত তাহাদিগের দ্বারা পদে পদে অনিষ্ট ঘটনা ও বিদ্রোহের সম্পূর্ণ সম্ভাবনা হইয়া উঠে ।”

এই নীতির বিপরীতাচরণ কার্থেজ রাজ্য লোপের মূল । একা রোম কার্থেজ ধ্বংস করে নাই ।

“সংকুলজাত প্রধান প্রধান লোক ত তোমার প্রতি অনুরক্ত রহিয়াছে ? তাহারা ত তোমার নিমিত্ত রণক্ষেত্রে প্রাণ পরিত্যাগ করিতেও সম্মত আছে ?”

এই নীতির অবজ্ঞায় ষ্টুয়ার্ট বংশ নষ্ট হইলেন । ভারতবর্ষীয় ইংরেজ রাজপুরুষেরা ইহা বিলক্ষণ বুঝেন । বুঝিয়া, কর্ণওয়ালিস চিরস্থায়ী বন্দোবস্ত করিয়াছিলেন, ও কানিং ভারতীয় রাজগণকে পোষাপুল লইতে অনুমতি দিয়াছেন । লর্ড লিটন আর কিছু করিতে না পারিয়া উপাধি বিতরণ করিয়াছেন ।

পরে, নারদ পেনশ্যান দেওয়ার পরামর্শ দিতেছেন,

“মহারাজ ! যাহারা কেবল আপনার উপকারেব নিমিত্ত কালকর্মে নিপতিত ও যৎপরোনাস্তি দুর্দশাগ্রস্ত হইয়াছে, তাহাদিগের পুত্র কলত্র প্রভৃতিকে ত ভরণ পোষণ করিতেছেন ?”

কি প্রকারিতার বিষয়ে—

“শত্রুকে বাসনাসক্ত দেখিয়া স্বীয় মন্ত্র কোষ ও ভৃত্য, ত্রিবিধ বল সম্যক্ বিবেচনা করিয়া অবিলম্বে তাহাকে ত আক্রমণ করেন ?”

অতি প্রধান রাজ্যাধিকারী এ তত্ত্ব সম্যক্ বুঝিয়াছিলেন ।

“অবিলম্বে” কাছাকে বলে প্রথম নাপোলিয়ন বুঝিতেন । তাঁহার রণজয় সেই বুদ্ধির ফল । তৃতীয় নাপোলিয়ন “অবিলম্বে” ফ্রান্সদিগকে আক্রমণ করিতে গিয়াছিলেন বটে, কিন্তু প্রথম নাপোলিয়নের মত “মন্ত্র কোষ ও ভৃত্য” ত্রিবিধ বলের সমাক্ষ বিচার না করিয়াই আক্রমণ করিয়াছিলেন । তিনি, নারদ বাক্যে অবহেলা করিয়া নষ্ট হইলেন ।

পরে সমদৃষ্টি পক্ষে,—

“যেমন পিতা মাতা সকল সম্মানকে সমান মনে করেন, তক্রূপ আপনি ত সমদৃষ্টিতে সমুদ্রমেখলা সমুদয় পৃথিবী অবলোকন করিতেছেন ?”

ইংরেজেরা ভারতবর্ষে এই নারদীয় বাক্য মনোযোগ পূর্বক অধ্যয়ন করুন ।

নিম্নলিখিত কথাটি বিস্মার্কের বোগ্যা ;—

“সৈন্যদিগের ব্যবসায় ও জয়লাভসামর্থ্য বুঝিয়া তাহাদিগকে ত অগ্রিম বেতন প্রদান পূর্বক উপযুক্ত সময়ে বাড়া করিয়া থাকেন ?”

নিম্নলিখিত কথাটির আমরা অনুমোদন করি না, কিন্তু চতুর্দশ লুই তুলিওলে অনুমোদন করিতেন,—

“পরস্পরের ভেদ উপস্থিত করিবার নিমিত্ত শত্রুপক্ষীয় প্রধান প্রধান সৈন্যদিগকে ত যথাযোগ্য ধনদান করেন ?”

নিম্নলিখিত কথাগুলি গ্রেগরি বা ইগ্নেশাস লয়লার বোগ্যা—

“স্বয়ং জিতেছিয় হইয়া আত্মপরাজয় পূর্বক, ইচ্ছিমপরতন্ত্র প্রমত্ত বিপক্ষ দিগকে ত পরাজয় করিতেছেন ?”

পরে,—

“নিপক্ষের রাজ্য আক্রমণ কালে আপন অধিকার ত দৃঢ়-
রূপে সুরক্ষিত করেন ?”

পুণ্ড্রবীতে যত সৈনিক জন্মিয়াছেন, তন্মধ্যে হানিবল এক জন অত্যাংকুষ্ট। কিন্তু তিনি এই কথা বিস্মৃত হওয়াতে, সব হারাইয়াছিলেন। তিনি যখন ইতালিতে অনিবার্য্য, সিসিও তখন আফ্রিকাতে সৈন্য লইয়া গিয়া তাঁহার কৃত রণজয় সকল বিফল করিয়াছিলেন।

“এবং তাহাদিগকে পরাজিত করিয়া পুনর্বার স্ব স্ব পদে ত প্রতিষ্ঠিত করিয়া থাকেন ?”

রোমকেরা ইহা করিতেন, এবং ভারতবর্ষে ইংরেজেরা ইহা করেন। এই জন্ত এতদুভয় সাম্রাজ্য ঈদৃশ বিস্তার লাভ করিয়াছে।

নিম্নলিখিত তিনটি বাক্যে সমুদায় রাজকার্য্য নিঃশেষে বর্ণিত হইয়াছে—

“আপনি ত আভ্যন্তরিক ও বাহ্যজনগণ হইতে আপনাকে, আত্মীয়লোক হইতে তাহাদিগকে, এবং পরস্পর হইতে পরস্পরকে রক্ষা করিয়া থাকেন ?”

তাহার পর বজে ট ও এষ্টিমেন্টের কথা—

“আয় ব্যয় নিযুক্ত গণক ও লেখকবর্গ আপনার আয় সকল পূর্ব্বাঙ্কে ত নিরূপণ করিতেছে ?”

আমরা জানিতাম এটি ভারতবর্ষে উইলসন সাহেবের সৃষ্টি ; কিন্তু নাহা নহে।

পরে—

“রাজ্যে কৃষকেরা ত সন্তুষ্টচিত্তে কালযাপন করিতেছে ?”

এই কথা, নারদ যেমন বৃষ্টিধরকে জিজ্ঞাসা করিয়াছিলেন, আমরা তেমনি ভারতবর্ষীয় রাজ প্রতিনিধিকে জিজ্ঞাসা করি ।

অনেকের বোধ আছে, “ইরিগেশ্যান ডিপার্টমেন্ট”টী ভারত-বর্ষে একটী নূতন কাণ্ড দেখাইতেছে । তাহা নহে । নারদ বলিতেছেন—

“রাজ্যমধ্যে স্থানে স্থানে সলিলপূর্ণ বৃহৎ বৃহৎ তড়াগ ও সর্বোবর সকল ত নিখাত হইয়াছে ? কৃষিকার্য্য ত বৃষ্টিনির-পেক্ষ হইয়া সম্পন্ন হইতেছে ?”

একথা ইংরেজদিগের মনে থাকিলে উড়িয়াদিতে ছুর্ভিক্ষ ঘটিত না ।

নিম্নলিখিত বাক্যটির প্রতি ব্রিটিশ গবর্ণমেন্ট মনোযোগ করিলে আমাদিগের বিবেচনার ভাল হয় ।

“কুবকদিগের গৃহে বীজ ও অনাদির ত অসম্ভাব নাই । আবশ্যক হইলে ত পাদিক বৃদ্ধিতে অনুগ্রহ স্বরূপ শত সংখ্যক ধান দান করিয়া থাকেন ?”

এক্ষণে এই নিয়মের অভাবে এ দেশের কৃষকেরা মহাজনের নিকট বিক্রীত । মহাজনের নিকটেও সকলে সকল সময়ে পায় না—অনেকেই অনাভাবে শীর্ণ—বীজাভাবে ভরসাশূন্য । যে পায় সেও দ্বিপাদ বৃদ্ধিতে নহিলে পায় না । অনেক বলিবেন যে, যে অর্থশাস্ত্র অনবগত সেই রাজাকে মহাজনি করিতে পরা মর্শ দিবে—রাজার ব্যবসায়, সমাজের অনিষ্টকারক । ‘অর্থশাস্ত্র’ ঘটিত যে আপত্তি তাহা আমরা অবগত আছি এবং মহাভারত-কারও অবগত ছিলেন । এই জন্মই নারদের ঐ বাক্যমধোই তিনটি গুরুতর নিয়ম সন্নিবিষ্ট আছে । প্রথম—“আবশ্যক

হইলে ” ঋণ দিতে বলিতেছেন—ইহার অর্থ যে যাহাকে না দিলে চলে না তাহাকেই দিবেন । অতএব যে মহাজনের নিকট ঋণ পাইতে পারিবু, তাহাকে ঋণ দেওয়া এই কথায় প্রতিশ্রুত হইল । সুতরাং রাজা ব্যবসায়ী হইলেন না । যাহাকে রাজা না দিলে সে দুর্দশাগ্রস্ত হইবে, তাহাকেই দিবেন । দ্বিতীয়তঃ “ অনুগ্রহ স্বরূপ ” দিবেন—অর্থাৎ ব্যবসায়ীর ঋণ লাভাকাজ্জ্বার দিবেন না । তবে পাদিক বৃদ্ধির কথা কেন ? এ নিয়ম না করিলে যে সে নিশ্চয়োজনেও ঋণ লইবার সম্ভাবনা—বন্ধক জাতি সর্বত্রই আছে । আর ঋণ দিলেই কতক আদায় হয়, কতক আদায় হয় না । যদি বৃদ্ধির নিয়ম না থাকে তবে রাজাকে ক্ষতিগ্রস্ত হইতে হয় । ক্ষতি স্বীকার করিয়া রাজকোষ হইতে ঋণ দিতে হইলে রাজ্য চলা ভার । তৃতীয়তঃ “ শত-সম্ব্যক ” ঋণ দিবে—ইহার উর্দ্ধ দিবে না । অর্থাৎ প্রজার জীবননির্ব্বাহার্থে যে পর্য্যন্ত প্রয়োজন, তাহাই রাজা ঋণস্বরূপ দিতে পারেন । ততোধিক ঋণদান ব্যবসায়ীর কাজ । এই তিনটী নিয়মের দ্বারা অর্থশাস্ত্রবেত্তাদিগের আপত্তির মীমাংসা হইতেছে । প্রাচীন হিন্দুরা অর্থশাস্ত্র বিলক্ষণ বুঝিতেন ।

নিয়োক্ত নীতি, ইংরেজেরা এ পর্য্যন্ত শিখিলেন না । না শিখিতে তাঁহাদিগের ক্ষতি হইতেছে ;—

“ হে মহারাজ ! যথাকালে গাত্রোথান পূর্ব্বক বেষাভূষা সমাধান করিয়া কালক্রম মন্ত্রিগণে পরিবৃত হইয়া দর্শনার্থী প্রজাগণকে ত দর্শন প্রদান করেন ? ”

যে রাজাকে প্রজাগণ কখন দেখিতে পায় না—তাহার প্রতি প্রজাদিগের অনুরাগ সঞ্চাৰ হয় না ; বিশেষতঃ এদেশের

লোকের স্বভাব এই । আর রাজদর্শন প্রজাগণের দুর্লভ হইলে, তাহাদিগের সকল প্রকার দুঃখ ও প্রকৃত অবস্থা রাজা বা রাজপুরুষেরা কখন জানিতে পারেন না ।

হিন্দুরাজাদিগের স্থায় মুসলমানেরাও এ কথা বুঝিতেন । এখন যেখানে সম্বৎসরে একটা দরবার বা “লেবী” হয়, সেখানে হিন্দু ও মুসলমানদিগের প্রাত্যহিক দরবার হইত ।

পবে,—

“ দুর্বল শত্রুকে ত বলপ্রকাশপূর্বক সান্তিশয় পীড়িত করেন না ? ”

তাহা হইলে দুর্বল শত্রুও বলবান্ হইয়া উঠে । এই দোষে, স্পেনের দ্বিতীয় ফিলিপ “ নিম্নদেশ ” অর্থাৎ ইন্দো-চীন হইতে বহিষ্কৃত হইয়াছিলেন । ইংলণ্ড যে আমেরিক উপনিবেশ হইতে বহিষ্কৃত হইয়াছিলেন, তাহারও কারণ প্রায় এই রূপ ।

তৎপরে,

“ দুষ্ট অহিতকারী কদর্যস্বভাব দণ্ডার্থ তত্ত্বর লোপ্তুসহ গৃহীত হইয়াও তাহাদিগের নিকটে ত ক্ষমা লাভ করিয়া থাকে না ? ”

যে দেশে জুরির বিচার আছে, সে দেশের রাজপুরুষদিগকে আমরাও এ কথা জিজ্ঞাসা করি ।

নারদ যে চতুর্দশ রাজদোষ কীর্তন করিয়াছেন তাহাও অরণ্যযোগ্য,—যথা,

“ নাস্তিক্য, অনৃত, ক্রোধ, প্রমাদ, দীর্ঘমুত্রতা, জ্ঞানবান্ ব্যক্তিদিগের সাক্ষাৎকার ত্যাগ, আলস্য, চিত্তচাপল্য, নির-

স্তর অর্থচিন্তা, অনর্থক ব্যক্তির সহিত পরামর্শ, নিশ্চিত বিষ-
য়ের অনারম্ভ, মন্ত্রণার অপরিবক্ষণ, মঙ্গল কার্যের অপ্রয়োগ ও
প্রত্যাখান, এই চতুর্দশ রাজদোষ । ”

আর একটি বাক্য মাত্র উদ্ধৃত করিয়া আমরা নিরস্ত
হইব—

“ অন্ধ, মূক, পঙ্গু, বিকলাঙ্গ, বন্ধুবিহীন, প্রব্রজিত ব্যক্তি-
দিগকে ত পিতার গ্ৰায় প্রতিপালন কবেন ? ”

এই প্রকার সারবান্ এবং একালেও আদরণীয় কথা আরও
অনেক আছে।

প্রাচীনা এবং নবীনা ।

— ০০ —

আমাদিগের সমাজসংস্কারকেরা, নূতন কীর্তি স্থাপনে বাদৃশ ব্যগ্র, সমাজের গতি পর্যবেক্ষণায় তাদৃশ মনোযোগী নহেন । “ এই হইলে ভাল হয়, অতএব এই কর,” ইহাই তাঁহাদিগের উক্তি, কিন্তু কি করিতে কি হইতেছে, তাহা কেহ দেখেন না । বাঙ্গালিরা যে ইংরেজি শিখে, ইহাতে সকলেরই উৎসাহ । কিন্তু ইহার ফল কি তাহার সমালোচনা কেবল আজি কালি হইতেছে । এক শ্রেণীর লোক বলেন, ইহার ফল মাইকেল মধুসূদন দত্ত, দ্বারকানাথ মিত্র প্রভৃতি ; দ্বিতীয় শ্রেণীর লোক বলেন, দুই একটি কল সুপক এবং সুমধুর বটে, কিন্তু অধিকাংশ তিক্ত ও বিষময়—উদাহরণ মাতালের দল এবং সাধারণ বাঙ্গালি লেখকের পাল । আবার দিন কত ধূম পড়িল, স্ত্রীলোকদিগের অবস্থার সংস্কার কর, স্ত্রীশিক্ষা দাও, বিধবাবিবাহ দাও, স্ত্রীলোককে গৃহপিঞ্জর হইতে বাহির করিয়া উড়াইয়া দাও, বহুবিবাহ নিবারণ কর ; এবং অন্যান্য প্রকারে পাঁচী রামী মাধীকে বিলাতি মেম করিয়া তুল । ইহা করিতে পারিলে যে ভাল, তাহাতে কোন সন্দেহ নাই ; কিন্তু পাঁচী যদি কখন বিলাতি মেম হইতে পারে তবে আমাদিগের শাস্ত্রতরুও এক দিন ওকৃষ্ণে পরিণত হইবে, এমন ভরসা করা যাইতে পারে । যে রীতিগুলির চলন আপাততঃ অসম্ভব, সে গুলি চলিত হইল

না ; স্ত্রীশিক্ষা সম্ভব, এ জন্ত তাহা একপ্রকার প্রচলিত হইয়া উঠিতেছে। পুস্তক হইতে এক্ষণে বাঙ্গালি স্ত্রীগণ যে শিক্ষা প্রাপ্ত হয়, তাহা অতি সামান্য ; পরিবর্তনশীল সমাজে অবস্থিতি জন্ত অর্থাৎ শিক্ষিত এবং ইংরেজের অনুকরণকারী পিতা ভ্রাতা স্বামী প্রভৃতির সংসর্গে থাকায় তাহারা যে শিক্ষাপ্রাপ্ত হয়, তাহা প্রবলতর। এই দ্বিবিধ শিক্ষার ফল কিরূপ দাঁড়াইতেছে ? বাঙ্গালি যুবকের চরিত্রে যেরূপ পরিবর্তন দেখা যাইতেছে, বাঙ্গালি যুবতীগণের চরিত্রে সেরূপ লক্ষণ কিছু দেখা যাইতেছে কি না ? যদি দেখা যাইতেছে, সে গুলি ভাল না মন্দ ? তাহার উৎসাহদান বিধেয়, না তাহার দমন আবশ্যিক ? এ সকল প্রশ্ন সাধারণ লেখকদিগকে আলোচনা করিতে আমরা প্রায় দেখিতে পাই না, অথচ, ইহার অপেক্ষা গুরুতর সামাজিক তত্ত্বও আর নাই। তাই বলিতেছিলাম, যে আমাদের সমাজসংস্কারকেরা নূতন কীর্তি স্থাপনে যাদৃশ ব্যগ্র, সমাজের বর্তমান গতির আলোচনায় তাদৃশ মনোবোগী নহেন।

বিষয়টি অতি গুরুতর। সমাজে স্ত্রীজাতির যে বল, তাহা বর্গিত করিবার প্রয়োজন নাই। মাতা বাল্যকালের শিক্ষাদাত্রী, স্ত্রী বয়ঃপ্রাপ্তের মন্ত্রী, ইত্যাদি প্রাচীন কথা পুনরুক্ত করিবার প্রয়োজন নাই। সকলেই জানেন, স্ত্রীলোকের সম্মতি এবং সাহায্য ব্যতীত সংসারের কোন গুরুতর কার্য সম্পন্ন হয় না। গহনগড়ান ও গুরু কেনা হইতে ফরাসিস রাজ্যবিপ্লব এবং লুথরের ধর্মবিপ্লব পর্য্যন্ত সকলই স্ত্রীসাহায্যসাপেক্ষ। ফরাসিস স্ত্রীগণ ফরাসিস রাজ্যবিপ্লবে মহারণী ছিলেন। আন বলীন হইতে ইংলণ্ড প্রটেষ্ট্যান্ট—

—Gospel light first dawned

From Bullen's eyes—

ইহা বলা যাইতে পারে যে আমাদের শুভাশুভের মূল আমাদের কর্ম, কর্মের মূল প্রবৃত্তি ; এবং অনেক স্থানেই আমাদের প্রবৃত্তি সকলের মূল আমাদের গৃহিণীগণ । অতএব স্ত্রীজাতি আমাদের শুভাশুভের মূল । স্ত্রীজাতির মহত্ব কীর্তন কালে, এই সকল কথা বলা প্রাচীন প্রথা আছে এজ্ঞ আমরাও এ কথা বলিলাম ; কিন্তু এ কথা গুলি যাহারা ব্যবহার করেন তাঁহাদিগের আন্তরিক ভাব এই যে পুরুষই মনুষ্যজাতি ; যাহা পুরুষের পক্ষে শুভাশুভ বিধান কবিত্তে সক্ষম, তাহাই গুরুতর বিষয় ; স্ত্রীগণ, পুরুষের শুভাশুভ বিধায়িনী বলিয়াই তাঁহাদিগের উন্নতি বা অবনতির বিষয় গুরুতর বিষয় । বাস্তবিক, আমরা সেরূপ কথা বলি না । আমাদের প্রধান কথা এই, যে স্ত্রীগণ সংখ্যায় পুরুষগণের তুল্য, বা অধিক ; তাঁহারা সমাজের অর্দ্ধাংশ । তাঁহারা পুরুষগণের শুভাশুভবিধায়িনী হউন, বা না হউন. তাঁহাদিগের উন্নতিতে সমাজের উন্নতি ; যেমন পুরুষদিগের উন্নতিতে সমাজের উন্নতি, ঠিক সেই পরিমাণে স্ত্রীজাতির উন্নতিতে সমাজের উন্নতি, কেন না স্ত্রীজাতি সমাজের অর্দ্ধেক ভাগ । স্ত্রী পুরুষের সমান ভাগের সমষ্টিকে সমাজ বলে ; উভয়ের সমান উন্নতিতে সমাজের উন্নতি । এক ভাগের উন্নতি সমাজসংস্কারের মুখ্য উদ্দেশ্য, তাহার উন্নতিসহায় বলিয়াই অন্যভাগের উন্নতি গৌণ উদ্দেশ্য, এ কথা নীতিবিরুদ্ধ ।

কিন্তু সমাজের নিম্নত্ব বর্গ সর্বকালে সর্বদেশে, এই ভ্রমে

পতিত । তাঁহারা বিধান করেন যে, স্ত্রীলোকেরা এইরূপ এইরূপ আচরণ করিবে ।—কেন করিবে ? উত্তর, তাহা হইলে, পুরুষের অমুক মঙ্গল ঘটিবে, বা অমুক অমঙ্গল নিবারিত হইবে । সমাজ-বিধাতৃদিগের সর্বত্র এইরূপ উক্তি ; কোথাও এ উদ্দেশ্য স্পষ্ট কোথাও অস্পষ্ট, কিন্তু সর্বত্রই বিদ্যমান । এই জন্তই সর্বত্র স্ত্রীজাতির সতীত্বের জন্ত এত পীড়াপীড়ি ; পুরুষের সেই ধর্মের অভাব, কোথাও তত বড় গুরুতর দোষ বলিয়া গণনীয় নহে । বাস্তবিক নীতিশাস্ত্রের স্বাভাবিক মূল ধরিতে গেলে এমত কোন বিষয়ই পাওয়া যায় না, যদ্বারা স্ত্রীকৃত ব্যভিচার পুরুষকৃত পরদারগ্রহণ অপেক্ষা গুরুতর দোষ বিবেচনা করা যায় । পাপ দুই সমান ; একপুরুষভাগিনী স্ত্রীতে পুরুষের যে স্বাভাবিক অধিকার, একস্ত্রীভাগী পুরুষে স্ত্রীলোকের ঠিক সেইই স্বাভাবিক অধিকার, কিছু মাত্র নূন নহে । তথাপি পুরুষে এ নিয়ম লঙ্ঘন করিলে, তাহা বাবুগিরির মধ্যে গণ্য ; স্ত্রীলোক এ দোষ করিলে সংসারের সকল সুখ তাহার পক্ষে বিলুপ্ত হয় ; সে অধমের মধ্যে অধম বলিয়া গণ্য হয়, কুষ্ঠগ্রস্তের অধিক অস্পৃশ্য হয় । কেন ? পুরুষের সুখের পক্ষে স্ত্রীর সতীত্ব আবশ্যিক । স্ত্রীজাতির সুখের পক্ষেও পুরুষের ইন্দ্রিয়সংযম আবশ্যিক, কিন্তু পুরুষই সমাজ, স্ত্রীলোক কেহ নহে । অতএব স্ত্রীর পাতিত্রত্যাচ্যুতি গুরুতর পাপ বলিয়া সমাজে বিহিত হইল ; পুরুষের পক্ষে নৈতিক বন্ধন শিথিল রহিল ।

সকল সমাজেই স্ত্রীজাতি পুরুষাপেক্ষা অনুন্নত ; পুরুষের আত্মপক্ষপাতিতাই ইহার কারণ ; পুরুষ বলিষ্ঠ, স্ত্রীরাং পুরুষই

ব্যর্থকর্তা ; স্ত্রীজাতিকে কাজে কাজেই তাঁহাদিগের বাহুবলের অধীন হইয়া থাকিতে হয়। আত্মপক্ষপাতী পুরুষগণ, যতদূর আত্মস্বার্থের প্রয়োজন, ততদূর পর্য্যন্ত স্ত্রীগণের উন্নতির পক্ষে মনোযোগী ; তাহার অতিরেকে তিলান্নি নহে। এ কথা অশ্রান্ত সমাজের অপেক্ষা আমাদের দেশে বিশেষ সত্য। প্রাচীন কালের কথা বলিতে চাহি না ; তৎকালীন স্ত্রীজাতির চিরাধীনতার বিধি ; কেবল অবস্থা বিশেষ ব্যতীত স্ত্রীগণের ধনাধিকারে নিষেধ ; স্ত্রী, ধনাধিকারিণী হইলেও স্ত্রীর দান বিক্রয়ে ক্ষমতার অভাব ; সহমরণ বিধি ; বহুকাল প্রচলিত বিধবার বিবাহ নিষেধ ; বিধবার পক্ষে প্রচলিত কঠিন নিয়ম সকল, স্ত্রীপুরুষে গুরুতর বৈষম্যের প্রমাণ। তৎপরে মধ্যকালেও স্ত্রীজাতির অবনতি আরও গুরুতর হইয়াছিল। পুরুষ প্রভু, স্ত্রী দাসী, স্ত্রী জল তুলে, রন্ধন করে, বাটনা বাটে, কুটনা কোটে। বরং বেতনভাগিনী দাসীরংকিঞ্চিৎ স্বাধীনতা আছে কিন্তু বনিতা হুহিতা স্বসার তাহাও ছিল না। আজি কালি, পুরুষের শিক্ষার গুণে হটক, স্ত্রীশিক্ষার গুণে হটক, বা ইংরাজের দৃষ্টান্তের গুণে হটক, অবস্থার পরিবর্তন হইতেছে। কিন্তু যেরূপ পরিবর্তন হইতেছে, তাহার সর্বাংশই কি উন্নতি-সূচক ? বঙ্গীয় যুবকদিগের যে অবস্থান্তর ঘটিতেছে তাহার বিশেষ আন্দোলন শুনিতে পাই কিন্তু বঙ্গীয় যুবতীগণের যে অবস্থান্তর ঘটিয়াছে, তাহা কি উন্নতি ?

এ প্রশ্নের উত্তর দিবার পূর্বে পূর্বকালে বঙ্গীয়া যুবতী কি ছিলেন, এক্ষণে কি হইতেছেন, তাহা স্মরণ করা আবশ্যিক। প্রাচীনার সহিত নবীনীর তুলনা আবশ্যিক। পূর্ব

কালের যুবতীগণের নাম করিতে গেলে, আগে শাঁখা শাড়ী
সিন্দুরকোটা মনে পড়িবে ; বাঁকমলের মুটাম হাত উপরে মমসা
পেড়ে শাড়ীর রান্ধা পাড় আসিয়া পড়িয়াছে ; হাতে পৈঁছা,
কঙ্কণ, এবং শঙ্খ, (যাহার জুটিল তাহার বাউটি নামে সোনার
শঙ্খ) — মুষ্টিমধ্যে দৃঢ়তর সম্মার্জনী, বা রক্তনের বেড়ী ; কপালে
কলা বউয়ের মত সিন্দুরের রেখা, নাকে চন্দ্রমণ্ডলের মত নথ ;
দাঁতে অমাবস্তার মত মিশি ; এবং মস্তকের ঠিক মধ্যভাগে,
পর্বত শৃঙ্গের ন্যায় তুঙ্গ কবরীশিখর । আমরা স্বীকার করি যে
সেকালে মেয়ে যখন গাছকোমর বাঁধিয়া, বাঁটা হাতে, খোঁপা
খাড়া করিয়া, নথ নাড়িয়া, দাঁড়াইত, তখন অনেক পুরুষের
হৃৎকম্প হইত । যাহারা এবস্থিধা প্রাঙ্গণবিহারিণী রসবতীর
সঙ্গে বাদানুবাদ সাহস করিতেন, তাঁহারা একটু সতর্ক হইয়া
দূরে দাঁড়াইতেন । ইহারা কোনদলে বিশেষ পরিপক ছিলেন,
পদস্পর্শের পৃষ্ঠভঙ্গের সঙ্গে তাঁহাদের হস্তের সম্মার্জনীর বিশেষ
কোন সম্বন্ধ ছিল । তাঁহাদিগের ভাষাও যে বিশেষ প্রকারে
অভিধানসম্মত ছিল, এমত বলিতে পারি না, কেন না তাঁহারা
'পোড়ার মুখো' "ডেকরা" ইত্যাদি নিপাতনসাধ্য শব্দ
আধুনিক প্রাণনাথ প্রাণকান্তাদির স্থলে ব্যবহার করিতেন, এবং
"আবাগী" "শতেক খুয়ারী" প্রভৃতি আধুনিক "সখী" "ভগিনী"
স্থানে প্রয়োগ করিতেন ।

এক্ষণে যে সুন্দরীকুল চরণালঙ্ককে বঙ্গভূমিকে উজ্জ্বলা
করিতেছেন, তাঁহারা ভিন্ন প্রকৃতি । সে শাঁখা শাড়ী সিন্দুর মিশি
মল মাছলী, কিছুই নাই ; অনাভিধানিক প্রিয় সম্বোধন সকল
সুন্দরীগণের রসনা ত্যাগ করিয়া বাহ্যলী নাটকে আশ্রয় লই-

যাচ্ছে ; যেখানে আগে মোটা মনসা পেড়ে শাড়ী মেয়ে মোড়া গনিক্রাথ ছিল, এক্ষণে তাহার স্থানে শান্তিপু্রে ডুরে রূপের স্বাস্থ্যের পাল হইয়া সোহাগ বাতাসে ফরফর করিয়া উড়িতেছে। হাতাবেড়ী কাটা কলসীর পরিবর্তে, সূচসূতা কার্পেট কেতাব হইয়াছে ; পরিধেয় আটু ছাড়িয়া চরণে নামিয়াছে ; কবরী মূর্কা ছাড়িয়া স্কন্ধে পড়িয়াছে : এবং অঙ্গের সুবর্ণ পিণ্ড ছাড়িয়া অলঙ্কারে পরিণত হইতেছে। ধূলিকর্দমরঙ্গিনীগণ, সাবান সুগন্ধাদির মহিমা বুঝিয়াছেন ; কলকণ্ঠধ্বনি, পাপিয়ার মত গগনপ্রাবী না হইয়া নার্জ্জারের মত অক্ষুট হইয়াছে। পতির নাম এক্ষণে আর ডেক্কা সর্বনেশে নহে ; তত্তৎস্থানে সম্বোধন পদ সকল দীনবন্ধু বাবুর গ্রন্থ হইতে বাছিয়া বাছিয়া নীত হইয়া ব্যবহৃত হইতেছে। স্কুল কথা এই, প্রাচীনার অপেক্ষা নবীনার রুচি কিছু ভাল। স্ত্রীজাতির রুচির কিছু সংস্কার হইয়াছে।

কিন্তু অগ্ৰাণ্ড বিষয়ে, তাদৃশ উন্নতি হইয়াছে কি না বলিতে পারি না। কয়েকটি বিষয়ে নবীনাগণকে আমরা নিন্দনীয় বিবেচনা করি। তাঁহাদিগের কোন প্রকার নিন্দা করা আমাদের ঘোরতর বেআদবি। তবে চন্দ্রের সঙ্গে তাঁহাদিগের সাদৃশ্য সম্পূর্ণ করিবার জন্ত তাঁহাদিগের কিঞ্চিৎ কলঙ্কটনার প্রবৃত্তি হইলাম।

১। তাঁহাদের প্রথম দোষ আলস্য। প্রাচীনা অত্যন্ত শ্রমশালিনী এবং গৃহকর্ম্মে সুপটু ছিলেন ; নবীনা, ঘোরতর বাবু ; জলের উপর পদ্মের মত স্থিরভাবে বসিয়া স্বচ্ছ দর্পণে আপনার রূপের ছায়া আপনি দেখিয়া দিন কাটান। গৃহকর্ম্মের ভার, প্রায় পরিচারিকার প্রতি সমর্পিত। ইহাতে অনেক

অনিষ্ট জন্মিতেছে :—প্রথম, শারীরিক পরিশ্রমের অল্পতায়, যুবতীগণের শরীর বলশূন্য এবং রোগের আগার হইয়া উঠিতেছে। প্রাচীনাদিগের, অর্থাৎ পূর্বকালের যুবতীগণের শরীর স্বাস্থ্যজনিত এক অপূর্ব লাভণ্যবিশিষ্ট ছিল, এক্ষণে তাহা কেবল নিম্নশ্রেণীর স্ত্রীলোকের মধ্যে দেখা যায়। নবীনাদিগের প্রাত্যহিক রোগভোগে তাহাদিগের স্বামী পিতা পুত্র প্রভৃতি সর্বদা জ্বালাতন এবং অসুখী ; এবং সংসারও কাজে কাজেই বিশৃঙ্খলাবুদ্ধ এবং দুঃখময় হইয়া উঠে। গৃহিণী রুগ্ন শয্যা-শায়িনী হইলে, গৃহের শ্রী থাকে না ; অর্থের ধ্বংস হইতে থাকে ; শিশুগণের প্রতি অযত্ন হয় ; সূতরাং তাহাদিগের স্বাস্থ্যক্ষতি ও কুশিক্ষা হয় ; এবং গৃহমধ্যে সর্বত্র দুর্নীতির প্রচার হয়। বাহারা ভালবাসে, তাহারাও নিত্য রুগ্নের সেবার দুঃখ সহ্য করিতে পারে না ; সূতরাং দম্পতীপ্রীতিরও লাঘব হইতে থাকে। এবং মাতার অকাল মৃত্যুতে শিশুগণের এমত অনিষ্ট ঘটে, যে তাহাদিগের মৃত্যুকাল পর্যন্ত তাহারা উহার ফলভোগ করে। সত্য বটে, ইংরেজ জাতীর স্ত্রীগণকে আলস্যপরবশ দেখিতে পাই, কিন্তু তাহারা অশ্বারোহণ, বায়ু-সেবন, ইত্যাদি অনেকগুলি স্বাস্থ্যরক্ষক ক্রিয়া নিয়মিতরূপে সম্পাদন করে। আমাদিগের গৃহপিঞ্জরের বিহঙ্গিনীগণের সে সকল কিছুই হয় না।

• দ্বিতীয়, স্ত্রীগণের আলস্যের আর একটি গুরুতর কুফল এই যে সম্ভ্রান দুর্বল এবং ক্ষীণজীবী হয়। শিশুদিগের নিত্য রোগ, এবং অকালমৃত্যু অনেক সময়েই জননীর শ্রমে অনুরাগ শূন্যতার ফল। অনেকে বলেন, আগে এত রোগ ছিল না ; এখন

নিত্য পীড়া ; আগে লোকে দীর্ঘজীবী ছিল ; এক্ষণে অল্পবয়সে মরে । অনেকের বিশ্বাস আছে, এ সকল কালমহিমা ; কলিতে অনৈসর্গিক ব্যাপার ঘটিতেছে । বুদ্ধিমান ব্যক্তি জানেন যে নৈসর্গিক নিয়ম কখন কালমাহাত্ম্যে পরিবর্তিত হয় না ; যদি আধুনিক বাঙ্গালিরা বলরোগী এবং অন্নায়ু হইয়া থাকে, তবে তাহার অবশ্য নৈসর্গিক কারণ আছে সন্দেহ নাই । আধুনিক প্রসূতিগণের শ্রমে বিরতিই সেই সকল নৈসর্গিক কারণের মধ্যে অগ্রগণ্য । যে বঙ্গদেশের ভরসা লোকের শারীরিক বলোন্নতির উপর বর্দ্ধিয়াছে, সেই বঙ্গদেশে জননীগণের আলস্যবশতঃ আর একরূপ বৃদ্ধি যে অতি শোচনীয় ব্যাপার তাহার সন্দেহ নাই ।

আলস্যের তৃতীয় কুফল এই যে নবীনাগণ গৃহকর্মে নিতান্ত অশিক্ষিতা এবং অপটু । কখনও সে সকল কাজ করেন না, এজন্ত শিখেনও না, ইহাতে অনেক অনিষ্ট ঘটে । প্রাচীনারা নিতান্ত ধনী না হইলে, জল তুলিতেন, বাসন মাজিতেন, উটান কাঁট দিতেন ; রন্ধন তাঁহাদের জীবনের প্রধান কার্য ছিল । এ কিছু বাড়াবাড়ি ; নবীনাগণের এতদূর করিতে আমরা অনুরোধ করি না ; যাহার যেমন অবস্থা, সে তদনুসারে কার্য করিলেই যথেষ্ট ; কেবল কার্পেট তুলিয়া কাল কাটাইলে, অতি ঘৃণিতরূপে জীবননির্ব্বাহ করা হয় বিবেচনা করি । পরস্পরের সুখবর্দ্ধন জন্ত সকলেরই জন্ম ; যে স্ত্রী, ভূমণ্ডলে আসিয়া, শয্যা গড়াইয়া, দর্পণ সম্মুখে কেশরঞ্জন করিয়া, কার্পেট তুলিয়া, সীতার বনবাস পড়িয়া, এবং সন্তান প্রসব করিয়া কাল কাটাইলে, স্বাপনার ভিন্ন কাহারও সুখ বৃদ্ধি করিলেন না, তিনি পশুজাতির অপেক্ষা কিঞ্চিৎ ভাল হইলে হইতে পারেন,

স্ব তাঁহার জীজন্ম নিরর্থক। এ শ্রেণীর জীলোকগণকে আমরা গলায় দড়ি দিয়া মরিতে পরামর্শ দিই; পৃথিবী, হাঁ হইলে অনেক নিরর্থক ভারবহনসঙ্গী হইতে বিমুক্তা য়ন।

গৃহিণী গৃহকর্ম না জানিলে রুগ্নগৃহিণীর গৃহের ঞ্চায় সকলই শৃঙ্খল হইয়া পড়ে; অর্থে উপকার হয় না; অর্থ অনর্থক য় হয়; দ্রব্য সামগ্রী লুঠ যায়; অর্ধেক দাস দাসী এবং পর লোক চুরি করে। বহুব্যায়েও খাড়াতির অপ্রতুল ঘটে; ল সামগ্রীর খরচ দিয়া মন্দ সামগ্রী ব্যবহার করিতে হয়; ার্ষ সামগ্রী গৃহস্থের কপালে ঘটে না। পৌরজনে পৌর-নে অপ্রণয় এবং কলহ ঘটয়া উঠে। অতিথি অভ্যাগতের পযুক্ত সম্মান হয় না। সংসার কণ্টকময় হয়।

২। নবীনাদিগের দ্বিতীয় দোষ ধর্ম সঙ্কটে। আমরা এক্ষণকার বঙ্গাঙ্গনাগণকে অধার্মিক বলিতেছি না,—বঙ্গীয় যুবকদিগের তুলনার তাঁহারা ধর্মভক্ত এবং বিশুদ্ধাত্মা বটেন, কিন্তু প্রাচীনাগণের সম্প্রদায়ের তুলনার তাঁহারা ধর্ম লঘু, মন্দেই নাই। বিশেষ যে সকল ধর্ম গৃহস্থের ধর্ম বলিয়া পরিচিত সেই গুলিতে এক্ষণকার যুবতীগণের লাঘব দেখিয়া কষ্ট হয়।

জীলোকের প্রথম ধর্ম পাতিব্রত্য। অত্য়াপি বঙ্গমহিলাগণ পৃথিবীতলে পাতিব্রত্য ধর্মে তুলনারহিতা। কিন্তু যাহা ছিল তাহা কি আর আছে? এ প্রশ্নের উত্তর শীঘ্র দেওয়া যায় না। প্রাচীনাগণের পাতিব্রত্য যেরূপ দৃঢ়গ্রন্থির দ্বারা হৃদয়ে নিবন্ধ ছিল, পাতিব্রত্য যেরূপ তাহাদিগের অস্থি মজ্জা শোণিতে প্রবিষ্ট ছিল, নবীনাগণেরও কি তাই? অনেকের ধটে, কিন্তু

অধিকাংশের কি তাই ? নবীনাগণ পতিব্রতা বটে, কিন্তু যত লোকনিন্দা ভয়ে, তত ধর্ম ভয়ে নহে।

তাহার পর, দানাদিতে প্রাচীনাদিগের সেরূপ মনো-নিবেশ ছিল, নবীনাদিগের সেরূপ দেখা যায় না। প্রাচীনাগণের দৃঢ় বিশ্বাস ছিল, যে দানে পরমার্থের কাজ হয়। যে দান করে, সে স্বর্গে যায়। একগুণকার যুবতীগণের স্বর্গে বিশ্বাস তত দৃঢ় নহে ; তাহাদের পরলোকে স্বর্গপ্রাপ্তিকামনা তত বল-বতী নহে। ইংরেজী সভ্যতার ফলে, দেশে নানাবিধ সামগ্রীর প্রাচুর্য্য হওয়াতে সকলেরই অর্থের প্রয়োজন বাড়িয়াছে, জীলোকদিগেরও বাড়িয়াছে ; এজন্য দানে তাদৃশ অনুরাগ আর নাই। তত দান করিলে, আর কুলায় না। টাকায় যে সকল সুখ কেনা যায়, তাহার সংখ্যা এবং বৈচিত্র্য বাড়িয়াছে ; দানের আধিক্য করিলে, এখন অনেক বাঞ্ছনীয় সুখে বঞ্চিত হইতে হয়। সুতরাং জীলোকে (এবং পুরুষে) আর তত দানশালী নহে।

হিন্দুদিগের একটি প্রধান ধর্ম অতিথিসংকার। যে গৃহে আসে, তাহাকে আহারাদির দ্বারা পরিতুষ্ট করণ পক্ষে এত-দেখীয় লোকের তুল্য কোন জাতি ছিল না। প্রাচীনাগণ এই গুণে বিশেষ গুণশালিনী ছিলেন। নবীনাদিগের মধ্যে সে ধর্ম একেবারে বিলুপ্ত হইতেছে। গৃহে অতিথি অভ্যাগত আসিলে, প্রাচীনারা কৃতার্থ হইতেন, নবীনাগণ বিরক্ত হইতেন। লোককে আহার করান, প্রাচীনাদিগের প্রধান সুখ ছিল, নবীনাগণ ইহাকে দোরতর বিপদ মনে করেন।

ধর্ম্মে যে নবীনাগণ প্রাচীনাদিগের অপেক্ষা নিকৃষ্ট, তাহার

একটি বিশেষ কারণ অসম্পূর্ণ শিক্ষা। লেখা পড়া বা অল্প প্রকারের শিক্ষা তাহারা যাহা কিঞ্চিৎ প্রাপ্ত হইলেন, তাহাতেই বৃদ্ধিতে পারেন যে প্রাচীন ধর্মের শাসন অমূলক। অতএব তাহাতে বিশ্বাস হারাইয়া, ধর্মের যে বন্ধন ছিল, তাহা হইতে বিমুক্ত হইলেন। তাহার স্থানে আর নূতন বন্ধন কিছুই গ্রহিবদ্ধ হইতেছে না। আমরা লেখা পড়ার শিক্ষা করিতেছি না। ধর্ম তিন্ন বিচার অপেক্ষা মূল্যবান্ বস্তু যে পৃথিবীতে কিছুই নাই, ইহা আমরা ভুলিয়া যাইতেছি না। তবে বিচার ফল ইহা সর্বত্র ঘটয়া থাকে, যে তাহাতে চক্ষু ফুটে, মিথ্যাকে মিথ্যা বলিয়া বোধ হয়, সত্যকে সত্য বলিয়া জানা যায়। বিচার ফলে লোকে, প্রাচীন ধর্মশাস্ত্রঘটিত ধর্মের মূলের অলীকত্ব দেখিতে পায়; প্রাকৃতিক যে সত্য ধর্ম, তাহা সত্য বলিয়া চিনিতে পারে। অতএব বিচার ধর্মের ক্ষতি নাই, বরং বৃদ্ধি আছে। সচরাচর পণ্ডিতে যাদৃশ ধর্মিষ্ঠ, মূর্খে তাদৃশ পাপিষ্ঠ হয়। কিন্তু অল্প বিদ্যার দোষ এই যে ধর্মের মিথ্যা মূল তদ্বারা উচ্ছিন্ন হয়; অথচ সত্য ধর্মের প্রাকৃতিক মূল সংস্থাপিত হয় না। সেটুকু কিছু অধিক জ্ঞানের ফল পরোপকার করিতে হইবে, এটী যথার্থ ধর্মনীতি বটে। মূর্গেও ইহা জানে, এবং মূর্গদিগের মধ্যে ধর্ম যাহাদের মতি আছে, তাহারাও ইহার বশবর্তী হয়। তাহার কারণ এই যে এই নৈতিক আজ্ঞা প্রচলিত ধর্মশাস্ত্রে উক্ত হইয়াছে; মূর্খের তাহাতে দৈবাজ্ঞা বলিয়া বিশ্বাস আছে। দৈববিধি লঙ্ঘন করিলে ইহলোকে ও পরলোকে ক্ষতিপ্রাপ্ত হইতে হইবে বলিয়া মূর্গ সেনীতির বশবর্তী; পণ্ডিতও সেনীতির বশবর্তী, কিন্তু

তিনি ধর্মশাস্ত্রোক্ত বলিয়া তহক্তির অনুসরণ করেন না । তিনি জানেন যে ধর্মের কতকগুলি প্রাকৃতিক নিয়ম আছে তাহা অবশ্য পালনীয় ; এবং পরোপকারবিধি সেই সকল নিয়মের ফল । অতএব এ স্থলে ধর্মের ক্ষতি হইল না । কিন্তু যদি কেহ ঈদৃশ পরিমাণে মাত্র বিদ্যার আলোচনা করে যে তদ্বারা প্রাচীন ধর্মশাস্ত্রে বিশ্বাস বিনষ্ট হয়, অথচ যতদূর বিদ্যার আলোচনায় প্রাকৃতিক ধর্মে বিশ্বাস জন্মে, তত দূর না যায়, তবে তাহার পক্ষে ধর্মের কোন মূল থাকে না । লোকনিন্দা ভয়ই তাহাদিগের একমাত্র ধর্মবন্ধন হইয়া উঠে । সে বন্ধন অতি দুর্বল । আধুনিক অল্পশিক্ষিত যুবক যুবতীগণ, কিয়দংশে এই অবস্থাপন্ন ; এজন্য ধর্মাংশে তাহারা প্রাচীনাদিগের সমকক্ষ নহেন । যাহারা স্ত্রীশিক্ষায় ব্যতিব্যস্ত, তাহাদিগের আমরা জিজ্ঞাসা করি, যে আপনারা বালিকাদিগের হৃদয় হইতে প্রাচীন ধর্মবন্ধন বিযুক্ত করিতেছেন, তাহার পরিবর্তে কি সংস্থাপন করিতেছেন ?*

তিন রকম ।

নং ১

বঙ্গদর্শনে “নবীনা এবং প্রাচীনা” কে লিখিল ? যিনি লিখুন, তিনি মনে করিয়াছেন, অবলা স্ত্রীজাতি কিছু কথা

* “নবীনা এবং প্রাচীনা ।” এই প্রবন্ধ বঙ্গদর্শনে প্রকাশিত হইলে পর, স্ত্রীলোকের পক্ষ হইতে যে উত্তর আছে, তাহা নিম্নলিখিত কৃত্রিম পত্র তিন খানিতে লিখিত হইয়াছিল ।

কহিবে না, অতএব যাহা ইচ্ছা তাহা লিখি। জানেন না যে সম্ভার্জনী স্ত্রীলোকেরই আয়ুধ।

ঃ ভাল, নবীন মহাশয়, আপনারা নবীন প্রাচীনার গুণ দোষের তুলনা করিয়াছেন, নবীন ও প্রাচীনে কি তুলনা হয় না? তুলনা করিলে দোষের ভাগ কোন্ দিকে ভারি হইবে?

প্রাচীনের অপেক্ষা নবীনের গুণের মধ্যে দেখি, তোমরা একটু ইংরেজি শিখিয়াছ? কিন্তু ইংবেজি শিখিয়া কাহার কি উপকার করিয়াছ? ইংরেজি শিখিয়া কেরণীগিরি শিখিয়াছ দেখিতে পাই। কিন্তু মনুষ্যত্ব? শুন, প্রাচীনে নবীনে প্রভেদ কি, বলি। প্রাচীনেরা পরোপকারী ছিলেন; তোমরা আত্মোপকারী। প্রাচীনেরা সত্যবাদী ছিলেন; তোমরা কেবল প্রিয়বাদী। প্রাচীনেরা ভক্তি করিতেন, পিতা মাতাকে; নবীনের ভক্তি করা পত্নী বা উপপত্নীকে। প্রাচীনেরা দেবতা ব্রাহ্মণের পূজা করিতেন; তোমাদের দেবতা টেস ফিরিঙ্গী, তোমাদের ব্রাহ্মণ সোণার বেনে। সত্য বটে, তাঁহারা পৌত্তলিক ছিলেন; কিন্তু তোমরা বোতলিক। জগদীশ্বরের স্থানে, তোমরা অনেকেই ধাত্তেশ্বরকে স্থাপনা করিয়াছ। ব্রহ্মা বিষ্ণু মহেশ্বরের স্থানে ব্রাণ্ডি, রম, জিন। বিয়ব, সেরি, তোমাদের ষষ্ঠী মনসার মধ্যে। বঙ্গীয় বাবুর ভ্রাতৃশ্বেহ, সম্বন্ধীর উপর বর্ত্তিয়াছে, অপত্যশ্বেহ ঘোড়া কুকুরের উপর বর্ত্তিয়াছে; পিতৃভক্তি আপিসের সাহেবের উপর বর্ত্তিয়াছে, আর মাতৃভক্তি? পাচিকার উপরে। আমরা অতিথি অভ্যাগত দেখিলে মহা বিপদ মনে করি বটে, তোমরা তাহাদিগকে গলা ধাক্কা দাও। আমরা অলস; তোমরা শুধু অলস নও—তোমরা বাবু! তবে

ইংরেজ বাহাদুর, নাকে দড়ি দিয়া তোমাদের ঘানিগাছে ঘুরায়,
বল নাই বলিয়া ঘোর। আর আমরাও নাকে দড়ি দিয়া ঘুরাই,
বুদ্ধি নাই বলিয়া ঘোর। আমরা লেখা পড়া শিখি নাই বলিয়া
আমাদের ধর্মের বন্ধন নাই, আর তোমাদের? তোমাদের
ধর্মের বন্ধন বড় দৃঢ়, কেন না তোমাদের সে বন্ধনের দড়ী এক-
দিকে শুঁড়ী, আর একদিকে বারস্তা টানিয়া আঁটিয়া দিতেছে ;
তোমরা ধর্ম দড়ীতে মদের কলসী গলার বাধিয়া, প্রেমসাগরে
স্নান দিতেছ—গরিব “নবীনা” খুনের দায়ে ধরা পড়িতেছে।
তোমাদের আবার ধর্মের ভয় কি? তোমরা কি মান? ঠাকুর
দেবতা? যিশুখৃষ্ট? ধর্ম মান? পাপ পুণ্য মান? কিছু না—
কেবল আমাদের এই আলতা পরা মলবেড়া শ্রীচরণ মান ;
সেও নাথির জালায়।

শ্রীচণ্ডিকামুন্দরী দেবী।

নং ২

সম্পাদক মহাশয়! আপনাদের শ্রীচরণে এ কিস্করীকুল
কোন দোষে দোষী? আমরা কি জানি?—আপনারা
শিখাইবেন, আমরা শিখিব—আপনারা গুরু, আমরা শিষ্য,—
কিন্তু শিক্ষাদান এক, নিন্দা আর। বঙ্গদর্শনে “নবীনার”
প্রতি এত কটুক্তি কেন?

আমাদের সহস্র দোষ আছে স্বীকার করি। একে স্বীকার
তাতে বাঙ্গালীর মেয়ে; জাতিতে কাঠমল্লিকা, তাহাতে মরু-
ভূমে জন্মিয়াছি—দোষ না থাকিবে কেন? তবে কতকগুলি
দোষ আপনাদেরই গুণে জন্মিয়াছে। আপনাদের গুণে,

দোষে নহে । আপনারা আমাদের এত ভাল না বাসিলে, আমাদের এত দোষ ঘটিল না । আপনারা আমাদের সুখী করিয়াছেন, এজন্য আমরা অলস । মাথার ফুলটি খসিয়া পড়িলে, আপনারা তুলিয়া পরান । আপনারা জল হইয়া যে নলিনী হৃদয়ে ধারণ করেন, সে কেন স্বচ্ছ সলিলে আপনার রূপের ছায়া দেখিয়া দিন না কাটাইবে ?

আমরা অতিথি অভ্যাগতের প্রতি অমনোযোগী—তাহার কারণ আমরা স্বামী পুত্রের প্রতি অধিক মনোযোগী । আমাদের ক্ষুদ্র হৃদয়ে আপনারা এত স্থান গ্রহণ করিয়াছেন, যে অল্প ধর্মের আর স্থান নাই ।

আর শেষ কথা, আমরা কি ধর্মভীতা নহি ? ছি ? ধর্মভীতা বলিয়াই, আপনাদিগকে আর কিছু বলিতে পারিলাম না । তোমরাই আমাদের ধর্ম । তোমাদের ভয়ে ভীতা বলিয়া, অল্প ধর্মের ভয় করি না । সকল ধর্ম কর্ম আমরা স্বামী পুত্রে সমর্পণ করিয়াছি—অল্প ধর্ম জানি না । লেখা পড়া শিখাইয়া আমাদের কোন ধর্ম বাঁধিবেন ? যত শিখান না কেন—আমরা বাঙ্গালির মেয়ে, সকল বন্ধন ছিঁড়িয়া এই পাতিব্রতা বন্ধনে আপন আপন বাঁধা পড়িব । যদি ইহাতে অধর্ম হয়, সে আপনাদের দোষ, আপনাদেরই গুণ । আর, যদি আমার গায় মুখরা বালিকার কথান বাগ না করেন, তবে জিজ্ঞাসা করি, আপনারা গুরু, আমরা শিষ্য—আপনারা আমাদের কোন ধর্ম শিখাইয়া থাকেন ?

লেখা পড়া শিখিব ? কেন ? তোমাদের মুখচক্র দেখিয়া যে সুখ, লেখা পড়ায় কি তত ? তোমাদের সুখসাঁধনে যে

ধর্মশিখা, লেখা পড়ায় কি তত ? দেখ, তোমাদের দেখিয়া আমরা আত্মবিসর্জন শিখিয়াছি, লেখা পড়ায় কি তাহা শিখাইবে ? আর লেখা পড়া শিখিব কখন ? তোমাদের মুখ ভাবিতে ভাবিতে দিন যায়, ছাই লেখা পড়া শিখিব কখন ?

ছি ! দাসীদিগের নিন্দা !

শ্রীলক্ষ্মীমণি দেবী।

৩নং

ভাল, কোন্ রসিকচূড়ামণি “নবীনা এবং প্রবীণা” লিখিলেন ?

লেখক মহাশয় ! তুমি যা বলিয়াছ, সব সত্য—একটী মিথ্যা নহে। আমরা অলস বটে,—কিন্তু আমরা অলস না হইয়া, কাজ করিয়া বেড়াইলে, তোমাদের দশা কি হইত ? এ বিজলি তোমাদের হৃদয়াকাশে স্থিৰ না থাকিলে, কাহার প্রতি চাহিয়া এ দীর্ঘ চঃখদারিদ্র্যময় জীবন কাটাইতে ? এ সৌদামিনী স্থিৰ না থাকিলে, তোমরা এ সংসারানুকালে কোথায় আলো পাইতে ? আমরা কাজ করিব ? কবিব, ক্ষতি কি, কিন্তু দেখ যেন, আমাদের তিলেক না দেখিয়া, তোমরা তৈলশূন্য প্রদীপের মত হঠাৎ নিবিয়া বসিও না ; জলশূন্য মাছের মত বার বার পুচ্ছ আছড়াইতে থাকিও না ; আর রাখালশূন্য বাছুরের মত হাঙ্গারবে তোমাদের গৃহগোহাল পরিপূর্ণ করিও না। আমরা কাজ করিতে

যাইব, কিন্তু তোমরা এ চল চল চঞ্চল রূপতরঙ্গ যে দেখিতে পাইবে না! এ কলকণ্ঠধ্বনি ক্ষণেক না শুনিলে যে গীতিমুগ্ধ হরিণের স্থায় সংস্কারণে শব্দান্বেষণ করিয়া বেড়াইবে!—কপাল খানা! আবার বলেন কি না কাজ করে না!

আমরা অতিথি অভ্যাগতকে খাইতে দিই না;—দিব কি তোমরা যে ঘরে কিছু রাখ না। ইংরেজের আপিসের কি গুণ বলিতে পারি না—যাইবার সময় যাও যেন নন্দহুলাল—ফিরে এস যেন কুঙ্কর্ণ! নিজের নিজের উদর—এর একটি আধমণি বস্তা—আমরা যেই হিন্দুর মেয়ে, তাই তাহাতে কোন মতে ত্রিশ সের ঠাসিয়া দিই—তাহার উপর আবার অতিথি অভ্যাগত!

ধর্মের বন্ধনে বাঁধিবেন? ক্ষতি নাই, কিন্তু যে একাদশী নিরামিষের বাঁধনে বাঁধিয়া রাখিয়াছেন, তার উপর এ বন্ধনে আর কাজ কি? আপনারা একাদশীর ভার নিন, আমরা লেখা পড়া শিখিয়া,—ধর্মের বন্ধন অঁটো করিয়া বাঁধিতে রাজি আছি। আমাদের মনে বড় সাধ, একবার আপনাদিগের সঙ্গে অবস্থার বিনিময় করি। গালিগালাজ দিবার আগে, একবার কত সুখ ছুঃখ বুঝিয়া লউন। আমরা মরিলে আপনারা, একাদশী করিবেন, নিরামিষ খাইবেন ঠেঁটি পরিবেন; আপনারা স্বর্গারোহণ করিলে, আমরা, “দ্বিতীয় সংসার” কারব—জীযন্তে আপনারা স্ত্রীমুসব করিবেন, রক্তনশালার তত্ত্বাবধারণ করিবেন.—রাড়ীতে বিবাহ উপস্থিত হইলে, গোঁপের উপর ঘোমটা টানিয়া বরণডাল মাথায় করিয়া, স্ত্রী আচার করিবেন, বাসুর ঘরে রসের ভাসি হাসিয়া বাসর জাগিবেন, সুখের সীমা থাকিবে

না ।—আমরা যৌবনে বহু হাত করিয়া কালেজে যাইব—
বয়সকালে, কিরিন্দী খোঁপার উপর, পাগরী তেড়া করিয়া
বাধিয়া আপিসে যাইব—টোনহলে নথ নাড়িয়া স্পীচ করিয়, —
চসমার ভিতর হইতে এই চোখের বিলোল কটাক্ষে সৃষ্টি স্থিতি
শ্রলয় করিব—সাধের ধর্মের দড়ি গলার বাধিয়া সংসার
গোহালে খোল বিচালি খাইব ।—কতি কি ! তোমরা বিনিময়
করিবে ? কিন্তু একটা কথা সাবধান করিয়া দিই—তোমরা
যখন মানে বসিবে—আমরা যখন মান ভাঙ্গিতে বসিব—মু-
খানি কাঁদে কাঁদে করিয়া, কর্ণভূবা একটু ঈষৎ রসের দোলনে
দোলাইয়া, এই সন্দের সরোজনরনে একবার ঢেঁবা চুঁহনি
চাহিয়া, যখন গহনা পরা হাতখানি, তোমাদের পায়ে দিব—
তখন ? তখন কি তোমরা, আমাদের মত মানের মান রাখিতে
পারিবে ?

বড়াই ছাড়িয়া তাই কর ; তোমরা অন্তঃপুরে এস—আমরা
আপিসে বাই । যাহারা সাতশত বৎসর পরের জুতা মাথায়
বহিতেছে তাহারা আবার পুরুদ ! বলিতে লজ্জা করে না ?

শ্রীরসময়ী দাসী ।



